



~~২০০৮~~

~~২-২২৭~~

৭  
২০০

২০০৮ (২০০৮) গ্রন্থ

SAHITYA SARA  
OR  
TYPICAL SELECTIONS  
FROM  
BENGALI PROSE

FROM THE EARLIEST TIMES TO THE PRESENT  
WITH A SHORT HISTORY OF THE BENGALI LANGUAGE  
AND LITERATURE.

For the use of  
Normal, Vernacular and English Schools

COMPILED BY  
NRISINHA CHANDRA MUKHERJI M. A.  
*Third Edition.*

সাহিত্যসার ।

অর্থাৎ

বাঙ্গালা গদ্যসংগ্রহ ।

( বাঙ্গালা ভাষার সংক্ষিপ্ত ইতিহাস সমেত )

নন্দাল বণাকুলর ও হংরাজী স্কুলের জন্য

শ্রী নৃসিংহচন্দ্র মুখোপাধ্যায়, এম, এ, বি, এল,

সংগৃহীত ।

তৃতীয় সংস্করণ ।

CALCUTTA.

Printed and Published by B.L. Chakravarti.

The New School-Book Press.

1882.



9:000  
Acc 2002  
02/2/05

# বিজ্ঞাপন।

সাহিত্যসার প্রকাশিত হইল। ইহাতে বাঙ্গালা গদ্যের প্রারম্ভাবধি অধুনাতন কাল পর্য্যন্ত যাবতীয় প্রকার রচনাপ্রণালীর উদাহরণ প্রদত্ত হইয়াছে। কিঞ্চিদধিক এক শত বৎসর অতীত হইল, বাঙ্গালা গদ্যের লিখিত প্রচার আরম্ভ হইয়াছে। ইহার কতদিন পূর্বে বাঙ্গালা গদ্যের প্রথম সমৃদ্ধব হয়, তাহার স্থির নিশ্চয় নাই। তবে যতদূর অনুমান করিতে পারা যায়, তাহাতে এতমাত্র প্রতীয়মান হয় যে, বাঙ্গালা ভাষার সৃষ্টি অবাধ ইহার গদ্যের ও সমৃদ্ধব হয়। কিন্তু ইহার লিখিত প্রচার কিঞ্চিং নূন একশত বৎসর হইল আরম্ভ হইয়াছে। সুতরাং ইহাতে এক শত বৎসরের অপেক্ষা কিঞ্চিং নূন সময়ের ভিন্ন ভিন্ন রচনা-প্রণালীর উদাহরণ প্রদত্ত হইয়াছে। এই গদ্যসমূহের মধ্যে যে গুলি সহজ সুন্দর ও বালক বালিকাদিগের পাঠোপযোগী বোধ হইয়াছে, সেই গুলিই উদ্ধৃত করিয়াছি। বাঙ্গালা ভাষায় একরূপ সংগ্রহ-গ্রন্থ অধিক নাই। যে দুই এক খানি আছে, তাহাতে রীতিমত প্রথম হইতে আরম্ভ করিয়া অধুনাতন কাল পর্য্যন্ত নানাবিধ রচনার উদাহরণ নাই। কিন্তু একরূপ না হইলে সংগ্রহ গ্রন্থ প্রণয়ন করিবার উদ্দেশ্য সিদ্ধ হইল বলিতে পারা যায় না। একাধারে সকল প্রকার রচনার উদাহরণ প্রদত্ত না হইলে স্বতন্ত্র স্বতন্ত্র গ্রন্থ পাঠ করাই বিধেয়। আমি এই উদ্দেশ্যসাধনের উদ্দেশে যথাসাধ্য পরিশ্রম করিয়াছি, কিন্তু কত দূর কৃতকার্য হইয়াছি বলিতে পারি না। বাঙ্গালা ভাষা ও সাহিত্যের বিবয়

বিশেষ রূপে অবগত করাইবার অভিপ্রায়ে ইহার উপক্রমণিকা-  
বিভাগে এই বিষয়ের পুরাবৃত্তঘটিত একটি সংক্ষিপ্ত প্রস্তাব  
রচনা করিয়া দিয়াছি। এটি পাঠ করিলে সুকুমারমতি বালক-  
বালিকারা বাঙ্গালা ভাষার পুরাবৃত্তের বিষয় এক প্রকার অবগত  
হইতে পারিবে। প্রাচীনতম রচনাগুলি অপেক্ষাকৃত কঠিন,  
অতএব শিক্ষক মহাশয়েরা ইচ্ছা করিলে ঐ গুলি শেষে পড়াইতে  
পারেন।

পরিশেষে, যে সকল মহোদয়দিগের রচনা হইতে আমি  
উদ্ধৃত করিয়াছি, তাঁহাদিগের নিকট আনন্দসহকারে কৃতজ্ঞতা  
প্রকাশ করিতেছি। তাঁহাদিগের প্রতি আমার অগণ্য  
ধন্যবাদ। ইতি

২ ই জানুয়ারি

১৮৭৫

### দ্বিতীয় বারের বিজ্ঞাপন।

সাহিত্যসার দ্বিতীয়বার প্রকাশিত হইল। এবারে ইহা  
সবিশেষ যত্ন সহকারে সংশোধন করিয়াছি। দুই একটি বিষয়  
অপেক্ষাকৃত কঠিন ও অনাবশ্যক বোধ হওয়াতে উহাদের পরি-  
বর্ত্তে কয়েকটি নূতন ও আবশ্যিক বিষয় সন্নিবেশিত হইয়াছে।  
ইতি ১ লা এপ্রেল ১৮৭৭

শ্রীমুনিংহচন্দ্র শর্মা।

৯  
৩১০

~~১১০~~

# সাহিত্যসার।

বাগবাজার ক্রী. বি. লাইব্রেরী  
ডাক সংখ্যা ১৭/২২০/২৫  
পরিগ্রহণ সংখ্যা ২০০৯  
পরিগ্রহণের তারিখ ১৭/১২/০৬

## উপক্রমণিকা।

বাঙ্গলা ভাষার সংক্ষিপ্ত ইতিহাস।

বাঙ্গলাদেশের প্রাকৃতিক সৌমাচতুষ্টয়ের অন্তর্ভুক্ত প্রদেশ-  
নকলের অধিবাসীরা যে ভাষায় কথাবার্তা কহিয়া থাকে, তাহা-  
রই নাম বাঙ্গলা ভাষা। “বঙ্গ” এই সংস্কৃত নামের অপভ্রংশে  
“বাঙ্গলা” এই শব্দটি নিম্পন্ন হইয়াছে। ইহা দ্বারা আপাততঃ  
এরূপ সংস্কার হইতে পারে, যে “বঙ্গ” এই দেশবাচক নামটি  
যতকালের, বঙ্গদেশপ্রচলিত আধুনিক ভাষাও তদ্রূপ প্রাচীন  
হইবে। কিন্তু এরূপ সংস্কার ভ্রান্তিমূলক। বঙ্গদেশ এই নামটি  
বহুকাল অবধি বিদ্যমান আছে। প্রায় দুই তিন সহস্র বৎসর  
পূর্বের রচিত গ্রন্থাদিতেও বঙ্গদেশের নামোল্লেখ দেখিতে  
পাওয়া যায়, কিন্তু বাঙ্গলা ভাষা তদনেক্ষা অনেক আধুনিক।  
কত দিন পূর্বে ও কি প্রকারে এই ভাষার উৎপত্তি হইয়াছে

তাহা নির্ণয় করিবার প্রকৃত উপায় কিছুই নাই। তবে এসম্বন্ধে যাত্রা কিছু নির্দেশ করা যায়, সমুদয়ই অনুমানমূলক। অনেকে অনুমান করেন, যে বাঙ্গলা ভাষা ও বাঙ্গলা অক্ষর উভয়ই এক সময়েই উৎপন্ন হইয়া থাকিবে। একথা যুক্তিসঙ্গত বলিয়াই প্রতীতি হয়। আমাদের অনেকানেক তন্ত্রশাস্ত্রে বাঙ্গলা বর্ণ-মালার সবিস্তর বর্ণনা আছে। কতকগুলি তন্ত্র নিতান্ত আধুনিক বটে, কিন্তু আবার কতকগুলি ৭।৮ শত বৎসর পূর্বের রচিত, এবং ঐ সকল তন্ত্রেও বাঙ্গলা অক্ষরের উল্লেখ আছে। সুতরাং বাঙ্গলা ভাষা যে অন্ততঃ ৭।৮ শত বৎসর পূর্বে উৎপন্ন হইয়াছে, তাহা এক প্রকার নিষ্কিঁবাদের নির্দেশ করা যাইতে পারে। লক্ষ্মণসেন ও বল্লালসেন প্রভৃতি গোড়ীয় রাজারা প্রায় সহস্র বৎসর পূর্বে প্রাদুর্ভূত হইয়াছিলেন। অদ্যাপি মধ্যে মধ্যে তাঁহাদিগের প্রদত্ত দান ও অনুশাসনপত্র প্রাপ্ত হওয়া যায়। তৎসমুদায় দেবনাগর ও বাঙ্গলার মধ্যবর্তী এক প্রকার অক্ষরে লিখিত। এতদ্বারা বিলক্ষণ সপ্রমাণ হইতেছে যে, উহাদের সময়ে অর্থাৎ এখন হইতে প্রায় সহস্র বৎসর পূর্বে বাঙ্গলা ভাষা ও অক্ষরের সূত্রপাত হইয়া থাকিবে।

বাঙ্গলা একটী স্বতন্ত্র ভাষা, না অন্য কোন ভাষার অপভ্রংশে বাঙ্গলা ভাষার উৎপত্তি হইয়াছে, এ বিষয়ের মীমাংসা সহজেই হইতে পারে। বাঙ্গলা একটী স্বতঃসিদ্ধ ভাষা নহে, ইহা সংস্কৃত ভাষা হইতেই উৎপন্ন হইয়াছে। ফলতঃ সংস্কৃতই মূলভাষাব্যতীত ভারতবর্ষ প্রচলিত অন্যান্য যাবতীয় ভাষারই



মূল ইহা সৰ্ব্ববাদিসম্মত । তবে বাঙ্গলা, হিন্দী, মহারাষ্ট্রী, তৈলঙ্গী, উড়িয়া প্রভৃতি আধুনিক ভাষাসকল সাক্ষাৎসম্বন্ধে সংস্কৃত হইতেই উৎপন্ন নহে । বোধ হয় সংস্কৃত ভাষা কোন কালেই আপামর সাধারণ সকলেরই কথাবার্তা কহিবার ভাষা ছিল না । পণ্ডিত ও উচ্চতর শ্রেণীস্থ লোকেরাই সংস্কৃতে কথা-বার্তা কহিতেন । স্বীলোক ও আপামর সাধারণ সকল লোকে সংস্কৃতানুযায়ী অপর একটী ভাষায় কথাবার্তা কহিত । ঐ সৰ্ব-সাধারণ ভাষার নাম প্রাকৃত ভাষা । প্রাকৃত ভাষাও সংস্কৃতেই অপভ্রংশে উৎপন্ন । প্রাকৃত ভাষাও বহুকালের প্রাচীন ভাষা । বোধ হয় সংস্কৃত ভাষা প্রচলিত হইবার পূর্বে অন্য প্রকার ভাষার প্রচার ছিল । সেই ভাষারই সংস্কার করিয়া সংস্কৃত ভাষার উৎপত্তি হয়, ও তাহার কিছুকাল পরেই সৰ্বসাধারণের ব্যবহারার্থ প্রাকৃত ভাষার সৃজন হয় । এই প্রাকৃত ভাষার সহিত বাঙ্গলা, হিন্দী, উড়িয়া প্রভৃতি তাবৎ অধুনাতন ভাষার এতদূর ঘনিষ্ঠতা লক্ষিত হয়, যে প্রাকৃত ভাষা হইতেই সাক্ষাৎ-সম্বন্ধে এই সমস্ত ভাষার উৎপত্তি ইহা নিঃসন্দেহরূপে প্রতিপন্ন হয় । বাঙ্গলার বর্ণমালাও দেবনাগরের রূপান্তরমাত্র । বাঙ্গলা-ভাষায় এরূপ কথা অনেক আছে, যাহা সংস্কৃত ও প্রাকৃত কোন ভাষা হইতেই উৎপন্ন নহে । “ধূচনি” “কুলা” প্রভৃতি বাক্য ইহার দৃষ্টান্তস্বল । ইহাদ্বারা স্পষ্টই প্রতিপন্ন হইতেছে, যে প্রাকৃত ভাষা ও তৎকাল প্রচলিত পার্বত্য আদিমনিবাসী-দিগের কোনপ্রকার ভাষা এই উভয়ের পরস্পর সংস্রবে বাঙ্গলা

তাহা নির্ণয় করিবার প্রকৃত উপায় কিছুই নাই। তবে এসম্বন্ধে যাহা কিছু নির্দেশ করা যায়, সমুদয়ই অনুমানমূলক। অনেকে অনুমান করেন, যে বাঙ্গলা ভাষা ও বাঙ্গলা অক্ষর উভয়ই এক সময়েই উৎপন্ন হইয়া থাকিবে। একথা যুক্তিসঙ্গত বলিয়াই প্রতীতি হয়। আমাদের অনেকানেক তন্ত্রশাস্ত্রে বাঙ্গলা বর্ণ-মালার সবিস্তর বর্ণনা আছে। কতকগুলি তন্ত্র নিতান্ত আধুনিক বটে, কিন্তু আবার কতকগুলি ৭।৮ শত বৎসর পূর্বের রচিত, এবং ঐ সকল তন্ত্রেও বাঙ্গলা অক্ষরের উল্লেখ আছে। সুতরাং বাঙ্গলা ভাষা যে অন্ততঃ ৭।৮ শত বৎসর পূর্বে উৎপন্ন হইয়াছে, তাহা এক প্রকার নিষ্কির্বাদে নির্দেশ করা যাইতে পারে। লক্ষ্মণসেন ও বল্লালসেন প্রভৃতি গোড়ীয় রাজারা প্রায় সহস্র বৎসর পূর্বে প্রাদুর্ভূত হইয়াছিলেন। অদ্যাপি মধ্যে মধ্যে তাঁহাদিগের প্রদত্ত দান ও অনুশাসনপত্র প্রাপ্ত হওয়া যায়। তৎসমুদায় দেবনাগর ও বাঙ্গলার মধ্যবর্তী এক প্রকার অক্ষরে লিখিত। এতদ্বারা বিলক্ষণ সপ্রমাণ হইতেছে যে, উহাদের সময়ে অর্থাৎ এখন হইতে প্রায় সহস্র বৎসর পূর্বে বাঙ্গলা ভাষা ও অক্ষরের সূত্রপাত হইয়া থাকিবে।

বাঙ্গলা একটী স্বতন্ত্র ভাষা, না অন্য কোন ভাষার অপ-ভ্রংশে বাঙ্গলা ভাষার উৎপত্তি হইয়াছে, এ বিষয়ের মীমাংসা সহজেই হইতে পারে। বাঙ্গলা একটী স্বতঃসিদ্ধ ভাষা নহে, ইহা সংস্কৃত ভাষা হইতেই উৎপন্ন হইয়াছে। ফলতঃ সংস্কৃতই বধনভাষাব্যতীত ভারতবর্ষ প্রচলিত অন্যান্য যাবতীয় ভাষারই

মূল ইহা সৰ্ব্ববাদিসম্মত । তবে বাঙ্গলা, হিন্দী, মহারাষ্ট্রী, তৈলঙ্গী, উড়িয়া প্রভৃতি আধুনিক ভাষাসকল সাক্ষাৎসম্বন্ধে সংস্কৃত হইতেই উৎপন্ন নহে । বোধ হয় সংস্কৃত ভাষা কোন কালেই আপামর সাধারণ সকলেরই কথাবার্তা কহিবার ভাষা ছিল না । পণ্ডিত ও উচ্চতর শ্রেণীস্থ লোকেরাই সংস্কৃতে কথা-বার্তা কহিতেন । স্থীলোক ও আপামর সাধারণ সকল লোকে সংস্কৃতানুযায়ী অপর একটী ভাষায় কথাবার্তা কহিত । ঐ সৰ্ব-সাধারণ ভাষার নাম প্রাকৃত ভাষা । প্রাকৃত ভাষাও সংস্কৃতেই অপভ্রংশে উৎপন্ন । প্রাকৃত ভাষাও বহুকালের প্রাচীন ভাষা । বোধ হয় সংস্কৃত ভাষা প্রচলিত হইবার পূর্বে অন্য প্রকার ভাষার প্রচার ছিল । সেই ভাষারই সংস্কার করিয়া সংস্কৃত ভাষার উৎপত্তি হয়, ও তাহার কিছুকাল পরেই সৰ্ব্বসাধারণের ব্যবহারার্থ প্রাকৃত ভাষার সৃজন হয় । এই প্রাকৃত ভাষার সহিত বাঙ্গলা, হিন্দী, উড়িয়া প্রভৃতি তাবৎ অধুনাতন ভাষার এতদূর ঘনিষ্ঠতা লক্ষিত হয়, যে প্রাকৃত ভাষা হইতেই সাক্ষাৎ-সম্বন্ধে এই সমস্ত ভাষার উৎপত্তি ইহা নিঃসন্দেহরূপে প্রতিপন্ন হয় । বাঙ্গলার বর্ণমালাও দেবনাগরের রূপান্তরমাত্র । বাঙ্গলা-ভাষায় এরূপ কথা অনেক আছে, যাহা সংস্কৃত ও প্রাকৃত কোন ভাষা হইতেই উৎপন্ন নহে । “ধূচনি” “কুলা” প্রভৃতি বাক্য ইহার দৃষ্টান্তস্বল । ইহা দ্বারা স্পষ্টই প্রতিপন্ন হইতেছে, যে প্রাকৃত ভাষা ও তৎকাল প্রচলিত পার্বত্য আশ্বিনিবাসী-দিগের কোন প্রকার ভাষা এই উভয়ের পরস্পর সংস্রবে বাঙ্গলা

ভাষার উৎপত্তি হইয়াছে। মুসলমানদিগের বাঙ্গলাদেশ অধিকার করিবার সময় বাঙ্গলাভাষার, বালাকাল। সুতরাং মুসলমানদিগের ভাষা হইতেও অনেকানেক কথা বাঙ্গলাভাষায় প্রবেশ করিয়াছে। “দপ্তর” “জমি” “আটন” প্রভৃতি বাক্য মুসলমানদিগের ভাষা হইতে গৃহীত। এক্ষণে ইংরাজশাসনের অধীনে “চেয়ার” “গেলাস” “বাক্স” প্রভৃতি অনেক ইংরাজী শব্দও ইহার অভ্যন্তরে প্রবিষ্ট হইয়া ইহার অঙ্গপ্রত্যঙ্গের পুষ্টি-সাধন করিতেছে।

অনেকে বলিয়া থাকেন, প্রাকৃত হইতে হিন্দী ও হিন্দী হইতে বাঙ্গলা ভাষার উৎপত্তি হইয়াছে। ইহা সপ্রমাণ করিবার নিমিত্ত তাঁহারা বলেন যে, বাঙ্গলা ভাষার সর্বপ্রাচীন গ্রন্থকর্তারা যেরূপ ভাষা প্রয়োগ করিতেন তাহাতে হিন্দীর ভাগ অধিকাংশ। কিন্তু ইহা দ্বারা কখনই সিদ্ধান্ত হইতে পারে না যে, বাঙ্গলা ভাষা হিন্দী হইতে উৎপন্ন হইয়াছে। যে সকল প্রাচীন গ্রন্থকার বহুলপরিমাণে হিন্দী শব্দ ব্যবহার করিয়াছেন, তাঁহাদের সমকালীন অন্যান্য গ্রন্থকর্তারা আবার হিন্দী শব্দ অতি অল্প মাত্রায় গ্রহণ করিয়াছেন। ইহা দ্বারা প্রতিপন্ন হইতেছে যে, তৎকালে রাধাকৃষ্ণলীলাবিষয়ক গ্রন্থাদি লিখিতে হইলে অধিক পরিমাণে হিন্দী শব্দ ব্যবহার করাই রীতি ছিল। কারণ এরূপ গ্রন্থ ভিন্ন অন্য কোন বিভিন্নবিষয়ক গ্রন্থেই হিন্দীর তাদৃশ প্রাচুর্য দেখা যায় না। ইহা ব্যতীত বাঙ্গলা ও হিন্দী এই উভয়ের ব্যাকরণাদিগত বিভিন্নতার বিষয় পর্যালোচনা

করিলেও আমাদেরই অনুমান যুক্তিসঙ্গত বলিয়া প্রতীয়মান  
হইবে

### বাঙ্গলা ভাষার তিনকাল বা অবস্থা ।

বাঙ্গলার উৎপত্তিকাল অবধি অধুনাতন কালপর্য্যন্ত তাবৎ  
কালকে তিনভাগে বিভক্ত করিয়া তদনুসারে ভাষার, শৈশব,  
বাল্য ও শ্রৌচ অবস্থার নির্দেশ করা যাইতে পারে । বাঙ্গলা  
ভাষার প্রথম সংঘটন হইতে চৈতন্যদেবের পূর্ব পর্য্যন্ত, অর্থাৎ  
ইংরাজী ১৪৮৫ পর্য্যন্ত আদ্যকাল । চৈতন্যের সময় হইতে  
ভারতচন্দ্র রায়ের পূর্ব অর্থাৎ ইং ১৭৫২ অব্দ পর্য্যন্ত সমুদয়কাল  
মধ্যকাল । আর ভারতচন্দ্রের সময় হইতে অদ্য পর্য্যন্ত সময়কে  
ইদানীন্তন কাল বলিয়া নির্দেশ করা যাইতে পারে । নিয়ে এই  
তিন কালের সংক্ষিপ্ত বিবরণ লিখিত হইতেছে ।

### আদিমকাল ।

আদিমকালে বাঙ্গলাভাষার কিরূপ অবস্থা ছিল বিশেষ  
জানিবার উপায় নাই । তৎকালে দুইজন গ্রন্থকারের লিখিত  
গ্রন্থ তিন্ন অন্যান্য গ্রন্থ পাওয়া যায় না । সকল ভাষায়ই নিয়ম  
এই, গদ্যরচনার পূর্বে পদ্য রচিত হইয়া থাকে । সংস্কৃত,  
লাটিন, গ্রীক প্রভৃতি তাবৎ ভাষাতেই এই নিয়ম । বাঙ্গলা-  
ভাষাও এই সাধারণ নিয়মের বহির্ভূত নহে । এক্ষণে আদ্য-

কালের যে দুই একখানি গ্রন্থ পাওয়া যায়, তৎসমুদয়ই পদ্যে রচিত । গদ্যরচনা না দেখিতে পাইলে কোন ভাষারই বিশেষ তত্ত্ব অবগত হওয়া যায় না । কারণ গদ্যরচনায় ভাষার প্রকৃতি যেরূপ বিবৃত হয়, পদ্যরচনায় তাহা হয় না । পদ্যরচনা সম্পূর্ণরূপে ভাষাবিষয়ক নিয়মসমূহের অনুসরণ করে না, বরং অনেক স্থলেই উহার ব্যতিক্রম দেখিতে পাওয়া যায় । এই জন্যই আদ্যকালের বাঙ্গলার প্রকৃতি বিশেষরূপে অবগত হইবার উপায় নাই । কারণ তৎকালীন যে কয়খানি গ্রন্থ আমাদের হস্তগত হইয়াছে, সমুদয়ই পদ্যে রচিত । কেহ কেহ অনুমান করেন যে, বাঙ্গলাভাষায় পুরুষপরীক্ষা নামে যে গ্রন্থখানি প্রচলিত আছে, উহা বাঙ্গলার আদিকবি বিদ্যাপতির রচনা । কিন্তু পুরুষপরীক্ষার ভাষা দেখিলে কখনই ওরূপ অনুমান হইতে পারে না । পরন্তু আমরা বিশেষ অনুসন্ধানপূর্বক অবগত হই-  
রাছি যে, বিদ্যাপতি সংস্কৃতভাষায় পুরুষপরীক্ষা নামে একখানি গ্রন্থ রচনা করিয়াছিলেন, এখনকার প্রচলিত বাঙ্গলা পুরুষ-  
পরীক্ষা ঐ সংস্কৃত গ্রন্থেরই অনুবাদ । বাঙ্গলা পুরুষপরীক্ষা ফোর্ট উইলিয়ম কলেজের অধ্যক্ষগণের নিয়োগানুসারে হর-  
প্রসাদ রায় নামক কোন ব্যক্তিকর্তৃক প্রণীত হইয়া ১৮১৫ খৃষ্টাব্দে প্রচারিত হয় ।\* এতাবতী সপ্রমাণ হইতেছে যে, আদি-  
মকালে বাঙ্গলাগদ্যে বোধ হয় কোন গ্রন্থই রচিত হয় নাই ।  
তৎকালের লোকে বাঙ্গলা গদ্যে কথাবার্তা কহিত এই মাত্র ।

\* কলিকাতা রিভিউ ১৩ ভলম, ১৮৯ পৃষ্ঠা ।

আদিমকালের রচনার মধ্যে বিদ্যাপতি ঠাকুর ও চণ্ডীদাস এই উভয়ের প্রণীত কতকগুলি পদাবলী অদ্যাপি বিদ্যমান আছে । বিদ্যাপতি ও চণ্ডীদাস প্রায় এক সময়েই প্রোদ্ভূত হইয়াছিলেন । বাঁকুড়া বীরভূম প্রভৃতি অঞ্চলের মধ্যে কোন স্থানে ইহাদের জন্ম হয় । চৈতন্যদেবের প্রায় এক শত বৎসর পূর্বে ইহারা বর্তমান ছিলেন ।

আদিমকালের ভাষা কিরূপ ছিল তাহা অনুমান করা সহজ নহে, ইহা পূর্বেই কথিত হইয়াছে । তবে বিদ্যাপতি ও চণ্ডীদাসের রচনাদৃষ্টে এই পর্য্যন্ত বোধ হয় যে, তৎকালীন বাঙ্গলা অধুনাতন বাঙ্গলা হইতে অনেকাংশে বিভিন্ন ছিল । তৎকালে এখন অপেক্ষা অনেক অধিক পরিমাণে হিন্দীশব্দ ভাষার অন্তর্ভূত ছিল । সে সময়ে বাঙ্গলার ব্যাকরণ না থাকাতে রচনার পরিপাটী ছিল না, পয়ার ও ত্রিপদী ভিন্ন অন্য কোন ছন্দই তৎকালে বর্তমান ছিল না, এ সকল মধ্য ও ইদানীন্তনকালের সৃষ্টি । ফলতঃ অধুনাতন ভাষা হইতে তদানীন্তন ভাষার যে কত প্রভেদ ছিল তাহার ইয়ত্তা করা যায় না । নিম্নে আদি-কালিক রচনার একটা উদাহরণ প্রদত্ত হইতেছে ।

“ সখি কি পুচ্ছসি অনুভব মোর ।

সোই পিরীতি অনুরাগ বাখানিতে তিলে তিলে নূতন

হোয় ॥

জনম অবধি হাম রূপ নেহারিনু নয়ন না তিরুপিত

ভেল ।

সোই মধুর বোল শ্রবণছি ওনলু শ্রুতিপথে পরশ না

গেল ॥

কত মধুযামিনী রভসে গোঁয়ায়লু না বুকিলু কৈছন

কেল ।

লাখ লাখ যুগ হিয়ে হিয়ে রাখিলু তবু হিয়া জুড়ন না

গেল ॥

যত যত রসিক জন রসে অনুগমন অনুভব কাছনা

পেখ ।

বিদ্যাপতি কহে শ্রাণ জুড়াইতে লাখে না মিলিল এক ॥”

### মধ্যকাল ।

চৈতন্যদেবের জন্ম হইতে আরম্ভ করিয়া ভারতচন্দ্র রায়ের পূর্ব পর্য্যন্ত তাৎকাল মধ্যকাল বলিয়া পরিগণিত । চৈতন্যদেব ১৪৮৫ খৃঃ অকে প্রাদুর্ভূত হইয়া ১৫৩৩ অকে লোকান্তর গমন করেন । নবদ্বীপ চৈতন্যদেবের জন্মস্থান । চৈতন্যদেব বৈষ্ণবধর্মের প্রবর্ত্তয়িতা । ইনি সংসারবিরাগী হইয়া সন্ন্যাসাশ্রম গ্রহণপূর্বক দেশে দেশে বৈষ্ণবধর্মের প্রচার করিয়া জীবন অতিবাহিত করেন । চৈতন্যদেব জাতিভেদ স্বীকার করিতেন না । ইঁহার মৃত্যুর পর ইঁহার শিষ্যগণ বৈষ্ণবধর্মের প্রচার করেন । ইঁারা চৈতন্য প্রভুর জীবনবৃত্ত অবলম্বনপূর্বক বাঙ্গলাভাষায় অনেকানেক গ্রন্থ প্রণয়ন করেন । ফলতঃ চৈতন্যদেবের শিষ্য ও অনুশিষ্যদিগের নিকট বাঙ্গলাভাষা



অনেকাংশে ঋণী, এমন কি, অনেকে এই সময়কেই বাঙ্গলা-ভাষার প্রকৃত আদিকাল অর্থাৎ উৎপত্তির কাল বলিয়া নির্দেশ করিয়াছেন। উল্লিখিত বৈষ্ণবসম্প্রদায়ের মধ্যে তিন জন প্রধান গ্রন্থকার ছিলেন। জীষগোস্বামিপ্রণীত কড়চা, বৃন্দা-বনদাস বিরচিত চৈতন্যভাগবত ও কৃষ্ণদাস কবিরাজবিরচিত চৈতন্যচরিতামৃত এই তিন খানিই অদ্যাপি বৈষ্ণবতন্ত্রের পরমা-রাধা গ্রন্থ। চৈতন্যের মৃত্যুর সময় হইতে আরম্ভ করিয়া অনু-মান ইং ১৫৭৩ অব্দের মধ্যে উক্ত গ্রন্থসকল রচিত হয়। উল্লি-খিত ও অন্যান্য তাবৎ বৈষ্ণব গ্রন্থই চৈতন্যদেবের জীবন-বৃত্তাদিবর্ণনায় পরিপূর্ণ। ইহাদিগের ভাষা যদিও তাদৃশ সুন্দর ও মনোহর নহে, কিন্তু ইহাদিগের নিকট বাঙ্গলাভাষা অনে-কাংশে ঋণী। অনেকে উক্ত গ্রন্থাদির প্রাদুর্ভাবের কালকেই বাঙ্গলাভাষার উৎপত্তির প্রকৃত কাল বলিয়া নির্দেশ করেন। মধ্যকালে আর আর যে সমস্ত গ্রন্থ রচিত হয়, তন্মধ্যে কৃষ্ণি-বাসের রামায়ণ, কবিকঙ্কণ চণ্ডী, কাশীরামদাসের মহাভারত, রামপ্রসাদ সেনের বিদ্যাসুন্দর, কালীকীর্তন প্রভৃতি কয়েকখানি গ্রন্থই সর্বাপেক্ষা প্রধান। কৃষ্ণিবাস ফুলিয়ানামক গ্রামে ব্রাহ্মণকুলে জন্মগ্রহণ করিয়াছিলেন। ইনি আনুমানিক ১৫৭৭ খৃঃ অব্দে রামায়ণ রচনা করেন। রামায়ণের ভাষা নিতান্ত প্রাজ্ঞল ও হৃদয়গ্রাহিণী। হুর্ভাগাক্রমে এক্ষণে বিস্তৃত রামায়ণ গ্রন্থ পাওয়া যায় না। মুদ্রাকর ও প্রকাশকদিগের দোষে উহা এক্ষণে প্রকৃত অবস্থায় নাই। যিনি যেরূপ ইচ্ছা করিয়াছেন

পরিবর্তিত করিয়া দিয়াছেন। কৃত্তিবাসের পর চণ্ডীরচয়িতা মুকুন্দরাম চক্রবর্তী প্রাদুর্ভূত হইলেন। কৃত্তিবাসের ন্যায় ইহাঁরও সময়নিক্রমণ করা সহজ ব্যাপার নহে। ইহাঁর গ্রন্থপাঠে এই মাত্র অবগত হওয়া যায় যে, ইনি বাঁকুড়া বা মেদিনীপুর জেলার অধিবাসী রঘুনাথ রায় নামক কোন রাজোপাধিক ভূস্বামীর সভাপণ্ডিত ছিলেন। এই রঘুনাথ রায়ের সময় অনুসারে বোধ হয় কবিকল্পণ খৃঃ ১৫৭৩ অব্দ হইতে আরম্ভ করিয়া ১৬০৩ অব্দ পর্য্যন্ত এই সময়ের মধ্যে প্রাদুর্ভূত হন। চণ্ডীর ভাষা ভাবপূর্ণ ও স্তম্ভুর হইলেও কৃত্তিবাসের রচনার ন্যায় প্রাজল ও সুখবোধ্য নহে। ইহাঁর অনেক স্থানে অনেক দুর্লভ সংস্কৃত শব্দ ও বাঙ্গলা অপভ্রংশ শব্দের ব্যবহার দেখিতে পাওয়া যায়। সে যাহা হউক, কবিকল্পণ চণ্ডী যে বাঙ্গলাভাষার একখানি প্রধান প্রাচীন গ্রন্থ তাহাতে আর সন্দেহ নাই। ইহা পাঠ করিলে তদানীন্তন কালের রীতি নীতি আচার ব্যবহারের বিষয় অনেক জানিতে পারা যায়। চণ্ডীরচনার কিছুকাল পরেই ক্ষেমানন্দনামক কোন কবি মনসার ভাষান নামক গ্রন্থ রচনা করেন। এই গ্রন্থ অদ্যাপি সাদরে পঠিত হইয়া থাকে। ক্ষেমানন্দের পরেই কাশীরাম দাস মহাভারত রচনা করেন। ইনি বর্তমান জেলার অন্তর্গত ইন্দ্রাণীনামক পরগণায় কায়স্থ-বংশে জন্মগ্রহণ করেন। ইহাঁদের পূর্ববর্তী কৃত্তিবাস প্রভৃতির ন্যায় ইহাঁরও প্রকৃত সময় নিক্রমণ করিবার কিছুমাত্র উপায় নাই। অনুসন্ধান করিয়া বর্তদূর জানিতে পারা যায়, তাহাতে

বোধ হয় ইনি এখন হঠতে প্রায় ২০০ বৎসর পূর্বে প্রাদুর্ভূত হইয়াছিলেন। কাশীরাম একজন প্রকৃত কবি ছিলেন, তিনি আপন প্রেমে তাঁহার কবিত্বের বিলক্ষণ পরিচয় দিয়াছেন। মহাভারতের ভাষা রামায়ণ ও চণ্ডীর ভাষা অপেক্ষা অনেকাংশে মার্জিত। ইহা দ্বারা স্পষ্টই বোধ হয়, কাশীরামের সময় হঠতে বাঙ্গলা ভাষার অপেক্ষাকৃত অধিক অনুশীলন আরম্ভ হয়। কাশীরামের প্রায় ৮০ বৎসর পরে রামেশ্বর ভট্টাচার্য্য নামক এক জন রাঢ়ীয় ব্রাহ্মণ শিবসঙ্কীর্্তন নামক শিবলীলাবিষয়ক এক গ্রন্থ রচনা করেন, ইহার পর রামপ্রসাদ সেন প্রাদুর্ভূত হন। শিবসঙ্কীর্্তনরচয়িতা রামেশ্বর ভট্টাচার্য্য ও কবিরঞ্জন রামপ্রসাদ সেন এক সময়েরই লোক ছিলেন। তবে রামেশ্বর রামপ্রসাদ অপেক্ষা অধিকবয়স্ক ছিলেন। হালিসহর গ্রামে বৈদ্যকুলে রামপ্রসাদের জন্ম হয়। রামপ্রসাদ বাল্যকালে সংস্কৃত ও পারসী ভাষায় বিলক্ষণ ব্যুৎপন্ন হন। তিনি চিকিৎসাধ্যবসায় অবলম্বন করেন নাই। কিঞ্চিৎ বয়ঃক্রম হইবার পর কলিকাতাবাসী কোন ধনী ভবনে মুহুরিগিরি কর্মে প্রবৃত্ত হন। কিন্তু তিনি বিষয়কর্মের তাদৃশ মনোনিবেশ করিতেন না। তাঁহার মন নিরন্তর পরমার্থচিন্তাতেই ব্যাপ্ত থাকিত। দৈবক্রমে তাঁহার প্রভু তাঁহার মনের ভাব ও কবিত্বশক্তির পরিচয় পাইয়া তাঁহাকে মাসিক ৩০ টাকা বৃত্তিরূপে দান করিতে অঙ্গীকার করিয়া অনুক্ষণ অভীষ্ট পরমার্থ চিন্তায় মনোনিবেশ করিতে অনুরোধ করিলেন। ইহার পর রামপ্রসাদ গীত ও

পুস্তক রচনায় ব্যাপ্ত থাকিয়াই জীবন অতিবাহিত করেন । রাজা কৃষ্ণচন্দ্র রায় রামপ্রসাদের কবিত্বশক্তিতে বিমোহিত হইয়া তাঁহাকে কবিরঞ্জন উপাধি ও ১০০ বিঘা নিষ্কর ভূমি প্রদান করেন । রামপ্রসাদ সেনের অসাধারণ কবিত্বশক্তি ছিল । তিনি তৎপ্রণীত বিদ্যাসুন্দর, কালীকীর্তন, কৃষ্ণকীর্তন ও পদাবলী প্রভৃতি গ্রন্থে তাহার সবিশেষ পরিচয় দিয়াছেন ।

চৈতন্যদেবের সময় হইতে আরম্ভ করিয়া রামপ্রসাদ সেনের সময় পর্য্যন্ত তাবৎকাল মধ্যকাল বলিয়া পরিগণিত । আদিকাল অপেক্ষা মধ্যকালের ভাষা অনেক মার্জিত ও বিবদ । কিন্তু মধ্যকালে ও পদ্যভিন্ন গদ্যগ্রন্থ পাওয়া যায় না । সূত্রাং ভাষার প্রকৃত অবস্থা বিশেষরূপে অবগত হইবার উপায় নাট । কেহ কেহ বলিয়া থাকেন যে ত্রিপুরার রাজাবলী ও রামরাম বসুর প্রণীত প্রতাপাদিত্যচরিত এই দুই খানি গদ্যগ্রন্থ মধ্যকালেই রচিত হইয়াছিল । কিন্তু দুর্ভাগ্যবশতঃ ইহার একখানিও পাওয়া যায় না । তবে মধ্যকালে যে গদ্যগ্রন্থ লিখিবার সূত্রপাত হইয়াছিল, তাহাতে আর সন্দেহ নাট । পরে ক্রমশঃ গদ্যের প্রতি লোকের শ্রদ্ধা জন্মে ও ইদানীন্তনকালে ক্রমশঃ ইহার সমূহ উন্নতি হইতেছে । ফলে গদ্যচরনাবিষয়ে আদিকাল ও মধ্যকাল এই উভয়ের মধ্যে কোন বিশেষ বৈলক্ষণ্য লক্ষিত হয় না । এই কালে পূর্বাপেক্ষা ছন্দের অনেক উন্নতি হয় । মধ্যকালের রচনাশ্রমণী ও ভাষা কিরূপ তাহা প্রদর্শন করিবার নিমিত্ত নিম্নে কয়েকটা উদাহরণ প্রদত্ত হইতেছে ।

“এইরূপ কর্ণপুর লিখে স্থানে স্থানে ।  
 প্রভুকৃপা কৈলা বৈছে রূপসনাতনে ॥  
 মহাপ্রভুর যত বড় বড় উক্ত মাত্র ।  
 রূপসনাতন সবার কৃপাগৌরব পাত্র ॥  
 কেহ যদি দেশ ষার দেখি বৃন্দাবন ।  
 তারে প্রশ্ন করেন প্রভুর পারিষদগণ ॥”

ইত্যাদি

চৈতন্যচরিতামৃত ।

“বিলাপ করেন রাম লক্ষ্মণের আগে ।  
 ছলিতে না পারি সীতা সদা মনে আগে ।  
 কি করিব কোথা যাব অনুজ লক্ষ্মণ ।  
 কোথা গেলে সীতা পাব কর নিরূপণ ॥  
 মন বুঝিবারে বুঝি আমার জানকী ।  
 লুকাইয়া আছেন লক্ষ্মণ দেখ দেখি ॥  
 গোদাবরীনীরে আছে কমল কানন ।  
 তথা কি কমলমুখী করেন ভ্রমণ ॥  
 পদ্মালয়া পদ্মমুখী সীতারে পাইয়া ।  
 রাখিলেন বুঝি পদ্মবনে লুকাইয়া ॥”

কৃষ্ণবাস-রামায়ণ ।

“বসিরা চণ্ডীর পাশে কহে হৃষ্যকণী,  
 ভাঙ্গা কুঁড়ে ষর তালপাতের ছাউনী ।

স্তেরেত্তার খুঁটা তার আছে মধ্যধরে,  
 প্রথম বৈশাখ মাসে নিত্য ভাঙ্গে ঝড়ে ।  
 বৈশাখে বসন্ত ঋতু খরতর খরা,  
 শুক্লতল নাহি মোর করিতে পসরা ।  
 পদ পোড়ে খরতর রবির কিরণ,  
 শিরে দিতে নাহি আঁটে খুঁড়ার বসন ।  
 বৈশাখ হইল বিষ, বৈশাখ হইল বিষ,  
 মাংস নাহি খায় লোকে করে নিরামিষ !”

কবিকঙ্কণ চণ্ডী ।

“কেহ বলে ব্রাহ্মণেরে না কহ এমন,  
 সামান্য মহুয়া বুঝি না হবে এ জন ।  
 দেখি দ্বিজ মনসি জিনিয়া মুরতি,  
 পদপত্র যুগ্মনেত্র পরশরে শ্রুতি ।  
 অহুপম তনু শ্যাম নীলোৎপল আভা,  
 নখরুচি কত গুচি করিয়াছে শোভা ।”

কাশীদাস-মহাভারত ।

“গিরিবর ! আর আমি পারিনে হে প্রবোধ দিতে

উমারে ।

উমা কেঁদে করে অভিমান, নাহি করে স্তনপান, নাহি খায়

কীর ননী সরে ।

অতি অবশেষ নিশি, গগনে উদয় শশী, বলে উমা ধরে

দে উহারে ।

কাঁদিয়ে ফুললে অঁধি, মলিন ও মুখ দেখি, মায়ে উহা  
সহিতে কি পারে ॥”

রামপ্রসাদ সেনের কালীকীর্তন ।

### ইদানীন্তন কাল ।

কবিবর ভারতচন্দ্র রায় গুণাকর হইতে আরম্ভ করিয়া অধুনা তন সময় পর্য্যন্ত ইদানীন্তন কাল । এই কালেই বাঙ্গলাভাষার প্রকৃত শ্রীবৃদ্ধি আরম্ভ হইয়া উত্তরোত্তর উন্নতি হইতেছে । যদিও বাঙ্গলাভাষা ইহার অনেককাল পূর্বে অবধি কথোপকথনের ভাষা ছিল, তথাপি বাঙ্গলা গদ্যরচনার প্রতি লোকের তাদৃশ আস্থা ছিল না । সুতরাং এতদিন ভাষার উন্নতি এবং শ্রীবৃদ্ধির দ্বার উদ্বাটিত হয় নাই । কিন্তু ভারতচন্দ্রের পর হইতে ক্রমশঃ গদ্যরচনার সবিশেষ প্রাচুর্য্য হইতে আরম্ভ হয় । ক্রমে ইংরাজ মিসনরী ও দেশীয় মহাপুরুষগণের যত্নে বাঙ্গলা গদ্যে অনেকানেক পুস্তক ও পত্রিকা প্রচারিত হয় । এই সময়েই বাঙ্গলাভাষার ব্যাকরণ সর্বপ্রথম লিখিত হয় । রাজা রামমোহন রায় ও শ্রীরামপুরের মিসনরীগণ সর্বপ্রথম ব্যাকরণ রচনা করেন । কিন্তু বাঙ্গলাভাষার প্রকৃত সংস্কার অতি অল্পদিন হইয়াছে বলিতে হইবে । পণ্ডিতবর শ্রীযুক্ত জৈশ্বরচন্দ্র বিদ্যাসাগর মহাশয়ই এই সংস্কারের প্রবর্তনিতা । ইহার পূর্বে বাঙ্গলাগদ্য অতিশয় কদর্য্য অবস্থায় ছিল, ইনিই উহার প্রকৃত সংস্কার করিয়া উন্নতির পথ প্রদর্শন করিয়াছেন । এক্ষণে বাঙ্গলা-

ভাষার যে দিন দিন শ্রীবৃদ্ধি হইতেছে, তজ্জন্য বিদ্যাসাগরকে অগণ্য ধন্যবাদ দেওয়া আমাদের কর্তব্য। বিদ্যাসাগরের পরেই অক্ষয়কুমার দত্ত, রেবরেণ্ড কৃষ্ণমোহন বন্দ্যোপাধ্যায়, ভূদেব মুখোপাধ্যায়, মাইকেল মধুসূদন দত্ত, রঙ্গলাল বন্দ্যোপাধ্যায়, বঙ্কিমচন্দ্র চট্টোপাধ্যায় প্রভৃতি অনেকানেক মহাত্মা বাঙ্গলাভাষার সম্যক শ্রীবৃদ্ধিসাধন করিয়াছেন ও অদ্যাপি করিতেছেন। ফলতঃ এক্ষণে আমাদের ভাষা যেরূপ অবস্থায় উপনীত হইয়াছে, তাহাতে বোধ হয় ভবিষ্যতে ইহা একান্তরূপে উজ্জ্বল ও উন্নত হইয়া দেশবিখ্যাত হইয়া উঠিবে।

পূর্বেই উল্লিখিত হইয়াছে, ভারতচন্দ্রের সময় হইতেই ইদানীন্তন কালের আরম্ভ। কবির ভারতচন্দ্র রামপ্রসাদ সেনের সমকালেই প্রাদুর্ভূত হইয়াছিলেন। বর্ধমান জেলার অন্তঃপাতী ভূরমুট পরগণার মধ্যে পেঁড়োনাংক গ্রামে ইঁহার জন্ম হয়। ইনি ব্রাহ্মণকুলে মুখোপাধ্যায় বংশে জন্মগ্রহণ করেন। ভারত কাল্যকালে সংস্কৃত ও পারসী ভাষা অধ্যয়নপূর্বক উহাতে বিলক্ষণ পারদর্শী হইয়াছিলেন। হুগলীতে মুসীরাবুদিগের বাটীতে অবস্থানপূর্বক পারসীভাষা অধ্যয়নকালে ইনি ত্রিপদীছন্দে সত্যনারায়ণবিষয়ক একখানি ক্ষুদ্র পুস্তক রচনা করেন। এই তাঁহার সর্বপ্রথম রচনা। যৎকালে সত্যনারায়ণের পাঁচালী রচনা করেন, তখন ভারতের বয়ঃক্রম পঞ্চদশবর্ষ মাত্র হইয়াছিল। হুগলী হইতে বাটী প্রত্যাগমন করিবার পর ভারত কিছুদিন বর্ধমানে অবস্থিতি করেন। তাহার



পর ভ্রাতৃবর্গের অনুচিত ব্যবহারে উৎপীড়িত হইয়া সংসার পরিত্যাগ করিবার উদ্দেশে কটক প্রভৃতি নানা স্থানে ভ্রমণ করেন । কিছুদিন পরে তদানীন্তন ফরাসী গবর্ণমেন্টের দেওয়ান ইন্দ্রনারায়ণ চৌধুরী তাঁহার বিদ্যাবুদ্ধি ও কবিত্বশক্তিদর্শনে প্রীত হইয়া তাঁহাকে মহারাজ কৃষ্ণচন্দ্র রায়ের নিকট পাঠাইয়া দিলেন । কৃষ্ণচন্দ্র ভারতের প্রতি সান্তিশয় সজুষ্ট হইয়া তাঁহাকে মাসিক ৪০ টাকা বেতনে আপনার অন্যতম সভাসদ নিযুক্ত করিলেন, ও “গুণাকর” উপাধি প্রদান করিলেন । ভারতচন্দ্র এইরূপে কৃষ্ণনগরবাসী হইলেন । কৃষ্ণনগরে থাকিয়াই তিনি অনন্দামঙ্গল, বিদ্যাসুন্দর প্রভৃতি রচনা করেন । ১৬৭৪ শকে অনন্দামঙ্গল রচিত হয়, ও ইহার কিছুদিন পরেই রসমঞ্জরী নামক অপর একখানি গ্রন্থ রচিত হয় । আট বৎসর কাল কৃষ্ণনগরে বাস করিবার পর ৪৮ বৎসর বয়সে ১৬৮২ শককে ভারতচন্দ্রের মৃত্যু হয় । এক্ষণে বাঙ্গলাভাষা যে এতদূর মার্জিত ও পরিষ্কৃত হইয়া আসিয়াছে, ভারতচন্দ্রই তাহার মূল । ভারতের ভাষা অতি সুললিত ও মনোহর । তাঁহার কবিত্বশক্তি ও বিলক্ষণ ছিল । ভারতচন্দ্র তাঁহার অনন্দামঙ্গলে বিলক্ষণ কবিত্বশক্তির পরিচয় দিয়াছেন । ইনি নানাবিধ নূতন ছন্দ বাঙ্গলায় প্রণয়ন করিয়াছেন । নিম্নে ভারতচন্দ্রের লেখার একটা উদাহরণ দেওয়া যাইতেছে ।

“ঈশ্বরীরে পরিচয় কহেন ঈশ্বরী,  
বুঝহ ঈশ্বরী ! আমি পরিচয় করি ।

বিশেষণে সবিশেষ কহিবারে পারি,  
 জানহ স্বামীর নাম নাহি ধরে নারী ।  
 গোত্রের প্রধান পিতা মুখবংশজাত,  
 পরম কুলীন স্বামী বন্দ্যবংশ খাত ।  
 পিতামহ দিলে মোরে অন্নপূর্ণা নাম,  
 সকলের পতি তেঁই পতি মোর বাম ।”

“শিবের কপালে রয়ে,      প্রভুরে আছতি লয়ে,  
 না জানি বাড়িল কি বা গুণ ।

একের কপালে রয়ে,      আরের কপাল দহে,  
 আগুনের কপালে আগুন ।

অরে নিদারুণ প্রাণ,      কোন্ পথে পতি যান,  
 আগে যা রে পথ দেখাইয় ।

চরণ রাজীবরাজে,      মনঃশিলা পাছে বাজে,  
 ছদে ধরি লহরে বহিয়া ।”

ইত্যাদি ।

অন্নদামঙ্গলের অব্যবহিত পরেই উলাগ্রামনিবাসী হুর্গাদাস  
 মুখোপাধ্যায় গঙ্গাভক্তিতরঙ্গিনী নামে একখানি গ্রন্থ রচনা  
 করেন । উহাতে ভগীরথকর্তৃক গঙ্গার পৃথিবীতে আনয়ন  
 সবিস্তরে বর্ণিত আছে । যদিও গঙ্গাভক্তিতরঙ্গীণ্যে উৎ-  
 কৃষ্ট কবিত্বশক্তির কিছুমাত্র পরিচয় নাই, তথাপি উহা মনসার  
 ভাসান প্রভৃতির গায় সাদরে পঠিত ও গীত হইয়া থাকে ।  
 হুর্গাদাস এখন হইতে আর এক শত বৎসর পূর্বে প্রাহৃত  
 হইয়াছিলেন ।

যৎকালে গঙ্গাভক্তিতরঙ্গিণী প্রচারিত হয়, তখন ইংরাজেরা বাঙ্গলা, বিহার, ও উড়িষ্যার দেওয়ানী ভার স্বহস্তে গ্রহণ করিয়াছিলেন, সুতরাং তৎকালে তাঁহাদের বাঙ্গলাভাষা শিক্ষা করিবার বিশেষ প্রয়োজন হয়। এই শিক্ষাসূত্রে উক্ত ইংরাজ মহাপুরুষদিগের দ্বারা আমাদের ভাষার সমধিক শ্রীবৃদ্ধি হইয়া উঠে। এই সময়কেই বাঙ্গলাগদ্যরচনার আদিকাল বলিয়া নির্দেশ করিলেও করা যাইতে পারে।

১৭৭৮ খৃঃ অর্কে পণ্ডিতবর হালহেড সাহেব সর্বপ্রথম বাঙ্গলাভাষার একখানি ব্যাকরণ প্রণয়ন করেন। হালহেড ও উইলকিন্স এই দুই মহোদয়ের প্রযত্নে ঐ সময়েই শ্রীরামপুরে একটি মুদ্রণশাল সংস্থাপিত হয়। ঠহার অব্যবহিত পরেই করণ্টার সাহেব লর্ড কর্ণওয়ালিস কর্তৃক সংগৃহীত আইন সকলের বাঙ্গলা অনুবাদ করেন, ও বাঙ্গলাভাষার সর্বপ্রথম অভিধান প্রস্তুত করেন। ইহার পর কিছু দিন বিলম্বে মাসমান, কেরী প্রভৃতি মিসনরী মহোদয়গণ খৃষ্টধর্মের বহুলপ্রচার করিবার উদ্দেশে অনেকানেক বাঙ্গলা পুস্তক রচনা করেন। ১৮০০ খৃঃ অর্কে ফোর্ট উইলিয়ম কলেজ সংস্থাপিত হয়। ঐ সময় ঐ বিদ্যালয়ে ব্যবহারার্থ কয়েক জন সাহেব ও বাঙ্গালীমহোদয় কর্তৃক কয়েক খানি বাঙ্গলা পুস্তক রচিত হয়। উক্ত পুস্তকসমূহের মধ্যে পুরুষপরীক্ষা ও মৃত্যুঞ্জয় তর্কালঙ্কার প্রণীত প্রবোধচন্দ্রিকা এই দুইখানি গ্রন্থ সর্বপ্রধান। এই সকল গ্রন্থে যদিও নানাবিধ প্রয়োজনীয় বিষয় সন্নিবেশিত আছে, বথার্থ বটে, কিন্তু এইগুলির ভাষা ও রচনাপ্রণালী কোন

মতে রুচিকর নহে । প্রবোধচন্দ্রিকার রচয়িতা মৃত্যুঞ্জয় উৎকল-  
দেশীয় লোক ছিলেন, সুতরাং তাঁহার লিখিত বাঙ্গলাকে  
কিরূপে বিগুঢ় বাঙ্গলা রচনা বলা যাইতে পারে ? ১৮৩৩ খৃঃ  
অক্টোবর মাসে প্রবোধচন্দ্রিকা প্রথম মুদ্রিত হয় । এই সময়েই মাসমান  
প্রভৃতি মহোদয়দিগের চেষ্টায় বাঙ্গলাভাষায় সাময়িক পুস্তক ও  
পত্রিকা প্রচারিত হইতে আরম্ভ হয় । ১৮১৬ খৃঃ অক্টোবর  
ভট্টাচার্য্য নামক এক ব্যক্তি বেঙ্গলগেজেট নামে এক সাময়িক  
পুস্তক প্রকাশ করিতে আরম্ভ করেন । উহাতে বেতাল পঞ্চ-  
বিংশতি প্রভৃতি পুস্তকসকল চিত্রের সহিত মুদ্রিত হইত । ১৮১৮  
খৃঃ অক্টোবর মাসে সাহেব শ্রী রামপুর হইতে দিগ্‌দর্শন নামে  
একখানি মাসিক পত্রিকা প্রকাশ করেন । উহাতে সাহিত্য  
বিজ্ঞান প্রভৃতি নানাবিষয়ের সমাবেশ থাকিত । কিন্তু দিগ্-  
দর্শন প্রথম খণ্ডের পর আর প্রকাশিত হয় নাই । ঐ বৎসরেই  
মাসমান সাহেব সমাচারদর্পণ নামে একখানি সাপ্তাহিক সংবাদ  
পত্র প্রচার করেন । এত পত্র ১৮৪১ খৃঃ অক্টোবর পর্য্যন্ত জীবিত  
ছিল । ১৮২২ খৃঃ অক্টোবর সুপ্রসিদ্ধ ভবানীচরণ বন্দ্যোপাধ্যায়  
সমাচার চন্দ্রিকা প্রচার করিতে আরম্ভ করেন । ১৮৩০ খৃঃ অক্টোবর  
ঈশ্বরচন্দ্র গুপ্ত কর্তৃক সংবাদ প্রভাকর প্রচারিত হয় । ১৮৩২  
অক্টোবর মাসে গৌরীশঙ্কর ভট্টাচার্য্য সংবাদ ভাস্কর প্রচার করেন । এই  
কর খানি পত্র অদ্যাপি বর্তমান আছে, কিন্তু কোম খানিরই  
সে রূপ প্রভা নাই ।

১৮২৮ হইতে ১৮৩৩ এই কর বৎসরের মধ্যে রাম বসু, হরু-

ঠাকুর, রামনিধি গুপ্ত প্রভৃতি অনেক মহাত্মা নানাবিধ গান রচনা করেন। এই সকল গীতাদি দ্বারা অনেকাংশে বঙ্গভাষার পুষ্টিসাধন হয়, সুতরাং বাঙ্গলাভাষা ইহাদের নিকটও যথেষ্ট পরিমাণে ধনী। উপরি উল্লিখিত মাসমান প্রভৃতি ইংরাজ মহাপুরুষদিগের সমকালেই মহাত্মা রামমোহন রায় প্রাদুর্ভূত হইলেন। তিনি বাঙ্গলাদেশের শ্রীবৃদ্ধিসাধনের উদ্দেশ্যে এত কার্য্য করিয়া গিয়াছেন, যে তাঁহার নাম আমাদের দেশের আবালবৃদ্ধবনিতা সকলেই সাদরে স্মরণ করিয়া থাকে। ইনি ইং ১৭৭৪ অব্দে জন্মগ্রহণ করিয়া ১৮৩৩ অব্দে মানবলীলা সম্বরণ করেন। এই কালের মধ্যে রামমোহন রায় ব্রাহ্মধর্ম্মস্থাপন, সহস্ররূপনিবারণ প্রভৃতি নানাবিধ কল্যাণকর কার্য্য করিয়া আপনাকে চিরস্মরণীয় করিয়া গিয়াছেন। ইহার রচিত প্রায় তাবৎ গ্রন্থই ধর্ম্মঘটিত। অন্যান্যবিষয়ক গ্রন্থের মধ্যে ইহার রচিত একখানি বাঙ্গলা ব্যাকরণ দেখিতে পাওয়া যায়।

রামমোহন রায়ের পর ঈশ্বরচন্দ্র গুপ্তের নাম উল্লেখ করা কর্তব্য। ১৮০২ খৃঃ অব্দে কাঁচড়াপাড়া গ্রামে বৈদ্যকুলে ঈশ্বরচন্দ্র গুপ্তের জন্ম হয়। বাল্যাবস্থা হইতেই ঈশ্বরচন্দ্র কবিতা রচনা করিতে আরম্ভ করেন। কবিতারচনাবিষয়ে তাঁহার কিছু স্নতঃসিদ্ধ ক্ষমতা ছিল বলিয়া বোধ হয়, কারণ তিনি বাল্যকালে রীতিমত লেখাপড়া শিখিয়া কৃতবিদ্যা ও মার্জিতবুদ্ধি হইতে পারেন নাই, তথাপি কবিতারচনাবিষয়ে তাঁহার অদ্ভুত শক্তি ছিল। ইং ১৮৩০ অব্দে তিনি সংবাদ প্রচারক নামে এক

প্রঃ ৬২০  
A.C. 22023  
০২/৭/০৬



খানি দৈনিক সংবাদপত্র প্রকাশ করেন। উহাতে গদ্য ও পদ্য উভয়ই লিখিত হইত। প্রভাকরেই ঈশ্বরচন্দ্রের কবিত্বশক্তির প্রকাশ হয়। ইনি প্রভাকর ভিন্ন প্রবোধপ্রভাকর, হিতপ্রভাকর, বোধেন্দুবিকাশ প্রভৃতি অন্যান্য কয়েক খানি গ্রন্থ রচনা করিয়া গিয়াছেন। ইং ১৮৫৮ অব্দে ৪৯ বৎসর বয়ঃক্রমের সময় ঈশ্বরচন্দ্রের মৃত্যু হয়। ঈশ্বরচন্দ্রের রচনাপ্রণালী নিতান্ত প্রাঞ্জল ও বিষদ। তিনি অনেকানেক নীতিগর্ভ বিষয় রচনা করিয়া বাঙ্গলাভাষার ভূয়সী উন্নতি করিয়া গিয়াছেন।

ঈশ্বরচন্দ্র গুপ্তের সময়েই সুপ্রসিদ্ধ মদনমোহন তর্কালঙ্কার প্রাদুর্ভূত হইলেন। ইংরাজী ১৮১৫ অব্দে নদিয়া জেলার অন্তঃপাতী বিলুগ্রামে ইহার জন্ম হয়। ইনি কলিকাতা সংস্কৃত কালেজে প্রবিষ্ট হইয়া ১৮৪২ খৃঃ অব্দ পর্য্যন্ত তথায় অবস্থান পূর্বক ব্যাকরণ, সাহিত্য, অলঙ্কার, দর্শন, স্মৃতি প্রভৃতি নানাশাস্ত্র অধ্যয়ন করিয়া সম্যক্ বাৎপত্তিলাভ করেন। মদনমোহন শ্রীযুক্ত ঈশ্বরচন্দ্র বিদ্যাসাগর মহাশয়ের সহাধ্যায়ী। পঠদশাতেই ইনি বাসবদত্তা নামক বাঙ্গলা কাব্যগ্রন্থের রচনা করিয়া স্বীয় কবিত্বের পরিচয় প্রদান করেন। ১৮৪৭ খৃঃ অব্দে মদনমোহন সংস্কৃত কালেজে সাহিত্যাধ্যাপকের পদে প্রতিষ্ঠিত হন। সুপ্রসিদ্ধ বেথুন সাহেব যৎকালে কলিকাতার বালিকাবিদ্যালয় স্থাপন করেন, তখন মদনমোহনই তাঁহাকে বিশেষ সাহায্য করিয়াছিলেন। এই সময় মদন নানাবিধ প্রমাণ প্রয়োগপূর্বক স্ত্রীশিক্ষার শাস্ত্রীয়তা সম্পাদন করিবার উদ্দেশে বাঙ্গলাভাষায় একখানি প্রবন্ধ

রচনা করেন। প্রবন্ধখানি সর্বত্র সমাদৃত হয়। ইং ১৮৫০ অব্দে তর্কালঙ্কার মুর্শিদাবাদের অঙ্গ পণ্ডিত হইলেন। কিছুদিন কল্প করিবার পর তিনি উক্ত জেলাতেই অনাতম ডেপুটী মাজিষ্ট্রেট হইলেন। ১৮৫৮ খৃঃ অব্দে গুলাউঠারোগে ইঁহার মৃত্যু হয়। মদনমোহন বাসবদত্তা ও রসতরঙ্গিণী এই দুই খানি কাব্যগ্রন্থ ও শিশুদিগের শিক্ষার্থ তিন ভাগ শিশুশিক্ষা রচনা করেন। শিশু-শিক্ষার পূর্বে সুকুমারমতি বালকবালিকাদিগের পাঠোপযোগী কোন ক্ষুদ্র গ্রন্থই ছিল না। মদনমোহন শিশুশিক্ষা রচনা করিয়া এই অভাব নিরাকরণ করেন। ফলতঃ এক্ষণে বাঙ্গলা ভাষায় যে এতদূর উন্নতি হইয়াছে, ঈশ্বরচন্দ্র বিদ্যাসাগর ও মদনমোহন তর্কালঙ্কার ইঁহারা উভয়েই তাহার সূত্রপাত করেন।

মদনমোহনের পর শ্রীযুক্ত ঈশ্বরচন্দ্র বিদ্যাসাগর বহুসংখ্যক পুস্তক রচনা করিয়া বাঙ্গলা ভাষায় প্রকৃত সংস্কার করিয়াছেন এক্ষণে বাঙ্গলা ভাষা বেক্সপ লক্ষিত হইতেছে, বিদ্যাসাগর মহাশয়ই তাহার প্রবর্তনিতা। বিদ্যাসাগরের ন্যায় অসীমক্ষমতাশালী লেখক অতি বিরল। ফলতঃ ইঁহাকে অধুনাতন বাঙ্গলা ভাষায় সৃষ্টিকর্তা বলিলেও অত্যাক্তি হয় না। ইঁহার পর অক্ষয়-কুমার দত্ত, ভূদেব মুখোপাধ্যায়, রেবেরেও কৃষ্ণমোহন বন্দ্যোপাধ্যায়, মাইকেল মধুসূদন দত্ত, রঙ্গলাল বন্দ্যোপাধ্যায়, দ্বারকানাথ বিদ্যাভূষণ, তাম্রাশঙ্কর তর্করত্ন, বঙ্কিমচন্দ্র চট্টোপাধ্যায়, দীনবন্ধু মিত্র, বাহেজুলাল মিত্র, হেমচন্দ্র বন্দ্যোপাধ্যায়, রামকৃষ্ণ বন্দ্যোপাধ্যায়, রামপতি ন্যায়রত্ন, নীলমণি মুখোপাধ্যায়, শশিভূষণ

চট্টোপাধ্যায়, কৃষ্ণকমল ভট্টাচার্য্য প্রভৃতি অনেকানেক মহাত্মা  
 প্রোত্ক্ষিত হইয়া, বাঙ্গলা ভাষার শ্রীবৃদ্ধিসাধনে বহুপরিকর হই-  
 রাছেন। এক্ষণে বাঙ্গলা ভাষার বেক্সপ অবস্থা, তাহাতে বোধ  
 হয় উক্ত ও অন্যান্য মহাত্মগণ অবিরত চেষ্টা করিলে ইহা অতি  
 অল্পকালের মধ্যেই একটী প্রধান ভাষা বলিয়া পরিগণিত হইয়া  
 উঠিবে। উল্লিখিত মহাত্মাদিগের মধ্যে দুই একজন ভিন্ন সঙ্ক-  
 লেই বঙ্গীর সাহিত্যাকাশের উজ্জ্বল নক্ষত্ররূপ শোভা পাই-  
 তেছেন। ইহাদের সকলেরই নিকট বাঙ্গলা ভাষা যে কতদূর  
 গনী তাহার ইরত্তা নাই। সে যাহা হউক, ইহারা অদ্যাপি  
 জীবিত, সুতরাং ইহাদের বৃত্তান্ত অনেকেই অবগত আছেন।  
 অতএব ইহাদের রচনার সমালোচন করাও তাহাশ যুক্তিসঙ্গত  
 বলিয়া বোধ হয় না। এই সকল কারণে ইহাদের বিষয় সবি-  
 স্তরে উল্লেখ করিতে কাস্ত রহিলাম, তবে আবশ্যিকমত যথা-  
 স্থানে কিছু কিছু বলা যাইবে এই মাত্র।

---



# সাহিত্যসার ।



হরপ্রসাদ রায় ।

সুবুদ্ধিকথা ।

যে পুরুষের মেধা এবং প্রতিভা ও বুদ্ধি এই সকল গুরুত্বরা  
হর এবং যিনি সন্দেহভঞ্জনক্ষম হন, তিনিই সুবুদ্ধি রূপে খ্যাত  
হন । তাহার উদাহরণ ।

মিথিলা নগরীতে কর্ণাটকুলসম্ভব হরসিংহ নামে এক রাজা  
ছিলেন । তাঁহার সভাতে সাংখ্য শাস্ত্রবেত্তা এবং দণ্ডনীতিশাস্ত্রে  
কুশল গণেশ্বরনামা এক মন্ত্রী ছিলেন । দেবগিরির রাজা  
রামদেব ঐ মন্ত্রীর নানাপ্রকার সুবুদ্ধিতা শুনিয়া অত্যন্তব্য  
জ্ঞান করিয়া চিন্তা করিলেন, যে কি হেতু ভূমিনিবাসী গণেশ-  
্বরের বৃহস্পতির ন্যায় বুদ্ধি শুনিতে পাই, ভাল সকল নিরূপণ  
করিতেছি । ইহা ভাবিয়া রামদেব নরপতি হরসিংহ রাজার  
সহিত মিত্রতা করিলেন, যে হেতুক যাঁহাদের ক্রিয়ার স্থিরতা  
থাকে এবং যাঁহারা শূর ও মহাত্মা হন, তাঁহাদিগের যৈ পরস্পর  
প্রীতি সে কল্পতরুর ন্যায় আচরণ করে । অপর, কোষ এবং  
সৈন্য নষ্ট হইলে আর ভৃত্য বিকার প্রাপ্ত হইলে ও যদি সংশ-  
কাত লোকের সহিত মিত্রতা থাকে, তবে সেই মিত্রতা কল্প-

বৃক্ষের মত ব্যবহার করে অর্থাৎ মিত্রের অভিলষিতফলপ্রদ হয় । অনন্তর উভয় পক্ষের উপঢৌকনদ্বারা সৌহৃদ্য হইলে রাজা রামদেব হরসিংহরাজার নিকটে লিখন দ্বারা এই প্রার্থনা করিলেন, যে সন্দেহনিরাসার্থ এক বুদ্ধিমান এবং মূর্খ এই দুই লোককে আমার নিকটে পাঠাইবেন । হরসিংহ রাজা সেই লিখন দেখিয়া পাঠ করিয়া চিন্তাযুক্ত হইলেন, যে হেতুক মিত্রের বাক্য অলংঘ্য, সম্প্রতি কোন্ বুদ্ধিমানকে এবং কোন্ মূর্খকে পাঠাইব ? এতদ্রূপ চিন্তাব্যাকুল রাজাকে দেখিয়া গণেশ্বর মন্ত্রী জিজ্ঞাসা করিলেন, হে রাজন ! তোমার কি চিন্তা ? রাজা উত্তর করিলেন, মিত্রের আজ্ঞা নির্বাহকরণের অসম্পত্তি, দেখিয়া লজ্জা হইতেছে, কোন্ বুদ্ধিমান পুরুষকে ও কোন্ মূর্খকেই বা পাঠান যাইবেক ইহা চিন্তা করিতেছি । মন্ত্রী কহিলেন, হে মহারাজ ! কোন পুরুষকে পাঠাইতে হইবে না । রাজা কহিলেন, আঃ মিত্রের প্রার্থনা কি ভঙ্গ হইবেক । মন্ত্রিরাজ কহিলেন হে ভূপাল ! তোমার মিত্রের প্রার্থনা নিষিদ্ধ হইবে, যে হেতুক রামদেব রাজার দেবগিরি রাজ্যেতে কি দুর্লভ সামগ্রী আছে, অনেক পণ্ডিত আছেন, অনেক মূর্খও আছে, সেই হেতুক এখান হইতে পণ্ডিত কিম্বা মূর্খ লোককে পাঠাইলে তাঁহার কি প্রয়োজন সিদ্ধি হইবে ? আমি এই বিতর্ক করি যে রামদেব রাজা পণ্ডিত এবং অতিশয় কোতুকী, ঐ প্রকার দুই পুরুষ যাচঞা-চ্ছলে তোমার মন্ত্রী যে আমি আমার এই পরীক্ষা করিবেন যে, আমি পণ্ডিতকে আর মূর্খ কে জানিতে পারি কি না । অতএব

हे नरेन्द्र ! आपनि এই उत्तर लिखिबेन ये बुद्धिमान लोक  
 ए राज्ये नाई एवं तोमार अधिकार मध्येओ देखि ना, वारा-  
 णसीते एवं अन्य अन्य पुण्यतीर्थे बुद्धिमानेर अनुसन्धान करि-  
 बेन । उत्तम बुद्धिर फल এই ये ताहाते तद्विज्ञान हर, अतएव  
 ईन्द्रजालसदृश येसांसारिक व्यापार ताहार मध्ये बुद्धिमान लोक  
 कि निमित्त अवस्थिति करिबेन ; तिनि कोन निर्ज्जन स्थाने  
 आर गिरिगह्वरे योगावलम्बन करिया थाकिबेन, तद्विन्न ये  
 मुख लोक, से सर्वत्र सुलभ, সেই अवस्तर प्रेरणे कि फल  
 अतएव ताहार पारिचारक चिह्न लिखितेछि, ईश्वरेच्छाप्रयुक्त  
 सकल मनुष्योर् हस्तपदादि समान हर, इहाते ये व्यक्ति सकल  
 लोक कर्तृक निन्दित हर সেই मुख, अपर, मानवजन्म प्राप्त  
 हईरा ये लोक पुण्यसङ्ग्रह ना करे एवं यशः उपार्जन ना करे,  
 ताहाकेठै मुख कहा यार । राजा हरसिंह এই कथा सुनिया  
 कहिलेन ताहाई कर । गणेश्वर मन्त्री ऐ परामर्शपूर्वक रामदेव  
 राजाके सेहैरूप उत्तर लिखिलेन । राजा रामदेव सेहै पत्र  
 पाईया परम सन्तुष्ट हईलेन एवं सभासद् समाजेर मध्ये हर-  
 सिंह राजाके एवं गणेश्वर मन्त्रीके এইरूप अनेक प्रशंसा  
 करिलेन, साधु राजा साधु, ये राजार राजनीतिरूपा ये नदी,  
 ताहार कर्णधाररूप एवं धर्मज्ञ এই गणेश्वर मन्त्री आछेन ।

## দিগ্‌দর্শন—মাস'ম্যান সাহেব ।

বিদ্যাৎ ও বস্তু ।

সকল আকাশ বিদ্যাৎ পদার্থে পরিপূর্ণ । বড়ের সময়ে মেঘ পৃথিবীর নিকটবর্তী হইলে পৃথিবীস্থ কোন বস্তু বিদ্যাৎকে আকর্ষণ করে, তাহাতে সেই বিদ্যাৎ মেঘ ছাড়িয়া অতিবেগে আইসে, তৎপ্রযুক্ত মেঘ ফাটে, তাহাতে বৃহৎ শব্দ হয়, তাহাকেই বজ্র কহে । যে সময়ে বিদ্যাৎ মেঘ হইতে নির্গত হয়, তখনি শব্দ উৎপন্ন হয় । কিন্তু আমরাদিগের নিকটে তৎক্ষণাৎ শব্দ না প'ছিয়া কখন কখন কিছু কাল বিলম্বে প'ছিছে । বেহেতুক শব্দ আড়াই পলের মধ্যে ছয় ক্রোশ চলে, কিন্তু আলোক ইচ্ছা হইতে অতি শীঘ্র চলে, অতএব আলোক ও শব্দ এককালে নির্গত হয় বটে, কিন্তু শব্দ হইতে আলোক অগ্রে আইসে । যদি কেহ নিশ্চয় করেন যে, বিদ্যাৎের আলোকদর্শনের কতক্ষণ পরে শব্দ শুনা যায়, তবে তিনি এইরূপে গণনা করিলে জানিতে পারিবেন, যে তাহা হইতে বিদ্যাৎ কত অন্তর আছে । যদি আলোকদর্শনের আড়াই পল পরে তিনি শব্দ শুনে, তবে ছয় ক্রোশ অন্তর বিদ্যাৎ নির্গত হইয়াছে জ্ঞাত হইবেন ।

বিদ্যাৎ প্রায় উচ্চ বস্তুর উপরে পড়ে । এই কারণ বড়ের সময়ে বৃক্ষের নীচে থাকা অকর্তব্য । কোন কোন বস্তুর এমন স্বভাব যে, তাহারা অন্য বস্তু হইতে বিদ্যাৎীয় অগ্নিকে অতিশয় আকর্ষণ করে । সকল ধাতু এই প্রকার স্বভাবপ্রাপ্ত, এই হেতুক খাপ সমেত তলোয়ারের উপরে বিদ্যাৎ পড়িলে কখন

কখন মধ্যের তলোয়ার দণ্ড হয়, উপরে খাপের কাঠ দণ্ড হয় না ।

পণ্ডিতেরা এই মত কল সৃষ্টি করিয়াছেন, যে, তাহা হইতে বিদ্যাতীয় অগ্নি নির্গত হয়, তাহার স্বভাব বিদ্যাতীয় অগ্নির মত । যখন সেই কল ঘুরাণ যায়, তখন তাহা হইতে বিদ্যাতীয় স্ফুলিঙ্গ নির্গত হয়, এবং যদি কেহ তাহাকে স্পর্শ করে, তবে তাহার সর্ব্বাঙ্গে তৎক্ষণাৎ বিজ্ঞিনী লাগে । এই কলের দ্বারা যে বিজ্ঞিনী হয়, সে বিদ্যাতীয় বিজ্ঞিনীর সমান, কেবল বিদ্যাত হইতে ইহার বল অল্প, এই মাত্র বিশেষ । যখন এই কল সৃষ্টি হইল, তখন পণ্ডিতেরা ইহা জানিতে চেষ্টা করিলেন, যে কল হইতে যে স্ফুলিঙ্গ নির্গত হয় সে স্ফুলিঙ্গ বিদ্যাতের স্ফুলিঙ্গের স্বভাব মত কি না ।

অনেক উদ্যোগের পর ফ্রান্সলিন সাহেব, আমেরিকা দেশের একজন জ্ঞানবান, এই বিষয় নিশ্চয় করিলেন । তিনি ভাবিলেন যে যদি মেঘের সহিত কোন বস্তু সংলগ্ন করা যায়, ও যদি সেই বস্তু পৃথিবীর উপরে কোন বস্তুতে বন্ধ থাকে, তবে বিদ্যাতীয় অগ্নি মেঘ ছাড়িয়া সেই বস্তুর উপরে লাগিবেক, এবং তাহা বাহিয়া বিদ্যাতীয় অগ্নি পৃথিবীস্থ সেই বস্তুতে আসিবেক, এই নিমিত্ত ঐ সাহেব ১৭৫২ সনে এক মাঠে একটা লৌহশলাকা সূতিকাতে গাড়িলেন, এবং মেঘ হইলে তিনি একটা ঘুড়ী উড়াইলেন, ও সেই লৌহশলাকাতে ঘুড়ীর রজ্জু বান্ধিয়া রাখিলেন । কিছুকাল পরে দেখা গেল যে সেই রজ্জু হইতে কতক

ফ্রান্স নিৰ্গত হইতে লাগিল, তাহাতে তিনি জানিলেন যে বিদ্যাতীৰ্ণ অগ্নি লৌহশলাকাতে পঁচুছিযাচ্ছে । অতএব ঐ লৌহশলাকার দ্বারা তিনি ও আর আর পণ্ডিতেরা বিদ্যাতীৰ্ণ অগ্নির নিশ্চয় স্বভাব জানিতে পারিলেন ।

ঐ ফ্রান্সিস সাহেব বিদ্যাতীৰ্ণ ভয়নিবারণার্থ প্রথম ঘরে লৌহশলাকা দিতে লোকেরদিগকে শিক্ষাইলেন । 'ঘর হইতে উচ্চ একটা লম্বা লৌহশলাকা ঘরের নিকটে মৃত্তিকাতে পোতা যায়, তাহার অগ্রভাগ অভিস্রুয় । যখন বিদ্যাতীৰ্ণ ঘরের নিকটে আইসে, তখন কোন অপচয় না করিয়া ঐ লৌহশলাকাতে পড়ে, এবং তাহা বাহিয়া মৃত্তিকাতে প্রবেশ করে । সেই লৌহশলাকা স্থানে স্থানে ঘরের সহিত কাষ্ঠদ্বারা বদ্ধ থাকে, কিন্তু কাষ্ঠ অনাকর্ষক বস্তু, এই নিমিত্ত কাষ্ঠদ্বারা ঘরে প্রবেশ করিতে পারে না । যদি সেই সময়ে ঐ লৌহশলাকা কেহ স্পর্শ করে, তবে তৎক্ষণাত্ তাহার প্রাণবিয়োগ হয় । যখন ফ্রান্সিস সাহেব প্রথম এই বিষয় নিরূপণ করিলেন, তখন রুশিয়া দেশে এক জ্ঞানবান লোক এটরূপ করণার্থে আপন ঘরে একটা লম্বা লৌহশলাকা এক কাচের বাটীতে রাখিল, যে বিদ্যাতীৰ্ণ অগ্নি সেই শলাকাতে থাকে, এবং সেই শলাকাতে অন্য এক পাতলা-শলাকা বান্ধিয়া আপন কুঠরীতে আনিয়া রাখিল । পরে বড় বৃষ্টি আইলে বিদ্যাতীৰ্ণ ঘুড়ীর উপরে পড়িয়া তাহার দ্বারা সেই শলাকার উপরে আইল, ও সে সাহেব অকস্মাত্ তাহার নিকটে ঝাইবামাত্র বিদ্যাতীৰ্ণ দ্বারা মরিল ।

## দশম ন্যায়ের বিবরণ ।

দশ জন একত্র হইয়া কোন দেশে যাইতেছিল, পথিমধ্যে এক নদী ছিল, তাহা পার হইয়া পরপারে বসিয়া সকলে কহিল আমরা দশ জনা পার হইয়াছি, কিম্বা দশজনের মধ্যে কেহ পার হয় নাহি ইহা জানা ভাল । এই পরামর্শে প্রথমতঃ এক জন অন্য নয় ( জন ) লোককে গণিয়া, আপনাকে না গণিয়া কহিল যে ওরে তাইরা নয় জন যে হয়, আর এক জন কমনে গেল ? ইহা শুনিয়া অন্য জন কহিল এমন হবে না. থাক আমি গণিয়া দেখি, একরূপ কহিয়া সেও স্বভিন্ন নয় লোককে সংখ্যা করিয়া সশঙ্ক হইয়া কহিল হে বটেত, নয় জনই যে হয়, দশম কি হইল । এইরূপে দশজন একে একে আত্মবিস্মরণে বাহ্য-মাত্রাভিনিবিষ্টচিত্ততাতে কেবল বাহাগণনা করিয়া দশম নাই এই নিশ্চয় করিল । অনন্তর সকলেই হাত তুলিয়া উচ্চৈঃস্বরে ডাকিতে লাগিল, ওহে দশম কোথা আছ শীঘ্র আইস, আমরা সকলেই তোমাকে না পাইয়া বড়ই ব্যাকুল হইতেছি, তোমাকে পাইলেই সুখী হই, অতএব যেথা থাক শীঘ্র আইস । এইরূপ পুনঃ পুনঃ আহ্বান করিয়া কিছুই উত্তর না পাইয়া পুনরায় সকলে যুক্তি করিয়া এই নিষ্কর্ষ করিল যে বৃষ্টি আমাদের সঙ্গে পরিহাস করিয়া এই বনে লুকাইয়া আছে । চল সকলে বনের মধ্যে গিয়া ভাব করি সে বড় ছুট; যদি পাই আমরাদিগের বড় হুঃখ দিতেছে ভাল বুঝিব । ইহা কহিয়া সেই কণ্টকিত নানা-

জাতীর লতাবোষ্টিত নিবিড় বিপিনমধ্যে প্রবিষ্ট হইল । পরে সেই অরণ্যে গাছের আড়ে, কুঞ্জমধ্যে, পর্বতে, উপত্যাকাতে, কন্দরে, গুহাতে, সর্বত্র অন্বেষণ করিয়া কোথাও কিছু তত্ত্ব না পাইয়া পুনর্বার ঐ নদীতীরে আসিয়া মন্ত্রণা করিল, যে বৃষ্টি নদীপার হইতে হইতে ডুবিয়া মবেছে, আঠস দেখি, খুঁজি । ইহা মনে করিয়া নদীর মাঝে খুঁজিয়া কোথাও কিছু টের না পাইয়া পাক কাদা সেওলামাথা গায়ে নদীর পাড়ে বসিরা আর্তস্বরে রোদন ও গদগদকণ্ঠে কাকুক্ত বিলাপ করিয়া কেহ বা বুক চাপড়ায়, কেহ বা মাথা কুড়ে, কেহ বা ধূলাতে গড়াগড়ি পাড়ে, কেহ বা আছাড় খাইয়া পড়ে । উত্তিমধ্যে আত্মদর্শী নামে একজন তথাতে আসিয়া উপস্থিত হইলেন । তাহাদের দুর্বস্থা দেখিয়া অত্যন্ত করুণাস্থিত হইয়া তাহারদিগকে জিজ্ঞাসিলেন, তোমরা এ দুর্দশাগ্রস্ত কি কারণে হইয়াছ তাহা আমাকে কহ । ইহা শুনিয়া তাহারা আদ্যোপান্ত সকল বৃত্তান্ত কহিল । তদনন্তর আত্মদর্শী বিবেচনা করিয়া বুঝিলেন যে ইহারা সকলেই আত্মবিস্মৃত । আত্মস্বরূপ বিস্মরণ সর্বানর্থের নিদান হয় । ধন্য অগ্ন্যোহিনী পারমেশ্বরী শাক্ত যে আত্মজ্ঞানান্বিত সর্ববিজ্ঞান হয়, তিনি স্বয়ং প্রকাশমান আত্মাকেও বিস্মৃত করান । আহা এ ধীবেরা আত্মাকে ভুলিয়া না গুণিয়া এতাদৃশ দুঃখ পাইতেছে । ইহা মনে মনে করিয়া কহিলেন যে হে আত্মবিস্মৃতেরা উঠ মোহ শোক রোদন ত্যাগ কর । তোমাদের দশম মরে নাই, আছে, আমি দেখাইয়া দিতেছি, স্থির হও অস্তঃকরণ সুস্থ কর ।



আত্মদর্শীর এই বাক্য শুনিয়া আত্মবিস্মৃতেরা অন্তবাস্তে উঠিয়া  
 कहিলেন কই কই আমারদের দশম কোথায় আছে, তুমি যদি  
 আমারদের দশমকে দেখাইতে পার তবে যার পর নাই এমন  
 উপকার কর । আত্মদর্শী कहিলেন ভাল ভাল কিন্তু তোমরা  
 বাহ্যবিষয়মাত্রেই অত্যন্ত অভিনিবেশ করিও না । আত্মজ্ঞানে  
 জাগরুক হও, বাহ্যগণনা করিয়া আত্মগণনা করিলে কিছা  
 আত্মাকে গণিয়া বাহ্যগণনা করিলে তোমরা সকলেই দশম  
 হইবা । আদি মধ্য শেষ সকলেই দশম । তোমরা সব শ্রেণীবদ্ধ  
 হইয়া দাঁড়াও, আমি দেখাইয়া দি । এ বাক্য শুনিয়া তাহারা  
 সব একশারি হইয়া দাঁড়াইল । পরে আত্মদর্শী প্রথমাবধি শেষ  
 পর্য্যন্ত দ্বিতীয়াবধি প্রথম পর্য্যন্ত তৃতীয়াবধি দ্বিতীয় পর্য্যন্ত, এবং  
 চতুর্থাব্যবধি তৃতীয়াদিপর্য্যন্ত মালার ন্যায় গণনা করিয়া  
 সকলকে দশমরূপে প্রতিপন্ন করিয়া দিলেন । তদনন্তর তাহারা  
 সকলেই সংশয়াপন্ন হইয়া कहিল যে আপনারা মনে বুঝিয়া  
 দেখতো ইনি আপনি আমারদিগের মধ্যে প্রবিষ্ট হইয়া আমার-  
 দিগকে ভুলান তো নাই । ইহা कहিয়া আত্মদর্শীকে कहিল  
 আপনি সরিয়া যাওতো, আমরা আপনারা মনে যুক্তি করিয়া  
 বুঝি, তবে আমারদের প্রামাণ্য হইবেক । ইহা कहিয়া সকলেই  
 প্রত্যেক মনন করিয়া সাক্ষাৎ প্রত্যক্ষরূপে স্ব স্ব স্বরূপ দশমকে  
 পাইয়া মোহ শোক দুঃখ পরিত্যাগ করিয়া কৃতকৃত্য ও অতি  
 সন্তুষ্ট হইয়া নিরতিশয় সুখ পাওত খাঁহ্য পাইল ।

## রাজা রামমোহন রায়—বেদান্তগ্রন্থের

## অনুষ্ঠানপত্র ।

প্রথমতঃ বাঙ্গলা ভাষাতে আবশ্যিক গৃহব্যাপার নির্বাহের  
 যোগ্য কেবল কতকগুলি শব্দ আছে। এভাষা সংস্কৃতের  
 যেরূপ অধীন হয়, তাহা অন্য ভাষার ব্যাখ্যা ইহাতে করিবার  
 সম্ভব স্পষ্ট হইয়া থাকে, বিতীয়তঃ এভাষার গদ্যতে অদ্যাপি  
 কোন শাস্ত্র কিম্বা কাব্য বর্ণনে আইসে নাই। ইহাতে একদে-  
 শীয় অনেক লোক অনভ্যাসপ্রযুক্ত দুই তিন বাক্যের অর্থ  
 করিয়া গদ্য হইতে অর্থবোধ করিতে হঠাৎ পারেন না; ইহা  
 প্রত্যক্ষ কালুনের তরঙ্গমার অর্থ বোধের সময় অনুভব হয়।  
 অতএব বেদান্তশাস্ত্রের ভাষার বিবরণ সামান্য আলাপের ভাষার  
 ন্যায় সুগম না পাওয়া কেহ কেহ ইহাতে মনোযোগের ন্যূনতা  
 করিতে পারেন, এনিমিত্ত ইহার অনুষ্ঠানের প্রকরণ লিখিতেছি।  
 যাহাদের সংস্কৃতে ব্যুৎপত্তি কিঞ্চিৎ থাকিবেক, আর যাহারা  
 ব্যুৎপন্ন লোকের সহিত সহবাস দ্বারা সাধুভাষা কহেন, আর  
 শুনেন, তাহাদের অল্প শ্রমেই ইহাতে অধিকার জন্মিবেক।  
 বাক্যের প্রারম্ভ আর সমাপ্তি এই দুইয়ের বিবেচনা বিশেষ  
 মতে করিতে উচিত হয়। যে যেখানে, যখন, যাহা, যেমন  
 ইত্যাদি শব্দ আছে তাহার প্রতিশব্দ তখন, তাহা, সেইরূপ,  
 ইত্যাদিকে পূর্বের সহিত অস্থিত করিয়া বাক্যের শেষ করি-

বেন । যাবৎ ক্রিয়া না পাইবেন তাবৎ পর্য্যন্ত বাক্যের শেষ অঙ্গীকার করিয়া অর্থ করিবার চেষ্টা না পাইবেন । কোন্ নামের সহিত কোন্ ক্রিয়ার অন্বয় হয় ইহার বিশেষ অনুসন্ধান করিবেন, যেহেতু এক বাক্যে কখন কখন কয়েক নাম এবং কয়েক ক্রিয়া থাকে, ইহার মধ্যে কাহার সহিত কাহার অন্বয় ইহা না জানিলে অর্থজ্ঞান হইতে পারে না । তাহার উদাহরণ এই । “ব্রহ্ম যাঁহাকে সকল দেবে গান করেন, আর যাঁহার সন্তার অধলম্বন করিয়া জগতের নিৰ্ব্বাহ চলিতেছে সকলের উপাস্য হইলেন ।” এ উদাহরণে যদ্যপি ব্রহ্ম শব্দকে সকলের প্রথমে দেখিতেছি, তত্রাপি সকলের শেষে ‘হইলেন’ এই বে ক্রিয়াশব্দ তাহার সহিত ব্রহ্মশব্দের অন্বয় হইতেছে । আর মধ্যেতে “গান করেন” যে ক্রিয়া শব্দ আছে তাহার অন্বয় দেব শব্দের সহিত আর “চলিতেছে” এ ক্রিয়া শব্দের সহিত “নিৰ্ব্বাহ” শব্দের অন্বয় হয় । অর্থাৎ যেখানে যেখানে বিবরণ আছে, সেই বিবরণকে পর পূর্ব পদের সহিত অন্বিত যেন না করেন, এই অনুসারে অনুষ্ঠান করিলে অর্থবোধ হইবাতে বিলম্ব হইবেক না । আর যাঁহাদের ব্যুৎপত্তি কিঞ্চিতো নাহি, এবং ব্যুৎপন্ন লোকের সহিত সহবাস নাই, তাঁহারা পণ্ডিত ব্যক্তির সহায়তাতে অর্থবোধ কিঞ্চিৎকাল করিলে পশ্চাৎ স্বয়ং অর্থবোধে সমর্থ হইবেন । বস্তুত মনোযোগ আবশ্যিক হয় । এই বেদান্তের বিশেষ জ্ঞানের নিমিত্ত অনেক বর্ষ উত্তম পণ্ডিতেরা শ্রম করিতেছেন । যদি হুই তিন মাস শ্রম করলে এ শাস্ত্রের এক প্রকার অর্থবোধ

হইতে পারে, তবে অনেক সুলভ জানিয়া ইহাতে চিত্ত নিবেশ করা উচিত হয়।

কেহ কেহ এশাস্ত্রে প্রবৃত্তি হইবার উৎসাহের ভঙ্গ নিমিত্ত কহেন বে বেদের বিবরণ ভাষায় করাতে এবং শুনাতে পাপ আছে, এবং শূদ্রের এভাষা শুনিলে পাতক হয়, তাঁহাদিগে জিজ্ঞাসা কর্তব্য যে যখন তাঁহারা শ্রুতিন্মুতি জৈমিনিস্মৃত্ত গীতা পুরাণ ইত্যাদি শাস্ত্র ছাত্রকে পাঠ করান, তখন ভাষাতে তাহার বিবরণ করিয়া থাকেন কি না, আর ছাত্রেরা সেই বিবরণকে শুনেন কি না, আর মহাভারত যাহাকে পঞ্চম বেদ আর সাক্ষাৎ বেদার্থ কহা যায় তাহার শ্লোক সকল শূদ্রের নিকট পাঠ করেন কি না, এবং তাহার অর্থ শূদ্রকে বুঝান কি না, শূদ্রেরাও সেই বেদার্থের অর্থ এবং ইতিহাস পরস্পর আলাপেতে কহিয়া থাকেন কি না, আর শ্রাদ্ধাদিতে শূদ্র নিকটে ঐ সকল উচ্চারণ করেন কি না? যদি এইরূপ সর্বদা করিয়া থাকেন বতঃ বেদান্তের এ অর্থের বিবরণ ভাষাতে করিবাতে হেঘের উল্লেখ কিরূপে করিতে পারেন? সুবোধ লোক সত্যশাস্ত্র আর কামনিক পথ ইহার বিবেচনা অবশ্য করিতে পারিবেন। কেহ কেহ কহেন ব্রহ্মপ্রাপ্তি যেমন রাজপ্রাপ্তি হয়। সেই রাজপ্রাপ্তি তাহার দ্বারীর উপাসনা ব্যতিরেকে হইতে পারে না, সেইরূপ রূপগুণবিশিষ্টের উপাসনা বিনা ব্রহ্মপ্রাপ্তি হইবেক না। যদিপিও এবাক্য উত্তরযোগ্য নহে, তথাপি লোকের সন্দেহ দূর করিবার নিমিত্ত লিখিতেছি। যে ব্যক্তি রাজপ্রাপ্তি নিমিত্ত

দ্বারীর উপাসনা করে, সে দ্বারীকে সাক্ষাৎ রাজা কহে না, এখানে তাহার বিপরীত দেখিতেছি, যে রূপ গুণবিশিষ্টকে সাক্ষাৎ ব্রহ্ম কহিয়া উপাসনা করেন। দ্বিতীয়তঃ রাজা হইতে রাজার দ্বারী সুসাধ্য, এবং নিকটস্থ, সুতরাং তাহার দ্বারা রাজপ্রাপ্তি হয়, এখানে তাহার অন্যথা দেখি। ব্রহ্ম সর্ব-ব্যাপী, আর যাহাকে তাঁহার দ্বারী কহ, তেঁহো মনের অথবা হস্তের কৃত্রিম হয়েন, কখন তাঁহার স্থিতি হয় কখন স্থিতি না হয়, কখন নিকটস্থ, কখন দূরস্থ, অতএব কিরূপে এমত বস্তুকে অন্তর্যামী সর্বব্যাপী পরমাত্মা হইতে নিকটস্থ স্বীকার করিয়া ব্রহ্মপ্রাপ্তির সাধন কহা যায়। তৃতীয়তঃ চৈতন্যাদিরহিত বস্তু কিরূপে এই মত মহৎসহায়তার ক্ষমতাপন্ন হইতে পারেন। মধ্যে মধ্যে কহিয়া থাকেন যে পৃথিবীর সকল লোকের যাহা মত হয়, তাহা ত্যাগ করিয়া দুই এক ব্যক্তির কথা গ্রাহ্য কে করে, আর পূর্বে কেহো পণ্ডিত কি ছিলেন না, এবং অন্য কেহ পণ্ডিত কি সংসারে নাই, যে তাঁহারা এই মতকে জানিলেন না এবং উপদেশ করিলেন না। যদিপিও এমত সকল প্রশ্নের শ্রবণে কেবল মানস দুঃখ জন্মে, তত্রাপি কার্যানুরোধে উত্তর দিয়া বাইতেছে। প্রথমত একাল পর্য্যন্ত পৃথিবীর যে সীমা আমরা নির্ধারণ করিয়াছি এবং যাতায়াত করিতেছি, তাহার বিংশতি অংশের এক অংশ এই হিন্দোস্তান না হয়। হিন্দুরা যে দেশেতে প্রচুররূপে বাস করেন, তাহাকে হিন্দোস্তান কহা যায়। এই হিন্দোস্তান ভিন্ন অর্ধেক হইতে অধিক পৃথিবীতে

এক নিরঞ্জন পরব্রহ্মের উপাসনা লোকে করিয়া থাকেন, তবে  
কি রূপে কহেন যে তাবৎ পৃথিবীর মতের বহির্ভূত এই ব্রহ্মো-  
পাসনার মত হয়। আর পূর্বেও পণ্ডিতেরা যদি এই মতকে  
কহো না জানিতেন এবং উপদেশ না করিতেন, তবে ভগবান  
বেদবাস এই সকল সৃষ্টি কি রূপ করিয়া লোকের উপকারের  
নিমিত্ত প্রকাশ করিলেন, এবং বশিষ্ঠাদি আচার্য্যেরা কি প্রকারে  
এইরূপ ব্রহ্মোপদেশে প্রচুর গ্রন্থ প্রকাশ করিয়াছেন। তবে  
আমি যাহা না জানি সে বস্তু অপ্রসিদ্ধ হয়, এমত নিয়ম যদি  
করহ তবে ইহার উত্তর নাই। এতদেশীয়েরা যদি অনুসন্ধান  
আর দেশভ্রমণ করেন, তবে কদাপি এসকল কথাতে যে পৃথি-  
বীর এবং সকল পণ্ডিতের মতের ভিন্ন হয় এমত বিশ্বাস করি-  
বেন না। আমাদের উচিত যে শাস্ত্র এবং বুদ্ধি উভয়ের  
নির্দ্ধারিত পথের সন্ধান চেষ্টা করি এবং ইহার অবলম্বন করিয়া  
ইহ লোকে পর লোকে কৃতার্থ হই।

## প্রভাকর ।

ঢাকা, বিক্রমপুর এবং রাজনগর প্রভৃতির

পুরাতন উজ্জল এবং নূতন মলিন

অবস্থা বর্ণনা ।

আমরা “দাউদ কাঁদি” হইতে মৌকা চালনাপূর্বক ‘শম্মা,  
ও কীর্তিনাশা অতিক্রম করত বৃহস্পতিবার সন্ধ্যার পরে রাজ-  
নগরের খালের ভিত্তর প্রবেশ করিয়া রাত্রি দশ ঘটিকা সময়ে  
রাজনগরের বাজারের ঘাটে অতি উচ্চ সুদৃশ্য কাষ্ঠনির্মিত পুলের  
নীচে আগমন করিলাম, ঐ রাত্রি তথায় অবস্থান করত পর-  
দিবস প্রত্যুষে বৈদ্যকুলোস্তুব মহারাজা রাজবল্লভের রাজভবন ও  
আর আর প্রাচীন কীর্তিকলাপ দর্শনার্থ গমন করিলাম, বেলা  
দেড়প্রহর পর্য্যন্ত গুরুতর পরিশ্রমপূর্বক ক্রমশই ভ্রমণ করি,  
তথ্যচ সমুদয় দেখিয়া শেষ করিতে পারিলাম না । বিশেষতঃ  
সর্বনাশা কীর্তিনাশা বিশেষ বিশেষ করেকটী কীর্তি নাশ করাতে  
অতিশয় দুঃখের বিষয় হইয়াছে । একজন পুরুষ চইতে এক  
সময়ে এত কীর্তি স্থাপনা হওয়াই অত্যাশ্চর্য্য কহিতে হইবে ।  
রাজনগর প্রকৃতই রাজনগর ছিল, ইহার মধ্যভাগে ক্ষুদ্র এক  
নদী, তাহার দুই পার্শ্বেই ভদ্রলোকের বসতি । রাজনগরে ব্রাহ্মণ  
প্রায় এক সহস্র ঘর হইবে, ইহার মধ্যে অনেকই কুলীন ও  
পণ্ডিত । ব্রাহ্মণের ভিতরে রাজপুরোহিত শুট্টাচার্য্য মহাশয়েরাই  
সর্বাপেক্ষা ধনী । মহারাজ আপনার ঐ পুরোহিতদিগেয় জিলা

ভুল্লুয়া ও বরিসালের মধ্যে বিস্তর ভূমি দান করিয়াছিলেন, অধুনা তাহার বার্ষিক উৎপন্ন প্রায় এক লক্ষ মুদ্রা হইবে। এই ভট্টাচার্য্যেরা অতি সংক্রিয়াম্বিত, সুপণ্ডিত, সুশীল, বহুলোক প্রতিপালক।—এখানে বৈদ্য অনেক, তাবতেই সূত্র-ধারণ ও পক্ষা-শৌচ গ্রহণ করেন, ইহারা সদাচারী সন্নিধান, সল্লাস্ত।—ভূমির উপশুভ্র, রাজকর্ম্ম এবং চিকিৎসা এই তিন প্রকার উপায় দ্বারা উপজীবিকা নির্বাহ করেন। বিক্রমপুর ও চাঁদপ্রতাপ ও অন্যান্য পরগণার মধ্যে বৈদ্য কত আছেন তাহার সংখ্যা হয় না। কিন্তু তাঁহারা সকলেই আচারভ্রষ্ট, সূত্র-ধারণ করেন না, এবং মাসা-শৌচ গ্রহণ করেন।—ক্রিয়া কর্ম্মের সময়ে সংপূর্ণরূপেই শূর্দ্রবৎ ব্যবহার করেন, ফলে আশ্চর্য্য এই, যে, উক্ত রাজনগরস্থ ন্যায়া-চারী বৈদ্যবৃন্দের সহিত উল্লেখিত বিরুদ্ধাচারী বৈদ্যবৃন্দের বৈবাহিক ক্রিয়ার কিছুমাত্রই বাধাত ঘটে না, অনায়াসেই বিবাহকার্য্য সম্পন্ন হয়, সম্প্রদান সময়ে এক পক্ষ “দেবী” এক পক্ষ “দাসী” এইরূপ হাস্যজনক মন্ত্ৰ পাঠ করিয়া থাকেন।

এই নগরে কারয়স্থ ও অন্যান্য জাতি অনেক দেখিলাম, এখানকার কারয়স্থের মধ্যে ধনী ও মান্য অত্যন্ত।

এখানে আমোদ প্রমোদের সমুদয় ব্যাপার আছে, যাত্রাকর, বাদ্যকর অনেক।

রাজনগরের “রাজদীঘী” বর্দ্ধমানের “কৃষ্ণসাগরের” ন্যায় বৃহৎ হইবে, এপার হইতে ও পারের মানুষকে মানুষ বলিয়া বোধ হয় না, ঐ দীঘীর ধারেই রাজার বাজারের দীর্ঘতা প্রায়



অর্ধ ক্রোশ হইবে ।—দোকান পশার বিস্তর ।—সকল প্রকার  
 দ্রব্যই প্রাপ্ত হওয়া যায় ।—ফল, মূল তরকারি, মৎস্য, দধি, দুগ্ধ,  
 মৃত, ক্ষীর, যথেষ্ট ও অত্যন্ত সুলভ ।—দুই সন্ধ্যা বাজার বসিয়া  
 থাকে ।—রবিবার ও বুধবারে হাট হয় ।—বহুদূরের লোক এই  
 বাজারে বাজার করিতে আইসে ।—বাজারের কাঁশারিপটিতে  
 অনেক বাসোনের দোকান, তথায় নানা প্রকার বাসন প্রস্তুত  
 হয় ।—কাপুড়েপটি নিতাস্ত ক্ষুদ্র নহে —বঙ্গদেশের ভিতরে  
 যেমন ঢাকা জিলা সর্বপ্রধান, ঢাকা জিলার মধ্যে যেমন বিক্রম-  
 পুর পরগণা সকল পরগণার প্রধান, সেইরূপ বিক্রমপুরের মধ্যে  
 রাজনগর গ্রাম সকল গ্রামের প্রধান ।

রাজনগরে “রাজসাগর” সরোবর যেমন, সেই প্রকার বড়  
 বড় সরোবর আরো অনেক আছে, যথা “রাণীসাগর”  
 “আনন্দসাগর” “কৃষ্ণসাগর” ও “সুখসাগর” প্রভৃতি, উহার  
 কোনোটিই ক্ষুদ্র নহে, প্রায় তুল্য, অতি মনোহর । কি পরি-  
 তাপ ! সুখসাগর-প্রভৃতি কয়েকটা ডাগর সাগর কীর্তিনাশার  
 গ্রস্ত হইয়া অধুনা তাহারি হৃদয়ে বিহার করিতেছে, এবং তৎ-  
 সঙ্গ সঙ্গ নদীর ভঙ্গে অনেক রম্য হর্ম্মা ও সুচারু উদ্যান সকল  
 তনুত্যাগ করিয়াছে ।—সংপ্রতি তাহারদিগের কোনরূপ চিহ্নও  
 আরু দেখা যায় না, ঐ কীর্তিনাশা পৃথীপালের কত কীর্তি ও কত  
 বৃত্তি নাশ করিয়াছে তাহার সংখ্যা হয় না ।—এই দুর্ঘটনা কিছু  
 বহুদিন হয় নাই, অত্যন্ত দিবস হইলু,—যাহারা প্রত্যক্ষ দর্শন  
 করিয়াছেন তাহারদিগের প্রমুখ্যৎ স বিশেষ শ্রবণ করত যখন

চমৎকৃত হইলাম, তখন প্রত্যক্ষে সমুদয়টি দৃষ্টি করিলে না জানি চক্ষের আরো কত সার্থকতা হইত ?

মহারাজ রাজবল্লভের পিতা ৮ কৃষ্ণজীবন মজুমদারের প্রতিষ্ঠিত এক পুরাতন গুরুব্রিগী দৃষ্ট হইল, তাহা কলিকাতার লালদাঙ্গী হইতে বড় হইবে, কৃষ্ণজীবন মজুমদার সামান্য কন্ম করিতেন, তৎপুত্র রাজবল্লভ স্বীয় বিদ্যা, বুদ্ধি, ক্ষমতা দ্বারা নবাবের দেওয়ানী করিয়া অদ্বিতীয় সম্ভ্রান্ত ও সৌভাগ্যশালী হইয়াছিলেন, ইনি এত ঐশ্বর্য্য সঞ্চয় করিয়াছিলেন, যে হাঁর মরণের পর নবাবের লোকেরা ক্রমশঃ এক মাস বাটী লুঠ করিয়াও সমুদয় শেষ করিতে পারে নাই।—আহা ! জগদাধরের কি বিচিত্র লীলা ! যে ব্যক্তি এক যজ্ঞস্থলের স্থত্রে কোটি মুদ্রার অধিক অর্থ শকাতরে বায় করিয়াছিলেন, পুরোহিতকে যে ভূমি দান করেন তাহার বার্ষিক আয় লক্ষ মুদ্রা, যে ব্যক্তি দেবালয় প্রভৃতিতে কত অর্থ ব্যয় করেন, তাহার সংখ্যাই হয় না, যে ব্যক্তি নবাবীপাধিপতি মহারাজ কৃষ্ণচন্দ্র রায় বাহাদুরকে দক্ষিণা স্বরূপ, তিন লক্ষ টাকা অনায়াসেই দান করেন, রাজা কৃষ্ণচন্দ্র সেই দক্ষিণা পাইয়া রাজস্বঘটিক ঋণজাল হঠতে পরিত্রাণ প্রাপ্ত হইলেন ।

অনন্তর, শতরত্নের উপর চতুর্থতল পর্য্যন্ত আরোহণ করিলাম । এই শতরত্ন অদ্যাপি হতরত্ন হয় নাই, ইহাতে কত রত্ন ব্যয় হইয়াছে নির্ণয় করিতে পারিলাম না । এক এক রত্নেই এক একটা ঘর ও প্রত্যেক ঘরেই এক এক বাবাণ্ডা । নীচে

উপরের সমুদয় ঘরে ভ্রমণ করিলে অতিশয় ভ্রম বোধ হয়, ইহার গাঁথুনির পারিপাট্য কি ব্যাখ্যা করিব ! এত প্রাচীন হইল, জন্মাবধি কখনই মেরামত হয় নাই, তথাচ এপয্যন্ত কোনঘরেই এক-বিন্দু জল পড়েনা, আশ্চর্য্য খিলেন, ও চুণ স্থর্কির আশ্চর্য্য জমাট ।

তৎপরে একুশরত্ন, নবরত্ন, সপ্তরত্ন, পঞ্চরত্ন রাসমঞ্চ, দোল-মঞ্চ, আর আর দেবমন্দির, পূজার বাটী, নৃত্যাগার, বৈঠকখানা দেওয়ানখানা, ও বসতি বাটী প্রভৃতি একে একে দর্শন করিলাম । একুশরত্নের কথাই নাই, অদ্যাপি তাহা অবিবল নূতন রহিয়াছে, কিছুমাত্র রূপান্তর হয় নাই । এই রত্নটী পঞ্চতল । দ্বিতীয়তলে পঞ্চ, তৃতীয়তলে পঞ্চ, চতুর্থতলে পঞ্চ, পঞ্চতলে পঞ্চ এবং সর্ব উর্দ্ধে এক রত্ন । প্রত্যেক রত্নেই এক এক ঘর ও বারান্দা এবং বেদি ।—এই রত্নই সর্কারপক্ষা উচ্চ, ইহার উপরে উঠিলে চতুর্দিক বিচিত্ররূপে বিলোকিত হয়, ঐ সর্বনাশী সমুদ্র-বিশেষ কীর্তিনাশাকেও ক্ষুদ্র এক খালের ন্যায় দেখা যায় ।

সকল রত্নেরি শোভাই এইরূপ মনোলোভা ।—বৈঠকখানা প্রভৃতি ঘরসকল জনশূন্য অরণ্যময় । তাহার উপর বড় বড় বৃক্ষ হইয়াছে, কোন কোন গৃহের কড়ি, বরগা, ছাদ নষ্ট হইয়াছে, কিন্তু প্রাচীর সকল সমভাবেই রহিয়াছে, তাহার কোন অংশই ধ্বংস হয় নাই, একখানি ইট্ খসে নাট, ইট্ হইতে বিন্দুমাত্র চুণ খসে নাই, বৃষ্টির জলে কিছুট্ ঢসে নাই, পোতা বসে নাই, জমাট রসে নাই ! পুনর্বার ছাদ প্রস্তুত করিয়া দিলেই স্বচ্ছন্দে আবার একশত বৎসর স্থখে বাস হইতে পারে ।

বহির্জাতীর কতিপয় প্রকোষ্ঠ এবং অন্তঃপুরের অনেকাংশ অদ্যাপি নাশ হয় নাই, সমভাবেই আছে, রাজপরিবারেরা এই-ক্ষণে তন্মধ্যেই বিরাজ করিতেছেন ।

পরন্তু আহারান্তে নৌকারোহণ পূর্বক আগমন করিতে করিতে কিয়দূর পর্য্যন্ত নদীর উভয় তীরে স্থানে স্থানে শুদ্ধ রাজবল্লভের প্রতিষ্ঠিত দেবালয় সকল দেখিতে পাইলাম । এবং নদীর উপরে কিঞ্চিৎ দূরে ও অধিক দূরে স্থানে স্থানে আর আর অনেক কীর্তি অদ্যাপি সজীব, মৃতকল্প, ও ভগ্ন হইয়া রহিয়াছে, সময়ের স্বল্পতা ও পথশ্রান্তি জন্য তৎসমুদয়ে অধিকাংশ দেখিতে পাইলাম না, একারণ অন্তঃকরণে অতিশয় খেদ রহিয়া গেল ।

উক্ত মহাত্মা যত কীর্তি স্থাপন করিয়াছিলেন, অধুনা তাহার অর্ধেক নাই, পদ্মা তাহা নাশ করত কীর্তিনাশা নাম ধারণ করিয়াছে ।

রাজা রাজবল্লভ সংস্কৃত, বাঙ্গালা, পারস্য, আরবী, হিন্দী প্রভৃতি কতিপয় ভাষায় অতিশয় যোগ্য ও রাজকন্ঠে অত্যন্ত নিপুণ ছিলেন, তাঁহার ন্যায় পরোপকারী ও দাতা ব্যক্তি প্রায় কাহাকেই দেখা যায় না ।

আমি বিশেষরূপে অনুরোধ করিতেছি, বঙ্গবাসী যে সকল মহাশয় নৌকাযোগে ঢাকা, বিক্রমপুর, কমিল্যা, সুধারাম ও চট্টগ্রাম প্রভৃতি প্রদেশে আগমন করেন, তাঁহারা যেন একবার রাজনগরে আসিয়া মহারাজ রাজবল্লভের কীর্তিকলাপ দর্শন করেন । বরিশাল হইতে রাজনগর হইয়া উল্লেখিত সমুদয় স্থানে

গমন করিতে হইলে কেবল এক দিবসের পথের বিলম্বমাত্র হয় । কিন্তু রাজনগরের পথ অতি সুপথ, নদী অতি ক্ষুদ্র, কোন আশঙ্কাই নাই, সর্বত্রই খাদ্যদ্রব্য প্রাপ্ত হওয়া যায়, জল নিশ্চল ও মিষ্ট । অতএব অধিক লেখা বাহুল্যমাত্র ।

পরন্তু ঢাকানগরের প্রাচীন-কীর্তি সকল দেখিতেও যেন কেহ আশ্রয় না করেন ।

ঢাকার মধ্যে স্বনামধন্য রাজাদিগের এবং বিক্রমপুরে মহারাজ বল্লালসেনের প্রাচীন কীর্তির যে সকল চিহ্ন দেখা যায়, তাহাতে এককালেই ঘোরতর দুঃখে দুঃখিত ও অত্যাশায়ে অভিভূত হইতে হয় । আহা !—তাহা কি বিচিত্ররূপে বিনির্মিত হইয়াছিল ? আমি বিশেষ যত্নপূর্বক ঐ দুইটি বিষয়ের পুরাতন ও আধুনিক অবস্থা বর্ণনা করত সময়ক্রমে পাঠকপুঞ্জের নয়নাগ্রে সমর্পিত করিব । সংপ্রতি রাজনগর ঢাকানগর, বিক্রমপুর, সুবর্ণগ্রাম প্রভৃতির অবস্থাदर्শনে মনের অবস্থা বক্রপ হইল, অদ্য আন্তরিক আক্ষেপে কেবল তাহাই উল্লেখ করিলাম ।

ঢাকার নবাবদিগের পুরাতন প্রাসাদ প্রভৃতি দুর্গের দুর্গতি-দৃষ্ট কেবল নয়ননীরে নিমগ্ন হইতে হয় । যদিও পূর্বামুরূপ কিছুই নাই, তথাচ অবশিষ্ট ষাটা আছে, তাহাই দেখিয়া নয়নের নিমিষ ফেলিতে ইচ্ছা হয় না ।—আহা ! কি পরিতাপ ! এই-রূপে বিক্রমপুরের সে বিক্রম নাই, সেই কীর্তিকুশল পৃথীপতি বিরাজমান নাই, সেই রাজবংশের সেই রাজমর্যাদা আর কিছুই নাই, রাজনগরের সে শোভাই নাই, কিছুই নাই, কিছুই নাই ।

মধুগীম মধুচক্রের ন্যায় শুষ্ক স্থান মাত্র বহিরাছে, তদৃষ্টে অতি  
 মিষ্ট্র পায়ণ্ড ব্যক্তির পায়ণমর হৃদর হুঃখে বিদীর্ণ হইতে থাকে ।  
 যে রাজপরিবার পূর্বে পারীন্দ্রবৎ প্রচুরপরাক্রম প্রচার পূর্বক  
 মহাবল পরাক্রান্ত কুঞ্জরের উচ্চ পর্ব খর্ব করিতেন, অধুনা গ্রহ-  
 বৈগুণ্য জন্য তাঁহারা সর্বোতোভাবে সামর্থ্যশূন্য হইয়া কুরঙ্গ  
 অপেক্ষাও হীনবল হইয়াছেন । ফণীর মনি নাই, ফণা নাই,  
 ধরাধর ধরাডলে পতিত হইয়াছে, তাহার উপর গোপ্পদের ডল  
 ঞ্জবল হইয়া তরঙ্গরঙ্গ বিস্তার করিতেছে । মহাসমুদ্র শুষ্ক হই-  
 রাচে, তাহার বক্ষে বিশাল-বিজন-বিরল-বিগিন বিরচিত হইবার  
 ভরঙ্গর হিংস্রজন্তুবাহ বিচরণ করিতেছে । কালের ধর্ম্মই এইরূপ,  
 কালের কর্ম্মই এইরূপ । কালে কিছুই থাকেনা, কাল সকলি  
 করিতেছেন, কাল সকলি হরিতেছেন, অতএব বিলাপ করা বৃথা  
 হইতেছে, কারণ এইকাল কালস্বরূপ হইয়া কালে ঐ কীর্তি-  
 নাশকে কীর্তিনাশা করত সমস্ত রাজকীর্তি নাশ করিয়াছে ।

---

## সংবাদ ভাঙ্কর ।

গৌরীশঙ্কর ভট্টাচার্য্য ।

দেশীয় ভাষানভিজ্ঞের প্রতিফল ।

যে দেশে যে ভাষার চলন থাকে, সে দেশীয় মনুষ্যদিগের সকল অভিপ্রায় সেই ভাষার ব্যক্ত হয়, কিন্তু ঐ সকল ভাষার শব্দ অগণ্য এবং তাহার অর্থও নানা প্রকার আছে, দেশীয় লোকেরাই সকল শব্দের সকল অর্থ বুঝিতে পারেন না, অন্যের নিকট জিজ্ঞাসা করিয়া জানিতে হয়, অতএব জ্ঞানী লোকেরা কহেন, যদি ভিন্নদেশীয় লোকেরা অপর দেশের ভাষার ব্যবহার করেন, তবে তাহার শব্দ এবং শব্দার্থ শিক্ষায় বিলক্ষণ মনোযোগ করিবেন । কারণ আপনারা শব্দবোধে অনভিজ্ঞ হইলে, অনেক নিকট এক শব্দ অন্য প্রকার বলিবার সম্ভাবনা, এবং শব্দার্থ না জানিলে এক শব্দের তাৎপর্য্য অন্যরূপে বলেন, তাহাতে শ্রোতারা এক বিষয় অন্যপ্রকার বুঝিয়া যদ্যপি বিপরীত ব্যবহার করেন, তবে অনিষ্টসম্ভাবনাও আছে, তাহার এক উদাহরণ বলি মনোযোগ কর ।

ধান্য নগরে মাধবদাস নামে এক ক্ষত্রিয় ছিলেন, তিনি প্রথমাবস্থায় বুদ্ধশিক্ষা করিয়া অস্ত্রশস্ত্র চালননিপুণ হইলেন, এবং ঐ বিদ্যার প্রভাবেই অনেক রাজ্য হস্তগত করিলেন তৎপরে যখন দেখিলেন, রাজ্যসাধনবিষয়ে অভিজ্ঞাষের শেষ হইয়াছে, তখন কমলপুরনামক সুশোভিত রাজধানীতে আবস্থান

করিতে লাগিলেন, এই সময়ে ধান্য নগর হইতে মাধবদাসের আত্মীয় পরিবারাদির আগমন হইল এবং জ্ঞাতিকুটুম্বেরাও ক্রমে কমলপুরে আইলেন। অনন্তর এক দিবস মাধবদাসের গুরু পুরোহিত একত্র হইয়া পরামর্শ করিলেন, মাধবদাস কমলপুরে রাজা হইয়াছেন, তাঁহার আত্মীয় পরিবার জ্ঞাতিকুটুম্বেরাও সেই স্থানে গেলেন, তবে আমরা ধান্য নগরে কি অবলম্বনে রহিলাম, চল কমলপুরে গমন করিয়া তাঁহার সহিত সাক্ষাৎ করি, তিনি অবশ্য আমাদিগকেও নিকটে রাখিবেন। এই পরামর্শ করিয়া গুরু পুরোহিত কমলপুরে গমন করিলেন, কিন্তু তৎকালীন মাধবদাসের দ্বারে অনেক দ্বারী ছিল, তাহারা বিদেশীয় লোক, সংস্কৃত ভাষার কিছুই জানে না, তথাচ ঐ গুরু পুরোহিত সংস্কৃত ভাষায় কহিলেন, “রাজাকে সমাচার বল, ধান্যনগর হইতে গুরু পুরোহিত আসিয়াছেন।” দৌবারিকদিগের নিকট বারম্বার এঁই কথা বলেন, তাহারা তাহা বুঝিতে পারে না অতএব দৌবারিকেরা মহা বিরক্ত হইয়া ভাবিতে লাগিল, রাজার নিকট সমাচার না দিলে তাহাদিগের দণ্ড হইবে, অতএব এক ব্যক্তি ঐ কথা শুনিয়া রাজসমীপে বলিতে গেল, কিন্তু যাইতে যাইতে আনুপূর্বিক ভুলিয়া গিয়া হিন্দী ভাষায় কহিল, মহারাজ গুরুমগর হইতে ধান্য আসিয়াছে, কি আজ্ঞা হয়। রাজা ভাবিলেন তাঁহার এক গ্রামের নাম গুরুনগর বটে, সেই স্থান হইতে ধান্য আসিয়া থাকিবে, অতএব কহিলেন, ধান্য নিয়া গোলায় রাখ, পরে বিবেচনা হইবে। এই



কথা শ্রবণে দৌবারিক নীচে গিয়া কহিল, তোমাদিগকে গোলায় রাখিতে আজ্ঞা দিলেন, চল, সেই স্থানে রাখিয়া আসি । তাহাতে গুরু পুরোহিত ভাবিলেন, গোলা নামে কোন উত্তম গৃহ আছে, সেই স্থানে আমাদিগকে লইয়া যাইতেছে, ইহার পরে রাজা আনিয়া সাক্ষাৎ করিবেন, এবং গোলায় কপাট খুলিয়া যখন ধান্যের উপর বসিতে কহিল, তৎকালেও মনে করিলেন এ দেশের এই ব্যবহার থাকিবে যে, গুরু পুরোহিত আসিলে তাঁহাদিগকে প্রথমতঃ লক্ষ্মীর ভাণ্ডারে বসাইতে হয়, এই জন্যই বুদ্ধি গোলায় লইয়া আসিল । কিন্তু যখন চাষি দিয়া দৌবারিক চলিয়া গেল, সন্ধ্যা পর্য্যন্তও কেহ জিজ্ঞাসা করিল না, তখন তাঁহারা মনে করিলেন আমাদিগের দুঃখের কোন কারণ ঘটিয়াছে, নতুবা মাধবদাস যথার্থ জানিতে পারিলে কদাচ এরূপ হইত না ; অতএব গুরু পুরোহিত এবং ভৃত্য তিন জনে মহা কোলাহল করিতে লাগিলেন, কিন্তু তাহাতেও দৌবারিকেরা কপাট খুলিয়া দিলেক না, বরং বাহিরে থাকিয়া আরো তর্জন গর্জন করিতে লাগিল । পরে ঐ কোলাহল রাজার কর্ণগোচর হইল, যে, ধান্যের গোলায় লোক বদ্ধ রহিয়াছেন, অতএব রাজা দৌবারিকগণকে ডাকিয়া জিজ্ঞাসা করিলেন, ধান্যের গোলায় মধ্যে কেন গোলমাল হইতেছে ? তাহাতে দৌবারিক কহিল, আমি তখন বলিয়াছি গুরুপুর হইতে ধান্য আসিয়াছে, কি আজ্ঞা হয়, তাহাতে মহারাজ ধান্য গোলাতে রাখিতে অনুমতি করিয়াছিলেন, তাহাদিগকে সেই

স্থানে রাখিয়াছি, এইরূপে ভাষারাই চীৎকার করিতেছে । ইহাতে রাজা কহিলেন, ওরে মূর্খ ! এ যে মনুষ্যের চীৎকার শুনিতেছি, ধান্য কি মনুষ্যের ন্যায় চীৎকার করিতে পারে ? কেমন ধান্য রাখিয়াছিস, এই স্থানে লইয়া আয়, বিবেচনা করি । তৎপরে দৌবারিক গিয়া গোলায় কপাট খুলিয়া গুরু, পুরোহিত, ভৃত্য তিন, ব্যক্তিকে আনয়ন করিলে মাধবদাস মহালজ্জিত হইলেন এবং নানাপ্রকার স্তুতিবাক্যে তাঁহাদিগকে শাস্ত করিয়া ঐ দৌবারিককে তাড়না দিলেন । কিন্তু ঐ ব্যক্তি সে দেশের ভাষার পদপদার্থজ্ঞানে সর্বজ্ঞ হইলে ভাষার এ দশা হইত না এবং গুরু পুরোহিতেরাও দুঃখ পাইতেন না ।

---

কৃষ্ণমোহন বন্দ্যোপাধ্যায় ।

সক্রেটিসের উপদেশ দিবার বৃত্তান্ত ।

সক্রেটিসের চরিত্র যৎকিঞ্চিৎ বর্ণনা করিয়া তিনি সাধারণের বিশেষতঃ স্বদেশীয় যুবকদের উপদেশার্থে যে কি পৰ্য্যন্ত পরিশ্রম করিয়াছিলেন, তাহার বিবরণ এক্ষণে লেখা যাইতেছে, কেন না তাহাদিগকে সংশিক্ষা দেওয়াতেই তাঁহার নাম প্রকৃত-রূপে উজ্জ্বল হয় ।

লিবেনিয়স\* কহিয়াছেন যে তিনি স্বদেশী লোকের মুখ ও সৌভাগ্যবৃদ্ধির নিমিত্ত এমত উদ্যোগী ছিলেন যে, জনসাধারণে তাঁহাকে পিতার ন্যায় জ্ঞান করিত । কিন্তু বৃদ্ধলোকদের ব্যবহারশোধন ছাড়, কেন না যাহারা আজন্মকাল মিথ্যাজ্ঞানের বিড়ম্বনায় প্রবীণ হয়, তাহারা পূর্ব সংস্কার ত্যাগ করিয়া সহজে নূতন মত গ্রহণ করিতে পারে না, একারণ তিনি যুবকদের শিক্ষাতেই বিশেষ যত্নবান হইলেন, ফলতঃ উৎকর্ষিত ভূমিতেই ধর্মের বীজ রোপণ করা পরামর্শসিদ্ধ ।

অন্যান্য দার্শনিক পণ্ডিতেরদের ন্যায় সক্রেটিসের কোন নির্দিষ্ট প্রকাশ্য পাঠশালা ছিল না, এবং শিক্ষা দিবারও নিয়মিত কাল ছিল না, তিনি ছাত্রবর্গের জন্য বেঞ্চ প্রভৃতি বিশেষ উপ-

---

\* লিবেনিয়স—এক জন গ্রীসদেশীয় আলঙ্কারিক । ৩২৪ খৃঃ অব্দে তাঁহার জন্ম হয় ।

বেশন প্রস্তুত করেন নাই, এবং আপনিও অধ্যাপনার সমস্ত কোন প্রশস্ত আসন গ্রহণ করিতেন না, উপদেশের দেশ কাল পক্ষে কোন নিয়ম ছিল না, সকল স্থানে, সকল কালেই এবং ব্রহ্মল, শিবির, রাজকীয় সমাজ, কারাগারাদি সকল স্থানেই বিদ্যাবিতরণের যত্ন প্রকাশ করিতেন। প্লুটার্ক + কছেন যে, অবশেষে বিষপানকালীনও তিনি জ্ঞানের কথা বিস্তারকরণে ক্রটি করেন নাই। তাহার এই ব্যবহারের প্রসঙ্গে বিচক্ষণ গ্রন্থকর্তা রাজনীতিবিষয়ক এক উত্তম নিয়মের বর্ণনা করিয়াছেন। যথা “সাধারণের উপকারকরণার্থে রাজকর্ম্মে বাস্তবিক নিযুক্ত হওয়া, অথবা বিবাদনিষ্পত্তির নিমিত্ত বিচারকের পরিচ্ছদ গ্রহণপূর্ব্বক উচ্চতর বিচারাসনে উপবিষ্ট হওয়া নিতান্ত আবশ্যিক নহে, অনেকে এপ্রকার পদ প্রাপ্ত হয় বটে, কিন্তু তাহারা সেনেটর বক্তা ইত্যাদি সূচাক্র উপাধি প্রাপ্ত হইলেও যদি তৎসম্বন্ধীয় ধর্ম্মে ও কার্যসাধনে তৎপর না হয়, তবে তাহাদিগকে সামান্য লোক মাত্র জ্ঞান করা কর্তব্য, এমত লোককে বরং পামর ও ইতর জনতামধ্যেও গণ্য করাতে হানি নাই। যে ব্যক্তি পৃষ্ট হইলে সৎপরামর্শ দানে সমর্থ, এবং পৌর-জনগণকে ধর্ম্মানুযায়ী ও দয়াসত্যন্যায়ানুরাগী এবং স্বদেশীয়-হিতার্থে যত্নশালী করিতে যাহার ক্ষমতা আছে, সে ব্যক্তি যেমত পদ কিম্বা অবস্থাতে থাকুক, তাহাকেই সত্যবিচারক ও সত্য-শাসক কহিতে হয়।”

+ এক জন গ্রীসদেশীয় জীবনবৃত্তরচয়িতা ।

সক্রেটিসও এই প্রকার লোক ছিলেন । তিনি নব্য পুরুষ-দিগকে হিতোপদেশ দ্বারা সংশিষ্য করিয়া রাজ্যের কি পর্য্যন্ত উপকার করিয়াছিলেন, তাহার বর্ণনাতে লেখনী সমর্থ হইয়া না । কোন উপদেশক তাঁহা অপেক্ষা অধিক শিষ্যকে একত্র করিতে কখন পারে নাট, আর তাঁহার ন্যায় অন্য কাহারও শিষ্য মহোদয় ছিলেন না । প্লেটো\* একাকীই সহস্রগুণরাশি, তিনি মরণকালে এই বলিয়া করুণানিধান ঈশ্বরের স্তব করিয়াছিলেন যে, বিবেকশক্তিবিশিষ্ট জীব হইয়া স্বেচ্ছভূমিতে না জন্মিয়া গ্রীসদেশে জন্মলাভ করিয়াছেন, এবং অন্যকালে সংসারযাত্রা না করিয়া সক্রেটিসের পবিত্র জীবনকালে জন্মপ্রাপ্ত হইয়া-ছিলেন, অতএব বিধাতাকে ধন্য ! জেনফন † তাঁহার উপদেশে কৃতার্থশ্রুতা হইয়াছিলেন । কথিত আছে যে, সক্রেটিস তাঁহাকে এক দিন রাজমার্গে দেখিয়া যষ্টিনোদন দ্বারা স্তম্ভিত করিয়া জিজ্ঞাসা করেন, “খানাদ্রব্য কোথায় বিক্রয় হয়, তাহা জান ?” জেনফন হট্টের পথ দেখাইয়া এ প্রশ্নের উত্তর সহজেই দিয়াছিলেন, পরে সক্রেটিস পুনশ্চ জিজ্ঞাসিলেন “সুনীতির শিক্ষা কোথায় পাওয়া যায় ?” এ কথায় জেনফন কিরংক্ষণ নিরুত্তর হইলে ঐ পণ্ডিত স্বয়ং কহিলেন, “সুনীতিশিক্ষার স্থল যদি জানিতে চাহ, তবে আমার সহিত আইস, আমি দেখাইব ?”

\* প্লেটো—এক জন গ্রীসদেশীয় সুবিখ্যাত দার্শনিক । ইনি সক্রেটিসের অন্যতম শিষ্য ।

† এক জন গ্রীসদেশীয় ইতিহাসরচয়িতা ।

জেনফন তৎক্ষণাৎ তাঁহার সহিত গমন করিলেন । পরে ঐ জেনফন সর্বাগ্রে গুরুর উপদেশ সংগ্রহ করিয়া লোকশিক্ষার্থ প্রকাশ করেন ।

আরিস্টিপস † একবার সক্রেটিসের কথা যৎকিঞ্চিৎ শ্রবণ করিয়া তাঁহার শিষ্যত্ব স্বীকারে এত ব্যগ্র হইয়াছিলেন যে, ঐ জ্ঞানসিকুর নিকট গিয়া সদস্য বিবেকের সূত্র এবং অনর্থনির- সনের পথলাভের চিন্তায় শীর্ণশরীর ও ক্লিষ্টাঙ্গ হইয়াছিলেন, পরে তত্পদেশ অজ্ঞান করিয়া জন্ম সফল করিয়াছিলেন ।

মেগারা দেশীয় ইউক্লিডের বিষয়ে বাহা লিখিত আছে, তাহাতে আরো স্পষ্ট বোধ হয় যে, সক্রেটিসের শিষ্যরা তাঁহার উপদেশ প্রাপ্তার্থে বিজাতীয় ব্যগ্র হইত । এথেন্স এবং মেগারা দেশীয় লোকদের মধ্যে সে কালে ঘোরতর সংগ্রাম উপস্থিত হইয়াছিল, তাহাতে উভয় দলস্থ সৈন্যের পরস্পর এবিস্বিধ ঘেৰ ও হিংসা জন্মিয়াছিল যে এথেন্স নগরের পৌরজনেরা নিজ সেনানীগণকে বৎসরে বৎসরে দুইবার মেগারা রাজ্যে উপদ্রব করিতে শপথ করাইয়াছিল, এবং নিয়ম করিয়াছিল যে, শত্রু-পক্ষের কেহ আটিকাদেশে পদার্পণ করিলেই শমনভবন গত হইবে । তথাপি সক্রেটিসের উপদেশ গ্রহণার্থে ইউক্লিডের মনো- বাসনা শিথিল হয় নাই । তিনি সায়ংকালে মুখে অবগুষ্ঠন দিয়া নারীর বেশে সক্রেটিসের বাটীতে আসিতেন, পরে রাত্রি প্রবাস করিয়া প্রত্যুষে পুনশ্চ ঐরূপে স্বদেশে প্রত্যাগমন করিতেন ।

† এক জন গ্রীসদেশীয় দার্শনিক । সক্রেটিসের শিষ্য ।

সক্রেটিসের শিষ্য হোনার্থে এথেন্স নগরীর নব্য লোক-  
দের কি পর্য্যন্ত প্রয়াস ছিল, তাহা বর্ণনা করিলে আপাততঃ  
উৎকট বোধ হইবে । তাহারা তাঁহার নিকটস্থ হইয়া উপদেশ  
শ্রবণে পিতামাতা ও ক্রীড়া কৌতুকাদি সমস্ত পরিহার করিত ।  
ইহার এক উদাহরণ আল্কিবায়েডিসের চরিত্রেতে দৃষ্ট হই-  
য়াছে । আল্কিবায়েডিস অতি প্রচণ্ড স্বভাবপ্রযুক্ত স্বজাতীয়  
লোকের মধ্যে সদা অহঙ্কারে আশ্ফালন করিতেন । সক্রেটিস  
কখনও তাঁহার ঐ গর্ব ও আশ্ফালন দমনে ক্রটি করেন নাই ।  
উদারবংশ্য যুবকেরা ধন গৌরবে যে প্রকার স্ফীত হইয়া থাকে,  
আল্কিবায়েডিস এক দিবস তদ্রূপ স্ফীত হইয়া ধনসম্পত্তির দর্শন  
করিতেছিলেন, সক্রেটিস তাহা দেখিয়া উঁহাকে এক ধরাতলের  
মেপ অর্থাৎ নক্সাতে আটকাদেশ লক্ষিত করিতে কহিয়া-  
ছিলেন । কিন্তু অতি ক্ষুদ্রতাহেতুক ঐ দেশ প্রথমতঃ উঁহার  
দৃষ্টিগোচর হয় নাই, পরে বহু ক্রমে দেখিতে পাইয়া কহিলেন,  
“এদেশ অতি ক্ষুদ্র, নক্সাতে সহজে দৃষ্টিগোচর হয় না ।” সক্রে-  
টিস উত্তর করিলেন “তবে দেখ তুমিও কেমন ক্ষুদ্রপরিমাণ  
ভূমির জন্য অভিমান করিয়া থাক ।” একথা আরো বাহুল্যরূপে  
বিস্তার করিলে হানি হইত না, কেননা এথেন্স যেমত সমস্ত  
গ্রীশ দেশের সহিত তুলনাতে বিন্দুমাত্র বোধ হয়, তদ্রূপ গ্রীশ-  
দেশ ইউরোপের পক্ষে, ও ইউরোপ পৃথিবীর পক্ষে, এবং পৃথিবী  
ও দশদিক্স্থ অপরিচ্ছন্ন খণ্ডগুলির পক্ষে অণুমাত্র, অতএব অতি  
পরাক্রান্ত রাজাও এই অপার ব্রহ্মাণ্ড এবং অনন্ত আকাশের  
মধ্যে ক্ষুদ্র কীট ও নগণ্য ।

অপর এথেন্স নগরীয় যুবকেরা থেমিষ্টক্লিস, সাইমন, এবং পেরিক্লিশের মহত্বদর্শনে চমৎকৃত হইয়াছিল এবং আপনার ও যশঃস্পৃহাতে মুগ্ধ হইয়া ভাক্ত তার্কিকেরদের উপদেশ গ্রহণানন্তর আপনাদিগকে সর্ববিষয়ে সক্ষম জ্ঞান করিয়া উচ্চ পদের আকাঙ্ক্ষা করিত, কেননা ঐ তার্কিকেরা স্বশিষ্যগণকে উত্তম রাজনীতিজ্ঞ করিবেন বলিয়া আড়ম্বর করিতেন। ঐ যুবকদের মধ্যে গ্লাকো নামে একজন বিংশতি বৎসর বয়ঃক্রমেই রাজকীয় কাযের ভার প্রাপ্তার্থ এমত দৃঢ়তর আকাঙ্ক্ষী হইয়াছিলেন যে, তাঁহার জ্ঞাতি কুটুম্বের মধ্যে কেহই ঐ দুরাগ্রহ ও অসঙ্গত স্পৃহা হইতে তাহাকে নিরস্ত করিতে পারেন নাট, কেবল সক্রেটিস ঐ বালকের ভ্রাতা প্লেটোর অনুরোধে নানাবিধ প্রবোধবাক্যে উক্ত অভিলাষ হইতে তাহাকে ক্ষান্ত করাইয়াছিলেন।

সক্রেটিস এক দিবস উঁহার সাক্ষাৎকার পাইয়া এমত সারল্যের সহিত কথোপকথনে প্রবৃত্ত হইলেন যে, সে ব্যক্তি অন্ধাপূর্বক শ্রবণ করিতে লাগিল। সক্রেটিস কহিলেন, “তুমি কি রাজাশাসনের ভার লইতে অভিলাষ করিতেছে?” গ্লাকো উত্তর করিল, “হঁা তাহাই বটে। সক্রেটিস পুনশ্চ কহিলেন, “অভিলাষ মহোদয়ের পক্ষে উচিত বটে, কেননা, এমত বিষয়ে কৃতকার্য হইলে বন্ধুবর্গের মহোপকার করিতে পারিবেন। এবং পরি-জনের শ্রীবৃদ্ধি ও দেশের উন্নতিসাধনেরও সক্ষম হইবেন, তাহাতে আপনার সুখ্যাতি এথেন্স নগরেও সমস্ত গ্রীক দেশে ব্যাপিবার সম্ভাবনা, এবং থেমিষ্টক্লিশের ন্যায় স্নেহ জ্ঞাতিদের মধ্যে ও



তোমার বশোবিস্তার হইবে, আর তুমি যেখানে থাক, পৃথিবীর সকল লোকেরই প্রতিষ্ঠাভাজন হইবে ।”

সক্রেটিসের এমন মধুর মনোরম্য উক্তিতে ঐ গর্বিত যুবক অত্যন্ত আমোদিত ও মোহিত হইয়া ঔসুক্যপূর্বক তাহার সহিত বাক্যালাপে প্রবৃত্ত হইল, শুক্রবা জন্মাইবার নিমিত্ত আর অধিক অনুরোধ করিতে হইল না, পরে এইরূপ কথোপকথন হইতে লাগিল । সক্রেটিস বলিলেন, “তুমি যশ ও সুখ্যাতির স্পৃহা করিতেছ, অতএব সাধারণের উপকার করিতেও অবশ্য তোমার বাসনা আছে ।” গ্লাকো, “হাঁ অবশ্য ।” সক্রেটিস, “ভাল, তবে প্রথমতঃ দেশের কি উপকার করিতে বাসনা কর, ইহা করিলে পরমাপ্যায়িত হইব ।” গ্লাকো এ কথার উত্তর শীঘ্র প্রদানে অক্ষম হইয়া বক্তব্য কি তাহা ভাবিতে লাগিলেন । পরে সক্রেটিস কহিলেন, “বোধ করি, তুমি স্বদেশকে ধনাঢ্য করিতে অর্থাৎ রাজস্ববৃদ্ধি করিতে মানস করিতেছ ।” গ্লাকো “যথার্থ অনুমান করিয়াছ ।” সক্রেটিস, “তবে বোধ করি, রাজস্ববিষয়ে তোমার বিশেষ অবগতি আছে, তাহার যথার্থ গণনা অবশ্য করিয়া থাকিবে, এবং সমস্ত বৃত্তান্ত তোমার কণ্ঠাগ্রে আছে, দৈবাৎ কোন বিষয়ে উৎপত্তির ব্যাঘাত হইলে প্রকারান্তরে অপ্রতুল নিবারণের ক্ষমতাও থাকিবে ।” গ্লাকো, “না এ বিষয় আমি কখন চিন্তা করি নাই ।” সক্রেটিস “তথাপি রাজ্যের ব্যয় কত, নিতান্ত পক্ষে তাহাও জান, কেননা যে যে বিষয়ে অপব্যয় হইয়া থাকে, তাহা সৃগিত করা আব-

শ্যক ।” গ্লাকো, “ইহাও আমি জানি না ।” সক্রিটিস, “তবে দেশকে ধনাঢ্যকরণের প্রতিজ্ঞাসাধনে এক্ষণে বিলম্ব করিতে হইবে, কেননা, রাজ্যের আয় ব্যয় কত তাহাতে অবগত না হইয়া ইহা করিতে পারিবে না ।”

গ্লাকো পুনশ্চ কহিল, “দেশের উপকার করিবার অন্য ধারা আছে, আপনি তাহার উল্লেখ করেন নাই, শত্রুকুলধ্বংস করিয়াও রাজ্যের উপকার করা যায় ।” সক্রিটিস, “যথার্থ বটে, কিন্তু রাজ্য বলবত্তম না হইলে শত্রুধ্বংস হইতে পারে না, কেননা বল অল্পতর হইলে যাহা আছে, তাহাও নষ্ট হইতে পারে, একারণ যুদ্ধের প্রসঙ্গ করিলে উভয় পক্ষের সৈন্য গণনা করিতে হয়, রাজ্যের বল অধিক দেখিলেই যুদ্ধোদ্যোগের পরামর্শ দেওয়া যাইতে পারে । আর রাজ্যের বল অল্প হইলে যুদ্ধ হইতে নিরস্ত থাকিবার মন্ত্রণা দেওয়া কর্তব্য । তুমি কি আমাদের রাজ্যের বল গণনা করিয়াছ ? এবং জলপথে বা স্থলপথে বিপক্ষসৈন্যের সংখ্যাও কি অবগত আছ ? এ বিষয়ের কোন লিখন কি তোমার নিকটে আছে ? যদি থাকে, তবে আমাকে একবার দেখাইলে বাধিত হইব ।” গ্লাকো, “এক্ষণে আমার নিকট সে গণনা নাই ।” সক্রিটিস, “তবে দেখিতেছি, তুমি রাজ্যভার লইলে দেশে সম্প্রতি যুদ্ধ হইবে না, কেননা এখনও তোমাকে অনেক পরিশ্রমপূর্বক এ বিষয়ের তথ্যাতথ্যের অনুসন্ধান করিতে হইবে, তাহা না করিয়া তুমি কখনও যুদ্ধ করিবে না ।’

সক্রেটিস এই প্রকারে অন্যান্য অনেক প্রয়োজনীয় বিষয়ের প্রশ্ন করিলে তাহাতেও গ্রাকোর অনভিজ্ঞতা প্রকাশ পাইল । অবশেষে সে আপনি স্বীকার করিল যে, কোন বিষয়ের তথ্য-তথ্য না জানিয়া কেবল আত্মশ্লাঘা এবং উচ্চতর পদ প্রাপ্তির আকাঙ্ক্ষা প্রযুক্ত রাজ্যশাসনের ভার লইতে ব্যগ্র হওয়া অত্যন্ত উপহাসের কথা । পরে সক্রেটিস কহিলেন, “ হে সৌম্য ! সাবধান হইও, বশের অত্যন্ত তৃষ্ণাতে এমনতর কন্ঠে প্রবৃত্ত হইও না, যাহাতে তোমার অসামর্থ্য ও সামান্য ব্যুৎপত্তি প্রকাশ পাইয়া তোমাকে অপ্রতিভ ও লজ্জিত করিবে । ”

গ্রাকো সক্রেটিসের সংপরামর্শে চেতনা পাইয়া সাধারণ সমাজে উপস্থিত হইবার পূর্বে গোপনভাবে সকল বিষয়ের অনুসন্ধান করিতে লাগিলেন । উক্ত বৃত্তান্ত সকল কালের লোককে উপদেশ দেওয়া সর্ববিধ মনুষ্যের হিতকারী হইতে পারে ।

---

ঈশ্বরচন্দ্র বিদ্যাসাগর ।

সর আইজাক নিউটন ।

ষে বৎসর গালিলিয়র কলেবর পরিত্যাগ করেন, সেই বৎসরে আইজাক নিউটনের জন্ম হয় । এই মহাপুরুষ, লিঙ্কলন-সাররের অন্তঃপাতী কোন্টসওয়ার্থনামক গ্রামে, ১৬৪২ খৃঃ অন্দের ২৫ শে ডিসেম্বর শরীরপরিগ্রহ করেন । তাঁহার পিতা তাৎশ সঙ্গতিপন্ন ছিলেন না, কেবল যৎকিঞ্চিৎ ভূমিকর্ষণ দ্বারা জীবিকাসম্পাদন করিতেন । বোধ হয়, নিউটন কোপর্নিকসের ও গালিলিয়ার উদ্ভাবিত বিষয় সমূহের প্রামাণ্যসংস্থাপনার্থেই জন্মগ্রহণ করিয়াছিলেন ।

তিনি, প্রথমতঃ মাতৃসন্নিধানে কিঞ্চিৎ শিক্ষা করিয়া, দ্বাদশ-বর্ষ বয়ঃক্রমকালে, গ্রন্থামনগরে লাটিন পাঠশালায় প্রেরিত হন । তথায়, শিল্পবিষয়ক নব নব কৌশল প্রকাশ দ্বারা, তাঁহার অসাধারণ বুদ্ধির লক্ষণ প্রদর্শিত হয় । ঐ সকল শিল্পকৌশল দর্শনে তত্রত্য লোকেরা চমৎকৃত হইয়াছিল । পাঠশালার সকল বালকই, বিরামের অবসর পাইলে, খেলার আসক্ত হইত ; কিন্তু তিনি সেই সময়ে নিবিষ্টমনা হইয়া, ঘরটুপ্রভৃতি যন্ত্রের প্রতিকল্প নির্মাণ করিতেন । একদা, তিনি একটা পুরাণ বাস্ত্র লইয়া জলের ঘড়ি নির্মাণ করিয়াছিলেন । ঐ ঘড়ীর শঙ্ক, বাস্ত্র মধ্য হইতে অনবরতবিমির্গতজলবিন্দুপাত দ্বারা নিমগ্নকাষ্ঠখণ্ড-

প্রতিঘাতে, পরিচালিত হইত; বেলাবোধনার্থ তাহাতে একটা প্রকৃত শঙ্কুপট ব্যবস্থাপিত ছিল।

নিউটন পাঠশালা হইতে বহির্গত হইলে, কুহাই স্থির হইয়াছিল, তাহাকে কৃষিকর্ম অবলম্বন করিতে হইবেক। কিন্তু অতি ত্বরায় ব্যক্ত হইল, তিনি গুরুপ পরিশ্রমসাধ্য ব্যাপারে কোন ক্রমে সমর্থ নহেন। সর্বদা একরূপ দেখা যাইত, যে সময়ে তাহাকে পশুরক্ষণ ও ভৃত্যগণের প্রত্যবেক্ষণ করিতে হইবেক, তখন তিনি নিশ্চিন্তমনে তরুতলে উপবিষ্ট হইয়া অধ্যয়ন করিতেন। কৃষিকর্মব্যক্তাবিক্রমার্থে গ্রহামের আপণে প্রেরিত হইলে, তিনি স্বসমভিব্যাহারী বৃদ্ধ ভৃত্যের উপর সমস্ত কার্য-নির্বাহের ভার সমর্পণ করিয়া, পরিষ্কৃত ভূগর্ভাশির উপর উপবেশনপূর্বক, গণিতবিষয়ক প্রশ্ন সমাধান করিতেন। জননী, বিদ্যাভ্যাসবিষয়ে তাঁহার এইরূপ স্বাভাবিক অতি প্রগাঢ় অনুরাগ দর্শনে সমুৎসুক হইয়া, পুনর্বার আর কয়েক মাসের নিমিত্ত, তাহাকে পাঠশালার পাঠাইয়া দিলেন। পরে, ১৬৬০ খৃঃ অব্দের ৫ই জুন, তিনি কেম্ব্রিজ বিশ্ববিদ্যালয়ের অন্তর্ভুক্ত ত্রিনিটি নামক বিদ্যালয়ে বিদ্যার্থীরূপে পরিগৃহীত হইলেন।

নিউটন পরিশ্রম, প্রজ্ঞা, সুশীলতা ও অহমিকাশূন্য আচরণ দ্বারা আইজাক বারো প্রভৃতি অধ্যাপকবর্গের অনুরূপ হইত ও সহায়্যারিগণের প্রশংসাত্মক ও প্রণয়ভাজন হইয়াছিলেন। তিনি, কেম্ব্রিজে প্রবিষ্ট হইয়া, প্রথমতঃ সন্দর্ভরচিত ন্যায়শাস্ত্র, কেম্ব্রিজ প্রণীত দৃষ্টিবিজ্ঞান, ওয়ালিসলিখিত অস্থিতপটিগণিত এই

কয়েক গ্রন্থ পাঠ করেন ; সাতিশয় পরিশ্রমসহকারে ডেকার্ট-রচিত রেখাগণিত গ্রন্থ ও অধ্যয়ন করেন; আর, তৎকালে নক্ষত্র-বিদ্যার কিছু কিছু চর্চা থাকতে, তাহারও অমুশীলন করিয়া-ছিলেন । তিনি ইউক্লিডের গ্রন্থ অত্যন্তমাত্র পাঠ করেন । এরূপ প্রসিদ্ধ আছে তিনি, প্রাচীন গণিতজ্ঞদিগের গ্রন্থ উত্তমরূপে পাঠ করা হয় নাই বলিয়া, উত্তর কালে অমুতাপ করিয়া-ছিলেন ।

নিউটন কেবলই অধ্যয়নকালে, আলোকপদার্থের তত্ত্ব-নির্ণয়ার্থ অত্যন্ত বত্ববান হইয়াছিলেন । ইহার পূর্বে এই বিষয়ে লোকের অত্যন্ত জ্ঞান ছিল । বিখ্যাত পণ্ডিত ডেকার্ট এই সিদ্ধান্ত করিয়াছিলেন যে, অন্তরীক্ষব্যাণী স্থিতিস্থাপকগুণো-পেত অতিবিরল পদার্থবিশেষের সঞ্চালনবিশেষদ্বারা আলোকের উৎপত্তি হয় । নিউটন এই মত খণ্ডন করিলেন । তিনি, অক্ষরবাহিত গ্রন্থমধ্যে প্রবেশপূর্বক বহুকোণবিশিষ্ট একখণ্ড কাচ লইয়া, কপাটের ক্ষুদ্র ছিদ্র দ্বারা তদুপরি সূর্যের কিরণ প্রযুক্ত করিতে লাগিলেন । এইরূপ পরীক্ষা দ্বারা দেখিতে পাইলেন, আলোক কাচের মধ্য দিয়া গমন করিয়া প্রকার ভঙ্গুর হইয়াছে যে, তন্তির উপর সপ্তবিধ বিভিন্ন বর্ণ প্রকাশ পাইয়াছে । অনন্তর, অসাধারণ কৌশলপূর্বক অশেষপ্রকারে পরীক্ষা করিয়া, তিনি এই কয়েক মহোপকারক বিষয় নির্দ্ধা-রিত করিলেন—আলোকপদার্থ কিরণস্বক, ঐ সকলকিরণকে বিভক্ত করিয়া অণু করা কাইতে পারে; ওক আলোকের

প্রত্যেক কিরণে রক্ত, পীত, নীল এই তিন মূলভূত কিরণ আছে ; এই ত্রিবিধ কিরণ অপেক্ষাকৃত নূনাধিক ভঙ্গুর হইয়া থাকে । নিউটনের এই অসাধারণ অভিনব আবিষ্কারকে দৃষ্টিবিজ্ঞানশাস্ত্রের মূলসূত্রস্বরূপ গণনা করিতে হইবেক ।

১৬৬৫ খৃঃ অব্দে, কেম্ব্রিজনগরে ঘোরতর মারীভয় উপস্থিত হওয়াতে, বিশ্ববিদ্যালয়ের সমুদায় ছাত্রকে স্থানত্যাগ করিতে হইয়াছিল । নিউটনও ঐ সময়ে আত্মরক্ষার্থে আপন আলয়ে পলায়ন করিলেন । তথায় পুস্তকালয়ের অসম্ভাবপ্রযুক্ত ইচ্ছানুরূপ পুস্তক পাঠ করিতে পাইতেন না ; এবং পণ্ডিতবর্গের অসম্মিধানপ্রযুক্ত শাস্ত্রীয় আলাপেরও সুযোগ ছিল না, তথাপি তিনি ঐ সময়ে গুরুত্বের নিয়ম অর্থাৎ বস্তুমাত্রের ভূতলাভিমুখে পাতপ্রবণতার বিষয় প্রথম প্রকাশ করিয়াছেন । এই মহীয়সী আবিষ্কার দ্বারা, নিউটনের অনধ্যায় বৎসর সকল, তাঁহার জীবনের শ্লাঘাতম ভাগ ও বিজ্ঞানশাস্ত্রীয় ইতিবৃত্তের চিরস্মরণীয় ভাগ বলিয়া পরিগণিত হইয়াছে ।

এক দিবস, তিনি উপবনমধ্যে উপবিষ্ট আছেন, এমন সময়ে দৈবযোগে তাঁহার সম্মুখবর্তী আতাবৃক্ষ হইতে এক কল পতিত হইল । তদ্বক্ষণে তিনি তৎক্ষণাৎ বস্তুমাত্রের পতন-নিরামক সাধারণ কারণবিষয়িণী পর্যালোচনার প্রবৃত্ত হইলেন । অনন্তর, তিনি এই বিষয় পুনর্বার আলোচনা করিয়া স্থির করিলেন, যে কারণবশতঃ আতা ভূতলে পতিত হইল, সেই কারণেই চন্দ্র ও গ্রহমণ্ডলী স্ব স্ব কক্ষে ব্যবস্থাপিত আছে, এবং

তাহাই পরমাত্ম শক্তিসহকারে অতি সহজে সমুদয় জ্যোতিষ্ক-  
বংশীর গতি নিয়মিত করিতেছে। এইরূপে গুরুত্বের নিয়ম  
আবিষ্কৃত হইল। এই নিয়মের জ্ঞান দ্বারা জ্যোতির্বিদ্যার  
মহীরসী শ্রীবৃদ্ধি হইয়াছে।

নিউটন, ১৬৬৭ খৃঃ অব্দে, কেম্ব্রিজ প্রেভ্যাগমন করিয়া,  
ত্রিনিটি বিদ্যালয়ের ছাত্রবৃত্তি প্রাপ্ত হইলেন। দুই বৎসর পরে,  
ঠাহার বন্ধু ডাক্তর বারো গণিতশাস্ত্রের অধ্যাপক পদ পরিত্যাগ  
করিলে, তিনি তাহাতে নিযুক্ত হইলেন। তিনি দৃষ্টিবিজ্ঞান-  
বিষয়ে যে সকল অভিনব মহৎ নিয়ম প্রকাশ করিয়াছিলেন,  
প্রথমতঃ কিছুকাল ঐ সমস্ত লইয়াই অধিকাংশ উপদেশ প্রদান  
করিলেন। আলোক ও বর্ণ বিষয়ে সম্পূর্ণ জ্ঞান থাকাতে,  
আপনার নূতন মত এমন স্পষ্টরূপে বুঝাইয়া দিলেন যে,  
শ্রোতৃবর্গ সন্তুষ্টচিত্তে ভূরি ভূরি প্রশংসা করিতে লাগিলেন।

১৬৭১ খৃঃ অব্দে, রয়েল সোসাইটী নামক রাজকীয় সমাজের  
ফেলো অর্থাৎ সহযোগী হইলেন। কিন্তু প্রসিদ্ধ আছে,  
অন্যান্য সহযোগীর স্তায় সভার ব্যয়নির্বাহার্থে অতি সখ্যাহে  
রীতিমত এক এক সিলিং দিতে অসমর্থ হওয়াতে তাঁহাকে  
অগত্যা অদানের অনুমতি প্রার্থনা করিতে হইয়াছিল। তৎ-  
কালে বিদ্যালয়ের বৃত্তি ও অধ্যাপকের বেতন এতদ্ব্যতিরিক্ত  
ঠাহার আর কোন প্রকার অর্থাগম ছিল না; আর, পৈতৃক  
বিষয় হইতে যে কিছু কিছু উৎপন্ন হইত, তাহা তাঁহার জননী ও  
অন্যান্য পরিবারের প্রাসাচ্ছাদনেই পর্য্যবসিত হইত। তাঁহার



ভোগতৃষ্ণা এত অল্প ছিল যে, আবশ্যিক পুস্তকের ও বৈজ্ঞানিক যন্ত্রের ক্রয় এবং অন্ত্রের দারিদ্র্যদুঃখবিমোচন এই উভয় সম্পন্ন হইলেই সন্তুষ্ট হইতেন । এতব্যতিরিক্ত বিষয়ে অর্থাভাবের জন্য ক্লেশমনা হইতেন না ।

১৬৮৩ খৃঃ অব্দে, তিনি প্রিন্সিপিয়ানারক অতি প্রধান গ্রন্থ রচনা করিলেন । ঐ পুস্তকে পণ্ডিতশাস্ত্রাণুসারে পদার্থ বিদ্যার নীমাংসা করা হইয়াছে । ১৬৮৮ খৃঃ অব্দে, যখন রাজবিপ্লব ঘটে, 'কেম্ব্রিজ বিদ্যালয়ের' প্রতিরূপ হইয়া, পার্লামেন্ট নামক সমাজে উপস্থিত হইবার নিমিত্ত, সকলে তাহাকে মনোনীত করিয়াছিল ; এবং ১৭০১ খৃঃ অব্দেও ঐ সর্ব্যাঙ্গার পদ পুনর্বার প্রাপ্ত হইয়াছিলেন । যে সকল ব্যক্তির বর্ধাৰ্থ উপকার ও পুরস্কার করিবার ক্ষমতা ছিল, নিউটনের অসাধারণ গুণ তাহাদের গোচর হওয়ার্তে, তিনি তদীর আনুকূল্যবলে টাকশালের অধ্যক্ষের পদে নিযুক্ত হইলেন । সুস্মানুস্ময় অনুসন্ধানবিধরে অত্যন্ত সহিষ্ণুতা ও সৰিশেষ নৈপুণ্য থাকাত্তে, তিনিই সৰ্ব্বাঙ্গ পেক্ষার ঐ পদের উপযুক্ত ছিলেন । নিউটন মৃত্যুকাল পর্যন্ত ঐ কার্যসম্পাদন করিয়া সৰ্ব্বত্র সুখ্যাতি প্রাপ্ত হইয়াছিলেন ।

অতঃপর, নিউটন বহুতর প্রশংসা ও পুরস্কার প্রাপ্ত হইতে লাগিলেন । লিভনিজনারক একজন প্রসিদ্ধ পণ্ডিত, নিউটনের নব নব আবিষ্কারানিবন্ধন অসাধারণ সম্মানদর্শনে চৰ্ঘ্যাপরবশ হইয়া, তুখিলোপবাসনার তাঁহার নিকট এক প্রস্ত প্রেরণ করেন । তিনি মনে মনে সিদ্ধান্ত করিয়াছিলেন, নিউটন কোন

রূপেই ইহার সমাধান করিতে পারিবেন না, তাহা হইলে তাঁহার প্রাধান্য প্রতিষ্ঠিত হইবেক । নিউটন টাকশালের সমস্ত দিনের পরিশ্রমের পর সারাফ্রে ঐ প্রশ্ন পাইলেন এবং শয়নের পূর্বেই তাহার সমাধান করিয়া রাখিলেন । তৎপরে আর কোন ব্যক্তি কখন নিউটনের কীর্তিবিলোপের চেষ্টা করেন নাই । ১৭০৫ খ্রীঃ অব্দে, ইংলণ্ডের অ্যান, নিউটনের মানবর্ধনার্থে, তাঁহাকে মাইট উপাধি প্রদান করেন ।

নিউটন উদারস্বভাবতাপ্রযুক্ত সামান্য সামান্য লৌকিক ব্যাপারেও স বিশেষ অবহিত ছিলেন । তিনি সর্বদা আত্মীয়-গণের সহিত সাক্ষাৎ করিতে যাইতেন এবং তাঁহারা সাক্ষাৎ করিতে আসিলে, সমুচিত সমাদর করিতেন ; কথোপকথন-কালে কখন আত্মপ্রাধান্য প্রখ্যাপন করিতেন না । তিনি স্বভাবতঃ সুশীল, সরল ও প্রফুল্লচিত্ত ছিলেন ; এই নিমিত্ত সকল ব্যক্তি তাঁহার সহবাসবাসনা করিত । লোকের সর্বদা যাতায়াত দ্বারা তাঁহার মহার্হাময়ের অপকল্প হইত, তথাপি তিনি কিঞ্চিৎ-মাত্র বিরক্তভাব প্রকাশ করিতেন না । কিন্তু প্রত্যাষে গাত্রো-থানের নিয়ম এবং বিশেষ বিশেষ কার্যে বিশেষ বিশেষ সময় নিরূপিত থাকতে, অধ্যয়ন ও গ্রন্থরচনার নিমিত্ত তাঁহার সময়সম্পত্তানিবন্ধন কোন ক্ষোভ থাকিত না । তিনি অবসর পাইলে হস্তে লেখনী ও সম্মুখে পুস্তক লইয়া বসিতেন ।

নিউটন অত্যন্ত দয়ালু ও দানশীল ছিলেন । তিনি কহিতেন, বাহারা জীবদশায় দান না করেন, তাঁহাদের দান দানই

নর । অত্যন্ত বৃদ্ধবয়সে তদীর অদ্ভুত ধীশক্তির কিঞ্চিদ্ভিন্ন বৈলক্ষণ্য ঘটে নাই । আহারনিয়ম, সৰ্বকালিক প্রফুল্লচিত্ততা, ও স্বাভাবিক শরীরপটুতাশ্রয়িত্ত জরা তাহাকে পরাভূত করিতে পারে নাই । তিনি নাতিদীর্ঘ, নাতিধৰ্ম, নাতিসুলকার ছিলেন । তাঁহার নরনে সজীবতা, তীক্ষ্ণতা, ও বুদ্ধিমত্তা স্পষ্ট প্রকাশ পাইত । দেখিলেই তাঁহার আকৃতি সজীবতা ও দয়ালুতাতে পরিপূর্ণ বোধ হইত । অস্তিম ক্রম পর্য্যন্ত তাঁহার দর্শনশক্তি অব্যাহত ছিল । কেশ সকল শেষ বয়সে তুষারের ন্যায় শুভ্র হইয়াছিল । চরম দশাতে তাঁহার অসহ্য দৈহিক বাস্তনা ঘটে । কিন্তু তিনি স্বভাবসিদ্ধ সহিসুতাশ্রিত্তাবে তাহাতে নিতান্ত কাতর হইলেন নাই । অনন্তর, ১৭২৭ খ্রী অব্দের ২০ শে মার্চ, চতুরশীতিবর্ষ বয়ঃক্রমকালে, তিনি কলেবর পরিত্যাগ করিলেন ।

নিউটনের চরিত্র সাধারণ লোকের চরিত্রের ন্যায় নহে । উহা এমন সুন্দর যে, চরিত্রাখ্যায়ক ব্যক্তি লিখিতে লিখিতে পরম পরিতোষ প্রাপ্ত হন । আর, যে উপায়ে তিনি মনুষ্য-মণ্ডলীতে অবিসংবাদিত প্রাধান্য প্রাপ্ত হইয়াছিলেন, তাহা পর্য্যালোচনা করিলে মহোপকার ও মহার্থলাভ হইতে পারে । নিউটন অত্যাৎকষ্ট বুদ্ধশক্তিসম্পন্ন ছিলেন ; কিন্তু তদপেক্ষায় নূনবুদ্ধিরাও তদীর জীবনবৃত্তান্তে পদে পদে উপদেশলাভ করিতে পারেন । তিনি অলৌকিক বুদ্ধিশক্তির প্রভাবে গ্রহ-গণের গতি, ধূমকেতুগণের কক্ষ, সমুদ্রে জলোচ্ছ্বাস, এই সকল

বিষয়ের সীমাংসা করিয়াছেন। নিউটন আলোক ও বর্ণ এই দুই পদার্থের স্বরূপ নির্ণয় করিয়াছেন। তাঁহার পূর্বে এই বিষয় কোন ব্যক্তির মনেও উদ্ভিত হয় নাই। তিনি সাভিশর পরিশ্রম ও দক্ষতাসহকারে অদ্ভুত বিশ্বরচনার স্বার্থ ভাৎপর্যা ব্যাখ্যা করিয়াছেন; আর তাঁহার সমুদয় গবেষণাদ্বারাষ্ট সৃষ্টিকর্তার মহিমা, প্রেমা ও অমুকম্পা প্রকাশ পাইয়াছে।

ঐন্দ্রলোকোত্তরবুদ্ধিবিদ্যাসম্পন্ন হইয়াও, তিনি স্বভাবতঃ এমন বিনীত ছিলেন যে, আপন বিদ্যার কিঞ্চিন্মাত্র অভিমান করিতেন না। তাঁহার এই এক সুপ্রসিদ্ধ কথা ধরাওলে জাগ্রত আছে, “আমি বালকের ন্যায় বেলাভূমি হইতে উপলব্ধও সকলন করিতেছি, জ্ঞানমহার্ণব পুরোভাগে অক্ষুণ্ণ রহিয়াছে।”

### শকুন্তলা।

রাজা দুশ্যন্ত ও শকুন্তলার পুনর্নির্জন।

এইরূপ কৌতূহলাক্রান্ত হইয়া, রাজা শকুন্তলার কিঞ্চিৎ অগ্রসর হইয়া দেখিলেন, এক অতি অন্নবয়স্ক শিশু, সিংহশিশুর বেশের আকর্ষণ করিয়া, অত্যন্ত উৎসীহন করিতেছে, হই তাপসী সনীগে বসিয়াছেন। দেখিয়া চমৎকৃত হইয়া, রাজা মনে মনে কহিতে লাগিলেন, ভগ্নোক্তের কি অনিচ্ছাচরিত মহিমা! মানবশিশু সিংহশিশুর উপর, অত্যাচার করিতেছে,

সিংহশিশু অবিকৃতচিত্তে সেই অত্যাচার সহ্য করিতেছে। অন্তর কিঞ্চিৎ নিকটবর্তী হইয়া, সেই শিশুকে নিরীক্ষণ করিয়া মেহরসম্পূর্ণ চিত্তে কহিতে লাগিলেন, আপন ঔরস পুত্রকে দেখিলে মন বেরূপ মেহরসে আর্জ হইয়, এই শিশুকে দেখিয়া আমার মন সেইরূপ হইতেছে কেন? অথবা আমি পুত্রহীন বলিয়া, এই সর্দারস্বন্দর শিশুকে দেখিয়া আমার মনে এরূপ প্রগাঢ় মেহ রসের আবির্ভাব হইতেছে।

এদিকে, সেই শিশু সিংহশাবকের উপর অত্যন্ত উৎপীড়ন আরম্ভ করিতে, তাপসীরা কহিতে লাগিলেন, বৎস! এই সকল অসুখে আমরা আপন সন্তানের ন্যায় মেহ করি, তুমি কেন অকারণে উহারে ক্রোধ দাও? আমাদের কথা শুনি, ক্ষান্ত হও, সিংহশিশুকে ছাড়িয়া দেও, ও আপন জননী নিকটে বাউক। আর যদি তুমি উহারে ছাড়িয়া না দাও, সিংহী তোমার তক করিবেক। বালক শুনিয়া, কিঞ্চিন্মাত্রও ভীত না হইয়া, সিংহশাবকের উপর পূর্বাপেক্ষা অধিকতর উপদ্রব আরম্ভ করিল, তাপসীরা, ভয়প্রদর্শন দ্বারা তাহাকে ক্ষান্ত করা অসাধ্য বুঝিয়া, প্রলোভনার্থে কহিলেন, বৎস! তুমি সিংহশিশুকে ছাড়িয়া দাও, তোমায় একটি ভাল খেলনা দিব।

বাবা, এই কৌতুক দেখিতে দেখিতে ক্রমে ক্রমে অগ্রসর হইয়া, তাহাদের অতি নিকটে উপস্থিত হইলেন, কিন্তু সহসা তাহাদের সম্মুখে ন। আসিয়া; এক বৃক্ষের অন্তরালে থাকিয়া সম্মেহনয়নে সেই শিশুকে অবলোকন করিতে লাগিলেন।

এই সময়ে সেই বালক, কই কি খেলানা দিবে, দাও, বলিয়া হস্তপ্রসারণ করিল। রাজা, বালকের হস্তে দৃষ্টিপাত করিয়া চমৎকৃত হইয়া মনে মনে কহিতে লাগিলেন, কি আশ্চর্য্য! এই বালকের হস্তে চক্রবর্ত্তিলক্ষণ লক্ষিত হইতেছে। তাপসী-দিগের সঙ্গে কোন খেলানা ছিল না, স্মৃতরাং তাঁহারা তৎক্ষণাৎ দিতে না পারাতে, বালক কুপিত হইয়া কহিল, তোমরা খেলানা দিলে না, তবে আমি উহারে ছাড়িব না। তখন এক তাপসী অপর তাপসীকে কহিলেন, সখি! ও কথায় ভুলাবার ছেলে নয়; কুটীরে মাটির ময়ূর আছে, ত্বরায় লইয়া আইস। তাপসী মৃগুর ময়ূরের আনয়নার্থ কুটীরে গমন করিলেন।

প্রথমে সেই শিশুকে দেখিয়া, রাজার অন্তঃকরণে বে স্নেহের সঞ্চার হইয়াছিল, ক্রমে ক্রমে সেই স্নেহ গাঢ়তর হইতে লাগিল। তখন তিনি মনে মনে কহিতে লাগিলেন, কেন এই অপরিচিত শিশুকে ক্রোড়ে করিবার নিমিত্ত আমার মন এমন উৎসুক হইতেছে। পরের পুত্র দেখিলে মনে এত স্নেহোদয় হয়, আমি পূর্বে জানিতাম না। আহা! যাহার এই পুত্র, সে ইহাকে ক্রোড়ে লইয়া যখন ইহার মুখচুম্বন করে, হাস্য করিলে যখন ইহার মুখমধ্যে অর্দ্ধবিনির্গত কুন্দস্নিগ্ধ দন্তগুলি অবলোকন করে, যখন ইহার মৃচ্ মধুর আধ আধ কথাগুলি শ্রবণ করে, তখন সেই পুণ্যবান ব্যক্তি কি অনির্কচনীয় শ্রীতি প্রাপ্ত হয়। আমি অতি হতভাগ্য! সংসারে আসিয়া এই পরম সুখে বঞ্চিত রহিলাম। পুত্রকে ক্রোড়ে লইয়া, তাহার

মুখচূষন করিয়া সর্বশরীর শীতল করিব; পুত্রের অর্ধিনির্গত দন্তগুলি অবলোকন করিয়া, নয়নযুগলের সার্থকতাসম্পাদন করিব; এবং অর্ধোচ্চারিত মৃৎ মধুর বচনপরম্পরাশ্রবণে শ্রবেন্দ্রিয়ের চরিতার্থতা লাভ করিব; এ কন্মের মন্ত আমার সে আশালতা নিম্নল হইয়া গিয়াছে ।

ময়ূরের আনয়নে বিলম্ব দেখিয়া, কুপিত হইয়া বাজক কহিল এখনও ময়ূর দিলে না, তবে আমি ইহাকে ছাড়িব না; এই বলিয়া সিংহশিশুকে অত্যন্ত বলপূর্বক আকর্ষণ করিতে লাগিল । তাপসী বিস্তর চেষ্টা পাইলেন, কিন্তু তাহার হস্তগ্রহ হইতে সিংহশিশুকে ছাড়াইতে পারিলেন না । তখন তিনি বিরক্ত হইয়া কহিলেন, এমন সময়ে এখানে কোন ঋষিকুমার নাই যে ছাড়াইয়া দেয় । এই বলিয়া পূর্বে দৃষ্টিশিক্ষণ করিবামাত্র, রাজাকে দেখিতে পাইয়া কহিলেন মহাশয় ! আপনি অহুগ্রহ করিয়া সিংহশিশুকে এই বালকের হস্ত হইতে মুক্ত করিয়া দেন । রাজা, তৎক্ষণাৎ নিকটে আসিয়া সেই বালককে ঋষিপুত্রবোধে সম্বোধন করিয়া কহিলেন, অহে ঋষিকুমার ! তুমি কেন উত্তপ্ত-বনবিরুদ্ধ অচরণ করিতেছ । তখন তাপসী কহিলেন, মহাশয় ! আপনি জানেন না, এ ঋষিকুমার নয় । রাজা কহিলেন, বালকের আকার প্রকার দেখিয়া বোধ হইতেছে ঋষিকুমার নয়, কিন্তু এ স্থানে ঋষিকুমারব্যতীত অন্যবিধ বালকের সমাগম সম্ভাবনা নাই, এজন্য আমি এক্ষণ বোধ করিয়াছিলাম ।

এই বলিয়া, রাজা সেই বালকের হস্তগ্রহ হইতে সিংহ-

শিশুকে মুক্ত করিয়া দিলেন, এবং স্পর্শসুখ অনুভব করিয়া মনে মনে কহিতে লাগিলেন, পরের পুত্রের গাত্র স্পর্শ করিয়া আমার এরূপ সুখানুভব হইতেছে, বাহার পুত্র, সেব্যক্তি ইহার গাত্র স্পর্শ করিয়া কি অমুপম সুখ অনুভব করে, তাহা বলা যায় না।

বালক অত্যন্ত ছুরঙ্গ হইরাও রাজার নিকট অত্যন্ত শান্ত স্বভাব হইল, ইহা দেখিয়া এবং উভয়ের আকারগত সৌন্দর্য্য মর্শন করিয়া, তাপসী নিশ্চয় হইলেন। রাজা, সেই বালককে ক্ষত্রিয়সন্তান নিশ্চয় করিয়া, তাপসীকে জিজ্ঞাসিলেন, এই বালক যদি ঋষিকুমার না হয়, কোন্ ক্ষত্রিয়বংশে জন্মিয়াছে, জানিতে ইচ্ছা করি। তাপসী কহিলেন, মহাশয়! এ পুরুবংশীয়। রাজা শুনিয়া মনে মনে কহিতে লাগিলেন, আমি যে বংশে জন্মিয়াছি, ইহারও সেই বংশে জন্ম। পুরুবংশীয়দিগের এই রীতি বটে, তাঁহারা প্রথমতঃ অশেষ সাংসারিক সুখভোগে কালযাপন করিয়া, পরিশেষে সস্ত্রীক হইরা অরণ্য বাস আশ্রয় করেন।

পরে রাজা তাপসীকে জিজ্ঞাসিলেন, এ দেবভূমি, মানুষের অবস্থিতির স্থান নহে; অতএব এ বালক কি সংযোগে এখানে আসিল? তাপসী কহিলেন, ইহার জননী অপ্সরাসম্বন্ধে এখানে আসিয়া এই সন্তান প্রসব করিয়াছেন। রাজা শুনিয়া মনে মনে কহিতে লাগিলেন, পুরুবংশ ও অপ্সরাসম্বন্ধে হই কথা শুনিয়া, আমার হৃদয়ে পুনর্বার আশার সঞ্চার হইতেছে। বাহা



হঠক, ঠহার পিতার নাম জিজ্ঞাসা করি, তাহা হইলেই সন্দেহ ভঞ্জন হইবেক ।

এই বলিয়া, তিনি ভাগসীকে পুনর্বার জিজ্ঞাসিলেন, আপনি জানেন এই বালক পুরুবংশীর কোন্ রাজার পুত্র ? তখন ভাগসী কছিলেন, মহাশয় ! কে সেই বর্ষপত্নীপরিভ্যাগী পাপা-  
খ্যার নাম কীর্তন করিবেক ! রাজা ওনিয়া মনে মনে কহিতে লাগিলেন, এট কথ্য আমারেই লক্ষ্য করিতেছে । ভাল, ঠহার জননী নাম জিজ্ঞাসা করি, তাহা হইলেই এককালে সকল সন্দেহ দূর হইবেক, অথবা পরস্প্রসংক্রান্ত কোন কথা জিজ্ঞাসা করা অবিবেক । আমি যখন মোহাক্ল হইয়া যহন্তে আশালতার মূলচ্ছেদ করিয়াছি, তখন সে আশালতাকে বৃথা পুনরুজ্জীবিত করিবার চেষ্টা পাঠিয়া, পরিশেষে কেবল সমধিক ক্লান্ত পাইতে হইবেক । অতএব ও কথার আর কাজ নাহি ।

রাজা মনে মনে এই আন্দোলন করিতেছেন, এমন সময়ে অপর ভাগসী কুটীর হইতে যুগ্মর ময়ূর আনয়ন করিলেন এবং কছিলেন, বৎস ! কেমন শকুন্তলাবণ্য দেখ । এই বাক্যে ‘শকুন্তলা’ শব্দ শ্রবণ করিয়া বালক কহিল, কই আমার মা কোথায় ? তখন ভাগসী কছিলেন, না বৎস ! তোমার মা এখানে আই-  
সেন নাহি । আমি তোমার শকুন্তের লাবণ্য দেখিতে কহি-  
য়াছি । ঠা বালিয়া রাজাকে কছিলেন, মহাশয় ! এই বালক কন্যাবধি জননী ভিন্ন আর কাহাকেও দেখে নাহি, নিরন্ত জননী  
নিকটেই থাকে, এই নিমিত্ত অত্যন্ত মাতৃবৎসল । শকুন্তলাবণ্য-

শবে জননীর নামাকর শ্রবণ করিয়া, উহার জননীকে মনে পড়িয়াছে । উহার জননীর নাম শকুন্তলা ।

সমুদার শ্রবণ করিয়া, রাজা মনে মনে কহিতে লাগিলেন, ইহার জননীর নাম শকুন্তলা ! কি আশ্চর্য্য ! উত্তরোত্তর সকল কথাই আমার বিষয়ে ঘটতেছে । এই সকল কথা শুনিয়া আমার আশাই বা না জন্মিবে কেন ? অথবা আমি যুগতৃষ্ণিকার দ্রাস্ত হইয়াছি, নামসাদৃশ্যশ্রবণে মনে মনে বৃথা এত আন্দোলন করিতেছি ; এরূপ নামসাদৃশ্য শত শত ঘটতে পারে ।

শকুন্তলা অনেক ক্রম অবধি পুত্রকে দেখেন নাহি, এ নিমিত্ত অতিশয় উৎকণ্ঠিত হইয়া, অন্বেষণ করিতে করিতে সহসা সেই স্থানে উপস্থিত হইলেন । রাজা, বিরহকুশা মলিনবেশা শকুন্তলাকে সহসা সেই স্থানে উপস্থিত দেখিয়া, বিস্ময়াপন্ন হইয়া একদৃষ্টিতে তাঁহার দিকে চাহিয়া রহিলেন ; নয়নযুগলে জলধারা বহিতে লাগিল ; বাকশক্তিরহিত হইয়া দণ্ডায়মান রহিলেন, একটিও কথা কহিতে পারিলেন না । শকুন্তলাও অকস্মাৎ রাজাকে দেখিয়া, স্পন্দর্শনবৎ বোধ করিয়া স্থিরনয়নে তাঁহার দিকে চাহিয়া রহিলেন ; নয়নযুগল বাষ্পব্যরিতে পরিপূর্ণ হইয়া আসিল । বালক, শকুন্তলাকে দেখিবামাত্র, মীমা করিয়া তাঁহার নিকটে উপস্থিত হইল এবং জিজ্ঞাসিল, মা ! ও কে, ও কে দেখে তুই কাঁদিস্ কেন ? তখন শকুন্তলা গদগদবচনে কহিলেন বাছা ! ও কথা আমার জিজ্ঞাসা কর কেন ? আপন অদৃষ্টকে জিজ্ঞাসা কর ।

কিরংক্রম পরে, রাজা মনের আবেগ সংবরণ করিয়া শকুন্তলাকে কহিলেন, শ্রিয়ে ! আমি তোমার প্রতি যে অসহ্য-হার করিয়াছি, তাহা বলিবার নয় । তৎকালে আমার মতিচ্ছন্ন ঘটিয়াছিল, তাহাতেই অবমাননা করিয়া তোমার বিদায় করিয়া-ছিলাম । কয়েক দিবস পরেই, আমার সকল বৃত্তাস্ত স্মরণ হইয়াছিল ; তদবধি আমি কি অসুখে কালহরণ করিয়াছি, তাহা আমার অন্তরাগ্নাই জানেন । পুনর্বার তোমার দর্শন পাইব আমার সে আশা ছিল না । এক্ষণে তুমি প্রত্যাখ্যানদুঃখ পরিত্যাগ করিয়া আমার অপরাধ মার্জনা কর ।

রাজা এই বলিয়া উন্মূলিত তরুর ন্যায় ভূতলে পতিত হই-লেন । তদর্শনে শকুন্তলা অস্তে বাস্তে রাজার হস্তে ধরিয়া কহিলেন, আর্য্যপুত্র ! উঠ উঠ তোমার দোষ কি, আমার অধুষ্টের দোষ । এতদিনের পর দুঃখিনীকে যে স্মরণ করিয়াছ, তাহাতেই আমার সকল দুঃখ দূর হইয়াছে । এই বলিতে বলিতে শকুন্তলার চক্রে ধারা বহিতে লাগিল । রাজা গাত্রোথান করিয়া বাস্পপূর্ণ নয়নে কহিতে লাগিলেন, শ্রিয়ে ! প্রত্যাখ্যানকালে তোমার নয়নযুগল হঠতে যে জলধারা বিগলিত হইয়াছিল, তাহা উপেক্ষা করিয়াছিলাম, পরে সেই দুঃখে আমার হৃদয় বিদীর্ণ হইয়া গিয়াছিল । এক্ষণে তোমার চক্রে জলধারা মুছিয়া দিয়া সকল দুঃখ দূর করি । এই বলিয়া স্বেহস্তে শকুন্তলার চক্রে জল মুছিয়া দিলেন । শকুন্তলার শোকসাগর আরও উধলিয়া উঠিল; বিগুণ প্রবাহে নয়নে বারিধারা বহিতে লাগিল ।

অনন্তর দুঃখাবেগ সংবরণ করিয়া, শকুন্তলা রাজাকে কহিলেন, আর্ষাপুত্র ! তুমি যে এই দুঃখিনীকে পুনরায় স্বরণ করিবে, সে আশা ছিল না । কিরূপে আমি তোমার স্মৃতিপথে পতিত হইলাম, ভাবিয়া স্থির করিতে পারিতেছি না । তখন রাজা কহিলেন, প্রিয়ে ! তৎকালে তুমি আমায় যে অঙ্গুরীয় দেখাইতে পার নাই, কয়েক দিবস পরে উহা আমার হস্তে পড়িলে, অদোপান্ত সমস্ত বৃত্তান্ত আমার স্মৃতিপথে আক্ৰম্ভ হয় । এই সেই অঙ্গুরীয়, এই বলিয়া স্বীয় অঙ্গুলীস্থিত সেই অঙ্গুরীয় দেখাইয়া, পুনরায় শকুন্তলার অঙ্গুলিতে পরাইয়া দিবার চেষ্টা করিলেন । তখন শকুন্তলা কহিলেন, আর্ষাপুত্র ! আর আমার ও অঙ্গুরীয়ে কাজ নাই, ওই আমার সর্বনাশ করিয়াছিল ; ও তোমার অঙ্গুলীতেই থাকুক ।

### সীতার বনবাস ।

অবশেষে, রথ ভাগীরথীতীরে উপস্থিত হইল । ভাগীরথীর অপর পারে লইয়া গিয়া, সীতাকে একন্মের মত পরিত্যাগ করিয়া আসিতে হটবেক, এই ভাবিয়া লক্ষণের শোকসাগর অনিবার্যাবেগে উচ্ছলিত হইয়া উঠিল । আর তিনি ভাবগোপন বা অশ্রুবেগসংবরণ করিতে পারিলেন না । সীতা দেখিয়া সাতিশর বিষণ্ণ হইয়া জিজ্ঞাসিলেন, বৎস ! কি কারণে তোমার এরূপ ভাব উপস্থিত হইল, বল । তখন লক্ষণ নয়নের অশ্রু-

ধাৰ্জ্জন করিয়া কহিলেন, আৰ্য্যো ! আপমি ব্যাকুল হইবেন না ; বহুকালের পর ভাগীরথীদর্শন করিয়া, আমার অন্তঃকরণে কেমন এক অনিৰ্দ্ধচনীর ভাবের উদয় হইয়াছে তাহাতেই অকস্মাৎ আমার নয়নযুগল হইতে বাষ্পধারি বিগলিত হইল । আমাদের পূৰ্ব পুৰুষেরা কপিলশাপে ভস্মাবশেষ হইয়াছিলেন ; ভগীরথ কত কষ্টে, গঙ্গাদেবীকে ভূমণ্ডলে আনিয়া, তাঁহাদের উদ্ধার সাধন করেন ; বোধ হয়, তাহাই ভাগীরথীদর্শনে স্মৃতি-পথে আকৃষ্ট হওয়াতে, এরূপ চিত্তবৈকল্য উপস্থিত হইয়াছিল । সীতা একান্ত মুগ্ধভাবা ও নিতান্ত সরলহৃদয়া, লক্ষণের এই ভাৎপর্য্যব্যাত্যাত্তেই সন্তুষ্ট হইলেন, এবং গঙ্গা পার হইবার নিমিত্ত নিতান্ত উৎসুক হইয়া, লক্ষণকে বারংবার তাহার উদ্যোগ করিতে কহিতে লাগিলেন, কিন্তু গঙ্গা পার হইলেই যে এ জন্নের মত ছুস্তর শোকসাগরে পরিক্ষিপ্ত হইবেন, তখন পর্য্যন্ত কিছুমাত্র বুঝিতে পারিলেন না ।

কিয়ৎক্ষণ পরেই ভরণীসংযোগ হইল । লক্ষণ, সূমন্ত্রকে সেই স্থানে রথ স্থাপন করিতে কহিয়া, সীতাকে ভরণীতে আরোহণ করাইলেন, এবং কিয়ৎক্ষণ মধ্যেই তাঁহাৰে ভাগী-রথীর অপর পারে উত্তীর্ণ করিলেন । সীতা, ভপোবন দেখিবার নিমিত্ত একান্ত উৎসুক হইয়া, তদভিমুখে অস্থান করিবার উপক্রম করিলেন । তখন লক্ষণ কহিলেন আৰ্য্যো ! কিঞ্চিৎ অপেক্ষা করুন, আমার কিছু বক্তব্য আছে, এই স্থানে নিবেদন করিব । এই বলিয়া, তিনি অধোবদনে অশ্রুবিসর্জন করিতে

লাগিলেন। সীতা চকিত হইয়া জিজ্ঞাসা করিলেন, বৎস! কিছু বলিবে, বলিয়া, এত আকুল হইলে কেন? কি বলিবে স্বরার বল; তোমার ভাবান্তর দেখিয়া আমার চিত্ত একান্ত অস্থির হইতেছে, যাহা বলিবে স্বরার বল, আমার প্রাণ ব্যাকুল হইতেছে। তুমি কি আসিবার সময় আৰ্য্যপুত্রের কোন অশুভ-ঘটনা শুনিয়া আসিয়াছ, না অন্য কোনপ্রকার সর্বনাশ ঘট-রাছে? কি হইয়াছে, শীঘ্র বল। তখন লক্ষ্মণ কহিলেন, দেবি! বলিব কি, আমার বাক্যানিঃসরণ হইতেছে না; আৰ্য্যের আজ্ঞাবহ হইয়া আমার অদৃষ্টে যে একরূপ ঘটবে, তাহা আমি যথেষ্ট জানিতাম না। যে দুর্ঘটনা ঘটয়াছে, তাহা মনে করিয়া আমার হৃদয় বিদীর্ণ হইয়া বাইতেছে। ইতিপূর্বে আমার মৃত্যু হইলে, আমি সৌভাগ্য জ্ঞান করিতাম; যদি মৃত্যু অপেক্ষা কোন অধিকতর দুর্ঘটনা থাকে, তাহাও আমার পক্ষে শ্রেয়স্কর ছিল; তাহা হইলে আজি আমার আৰ্য্যের ধর্মবহির্ভূত আদেশ প্রতিপালন করিতে হইত না। হা বিধাতঃ! আমার অদৃষ্টে এই ছিল! এই বলিয়া, উন্মূলিত তরুর ন্যায়, ভূতলে পতিত হইয়া, লক্ষ্মণ হাহাকার করিতে লাগিলেন।

সীতা, লক্ষ্মণের স্বেদ অশ্রুভিত্ত ভাবান্তর অবলোকন করিয়া, কিরংক্ষণ স্তব্ধ ও হতবুদ্ধি হইয়া দণ্ডায়মান রহিলেন; অনন্তর, হস্ত ধারণপূর্বক তাঁহাকে ভূতল হইতে উঠাইয়া, অঞ্চলদ্বারা তদীয় নরনের অশ্রুমার্জন করিয়া দিলেন; এবং তিনি কিঞ্চিৎ শান্ত হইলে, কাণ্ডরবচনে জিজ্ঞাসা করিলেন, বৎস! কি কারণে

তুমি এত ব্যাকুল হইলে ? কি জনোই বা তুমি আপনার মৃত্যু-  
কাহনা করিলে ? তোমার একান্ত বিকলচিত্ত দেখিতেছি ;  
অন্য কারণে তুমি কখনই এত ব্যাকুল ও অস্থির হও নাই । বলি,  
আর্যাপুত্রের ত কোন অমঙ্গল ঘটে নাই ? তুমি তদগতপ্রাণ,  
তোমার ভাব দেখিয়া বোধ হইতেছে, তাঁহারই অমঙ্গল ঘটি-  
য়াছে । আমি বুঝিতে পারিতেছি, এই জন্মই কল্যাণপরাহু  
তাদৃশ চিত্তটুকল্যাণ ঘটিয়াছিল । যাহা হয়, ফরায় বলিয়া, আমার  
জীবন দান কর, আমার যাতানার একশেষ হইতেছে । ফরায়  
বল, আর বিলম্ব করিও না । আমি স্পষ্ট বুঝিতেছি, আমারই  
সর্বনাশ ঘটিয়াছে ; না হইলে, এমন সময়ে তুমি এত ব্যাকুল  
হইতে না ।

সীতার এইরূপ ব্যাকুলতা ও কাতরতা দেখিয়া, লক্ষ্মণের  
শোকানল শত গুণ প্রবল হইয়া উঠিল, নয়নযুগল হইতে অন-  
র্গল অশ্রুজল নির্গত হইতে লাগিল, কণ্ঠরোধ হইয়া বাক্য-  
নিঃসরণ রহিত হইয়া গেল । যত নিষ্ঠুর হউক না কেন, অব-  
শেষে অবশ্যই বলিতে হইবেক, এই ভাবিয়া লক্ষ্মণ বলিবার  
নিমিত্ত বারংবার চেষ্টা করিতে লাগিলেন, কিন্তু কোন ক্রমেই  
তাঁহার মুখ হইতে তাদৃশ নিষ্ঠুর বাক্য নির্গত হইল না ।  
তাঁহাকে এতাদৃশ অবস্থাপন্ন অবলোকন করিয়া, সীতা তাঁহার  
হস্তে ধরিয়া ব্যাকুলচিত্তে কাতরবচনে বারংবার এই অনুরোধ  
করিতে লাগিলেন, বৎস ! আর বিলম্ব করিও না, আর্যপুত্র  
যে আদেশ প্রদান করিয়াছেন তাহা, যত নিষ্ঠুর হউক না কেন,

তুমি কিছুমাত্র সন্দোহ করিও না ; আমি অহুমতি দিতেছি, তুমি নিঃশঙ্কচিত্তে বল । তোমার কথা শুনিয়া ও ভাব দেখিয়া স্পষ্ট বোধ হইতেছে, আমারই কপাল ভাঙিয়াছে । কি হইয়াছে তুমি বল, আর বিলম্ব করিও না ; আমি আর এক মুহূর্ত্তও এরূপ সংশ্লিষ্ট অবস্থায় থাকিতে পারি না ; যাহা হয় বলিয়া, আমার প্রাণ রক্ষা কর । বলি, আৰ্য্যপুত্রের ত কোন অসঙ্গল ঘটে নাই ; যদি তিনি কুশলে থাকেন, আমার আর যে সঙ্কনাশ ঘটুক না কেন, আমি তাহাতে তত কাতর হইব না । আমার মাথা খাও, তোমার আৰ্য্যপুত্রের দোহাট, শীঘ্র বল । আর বিলম্ব করিলে, তুমি অধিকক্ষণ আমার জীবিত দেখিতে পাঠবে না । যদি বাতনা দিয়া আমার প্রাণবধ করা তোমার অভিপ্রেত না হয়, তবে তুমি বল, আর বিলম্ব করিও না ।

সীতার এইরূপ অবস্থা অবলোকন করিয়া, লক্ষ্মণ ভাবিলেন, আর বিলম্ব করা বিধেয় নহে । তখন, অনেক যত্নে চিত্তের অপেক্ষাকৃত শৈথিল্য সম্পাদন করিয়া, অতি কষ্টে বাক্য নিঃসরণ করিলেন, কহিলেন, আৰ্য্যো ! বলিব কি, বলিতে আমার হৃদয় বিদীর্ণ হইয়া যাউতেছে । আপনি একাকিনী রাবণগৃহে ছিলেন, সেই কারণে পৌরগণ ও জানপদবর্গ, আপনকার চরিত্রবিষয়ে সন্নিহান হইয়া, অপবাদঘোষণা করিয়া থাকে । আৰ্য্য তাহা শুনিয়া একবারে স্নেহ, দয়া ও মমতার বিসর্জন দিয়া অপবাদবিমোচনার্থে আপনাকে পরিত্যাগ করিয়াছেন । আমার এই আদেশ দিয়াছেন তুমি তপোবনদর্শনক্ষেত্রে লইয়া



গিয়া, বান্দীকির আশ্রমে পরিত্যাগ করিয়া আসিবে । এই সেই বান্দীকির আশ্রম ।

এই বলিয়া লক্ষ্মণ ভূতলে পতিত ও মূচ্ছিত হইতেন । সীতাও শ্রবণমাত্র হতচেতনা হইয়া, বাতাভিহতা কদলীর ন্যায়, ভূতলশারিনী হইলেন । কিয়ৎক্ষণ পরে লক্ষ্মণের সংজ্ঞা-লাভ হইলে, তিনি অনেক যত্নে জানকীর চৈতন্য সম্পাদন করিলেন । জানকী চৈতন্য লাভ করিয়া, উন্মত্তার ন্যায় স্থির-নয়নে লক্ষ্মণের বদন নিরীক্ষণ করিতে লাগিলেন । লক্ষ্মণ, হত-বুদ্ধির ন্যায়, চিত্তার্পিত প্রায়, অধোবদনে গলদক্ষনয়নে দণ্ডায়মান রহিলেন । কিয়ৎক্ষণ পরে, সীতার নয়নযুগল হইতে প্রবল বেগে বাষ্পবারি বিগলিত হইতে লাগিল, ঘন ঘন নিশ্বাস বহিতে লাগিল, সর্ব শরীর কম্পিত হইতে লাগিল । তদর্শনে লক্ষ্মণ, যৎপরোনাস্তি ব্যাকুল হইয়া, সীতাকে প্রবোধ দিবার নিমিত্ত চেষ্টা পাইলেন ; কিন্তু কি বলিয়া প্রবোধ দিবেন, তাহার কিছুই দেখিতে না পাইয়া, হতবুদ্ধি হইয়া, কেবল অশ্রুবিসর্জন করিতে লাগিলেন ।

এই ভাবে কিয়ৎক্ষণ অতীত হইলে পর, সীতা চিত্তের অপেক্ষাকৃত ঠৈর্য্য সম্পাদন করিয়া কহিলেন, লক্ষ্মণ ! কার দোষ দিব, সকলই আমার অদৃষ্টের দোষ, নতুবা, রাজার কন্যা, রাজার বধু ও রাজার মহিষী হইয়া, কে কখন আমার মত চির-দুঃখিনী হইয়াছে বল ? বুঝিলাম, যাবজ্জীবন দুঃখভোগের নিমিত্তই আমার নারীজন্ম হইয়াছিল । বৎস ! অবশেষে আমার যে

এ অবস্থা ঘটিলে, তাহা কাহার মনে ছিল । বহু কালের পর আৰ্য্যপুত্রের সহিত সমাগম হইলে ভাবিয়াছিলাম, বুঝি এই অবধি দুঃখের অবসান হইল ; কিন্তু বিধাতা যে আমার কপালে সহস্রগুণ অধিক দুঃখ লিখিয়া রাখিয়াছিলেন, তাহা স্বপ্নেও জানিতাম না । হায় রে বিধাতা ! তোর মনে কি এতই ছিল ?

এই বলিতে বলিতে জ্ঞানকীর কণ্ঠরোধ হইয়া গেল । তিনি কিরংক্ষণ বাক্য নিঃসরণ করিতে পারিলেন না, অনন্তর, দীর্ঘ নিশ্বাস পরিত্যাগ পূর্বক কহিলেন, লক্ষণ ! আমি জন্মান্তরে কত মহাপাতক করিয়াছিলাম, বলিতে পারি না ; নতুবা বিধাতা আমার কপালে এত দুঃখভোগ লিখিবেন কেন ? বিধাতারই বা অপরাধ কি, সকলে আপন আপন কর্ম্মের ফল ভোগ করে ; আমি জন্মান্তরে যেমন কর্ম্ম করিয়াছিলাম, এ জন্মে সেইরূপ ফল ভোগ করিতেছি । বোধ করি, পূর্বজন্মে কোন পতিপ্রাণা কামিনীকে পতিবিরোজিতা করিয়াছিলাম, সেই মহাপাপেই আজি আমার এই দুঃখবস্থা ঘটিল ; নতুবা আৰ্য্যপুত্রের হৃদয় স্নেহ, দয়া ও মমতায় পরিপূর্ণ ; আমিও যে একান্ত পতিপ্রাণা ও শুদ্ধচারিণী, তাহাও তিনি বিলক্ষণ জানেন ; তথাপি যে এমন সময়ে আমার পরিত্যাগ করিলেন, সে কেবল আমার পূর্বজন্মার্জিত কর্ম্মের ফলভোগ । বৎস ! আমি বনবাসে কাতর নহি । আৰ্য্যপুত্রের সহবাসে বহুকাল বনবাসে ছিলাম, তাহাতে এক দিন এক মুহূর্ত্তের নিমিত্তে আমার অন্তঃ-  
করণে দুঃখের লেশমাত্র ছিল না । আৰ্য্যপুত্রসহবাসে যাবজ্জীবন

বনবাসে থাকিলেও, আমার কিছুমাত্র অসুখ হইত না। সে  
 বাহা হউক আমার অন্তঃকরণে এই দুঃখ হইতেছে, আৰ্য্যপুত্র  
 কি অপরাধে পরিত্যাগ করিয়াছেন, মুনিপত্নীরা বিজ্ঞাসা  
 করিলে, আমি কি উত্তর দিব। তাঁহারা আৰ্য্যপুত্রকে বঙ্গপা-  
 সাগর বলিয়া জানেন, আমি প্রকৃত কারণ কহিলে, তাঁহারা  
 কখনই বিশ্বাস করিবেন না; তাঁহারা অবশ্যই ভাবিবেন,  
 আমি কোন ঘোরতর অপরাধ করিয়াছিলাম, তাহাতেই তিনি  
 আমার পরিত্যাগ করিয়াছেন। বৎস বলিতে কি, যদি অন্তঃ-  
 সন্ধা না হইতাম, এই মুহূর্ত্তে তোমার সমক্ষে জাহ্নুবীতলে  
 প্রবেশ করিয়া, প্রাণত্যাগ করিতাম। আর আমার জীবন-  
 ধারণের কল কি বল? এমন অবস্থাতেও কি প্রাণ রাখিতে  
 হয়। আমি এই আশ্চর্য্য বোধ করিতেছি, আৰ্য্যপুত্র পরিত্যাগ  
 করিয়াছেন ওনিরাও আমার প্রাণত্যাগ হইল না। বোধ করি,  
 আমার মত কঠিন প্রাণ আর কারও নাই, নতুবা এখনও নির্গত  
 হইতেছে না কেন? অথবা, বিধাতা আমার চিরদুঃখিনী করিবার  
 সঙ্কল্প করিয়াছেন, প্রাণত্যাগ হইলে তাঁহার সে সঙ্কল্প বিফল  
 হইয়া যার, এ জন্যই জীবিত রহিয়াছি।

### বিধবাবিবাহ ।

এই সমস্ত দেশাচার শাস্ত্রমূলক বলিয়া পূৰ্ব্বাপর চলিয়া  
 আসিতেছিল, পরে অন্য শাস্ত্র অথবা শাস্ত্রের অন্য ব্যাখ্যা

উদ্ভাবিত হওয়াতে তাহাদের পরিবর্তে নূতন আচার প্রচলিত হইতে আরম্ভ হইয়াছে । যদি এই সকল স্থলে নূতন শাস্ত্র অথবা শাস্ত্রের নূতন ব্যাখ্যা দেখিয়া পূর্ক্বে প্রচলিত আচারের পরিবর্তে যে নূতন নূতন আচার প্রচলিত হইয়াছে, আপনারা তাহাতে সম্মতি প্রদান করিয়াছেন, তবে হতভাগা বিধবাঙ্গিণের হৃৎগাক্রমে প্রস্তাবিত বিষয়ে সম্মতি প্রদানে এত কাঙ্ক্ষতা ও এত কুপণতা প্রদর্শন করিতেছেন কেন? বিবেচনা করিয়া দেখিলে প্রস্তাবিত বিষয় পূর্ক্বে কতক বিষয় অপেক্ষা সহস্র অংশে গুরুতর । দেখুন যদি বৈদ্যজাতি বয়োপবীত ধারণ ও পঞ্চদশ দিবস অশৌচ গ্রহণ না করিতেন এবং পাঁচ বৎসরের অধিক বয়স্ক বালক গৃহীত হইলে দত্তক পুত্র সিদ্ধ না হইত, তাহা হইলে লোকসমাজের কোন কালে কোন অনিষ্ট ঘটবার সম্ভাবনা ছিল না । কিন্তু প্রস্তাবিত বিষয় প্রচলিত না থাকিতে যে শত শত ঘোরতর অনিষ্ট ঘটিতেছে তাহা আপনারা অহরহঃ প্রত্যক্ষ করিতেছেন । আপনারা তিতিপূর্ক্বে কেবল শাস্ত্র দেখি-  
 য়াট পূর্ক্বে প্রচলিত আচারের পরিবর্তে অবলম্বিত নূতন আচারে সম্মতি প্রদান করিয়াছেন, এক্ষণে যখন শাস্ত্র পাঠিতেছেন এবং সেই শাস্ত্র অনুসারে চলিলে বিধবাঙ্গিণের পরিজ্ঞাপণ ও শত শত ঘোরতর অনিষ্ট নিবারণের পথ হয় স্পষ্ট বুঝিতেছেন, তখন আর প্রস্তাবিত বিষয়ে অসম্মতি প্রদর্শন করা আপনাদিগের কোন মতেই উচিত নহে । যত দূর সম্মতি প্রদান করেন ততই মঙ্গল । বস্তুতঃ দেশাচারের দোহাই দিয়া আর আপনা-

দিগের এ বিষয়ে অসম্মত থাকা অমুচিত । কিন্তু এখনও আমার আশঙ্কা হইতেছে যে, আপনাদিগের মধ্যে অনেকে দেশাচার শব্দ কর্ণকুহরে প্রবিষ্ট হইলে প্রস্তাবিত বিষয় প্রচলিত হওয়া উচিত কি না এ বিষয়ের তত্ত্বামুসন্ধানে প্রবৃত্ত হওয়াও পাণ্ডিত্যজনক জ্ঞান করিবেন, এবং অনেকে মনে মনে সম্মত হইয়াও কেবল দেশাচারবিরুদ্ধ বলিয়া প্রস্তাবিত বিষয় প্রচলিত হওয়া উচিত এ কথা সাহস করিয়া মুখেও বলিতে পারিবেন না । হায় কি আক্ষেপের বিষয়, দেশাচারই এ দেশের অধিতীয় শাসনকর্তা, দেশাচারই এ দেশের পরম গুরু । দেশাচারের শাসনই প্রধান শাসন, দেশাচারের উপদেশই প্রধান উপদেশ ।

ধন্য রে দেশাচার ! তোর কি অনির্ক্বচনীয় মহিমা ! তুই তোর অনুগত ভক্তদিগকে দুর্ভেদ্য দাসত্বশৃঙ্খলে বদ্ধ রাখিয়া কি একাধিপত্য করিতেছিস্ । তুই ক্রমে ক্রমে আপন আধিপত্য বিস্তার করিয়া শাস্ত্রের মস্তকে পদার্পণ করিয়াছিস, ধর্মের মর্মভেদ করিয়াছিস, হিতাহিতবোধের গতিরোধ করিয়াছিস, ন্যায় অন্যায় বিচারের প্রচার রুদ্ধ করিয়াছিস । তোর প্রভাবে শাস্ত্রও অশাস্ত্র বলিয়া গণ্য হইতেছে, অশাস্ত্রও শাস্ত্র বলিয়া মান্য হইতেছে, ধর্মও অধর্ম বলিয়া গণ্য হইতেছে, অধর্ম ও বর্ম বলিয়া মান্য হইতেছে । সর্বধর্মবহিষ্কৃত যথেষ্টাচারী ছুরাচারেরাও তোর অনুগত থাকিয়া কেবল লৌকিকরক্ষাওঁনে সর্বত্র সাধু বলিয়া গণনীয় ও আদরনীয় হইতেছে, আর দোষস্পর্শশূন্য প্রকৃত সাধু পুরুষেরাও তোর অনুগত না হইয়া কেবল লৌকিক-

রক্ষায় অবতরণপ্রকাশ ও অনাদর প্রদর্শন করিলেই সর্বত্র নাস্তিকের শেষ, অধার্মিকের শেষ, ও সর্বদোষে দোষীর শেষ বলিয়া গণনীয় ও নিন্দনীয় হইতেছেন। তাঁর অধিকারে যাহারা সতত জাতিভ্রংশকর ও ধর্মলোপকর কর্মের অনুষ্ঠানে রত হইয়া কালাতিপাত করে, কিন্তু লৌকিকরক্ষায় যত্নশীল হয়, তাহাদের সহিত আহার ব্যবহার ও আদান প্রদানাদি করিলে ধর্মলোপ হয় না, কিন্তু যদি কেহ সতত সৎকর্মের অনুষ্ঠানে রত হইয়াও কেবল লৌকিকরক্ষায় তাদৃশ যত্নবান্ না হয়, তাহার সহিত আহার ব্যবহার ও আদান প্রদানাদির কথা দূরে থাকুক, সম্ভাবনামাত্র করিলেও এককালে সকল ধর্ম লোপ হইয়া যায়।

হা ধর্ম তোমার মর্ম বুঝা ভার ! কিসে তোমার রক্ষা হয়, আর কিসে তোমার লোপ হয়, তা তুমিই জান !

হা শাস্ত্র তোমার কি ছরবস্থা ঘটয়াছে ! তুমি যে সকল কর্মকে ধর্মলোপকর ও জাতিভ্রংশকর বলিয়া ভূয়োভূয়ঃ নির্দেশ করিতেছ, যাহারা সেই সকল কর্মের অনুষ্ঠানে রত হইয়া কালাতিপাত করিতেছে তাহারাও সর্বত্র সাধু ও ধর্মপরায়ণ বলিয়া আদরণীয় হইতেছে, আর তুমি যে কর্মকে বিহিত ধর্ম বলিয়া উপদেশ দিতেছ, অনুষ্ঠান দূরে থাকুক, তাহার কথা উত্থাপন করিলেই এককালে নাস্তিকের শেষ অধার্মিকের শেষ ও অর্কাচীনের শেষ হইতে হইতেছে।

এই পূণ্যভূমি ভারতবর্ষ যে বহুবিধ ছর্নিবার পাপপ্রবাহে উচ্ছলিত হইতেছে, তাহার মূল অবশেষে প্রবৃত্ত হইলে তোমার

শ্রুতি অনাদর ও লৌকিকরক্ষায় একান্ত যত্ন ব্যতীত আর কিছুই প্রতীত হয় না ।

হা ভারতবর্ষ তুমি কি হতভাগ্যা ! তুমি তোমার পূর্বতন সন্তানগণের আচারগুণে পুণ্যভূমি বলিয়া সর্বত্র পরিচিত হইয়াছিলে । কিন্তু তোমার ইদানীন্তন সন্তানেরা স্বেচ্ছানুরূপ আচার অবলম্বন করিয়া তোমাকে যেরূপ পুণ্যভূমি করিয়া তুলিয়াছেন, তাহা ভাবিয়া দেখিলে সর্বশরীরের শোণিত শুষ্ক হইয়া যায় । কত কালে তোমার দুঃখাবিষমোচন হইবেক, তোমার বর্তমান অবস্থা দেখিয়া ভাবিয়া স্থির করা যায় না ।

হা ভারতবর্ষীয় মানবগণ ! আর কত কাল তোমরা মোহনিদ্রায় অভিভূত হইয়া প্রমাদশয্যায় শয়ন করিয়া থাকিবে । এক বার জ্ঞানচক্ষু উন্মীলন করিয়া দেখ, তোমাদের পুণ্যভূমি ভারতবর্ষ পাপের স্রোতে উচ্ছলিত হইয়া যাইতেছে । আর কেন, যথেষ্ট হইয়াছে, অতঃপর নিবিষ্টচিত্তে শাস্ত্রের যথার্থ তাৎপর্য ও যথার্থ মর্ম্ম অনুধাবনে মনোনিবেশ কর, এবং তদনুযায়ী অন্তর্স্থানে প্রবৃত্ত হও, তাহা হইলেই স্বদেশের কলকনিরাকরণ করিতে পারিবে ! কিন্তু দুর্ভাগ্যক্রমে তোমরা চিরসঞ্চিত কুসংস্কারের যেরূপ বশীভূত হইয়া আছ, দেশাচারের যেরূপ দাস হইয়া আছ, দৃঢ় সংকল্প করিয়া লৌকিকরক্ষাব্রতে যেরূপ মৌক্তিক হইয়া আছ, তাহাতে এরূপ প্রত্যাশা করিতে পারা যায় না । তোমারা হঠাৎ কুসংস্কারবিনর্জজন, দেশাচারের আনুগত্যপরিত্যাগ, ও সঙ্কলিত লৌকিকরক্ষাব্রতের উদ্যাপন

করিয়া যথার্থ সৎপথের পথিক হইতে পারিবে। অভ্যাসদোষ তোমাদের বুদ্ধিবৃত্তি ও ধর্মপ্রবৃত্তি সকল একরূপ কলুষিত হইয়া গিয়াছে ও অভিভূত হইয়া আছে যে, হতভাগা বিধবাদিগের ছরবস্তাদর্শনে তোমাদের চিরশুষ্ক নীরস হৃদয়ে কারুণ্যরসের সঞ্চার হওয়া কঠিন। তোমরা প্রাণতুল্য কন্যা প্রভৃতিকে অসহ বৈধব্যযন্ত্রণানলে দগ্ধ করিতে সম্মত আছ, কিন্তু কি আশ্চর্য্য শাস্ত্রের বিধি অবলম্বন পূর্ব্বক, তাহাদের পুনরায় বিবাহ দিয়া তাহাদিগকে দুঃসহ বৈধব্যযন্ত্রণা হইতে পরিজ্ঞান করিতে এবং আপনাদিগকেও সকল বিপদ হইতে মুক্ত করিতে সম্মত নহ। তোমরা মনে কর পতিবিয়োগ হইলেই স্ত্রীজাতির শরীর পাষণ-ময় হইয়া যায়, দুঃখ আর দুঃখ বোধ হয় না, যন্ত্রণা যন্ত্রণা বোধ হয় না, দুর্জয় রিপুবর্গ এককালে নিশ্চূল হইয়া যায়। কিন্তু তোমাদের এই সিদ্ধান্ত যে নিতান্ত ভ্রান্তিমূলক পদে পদে তাহার উদাহরণ প্রাপ্ত হইতেছে। ভাবিয়া দেখ এই অনবধানতা দোষে সংসারতরুর কি বিষময় ফল ভোগ করিতেছে। হার কি পরিতাপের বিষয়। যে দেশের পুরুষজাতির দয়া নাই, ধর্ম নাই, ন্যায় অন্যায় বিচার নাই, হিতাহিতবোধ নাই, সদসহি-বেচনা নাই, কেবল লৌকিকরক্ষাই প্রধান কর্ম ও পরম ধর্ম, আর যেন সে দেশে হতভাগা অবলাজাতি জন্মগ্রহণ না করে।

হা অবলাগণ ! তোমরা কি পাপে ভারতবর্ষে আসিয়া জন্ম-গ্রহণ কর বলিতে পারি না।



অক্ষয়কুমার দত্ত ।

স্বদেশের শ্রীবৃদ্ধি-সাধন ।

একত্র সমাজবদ্ধ হইয়া বাস করা যেমন মনুষ্যের স্বভাব-  
সিদ্ধ ধর্ম এমন কোন জন্তুর নহে । যদিও অন্যান্য প্রাণীরও  
এপ্রকার স্বভাব দৃষ্টি করা যায়, তাহারা দলবদ্ধ হইয়া একত্র  
অবস্থান ও একত্র গমনাগমন করিতে ভাল বাসে, কিন্তু মনুষ্য  
যে রূপ সকল বিষয়ে পরস্পরসাপেক্ষ, অন্য কোন প্রাণী  
সে রূপ নহে । আমাদিগকে সকল বিষয়েই অন্যের উপর  
নির্ভর করিয়া চলিতে হয় । অন্ন, বস্ত্র, বিদ্যা প্রভৃতি  
যাহা কিছু আমাদের আবশ্যক, তাহাই অন্যের যত্নমাধ্য ও  
অন্যের সাহায্যসাপেক্ষ । এমন কি, যে দেশে বা যে জনপদে  
বাস করা যায়, তত্রত্য লোকে যে পরিমাণে কর্মদক্ষ, জ্ঞানাপন্ন  
ও ধর্মশীল হয়, সেই পরিমাণে আমাদের সুখ-সমৃদ্ধি বৃদ্ধি হইতে  
থাকে । কৃষকেরা কৃষিবিদ্যায় সুশিক্ষিত হইয়া উৎকর্মরূপ শস্য,  
ফল মূল্যাদি উৎপাদন করিতে না পারিলে, আমরা তাহা প্রাপ্ত  
হইতে পারি না । শিল্পকরেরা শিল্পকার্যে সুদক্ষ হইয়া সুখ-  
সম্ভোগের উপযোগী উত্তমোত্তম সামগ্রী প্রস্তুত করিতে না  
পারিলে, এবং নাবিক ও বণিকগণ স্ব স্ব ব্যবসায়ে পারদর্শী হইয়া  
নানাদেশীয় জব্যজাত আনয়ন করিতে পারগ না হইলে, আমরা  
সে সমস্ত সম্ভোগ করিতে সমর্থ হই না । স্বদেশে উত্তমোত্তম  
বিদ্যালয় সংস্থাপিত ও উত্তমোত্তম গ্রন্থ প্রচলিত না থাকিলে  
উৎকৃষ্টরূপ বিদ্যাশিক্ষার সম্ভাবনা থাকে না । স্বদেশীয় সর্ব-

সাধারণ লোকে নানা প্রকার কুসংস্কারপাশে বদ্ধ থাকিলে, তাহাদের সহবাসে থাকিয়া যথার্থ ধর্ম প্রতিপালন করা দুক্ল হইয়া উঠে। যদি কোন জ্ঞানাপন্ন ধর্মশীল ব্যক্তি অধার্মিক মূর্থ লোকের সহিত নিরন্তর একত্র বাস করেন, তাহা হইলে, কোন ক্রমেই সর্ব্বতোভাবে সুখী হইতে পারেন না। তিনি আত্ম-সদৃশ সন্ধিদ্যাশালী, ধার্মিক লোকের প্রতিবাসী হইলে, যে প্রকার পরম সুখে কাল যাপন করিতে পারেন, অজ্ঞান অধার্মিক লোকপরিবেষ্টিত থাকিলে কোন মতেই সেরূপ সুখ সম্ভোগ করিতে সমর্থ হন না।

অতএব, জনসমাজে অবস্থিতিপূর্ব্বক অপর সাধারণের বিদ্যা, বুদ্ধি, কর্ম প্রভৃতি সকল বিষয়ের উন্নতিসাধনার্থ চেষ্টা করা সর্ব্বতোভাবে কর্তব্য। ইতর জন্তুর ন্যায় কেবল আত্মোদরপরিপূরণ ও আত্ম-পরিবারের ভরণ পোষণ করিয়া ক্ষান্ত থাকা মনুষ্যের কর্ম নহে। প্রতিদ্বিগুণ আপন আপন নিত্য কর্ম সমাপন করিয়া বৎসিকক্রমে কাল যাহা অবশিষ্ট থাকে, তাহা স্বদেশের শ্রীবৃদ্ধিসাধনার্থ ক্ষেপণ করা কর্তব্য। যাহাতে স্বদেশীয় লোকের জ্ঞান, ধর্ম, সুখ ও স্বচ্ছন্দতা বৃদ্ধি হয়, কুরীতি সকল রহিত হইয়া সুরীতি সমুদায় সংস্থাপিত হয়, এবং রাজ-নিয়ম সংশোধিত ও সত্য ধর্ম প্রচারিত হয়, তদর্থে সচেষ্ট হওয়া উচিত। স্বীয় পরিবার প্রতিপালনের ন্যায় স্বদেশের শ্রীবৃদ্ধিসম্পাদনার্থে যত্ন পরিশ্রম ও বুদ্ধিপরিচালন করাও যে মনুষ্যের অবশ্য কর্তব্য কর্ম ইহা অনেকেই বিবেচনা করেন না। তাহারাই ইতর প্রাণীর

শ্রায় কেবল লোভ কামাদি রিপু সমুদায়কে চরিতার্থ করিবার নিমিত্তেই সর্বদা ব্যস্ত । পরম মঙ্গলাকর পরমেশ্বর ভৃগুশলস্ব অন্যান্য সমস্ত জন্তু অপেক্ষা মনুষ্যকে যে বিশিষ্টরূপে শ্রেষ্ঠ করিয়াছেন, তাহার মত কি কার্য্য করিতেছি ইহা সকলেরই একবার চিন্তা করা উচিত । ক্রমে ক্রমে সর্বসাধারণের মঙ্গলোন্নতি হয়, ইহাই পরমেশ্বরের অভিপ্রেত, এবং ইহাই তাঁহার সমুদায় নিয়মের উদ্দেশ্য । এই পরম মনোহর উদ্দেশ্যের প্রতি দৃষ্টি রাখিয়া কার্য্য করা সকলের পক্ষে বিধেয় । আপন আপন জীবিকানির্ব্বাহের উপায় চিন্তা করা যেরূপ আবশ্যিক, সময়ে সময়ে একত্র সমাগত হইয়া স্বদেশের দুঃখবিনোচন ও সুখ সম্পাদনার্থে যত্ন ও চেষ্টা করাও সেইরূপ আবশ্যিক ।

### প্রভু ও ভৃত্যের ব্যবহার ।

এ কালপর্য্যন্ত জনসমাজে যেরূপ ব্যবহার চলিয়া আসিতেছে, তদনুসারে সর্বদেশীয় লোকদিগকে প্রধান ও নিকৃষ্ট নানা শ্রেণীতে বিভক্ত হইতে হইয়াছে । ধন, বিদ্যা, কৃতিত্ব প্রভৃতি বিবিধ বিষয়ের ইতর বিশেষই এরূপ শ্রেণীভেদের মূলভূত । এ প্রকার শ্রেণীভেদ হইলে, সুতরাং কাহাকেও বা সেবক অর্থাৎ ভৃত্য, কাহাকেও বা সেবা অর্থাৎ প্রভু হইতে হয় । কিন্তু এই উভয়ের মধ্যে কেহই স্বতন্ত্র নহে, উভয়েই পরতন্ত্র । উভয়েই পরস্পর সাহায্যসাপেক্ষ । প্রভু থাকনার

অর্থ দিয়া ভৃত্যের আনুকূল্য করেন, ভৃত্য তদ্বিনিময়ে পরিশ্রম দিয়া প্রভুর উপকার করে। অতএব ভৃত্যকে হেয় ও জঘন্য জ্ঞান করা প্রভুর পক্ষে উচিত নয়, প্রভুর আজ্ঞা অবহেলা করাও ভৃত্যের পক্ষে বিধেয় নহে। তাহাদের পরস্পর কিরূপ ব্যবহার করা কর্তব্য, তদ্বিষয়ে দুই চারি কথার উল্লেখ করা উচিত বোধ হইতেছে। অগ্রে প্রভুর কর্তব্য, পশ্চাৎ ভৃত্যের কর্তব্য লিখিত হইতেছে।

ভৃত্যাদিগের প্রতি সতত সদয় ব্যবহার করা উচিত। তাহাদিগকে প্রহার ও প্রভুত্বপ্রদর্শন এবং তাহাদের প্রতি পক্ষি বাক্য প্রয়োগ করা কোন মতেই বিহিত নহে। তাহাদের প্রতি এক্রপ গ্ৰায়বিরুদ্ধ ব্যবহার করিলে তাহাদের অনুরাগবৃদ্ধি হওয়া দূরে থাকুক, প্রত্যাভ, রোষ ও বিদ্বেষেরই উদ্ভেদ হইতে থাকে। মান অপমান ও সুখ দুঃখবোধ সকলেরই তুল্যরূপ, এই পরমকল্যাণকর তত্ত্ব প্রভুদিগের অন্তঃকরণে সর্বদা জাগরুক রাখা আবশ্যিক।

ভৃত্যাদিগের অবস্থা মন্দ বলিয়া তাহাদের উপর অত্যাচার করা কোন মতে উচিত নহে। তাহাদের প্রতি সর্বদা স্নেহ বাৎসল্য ও সৌজন্ত প্রকাশ করা এবং যখন যে বিষয়ের আদেশ করিতে হয়, তাহা প্রসন্নভাবে অকর্কশ মৃদু বচনে করাই শ্রেয়ঃকর। তাহারা যদি প্রভুর কার্যে অনুরক্ত থাকিয়া উচিতমত ব্যবহার করে, তাহা হইলে তাহাদিগকে বিশিষ্টরূপ যত্ন ও আদর করা সর্বতোভাবে বিধেয়। তাহাদের শরীর অসুস্থ ও অস্বচ্ছন্দ

হইলে, উৎপ্রতীকারার্থে সম্যক্রূপে চেষ্টা করা কর্তব্য ; তাহারা কোন দুর্বিপাকে পতিত হইলে, উদ্ধার করা বিধেয়, তাহাদের ক্লেশনিবারণ ও অবস্থার উন্নতি-সাধনার্থ স্নমন্ত্রণা প্রদান করা আবশ্যিক । এতদেশীয় অনেক লোক ভৃত্যদিগের প্রতি যেরূপ কটুক্তি ও কঠোর ব্যবহার করেন, তাহা অত্যন্ত গর্হিত । তাঁহারা অধীনস্থ ব্যক্তিদিগের প্রতি যেরূপ অকণা অশ্রাব্য শব্দ সকল প্রয়োগ করিয়া থাকেন, তাহা শ্রবণ করিলে, লজ্জায় অধোমুখ হইতে হয় । অশ্লীল শব্দ উচ্চারণ করিলে যে ভদ্র লোকের ভদ্রতাগুণের ব্যতিক্রম হয়, ইহা তাঁহারা বিবেচনা করেন না । একারণ এতদেশে ঘাঁহারা ভদ্রলোক বলিয়া প্রসিদ্ধ আছেন, তাঁহাদের মধ্যে অনেকেরই সহিত সহবাস ও কথোপকথন করা যথার্থ ভদ্রপ্রকৃতি সুশীল ব্যক্তির পক্ষে কঠিন কর্ম । অন্যের প্রতি ক্রোধ প্রকাশপূর্বক কটুবাক্য প্রয়োগ করিয়া নিকৃষ্ট প্রবৃত্তির উত্তেজনা করিলে যে স্বকীর স্বভাবকে কলঙ্কিত করা হয়, ইহা তাঁহাদের হৃদয়ঙ্গম নাই ।

প্রভুর প্রতি ভৃত্যের যেরূপ ব্যবহার কর্তব্য, তাহার অন্যথা-চরণ দ্বারা সংসারের বিস্তর অনিষ্ট ঘটিয়া থাকে । ভৃত্যের অহিতাচারে তদীয় স্বামীর যত উৎপাত উপস্থিত হয়, প্রভুর অত্যাচারে ভৃত্যের তত হইতে দেখা যায় না । অপহরণ ও বিশ্বাসঘাতকতা যে ভৃত্যের পক্ষে সর্বাপেক্ষা গর্হিত কর্ম, তাহা বলা বাহুল্য । তাহারা প্রভুকর্তৃক বে কণ্ঠে নিযুক্ত হয়, তাহা সবিশেষ মনোবোগপূর্বক সূচারূপে সম্পাদন করা কর্তব্য ।

প্রভুকে সম্যকপ্রকারে সমাদর করাও তাঁহার সন্তোষসাধনার্থ সর্বদা সচেষ্টিত থাকা আবশ্যিক । নিতান্ত চাটুকর হওয়া দূষণীয় বটে, কিন্তু ন্যায়ানুগত আচরণ দ্বারা প্রভুর সঙ্কষ্টিসম্পাদনার্থ যত্নবান থাকা কদাচ দূষ্য নহে ; প্রত্যুত সর্বতোভাবে বিধেয় । প্রভুর কার্য্য নিজ কার্য্য জ্ঞান করা, প্রভুর হুঃসময় ঘটিলে সাধ্যানুসারে আনুকূল্য করা এবং প্রভুর উপকার করিতে পারিলে, আপনাকে চরিতার্থ বোধ করিয়া প্রফুল্ল ও প্রসন্ন-চিত্ত হওয়া প্রভূপরায়ণ পুণ্যশীল সেবকের প্রধান কৰ্ম্ম । প্রভুর কার্য্যে অবহেলা করিয়া আত্মকার্য্য সাধন করা এবং প্রভুকর্তৃক নির্দিষ্ট নিয়মানুসারে যে সময়ে প্রভুর কৰ্ম্ম বিহিত, সে সময় কৰ্ম্মান্তরে ক্ষেপণ অথবা নিরর্থক গল্প করিয়া নষ্ট করা কোনক্রমে কর্তব্য নহে । প্রভু কোন কার্য্যে প্রেরণ করিলে অনেকে যে স্থানান্তরে ও কার্য্যান্তরে কালক্ষেপ করিয়া আইসে, ইহা কাহারও অবিদিত নাই । একরূপ ন্যায়বিরুদ্ধ ব্যবহার অত্যন্ত দূষ্য ও ঘৃণাকর । একরূপ আচরণ নিতান্ত স্বার্থপরতার লক্ষণ । প্রভুর কার্য্যে যত্ন ও অনুরাগ থাকিলে একরূপ ব্যবহার করিতে কোনরূপে প্রবৃত্তি হয় না ।

### মেঘ ও বৃষ্টি ।

জল উত্তপ্ত হইলে বেধূমাকার পদার্থ উৎপন্ন হয়, তাহাকে বাষ্প কহে । শীত ঋতুর প্রাতঃকালে নদী, নরোবর প্রভৃতি

হইতে যে ধূমাকার বস্তু উঠিতে দেখা যায়, তাহাও ঐ বাষ্প বৈ  
আর কিছুই নয় । ঐ সকল বাষ্প ঘন হইলেই মেঘ হয় । মেঘ  
সচরাচর দুই ক্রোশের অধিক উঠিতে পারে না । এমন কি,  
অনেক মেঘ দেড় ক্রোশ পর্য্যন্তও উথিত হয় না । বৃষ্টির সময়ে  
কতকথান মেঘ কেবল অর্ধ ক্রোশ মাত্র উর্দ্ধে থাকিয়া জল বর্ষণ  
করে, এই নিমিত্ত উচ্চ পর্য্যন্তে আরোহণ করিলে অধোদিকে  
মেঘের চলাচল দেখিতে পাওয়া যায় । চারি পাঁচ ক্রোশ উপ-  
রের বায়ু অতি স্বচ্ছ ও পরিষ্কৃত । তথায় মেঘ ও বাষ্পের লেশ-  
মাত্রও নাই ।

মেঘের উৎপত্তি, বায়ুর শৈত্য ও উষ্ণত্বের উপর বিস্তর  
নির্ভর করে । জল যত উত্তপ্ত হয়, তাহা হইতে ততই বাষ্প  
উঠিতে থাকে । এনিমিত্ত প্রথর গ্রীষ্মের সময়ে অধিক বাষ্প  
উৎপন্ন হইয়া অধিক দূর উথিত হয় । সেই সময়ে বাষ্প উপরি-  
স্থিত বায়ুর সহিত মিলিত হইয়া থাকে, অত্যন্ত লঘু বলিয়া  
দেখিতে পাওয়া যায় না । এইরূপ সমূহ বাষ্প-রাশি আকাশ-  
মণ্ডলে বিক্ষিপ্ত হইয়া আছে এমন সময়ে যদি কোন দিক হইতে  
শীতল বায়ু প্রবাহিত হইয়া তাহার সহিত মিশ্রিত হয়, তাহা  
হইলে ঐ সকল বাষ্প ঘনীভূত হইয়া মেঘ জন্মায় । এইরূপ  
অন্য অন্য কারণেও বায়ুর উষ্ণতাহীন ও শৈত্য বৃদ্ধি হইয়া  
মেঘ উৎপাদন করে । দিবাবসানকালে বায়ুর উত্তাপ ক্রমশঃ  
অল্প হইতে থাকে ; এই নিমিত্ত সে সময়ে সত্তত মেঘ উৎপন্ন  
হইতে দেখা যায় । উপরিস্থিত বায়ু অধঃস্থিত, বায়ু অপেক্ষায়

শীতল, এই হেতু যে সমস্ত জলীয় বাষ্প উৎপন্ন হইবার সময়ে অদৃশ্য থাকে, তাহা উপরে উঠিয়া ঘন হইয়া মেঘ জন্মায় ।

উপরে প্রতিফলন নানা দিকে নানাপ্রকার বায়ুপ্রবাহ বহিতে থাকে, এবং সেই সঙ্গে মেঘসমুদায় ইতস্ততঃ সংশ্লিষ্ট হইয়া অশেষবিধ অদ্ভুত আকার ধারণ করে । এক নিমেষের নিমিত্তেও স্থির নহে, সর্বদাই তাহাদের কোন না কোনপ্রকার পরিবর্তন হইতে দেখা যায় । অদৃশ্য জলীয় বাষ্পের সহিত শীতল বায়ু মিশ্রিত হইলে, যেমন সেই বাষ্প ঘন হইয়া মেঘ উৎপাদন করে, সেইরূপ আবার উৎপাদিত মেঘে উষ্ণ বায়ু লাগিলে, সেই মেঘ বিক্ষিপ্ত হইয়া অদৃশ্য হইয়া যায় । এক একখান মেঘ উঠিতে উঠিতে যে অন্তর্হিত হইতে দেখা যায় তাহার কারণ এই ।

সমুদায় মেঘই সূক্ষ্ম সূক্ষ্ম জলকণাসমূহ ব্যতিরেকে আর কিছুই নহে । তাহাতে সূর্য্যের কিরণ পতিত হইয়া অশেষ-প্রকার মনোহর বর্ণ উৎপাদন করে । সূর্য্যকিরণে নীল, পীত, লোহিত, হরিত, পাটল প্রভৃতি নানা বর্ণ আছে । বহুকোণ-বিশিষ্ট কাচে ও অন্য অন্য কোন কোন বস্তুতে সূর্য্যকিরণ পতিত করিয়া ঐ সকল বর্ণ পৃথক করিয়া দেখান যায় । বেলা-য়ারি ঝাড়ের কলমে রৌদ্রের আভা পতিত হইয়া যে নানাবিধ বর্ণ উৎপাদন করে, তাহা অপর সাধারণ সকলেরই বিদিত আছে । গগনমণ্ডলস্থ মেঘাবলির বিচিত্র বর্ণও এইরূপে উৎপন্ন হইয়া থাকে । সচরাচর এই কয়েক বর্ণের মেঘ দেখিতে



পাওয়া যায়, খেত, পীত, লোহিত, পিকল ও ধূসর । হরিদবর্ণ মেঘও পরম সুন্দর, কিন্তু অতি বিরল । সায়ংকালীন জলদজালের মনোহর শোভা সন্দর্শন করিয়া কে না মোহিত হয় !

রামধনুর পরম সুন্দর শোভাও ঐরূপে সমৃদ্ধ হইয়া উল্লিখিত বহুকোণ কাচের স্তার, বাষ্টিকালীন জলকণাসমূহে সূর্য্যরশ্মি পতিত হইলেও তাহার অন্তর্কর্ত্তী ভিন্ন ভিন্ন কিরণজাল সুস্পষ্ট দেখিতে পাওয়া যায় । উহার এক একটা জলকণা এক এক খানি বহুকোণ কাচস্বরূপ । বহুনংখ্যক জলবিন্দু একত্র হইয়া রামধনু উৎপাদন করে । নভোমণ্ডলের যে ভাগে সূর্য্যমণ্ডল অবস্থিত থাকে, তাহার বিপরীত ভাগে রামধনু দৃষ্ট হয় । সূর্য্যকিরণের ন্যায় চক্রকিরণেও রামধনু উৎপন্ন হইয়া থাকে । কিন্তু চাক্ষু রামধনুর বর্ণ সৌর রামধনুর তুল্যরূপ উজ্জ্বল নহে । লোকে উহাকে রামধনু ও ইন্দ্রধনু উভয়ই বলিয়া থাকে । কিন্তু বাস্তবিক উহা কাহারও ধনু নহে । জলকণাসমূহে সূর্য্যকিরণ পতিত হইয়া এইরূপ মনোহর আকার উৎপন্ন হয় । যিনি এই অত্যাশ্চর্য্য অচিন্ত্য বিশ্বকার্য্যের সর্বস্থানে সুললিত সৌন্দর্য্যসুধা বর্ষণ করিয়াছেন, উহাতে কেবল তাঁহারই অনির্কচনীয় মহিমা প্রকাশ পাইতেছে !

মেঘ কেবল ক্ষুদ্র জলকণা ব্যতিরেকে যে আর কিছুই নহে, ইহা পূর্বে একবার উল্লিখিত হইয়াছে । যেমন বাষ্প শীতল হইয়া মেঘ জন্মায়, সেইরূপ, মেঘ শীতল হইলে তাহার অণুসমূহের ঘন হইয়া জল হইয়া পড়ে । যে মেঘের ভার যে স্থানের

বায়ুর ভারের সমান, সেই মেঘ সেই স্থানে অবস্থিত থাকে । পরে কোন হেতুবশতঃ শীতল হইলেই, ঘনীভূত ও ভারাক্রান্ত হইয়া জলধারারূপে পৃথিবীতে পতিত হয়, ইহাকেই বৃষ্টি কহে । অতএব বৃষ্টির নিয়ম অতি সহজ । ইহা জানিবার নিমিত্ত অধিক আয়াস আবশ্যক করে না ।

সমুদ্র ও জলাভূমি হইতে অধিক বাষ্প উত্থিত হয় । এই নিমিত্ত সেই সেই স্থানে ও তাহার সমীপবর্তী প্রদেশে অধিক বৃষ্টি হইয়া থাকে । পর্বতশিখর অপেক্ষাকৃত শীতল, অতএব যে সকল মেঘ চলিতে চলিতে পর্বতশিখরে গিয়া অবস্থিত হয়, তাহা শীতে ঘনীভূত হইয়া জল হইয়া পড়ে । এই নিমিত্ত পর্বতেও অধিকপরিমাণে জলবর্ষণ হইয়া থাকে । যে পর্বত সমুদ্রের সমীপবর্তী, তাহাতে সর্বাপেক্ষা অধিক বর্ষণ হয়, এবং যে পর্বত সমুদ্রতট হইতে দূরবর্তী, তাহাতে তদপেক্ষা অল্পতর বৃষ্টিপাত হয় ।

বায়ুপ্রবাহের ইতরবিশেষ দ্বারা বৃষ্টিপাতেরও অনেক ইতর বিশেষ হইয়া থাকে । ভারতবর্ষের দক্ষিণ দিকে সমুদ্র, এ নিমিত্ত বৈশাখ, জ্যৈষ্ঠ, আষাঢ়, শ্রাবণ প্রভৃতি যে কয়েক মাস দক্ষিণ দিক অথবা দক্ষিণ-পশ্চিম কোণ হইতে বায়ু বহিতে থাকে, সেই সেই মাসে উল্লিখিত সমুদ্র হইতে উৎপন্ন মেঘসমুদায় ঐ বায়ুসহকারে সঞ্চারিত হইয়া ভারতভূমির উপর প্রচুর বারি-বর্ষণ করে । এই প্রবল বায়ু কয়েক মাস প্রবাহিত থাকাত্তে ভারতবর্ষের বর্ষাকাল, শীত, বসন্ত গ্রীষ্মাদি ঋতুর ন্যায়, এক

স্বতন্ত্র ঋতু বলিয়া নির্দ্ধারিত আছে । ইংলণ্ডে ও তাদৃশ অন্তর অন্তর প্রদেশে একরূপ স্বতন্ত্র বর্ষা ঋতু নির্দিষ্ট নাই ; সে সকল স্থানে বার মাসই বৃষ্টি হয় । ভারতবর্ষের উত্তর দিকে মেঘোৎপত্তির উপায় নাই । এই নিমিত্ত এতদ্দেশে কাঠিক মাসে দক্ষিণ বায়ু নিবৃত্ত হইয়া উত্তরীয় বায়ু আরম্ভ হইলে, জলবর্ষণও এক প্রকার নিবৃত্ত হয় ।

ভারতবর্ষের দক্ষিণ খণ্ডের অর্থাৎ দক্ষিণাপথের পূর্ব, পশ্চিম, দক্ষিণ তিন দিকেই সমুদ্র । এ নিমিত্ত যে সময়ে পশ্চিম দক্ষিণ কোণ হইতে বায়ু বহিতে থাকে, তখন দক্ষিণাপথের পশ্চিম দক্ষিণ প্রান্তে, অর্থাৎ মলয়বর দেশে প্রচুর বারিবর্ষণ হয়, এবং যখন পূর্বোত্তর হইতে বায়ু প্রবাহিত হয়, তখন পূর্ব-দক্ষিণ প্রান্তে, অর্থাৎ চোল-মণ্ডল নামক উপকূলে আসিয়া মেঘ ও বৃষ্টি উপস্থিত করে ।

পর্বতাদি দ্বারা বায়ুর প্রবাহ প্রতিকূল ও পরিবর্তিত হও-  
রাতেও বৃষ্টিপাতের অনেক ইতরবিশেষ হইয়া থাকে । যে বায়ু-  
প্রবাহ দ্বারা বাষ্পরাশি আনীত হইয়া ভারতবর্ষের পূর্বোত্তর  
খণ্ডে মেঘ সঞ্চারিত ও বারি বর্ষিত হয়, তাহা প্রথমতঃ পশ্চিম  
দক্ষিণ হইতে বঙ্গীয় অখাতের উপর দিয়া বাহিত হয় । পরে  
যখন হিমালয় ও তৎসন্নিহিত দক্ষিণদিকস্থ পর্বতের নিকট  
উপনীত হইয়া তদ্বারা প্রতিহত হয়, তখন আর উত্তরাংশে  
গমন করিতে না পারিয়া পশ্চিমোত্তর ভাগে চলিতে থাকে ।  
পশ্চিমোত্তর ভাগে বহিতে বহিতে যখন হিন্দুকোষ নামক পর্বতে

গিয়া উপস্থিত হয়, তখন তদ্বারা প্রতিক্রম হইয়া পশ্চিমাভিমুখে প্রবাহিত হইতে থাকে। এই প্রকারে সুলিয়ান নামক পর্বত পর্যন্ত গমন করিয়া তদ্বারা পুনরায় প্রতিহত হইয়া অন্য দিকে সঞ্চরণ করে।

যে সমস্ত মেঘ ও বাষ্প উল্লিখিত বায়ুপ্রবাহ দ্বারা সঞ্চারিত হয়, তাহা হিমালয়ের উত্তরাংশে গমন করিতে পারে না। হিমালয়কর্তৃক প্রতিক্রম হইয়া বারিবর্ষণপূর্বক গঙ্গা, যমুনা, সরস্বতী প্রভৃতি অনেক অনেক নদীর জল বৃদ্ধি করে, ও সেই সমস্ত নদীর তীরস্থ ভূমি জলে প্রাণিত করিয়া উর্বরা হইতে থাকে। ঐ বায়ু হিমালয় উল্লঙ্ঘন করিয়া তাহার উত্তর দিকে মেঘ ও বাষ্প সঞ্চালন করিতে পারে না, এনিমিত্ত জলাভাবে সেই প্রদেশ মরুভূমি হইয়া রহিয়াছে।

যদি কোন পর্বতময় প্রদেশ হইতে বায়ু বহিতে থাকে, তাহা হইলে, তত্রত্য মেঘসমুদায় সেই বায়ুদ্বারা সঞ্চালিত হইয়া অন্য অন্য নিম্ন স্থানে গিয়া বর্ষণ করে। যদি সেই সমস্ত স্থান অপেক্ষাকৃত উষ্ণ হয়, তাহা হইলে ঐ মেঘ ঘনীভূত না হইয়া আরও লঘু হইয়া যায়, স্তত্র্যং তাহাতে বৃষ্টি হয় না। এই কারণে ইউরোপের দক্ষিণ-পার্শ্ব-বর্তী ভূমধ্য সাগর হইতে যে সমস্ত বাষ্পরাশি উৎপন্ন হইয়া মিশর দেশের উপর দিয়া দক্ষিণাভিমুখে গমন করে, তাহা উল্লিখিত মিশর দেশের উপরে ঘনীভূত ও বর্ষিত না হইয়া উত্তরোত্তর দক্ষিণ দিকেই চলিয়া যায়। পরে যখন আফ্রিকানির পর্বতময় উত্তর প্রদেশে গিয়া

উপস্থিত হয়, তখন জল হইয়া বর্ষিত হইতে থাকে । এই নিমিত্ত শিশির দেশে সর্বদাই অনাবৃষ্টি, গ্রীষ্মকালে মূলেই বৃষ্টি হয় না, অন্য অন্য সময়েও অতি অল্প । বিশেষতঃ, তাহার দক্ষিণখণ্ডে জল-বর্ষণ অতি অসামান্য ব্যাপার বলিয়া পরিগণিত আছে । তদ্রূপে লোক বৃষ্টিব্যতিরেকে কিরূপে প্রাণধারণ করিয়া থাকে, বিবেচনা করিতে হইলে, আপাততঃ বিশ্বয়ান্ন হইতে হয় । কিন্তু করুণাময় পরমেশ্বর অনির্করণীয় কৌশল প্রকাশ করিয়া তাহাদের অনাবৃষ্টিবর্জিত অনিষ্টাপাতের আশঙ্কা একবারে নিবারণ করিয়া রাখিয়াছেন । তথায় যেমন বথেষ্ট বৃষ্টিপাত হয় না, তেমন গ্রীষ্মকালে একরূপ শিশিরবর্ষণ হয়, যে তথাকার সৃষ্টিকা তাহাতে আর্জ হইয়া বিলক্ষণ উর্বরা হইয়া উঠে । তদ্বিন্ন, তথায় নীল নামে এক নদী আছে ; তাহা গঙ্গা নদীর ন্যায়, প্রতিবর্ষে বৃদ্ধি পাইয়া উত্তর তট কয়েক মাস জলে প্রাবিত করিয়া রাখে । উহাতে ঐ উত্তরতীরস্থ ভূমি অত্যন্ত রসশালিনী হইয়া অপর্যাপ্ত শস্য উৎপাদন করে ।

### সৌর জগৎ ।

আপাততঃ বোধ হয়, পৃথিবী এক স্থানে স্থির হইয়া আছে, আর সূর্য্য তাহার চতুর্দিকে পরিলম্বণ করিতেছে; কিন্তু বাস্তবিক তাহা নয় । জ্যোতির্বিৎ পণ্ডিতেরা নিঃসংশয়ে নিরূপণ করিয়াছেন সূর্য্যমণ্ডল, বুধ, শুক্র পৃথিব্যাদি গ্রহগণের সখ্যবর্তী;

গ্রহগণ তাহার চতুর্দিকে পরিলম্বন করে । সূর্য্য নিজে গ্রহ নহে, তাহার সূর্য্যের চতুর্দিকে এইরূপ পরিলম্বন করে, তাহাদেরই নাম গ্রহ । আমাদের অধিষ্ঠানভূতা পৃথিবীও সূর্য্যকে এইরূপ প্রদক্ষিণ করিয়া থাকে, অতএব পৃথিবীও এক গ্রহ ।

সমুদয়ে কত গ্রহ আছে, নিশ্চয় বলা যায় না । এপর্য্যন্ত ১১৪ এক শত চৌদ্দটি আবিষ্কৃত হইয়াছে । অন্য অন্য গ্রহ অপেক্ষায় বৃহৎ গ্রহ সূর্য্যের নিকটবর্তী, তাহার পর শুক্র, পৃথিবী, মঙ্গল, বৃহস্পতি, শনি, হর্শেল ও নেপচুন গ্রহ যথাক্রমে সূর্য্য-মণ্ডলের নিকট হইতে উত্তরোত্তর অধিক দূরে অবস্থিত রহিয়া তাহার চতুর্দিকে পরিলম্বন করিতেছে ।

১৮৫২ খ্রীষ্টাব্দের মার্চ মাসে বকান নামে আর একটি গ্রহ আবিষ্কৃত হইয়াছে । উহা সূর্য্যমণ্ডল ও পৃথিবীমণ্ডলের মধ্যে কোন স্থানে থাকিয়া সূর্য্য প্রদক্ষিণ করে । উল্লিখিত প্রধান নয় গ্রহ ব্যতিরিক্ত ফোরা, বিক্টোরিয়া, বেটা, আইরিস, মীটিস, হীমি, পার্থেনোপি, অষ্ট্রিয়া, ইজীরিয়া, ইউনোমিয়া, বুনো, সীরিস্, পালাস হাইজীরা প্রভৃতি ১০৫ একশত পাঁচটি ক্ষুদ্রতর গ্রহ, মঙ্গল ও বৃহস্পতির ভ্রমণপথের মধ্যস্থলে থাকিয়া সূর্য্য প্রদক্ষিণ করে । ইহারা পূর্ব্বোক্ত প্রধান নয় গ্রহ অপেক্ষায় অনেক ছোট, অতএব কনিষ্ঠ গ্রহ বলিয়া উল্লিখিত হইতে পারে ।

গ্রহগণ যেমন সূর্য্য প্রদক্ষিণ করে, সেইরূপ কতকগুলি উপ-গ্রহ আছে, তাহারা কোন কোন গ্রহের চতুর্দিকে পরিলম্বন

করে । চন্দ্র পৃথিবীগ্রহ প্রদক্ষিণ করে, অতএব উহা এক উপ-গ্রহ । পৃথিবীর যেমন এট এক উপগ্রহ, বৃহস্পতির ঐরূপ চারি, শনির আট, হর্শেলের ছয়, এবং নেপ্চুন গ্রহের দুই উপগ্রহ আবিষ্কৃত হইয়াছে ।

সূর্য্য, গ্রহ ও উপগ্রহ এখান হইতে অতি ছোট দেখার বটে, কিন্তু বাস্তবিক অতি বৃহৎ পদার্থ । পৃথিবী কিরূপ বৃহৎ তাহা চাকুপাঠের প্রথমভাগে লিখিত হইয়াছে । হর্শেল গ্রহ তাহার ৮২ গুণ, নেপ্চুন ১০৮ গুণ, শনি ৭০৫ গুণ এবং বৃহস্পতি ১৪১৪ গুণ । কিন্তু সৌর জগতে গ্রহ উপগ্রহাদি যত বৃহৎ যত আছে, সূর্য্য সর্ব্বাপেক্ষা বৃহত্তর । উহা এত বৃহৎ, যে আমাদের অধিষ্ঠানভূতা অবনীর তুল্য ১৪,০০,০০০ চতুর্দশ লক্ষ জীবলোক উহার গর্ভমধ্যে নিবিষ্ট থাকিতে পারে । উহার আয়তন একত্রীকৃত সমুদ্রের গ্রহের আয়তন অপেক্ষা প্রায় ৬০০ গুণ অধিক । যদি সূর্য্যমণ্ডলের অভ্যন্তর খনন করিয়া শূন্য করা যায়, এবং ভূমণ্ডল তাহার মধ্যস্থানে স্থাপিত করিতে পারা যায়, তাহা হইলে, পৃথিবীর চতুর্দিকে এত স্থান থাকে, যে চন্দ্রমণ্ডল ভূমণ্ডলের কেন্দ্রে হইতে একগণে যত অন্তরে অবস্থিত আছে, তাহা অপেক্ষা আর ৮১,০০০ ক্রোশ অধিক অন্তরে স্থাপিত হইলেও, অনায়াসে পৃথিবী প্রদক্ষিণ করিয়া আসিতে পারে ।

## আত্মবিষয়ক কর্তব্য কর্ম ।

### শারীরিক স্বাস্থ্য-সাধন ।

পর্যাপ্ত পরমেশ্বর অন্যান্য অশেষ প্রকার সুখকর ব্যাপিরের ন্যায় শারীরিক স্বাস্থ্যলাভও আমাদের আয়ত্ত করিয়া দিয়াছেন । তিনি মনুষ্যকে উৎকৃষ্ট দেহ প্রদান করিয়া কতকগুলি প্রকার মনোহর নিয়ম সংস্থাপন করিয়াছেন যে, তাহা পালন করিলেই পরম আরোগ্য উপভোগ করা যায় । আমাদের আত্ম-বিষয়ক কর্তব্যের মধ্যে জ্ঞানোপার্জন করা যেমন প্রথম কার্য, আপনার শরীর সুস্থ ও স্বচ্ছন্দ রাখা সেইরূপ দ্বিতীয় কার্য ।

শরীরী জীবের পক্ষে শারীরিক সুস্থতা অপেক্ষার সুখকর বিষয় আর কিছুই নাই । শরীর ভগ্ন হইলে, সমুদায় সংসার কেবল দুঃখের আগারস্বরূপ প্রতীয়মান হয় । যেমন গগন-মণ্ডল মেঘচ্ছন্ন হইলে, পূর্ণচন্দ্রের সুধাময় কিরণ প্রকাশ পায় না, সেইরূপ শরীর অসুস্থ হইলে, শারীরিক ও মানসিক কোন প্রকার সুখসাধনে সমর্থ হওয়া যায় না । তখন অতুল ঐশ্বর্য, বিপুল ধন, অতুচ্চ মান সম্ভ্রম, কিছুতেই অন্তঃকরণ প্রসন্ন ও সুখমণ্ডল প্রফুল্ল হয় না । রোগী ব্যক্তি সর্বদাই অসুখী, সকল বিষয়েই বিরক্ত, এবং কেবল রোগের চিন্তাতেই চিন্তাকুল । কত কষ্টেই তাহার দিনযাপন হয় । তাহার দুঃখের দিন কত



দীর্ঘই বোধ হয়। চিররোগী ব্যক্তিদ্বিগের শরীর কেবল দুর্বল ভারস্বরূপ হইয়া উঠে। তাহারা নিয়তই উবিগ এবং সর্বদাই সঙ্কচিতচিত্ত। আহারবিহারাদি শরীর-রক্ষাপযোগী সকল ব্যাপারেই কুণ্ঠিত থাকিয়া কোন ক্রমে কষ্টমুটে কালহরণ তাহাদের নিত্যব্রত হইয়া উঠে। স্বাস্থ্য-রক্ষার্থে যত্ন না করা যে দুর্কর্ম, এই সমস্ত প্রত্যক্ষ শাস্তিই তাহার যথেষ্ট প্রমাণ।

পরমেশ্বর মনুষ্যের মনের সাহিত শরীরের একুপ নিকট সম্বন্ধ বন্ধন করিয়া দিয়াছেন যে, শরীর সুস্থ ও সবল থাকিলে, অন্তঃ-করণও সুস্থ ও স্ফুর্তি-বিশিষ্ট থাকে, এবং অন্তঃকরণ সতেজ ও প্রকুল থাকিলে, শারীরিক সুস্থতাও সাতিশয় সুলভ হয়। উভয়ের সুস্থতা উভয়ের পক্ষে উপকারী, এবং উভয়ের অসুস্থতা উভয়ের পক্ষে অপকারী। অন্তঃকরণ শোকাকল হইলে শরীরও শীর্ণ হয়, এবং শরীর পীড়িত হইলে, কোষ-বিশিষ্ট প্রবল হয়, এবং দয়া ভক্তি প্রভৃতি কতকগুলি উৎকৃষ্ট বৃত্তি দুর্বল হয়। যে শিশু সতত সহাস্যবদন, পীড়িত হইলে সেও সর্বদা বিরক্ত ও ক্রুদ্ধ হয়। তখন আর তাহার মনোহর মধুর হাস্য দৃষ্ট হয় না, এবং অর্ধ স্মৃতি স্মৃতিষ্ট শব্দসকলও শ্রুত হয় না। প্রথর ক্ষণের সময়ে স্বাস্থ্যকর ভ্রবা ভ্রমণ না করিলে, শরীর বল-হীন হইয়া মনও নিস্তেজ হইতে থাকে, এবং অত্যন্ত গুরুতর ভোজন করিলে শরীর ও মন উভয়েরই মানি উপস্থিত হইয়া শারীরিক ও মানসিক উভয় প্রকার পরিশ্রম করিতেই ক্লেশ বোধ হয়। কোন কার্যোপলক্ষে প্রচণ্ড রোজে গলদ্বন্দ্বকলে-

বরে অবিশ্রান্ত পথ পর্যটন করিলে, অস্তুরকরণ উত্তাক্ত হইয়া উঠে, কিঙ্ক প্রাতঃকালে বিশ্বপতির বিশ্বকার্যের পরমাশ্চর্য্য সৌন্দর্য্য সন্দর্শন পুরঃসর সুশীতল সমীরণ সেবন করিলে, মনো-মধ্যে পরম পরিশুদ্ধ আনন্দ-রসের উদ্ভেক হইতে থাকে । শারীরিক পীড়া হইয়া কত কত ব্যক্তির স্মারকতা শক্তির হ্রাস হইতে দেখা গিয়াছে, এবং রোগ-শাস্তি ও শ্বাস্ত্য-বুদ্ধি হইয়া কত কত ব্যক্তির স্মরণশক্তি প্রবল হইয়াছে । অতএব, যখন শরীরের সহিত মনের এ প্রকার নিকট সম্বন্ধ নিরূপিত রহিয়াছে, এবং যখন শরীর সুস্থ না থাকিলে, কর্তব্য কন্ম সমুদায় যথা বিধানে সম্পাদন করিতে পারা যায় না, তখন জীবনরক্ষা, ধন্য-রক্ষা, সুখসাধন প্রভৃতি সকল বিষয়ের নিমিত্তেই শারীরিক শ্বাস্ত্যলাভার্থে যত্নবান থাকা সর্বতোভাবে বিধেয় । যদি শ্রীত মনে পরিবার প্রতিপালন করা কর্তব্য হন, পরোপকার করা বিধেয় হয়, পরম পিতা পরমেশ্বরকে প্রপাচরূপ ভক্তি ও শ্রদ্ধা করা উচিত হয়, তবে শরীরকে সুন্দররূপে সুস্থ ও সচ্ছন্দ রাখা অবশ্য কর্তব্য তাহার সন্দেহ নাই ; কারণ শরীর ভগ্ন হইলে, ঐ সমস্ত অবশ্য কর্তব্য কন্ম সুচারুরূপে সম্পাদন করিতে সমর্থ হওয়া যায় না । যদি পরম শ্রদ্ধাস্পদ পিতা মাতাকে যত্নরূপ অগ্নিশিখায় দগ্ধ করা অধম্য হয়, এবং যদি প্রাণাধিক প্রিয়তর পুত্রকন্যাদিগকে যথানিয়মে প্রতিপালন না করা ছদ্ম্য হয়, তবে সাধ্যসত্ত্বে শারীরিক নিয়ম লঙ্ঘন পূর্বক প্রাণত্যাগ করিয়া এই সমস্ত বিষয় বিপত্তি উপস্থিত করা

অবশ্যই অধর্ম তাহার সন্দেহ নাই। আত্মহত্যা যে মহাপাপ, ইহা সকলেই স্বীকার করিয়া থাকেন। জলপ্রবেশ, অগ্নিপ্রবেশ, উৎকনাদি দ্বারা একেবারে প্রাণত্যাগ করা আর ক্রমাগত শারীরিক নিয়ম লঙ্ঘন পৃথক ক্রমে ক্রমে দেহনাশ করা উভয়ই ভুল্য। কেবল শীঘ্র আর বিলম্ব এইমাত্র বিশেষ। অতএব, পরম কারুণিক পরমেশ্বর আমাদের শরীররক্ষার্থে যে সমস্ত উভকর নিয়ম সংস্থাপন করিয়াছেন, তাহা পালন করা সর্বতোভাবে কর্তব্য। না করিলে প্রত্যব্যয় আছে!

### শিশুদিগের প্রতি কর্তব্য।

শিশু সকলে স্বকীয় শুভাশুভ কিছুই জানিতে পারে না, অতএব তাহাদিগকে অনন্যভাবে জনক জননীর বশবর্তী থাকিয়া তদীয় আজ্ঞানুযায়ী কার্য্য করিতে হয়। তাহারা শিশু সন্তানদিগকে যাহা কিছু অনুমতি করেন, সমুদায়ই তাহাদের শুভাভিপ্রায়ে সঙ্কল্পিত। যাহারা তাহাদের সুখে সুখী ও তাহাদের দুঃখে দুঃখী, তাহারা তাহাদের বত কল্যাণচিন্তা করেন, ভূমণ্ডলে অন্য ব্যক্তি তাহার শতাংশের এক অংশও করে না। এই পরম শুভদায়ক তত্ত্ব শিশুগণের বত হৃদয়ঙ্গম করিয়া দিতে পারা যায়, ততই মঙ্গল, ততই তাহারা পিতা মাতার আজ্ঞা পরিপালন করা সুখের বিষয় বোধ করিয়া তদনুযায়ী ব্যবহার করিতে প্রবৃত্ত হয়।

অনেকানেক বালককে ক্রমে ক্রমে পিতা মাতার অবাধা  
 হইতে দেখা যায় বটে, কিন্তু বিশ্লেষণ করিয়া দেখিলে বোধ হয়,  
 মাতা পিতার অনুকম্পা, অভিজ্ঞতা ও স্নেহপ্রবৃত্তির অল্পতা  
 ইহার এক প্রধান কারণ। তাহারা পিতা বা মাতা বলিয়া  
 জানিলেই যে তাঁহার বশীভূত হয় এমন নহে। জনক জননীর  
 প্রবল বুদ্ধি, প্রচুর জ্ঞান ও সন্তানের উত্তোয়তিসাধনার্থ একান্ত  
 যত্ন না দেখিলে, তাহাদের ভক্তি শ্রদ্ধার উদয় হয় না। কোন  
 ব্যক্তিকে বিশ্বাস বস্তু স্বপ্নাদ বোধ করতে আদেশ করিলে, সে  
 যেমন তাহা কোন মতেই স্বপ্নাদ বলিয়া প্রতীতি করিতে পারে  
 না, সেইরূপ যে ব্যক্তির সতেজ বুদ্ধিবৃত্তি ও প্রবল ধর্মপ্রবৃত্তির  
 কায়া না দেখা যায়, তাহার প্রতি ভক্তি শ্রদ্ধার সঞ্চার হয় না।  
 শিশুগণের সমক্ষে সদগুণ ও সদ্যবহার প্রদর্শন না করিয়া তাহা-  
 দিগকে কেবল তিরস্কার করিলে, বরং বিপরীত ফলেরই উৎপত্তি  
 হয়। বাহার প্রতি কঠোর ব্যবহার ও কর্কশ কথা প্রয়োগ  
 করা যায়, তদ্বারা তাহার ধর্মপ্রবৃত্তির উদয় হওয়া দূরে থাকুক,  
 প্রতিবিধিৎসা, প্রভৃতি নিকৃষ্ট প্রবৃত্তিই উত্তেজিত হইয়া উঠে।  
 বিষাক্ত শর বিক্র করিয়া কি কাহারও শরীর সুস্থ করা যায় ?  
 না ঘৃতাচ্ছি প্রদান করিলে প্রদীপ্ত অনল শীতল হয় ? নিম্ববৃক্ষ  
 রোপণ করিয়া রসপূরিত অমৃত ফল লাভের প্রত্যাশা করা  
 আর তিরস্কার ও শাস্তি প্রদান দ্বারা বালকগণের শ্রদ্ধাস্পদ ও  
 প্রীতিভাজন হইবার আশা করা উভয়ই তুল্য, উভয়ই নিতান্ত  
 নিফল হয়। তাহাদের প্রেমাস্পদ ও ভক্তিভাজন হইতে হইলে

তাহাদের নিকট আপনার জ্ঞান ও ধর্ম প্রদর্শন করিতে হয় । যদি কোন ব্যক্তি বালকগণের সমীপে সুবিজ্ঞতা ও সদাচরণ দ্বারা আপনার একরূপ মনোহর স্বভাব প্রকাশ করিতে পারেন যে, তাহা দেখিলে স্বভাবতই ভক্তি ও প্রীতির উদয় হয়, এবং যদি তদ্বারা তাঁহাকে জ্ঞানাপন্ন ও ধর্মপরায়ণ বলিয়া তাহাদের হৃৎপ্রত্যয় জন্মে, তাহা হইলে, যদিও নিতান্ত অধম বালকেরা তাঁহার সম্যক বশভাপন্ন না হয়, কিন্তু উত্তম ও মধ্যম বালকেরা তাঁহার প্রতি ভক্তি প্রদ্বা প্রকাশ পূর্বক তাঁহার বশবর্তী হইবে তাহার সন্দেহ নাই । যেমন সুশীতল চন্দন লেপন করিলে শরীর সুশীতল হয়, সেইরূপ সুধাময়ী ধর্মপ্রবৃত্তির সংস্পর্শে, ধর্ম-প্রবৃত্তির সঞ্চার হয় ।

কোন কোন বালকের ধর্মপ্রবৃত্তি একরূপ দুর্বল, ও নিকৃষ্ট প্রবৃত্তি এতাদৃশ প্রবল যে, তাহারা কোন মতেই বিনীত ও বশবর্তী হয় না । কিন্তু তাহারা সহজে বশীভূত হয় না বলিয়া তাহাদের চরিত্রসংশোধনের আশা একেবারে পরিত্যাগ করা কর্তব্য নহে, সর্বপ্রথমে চেষ্টা করিয়া দেখা উচিত । নিকৃষ্ট প্রবৃত্তির এতাদৃশ প্রবলতাকে এক প্রকার রোগ বলিয়া নির্দেশ করা যাইতে পারে । যেমন শরীরস্থ শোণিত-প্রবাহের অতি-মাত্র প্রবলতা হইয়া অরোগের উৎপত্তি হয়, সেইরূপ অতি-ভেদ্যতা নিকৃষ্ট প্রবৃত্তি সকল অতিমাত্র উত্তেজিত হইয়া দুর্চরিত্ররূপ মহারোগ উৎপাদন করে । পাপরূপ পীড়ার পীড়িত বালকদিগকে এক স্বতন্ত্র স্থানে রাখিয়া চিকিৎসা করা কর্তব্য ।

যে স্থানে লোভের সামগ্ৰী ও অন্য অন্য নিকৃষ্ট প্রবৃত্তির বিষয় উপস্থিত না থাকে, সেই স্থানে তাহাদিগকে স্থাপিত করা উচিত । তাহাদিগের ব্যবহারের প্রতি সতত দৃষ্টি রাখিবার ও তাহাদের উপর সর্বদা অধ্যক্ষতা করিবার নিমিত্ত এক এক জন শিক্ষক নিযুক্ত রাখা আবশ্যিক । তাহাদের যে সমস্ত ধর্মপ্রবৃত্তি দুর্বল, তাহা সবল করিবার নিমিত্ত নানামত উপদেশ প্রদান করা কর্তব্য, এবং বাহাতে সেই সকল বৃত্তি স্ব স্ব বিষয় পাঠিয়া পরিচালিত হইতে পারে একরূপ ব্যবস্থা করিয়া দেওয়া বিধেয় । আপন আপন সন্তানদিগের চরিত্রশোধনার্থে এপ্রকার উপায় করা অনেকের পক্ষে সুসাধ্য নহে, অতএব এই বহুকল্যাণকর বিষয় সম্পাদনার্থে সাধারণ বিদ্যালয়ের ন্যায় এক এক সাধারণ স্থান নিরূপণ করা কর্তব্য । অধম বালকেরা তথায় অবস্থিতি করিয়া বিনীত ও শিক্ষিত হইলে, কালক্রমে উদ্ধচরিত হইয়া সুখশুচন্দ্রে কালযাপন করিতে সমর্থ হয় । একরূপ উপায় দ্বারাও বাহারা ন্যায়ানুগত ও ধর্মপথাবলম্বী না হয়, তাহাদের পরিচয় প্রাপ্তির আর অন্য উপায় নাই ।

### মনুষ্যের সুখোৎপত্তির বিষয় ।

মনুষ্যের প্রকৃতি ও বাহ্য বস্তুর সহিত তাহার সম্বন্ধের বিষয় সংক্ষেপে বিবরণ করা গিয়াছে, এক্ষণে তাঁহার সুখোৎপত্তির মূল অন্বেষণ করা যাইতেছে ।

প্রথমতঃ । ইহা নিশ্চই দৃষ্ট হইতেছে যে, শরীর ও মন চালনা না করিলে সুখানুভব হয় না । “ শরীর ও মনোবৃত্তি সকল চালনা কর ; সুখলাভের আর দ্বিতীয় পথ নাই, ” এই শুভ-করী নীতি পরমেশ্বরের সাক্ষাৎ আজ্ঞাস্বরূপ । তাহারা সুসুপ্ত-বৎ নিশ্চেষ্ট হইয়া থাকিলে আমাদের জীবিত থাকাই বৃথা হইত; মনুষ্যের জীবনে ও বৃক্ষাদির জীবনে কিছুই বিশেষ থাকিত না । ফলতঃ সর্বতোভাবে নিশ্চেষ্ট থাকা আমাদের স্বভাব-বিরুদ্ধ । যদি কোন বালক গৃহস্থে অপূর্ণ পর্য্যাপ্তি সুকোমল শব্যায় শয়ন করিয়া থাকে, আর তথা হইতে তাহার ক্রীড়াসক্ত বয়স-দিগের কেলিকোলাহল শ্রবণ করে, এবং তাহারা কি ক্রীড়া করিতেছে, তাহা অনুভব করিতে পারে, তবে সে বহির্গত হইয়া তাহাদের সঙ্গে হইবার নিমিত্ত কেমন ব্যগ্র হয় ? যদি তাহার পিতা তাহাকে নিবারণ করিয়া রাখেন, তাহা হইলে, তাহার মনোহুঃখের আর সীমা থাকে না । এইরূপ, যদি কোন প্রবীণ ব্যক্তি ঘোরস্তর দুর্দিনপ্রযুক্ত ক্রমাগত ৫।৭ দিবস গৃহের বহির্ভূত হইতে না পারেন, তবে তিনিও বিরক্ত ও অস্থির হন তাহার সন্দেহ নাট । যিনি সর্বদা প্রসন্নচিত্ত থাকেন, এমন স্থলে তাহারও অপ্রসন্ন বদন দেখা যায় । অতএব মনুষ্যের সুখ-লাভ কার্মিক ও মানসিক পরিশ্রমের উপর নির্ভর করে কি না, তাহা যৎকালে তিনি সর্বথা নিশ্চেষ্ট থাকেন, তখনই সম্যক উপলব্ধি করিতে পারেন ।

আমরা শরীর ও মন পরিচালনে প্রবৃত্ত হইয়া আনন্দলাভ

করিব, এই অভিপ্রায়ে পরমেশ্বর সমস্ত ভগতের সহিত মান-  
 প্রকৃতির তদুপযোগী সম্বন্ধ নিরূপিত করিয়া রাখিয়াছেন । দেখ,  
 আহারব্যতিরেকে শরীর রক্ষা পায় না, সুতরাং শারীরিক ও  
 মানসিক পরিশ্রম স্বীকার করিয়া অন্ন আহরণ করিতে হয় ।  
 পশুদিগের বেমন পাত্ৰলোম আছে, আমরাদিগের শীতনিবারণার্থ  
 তাদৃশ কোন স্বাভাবিক আচ্ছাদন নাই, সুতরাং শরীর ও মনের  
 চেষ্টা দ্বারা পরিধেয় প্রস্তুত করিতে হয় । আমরাদিগের সমুদায়  
 মনোবৃত্তি স্ব স্ব বিষয় লাভার্থে নিয়ত ব্যগ্র, কিন্তু চালনা ব্যতি-  
 রেকে তাহাদিগকে চরিতার্থ করিবার উপায় নাই । অতএব,  
 আমরাদিগের শরীর ও মনকে সম্যক্ সচেষ্ট রাখা পরমেশ্বরের  
 অভিপ্রেত, তাহার সন্দেহ নাই । তাহার নিয়মানুবর্তী হইয়া  
 যত চালনা করিবে, ততই শরীরের অঙ্গসকল সবল হইবে, মনের  
 বৃত্তিসকল সতেজ হইবে, এবং অস্তুঃকরণ সুখার্ণবে মগ্ন হইতে  
 থাকিবেক ।

আমাদিগের জ্ঞানাভিলাষ অত্যন্ত প্রবল । জ্ঞানলাভই  
 সমুদায় বুদ্ধিবৃত্তির প্রয়োজন, এবং কেবল জ্ঞানাসুতপান দ্বারাই  
 তাহার চরিতার্থ হয় । কোন অভিনব বস্তুসন্দর্শনমাত্রেই অস্তুঃ-  
 করণ প্রকুল হয়, তাহার সবিশেষ গুণাগুণ জানিতে ইচ্ছা ও  
 উৎসাহ হয় এবং তাহার স্ভাব ও প্রয়োজন যত জানা যায়,  
 ততই সুখোদয় হইতে থাকে । সে বস্তু দ্বারা আমরাদিগের কোন  
 সাংসারিক উপকার না হউক, তথাপি তাহার আলোচনামাত্রেই  
 এরূপ নিম্নল আনন্দ অনুভূত হয় যে, তদ্ব্যন্য শারীরিক ও



সাংসারিক ক্লেশ সহ্য করিতে হইলেও সে রমণীর জ্ঞানালোচনা পরিত্যাগ করিতে পারা যায় না। অতএব, ইচ্ছা করিলেও নিতান্ত নিশ্চেষ্ট থাকা সম্ভাবিত নহে। মনোবৃত্তির চালনাতেই যে সুখানুভব হয়, ও তৎসমুদায় চালনা করা যে পরম কারুণিক পরমেশ্বরের সম্পূর্ণ অভিপ্রেত, তাহার সংশয় নাই।

যদি আমরা জন্মকালে বুদ্ধিবৃত্তি-নিষ্পাদ্য সমুদায় জ্ঞান প্রাপ্ত হইয়া ভ্রমিষ্ট হইতাম, এবং আমাদের মনোবৃত্তি সমুদায় স্ব স্ব বিষয়ভোগে এককালেই চরিতার্থ হইয়া থাকিত, ও তাহাদিগকে আর চালনা করিবার প্রয়োজন ও সম্ভাবনা না থাকিত, তাহা হইলে এইক্ষণকার অপেক্ষা সুখের অল্পতা ভিন্ন কখনই আধিক্য হইত না। যদি একবার মাত্র ভোজন করিলেই চিরকাল উদর পরিপূর্ণ থাকিত, ও ক্ষুধার উদ্রেক আর না হইত, তবে প্রত্যহ ক্ষুৎপিপাসা শাস্তি করিয়া যেরূপ সুখ সম্ভোগ করা যায়, তাহাতে এককালে বঞ্চিত থাকিতে হইত। ধনলাভ হইলেই ধনলোভী ব্যক্তির আনন্দ হয়, কিন্তু সে আনন্দ অতি অল্পকালস্থায়ী। হস্তগত ধনে তাহার তৃপ্তি হয় না, সুতরাং সে তৎক্ষণাৎ অধিক উপার্জনার্থে ব্যগ্র হয়। যদিও লোকে তাহাকে অর্কাচীন বোধ করে, কিন্তু সে ব্যক্তি স্বীয় স্বভাবেরই বশবর্তী হইয়া কার্য করে। তাহার অর্জনস্পৃহাবৃত্তির চালনাতেই সুখানুভব হয়, এবং কেবল ধনান্বেষণ ও ধনোপার্জনদ্বারা সে বৃত্তি সব্যাপার থাকিতে পারে। অতএব যদি ঐ বৃত্তি একবারে অপঘ্যাণ্য বিষয় লাভ করিয়া চিরকাল সুবৃপ্তবৎ ব্যাপারশূন্য থাকিত, তাহা হইলে

মানববর্গ তদুৎপন্ন স্থখভোগে কখনই অধিকারী হইত না। এইরূপ, আর আর মনোবৃত্তিও নিতাস্ত নিশ্চেষ্ট হইয়া থাকিলে এক্ষণে তাহাদিগকে পুনঃ পুনঃ চরিতার্থ করিয়া যে প্রচুর স্থখ সম্ভোগ করা বাইতেছে, তাহা আর আমাদের ভাগ্যে ঘটত না। একরূপ হইলে এককালে আমাদের মনশ্চেষ্টার অন্ত হইত, আমাদের প্রথম চেষ্টাই শেষ হইত, অন্তর কালেই সর্ব বস্তু পুরাতন বোধ হইত। কিছুতে আর কৌতুহল থাকিত না, কিছুতেই উৎসাহ হইত না এবং কোন বিষয়ে আশাবৃত্তি সঞ্চরন করিত না। এমন যে পরম রমণীয় বিচিত্র সংসার, তাহাও নিতাস্ত নীরস বোধ হইত। অতএব, পরমেশ্বর যে ব্যবস্থা করিয়াছেন, তাহাই সর্বোৎকৃষ্ট—তাহার উপর আর কথা নাই। যেক্রপ মনোবৃত্তি সকল সৃজন করিয়াছেন, তাহাদিগকে তদুৎপন্ন বিষয়সমুদায়ও প্রদান করিয়াছেন। ঐ সকল বিষয়ের প্রয়োজন জানিয়া যথোচিত ব্যবহার করিলেই উষ্টলাভ ও আনন্দসঞ্চার হয়, আর বিরুদ্ধাচরণ করিলে অনিষ্টঘটনা ও দুঃখোৎপত্তি হয়। পরমমঙ্গলীয় পরমেশ্বর, তাহাদের গুণাগুণ অনুসন্ধান করিবার ভার আমাদের উপর সমর্পণ করিয়া আমাদের মনোবৃত্তিসকলকে সদা সব্যাপার রাখিবার কি সুন্দর কৌশল করিয়াছেন।

---

শিক্ষিত ও অশিক্ষিত লোকের সুখের

তারতম্য ।

জ্ঞানের কি আশ্চর্য্য প্রভাব ! বিদ্যার কি মনোহর মূর্তি !

বিদ্যাহীন মনুষ্য মনুষ্যই নহে । বিদ্যাহীন মনের গৌরব নাই ।  
মানবজাতি পশুজাতি অপেক্ষায় বহু উৎকৃষ্ট, জ্ঞানজনিত বিত্ত  
সুখ ইন্দ্রিয়জনিত সামান্য সুখ অপেক্ষায় তত উৎকৃষ্ট । পৌর্ণ-  
মাসীর সুধাময়ী গুরুযামিনীর সহিত অমাবস্যার তামসী  
নিশার বেরূপ প্রভেদ, সুশিক্ষিত ব্যক্তির বিদ্যালোকসম্পন্ন  
সুচারু চিন্তাপ্রাসাদের সহিত অশিক্ষিত ব্যক্তির অজ্ঞান-  
তিমিরাবৃত হৃদয়কুটারের সেইরূপ প্রভেদ প্রতীকমান হয় ।  
অশিক্ষিত ব্যক্তি নিকৃষ্টস্বখে ও নিকৃষ্ট কার্যে নিবৃত্ত থাকিয়া  
নিকৃষ্টসুখাধিকারী নিকৃষ্টজীবের মধ্যে গণনীয় হয়, সুশিক্ষিত  
ব্যক্তি জ্ঞানজনিত ও ধন্যোৎপাদ্য পরিণত সুখ সম্ভোগ করিয়া  
আপনাকে ভুলোক অপেক্ষায় উৎকৃষ্টতর ভুবনাধিবাসের উপযুক্ত  
করিতে থাকেন । এই উভয়ের মনের অবস্থা ও সুখের তারতম্য  
পর্যালোচনা করিয়া দেখিলে, উভয়কে একজাতীয় প্রাণী বলিয়া  
প্রত্যয় হওয়া সুকঠিন ।

বিদ্যালোকসম্পন্ন সুশিক্ষিত ব্যক্তির অন্তঃকরণ অসম্ভ্য  
বিষয়ের অসম্ভ্য ভাবে নিরন্তর পরিপূর্ণ । যে সমস্ত অদৃষ্ট  
বিষয় ও মনোহর ব্যাপার তাঁহার বোধনেত্রের গোচর থাকে,  
তাহা ভাবিয়া দেখিলে বোধ হয়, তিনি নরলোকনিবাসী হইয়াও  
কোন চমৎকারময় সুচারু স্বর্গলোকে বিচরণ করিতেছেন ।  
তাঁহার অন্তঃকরণে নিরন্তর যে সকল ভাবের আবির্ভাব হয়, তাহা  
অশিক্ষিত লোকের কদাচ অদৃষ্ট হইবার বিষয় নহে । তিনি  
আপনার মাসননেত্রে এক কালে সমগ্র ভুবন পর্দাবলোকন

করিতে পারেন। মহার্গবপরিবৃত স্থলভাগ, সমুদ্রস্থিত দ্বীপপুঞ্জ, চতুর্দিক্‌গ্ৰাহিনী নদী ও উপনদী, স্থানে স্থানে নীরদধারিণী পর্বতশ্রেণী কন্দর ও ভৃগুদেশ, শৃঙ্গ ও প্রস্রবণ, মহারণা ও মরুভূমি, জলপ্রপাত, উষ্ণপ্রস্রবণ, ভূষারশৈল, তুষারদ্বীপ, পঙ্কক-দ্বীপ, প্রবালদ্বীপ ইত্যাদি ভূতলস্থ সমস্ত পদার্থ পর্য্যালোচনা করিয়া পুলকিত হইতে পারেন। তিনি কল্পনাপথ অবলম্বন করিয়া অগ্নিময় আগ্নেয়গিরির শৃঙ্গদেশে আরোহণ করিতে পারেন, তৎসংক্রান্ত, ভূগর্ভবির্নির্গত, গভীর গর্জন শ্রবণ করিতে পারেন, এবং তদীর শিখরদেশ হইতে অগ্নিময়ীনদীস্বরূপ ধাতু-নিঃস্রব নির্গত হইয়া চতুর্দিক দগ্ধ করিতেছে দৃষ্টি করিতে পারেন। তিনি মানসপথে পর্যটনপূর্বক হিমগিরিশিখরে উত্থিত হইয়া নতনয়নে নিরীক্ষণ করিতে পারেন, আপনার চরণতলে বিহ্বলতা জ্বলিত হইতেছে, মেঘাবলি ধ্বনিত হইতেছে, জলপ্রপাত ঘুরিত হইতেছে, এবং প্রচণ্ড বজ্রবাত উৎপন্ন হইয়া অরণ্য সমুদায় উৎপাটন করিতেছে ও সমুদ্রমলিলে করালতম কল্লোল কোলাহল উৎপাদন করিয়া ত্রাস ও সঙ্কট উপস্থিত করিতেছে। সর্বকালের সমস্ত ঘটনাই তাঁহার অন্তঃকরণে জাগরূপ রহিয়াছে। তিনি মনে মনে কত রাজ্য ও রাজার সংহার দেখেন, কত বীর ও বিপ্রহের বিষয় বর্ণন করেন, এবং কত স্থানের কত প্রকার রাজনীতি ও ধর্মনীতির পরিবর্তন পর্য্যালোচনা করিয়া সুখী থাকেন। যে সময়ে তিনি মিত্রগণের সহিত সহবাস ও সদালাপ করেন, তখন জল, বায়ু, শীত, গ্রীষ্ম, গ্রাম, নগর,

আচার, ব্যবহার, ধর্ম, শাসন, বিদ্যা, ব্যবসায়, সুখ, সভ্যতা, পণ্ড, পক্ষী, উদ্ভিদ, ধাতু প্রভৃতি পর্য্যালোচনা করিয়া পুলকে পরিপূর্ণ হইতে থাকেন। যে সময়ে তিনি গ্রাম ও গহনে ভ্রমণ করেন, তখন বৃক্ষ লতা জলদির কেবল পরমাশ্চর্য্য সৌন্দর্য্য সন্দর্শন করিয়াই সন্তুষ্ট থাকেন না, তাহাদের মূল, বৃদ্ধ, শাখা, পত্র, পুষ্প, ফলাদির অভ্যন্তরে কৌশল কৌশল বিদ্যমান রচিয়াছে ও কতপ্রকার আশ্চর্য্য ক্রিয়াই বা নিরূপিত হইতেছে, উদ্ভিদের মধ্যে কোন্ কোন্ জাতি কি কারণে কোন্ শ্রেণীতে নিবিষ্ট হইয়াছে, এবং কোন্ জাতি দ্বারা কিরূপ উপকারই বা উৎপন্ন হইতে পারে, তৎসম্বন্ধে পর্য্যালোচনা করিয়া চমৎকার-সম্বলিত সুখামৃতরসে অভিষিক্ত হন, এবং প্রত্যেক বিষয় অনুশীলন করিবার সময়েই করুণাময় পরমেশ্বরের পরমাত্মত কৌশল প্রতীতি করিয়া কৃতজ্ঞ হৃদয়ে মনের সহিত ধন্যবাদ করেন। যে তিমিরাচ্ছন্ন নিশীথসময়ে অস্ত্র লোকেরা অশেষবিধ বিভীষিকা ভাবনা করিয়া ভীত হইতে থাকে, সে সময় তিনি নিভৃত স্থানে অবস্থানপূর্ব্বক গগনমণ্ডলে নয়নদ্বয় নিরোজন করিয়া অসীম বিশ্বব্যাপারের অনুশীলনে অনুরক্ত হইতে পারেন। আমরা যে একাত্ত ভূপিণ্ডের উপর অধিষ্ঠিত রহিয়াছি, তাহা গিরি, কানন, পণ্ড, পক্ষী, মেঘ ও বায়ু সম্বলিত অপরিণীম আকাশমার্গে প্রচণ্ড বেগে ঘূর্ণায়মান হইতেছে, ইহা চিন্তা করিয়া অস্তঃকরণ বিকমিত করিতে পারেন। তিনি ঋষনাবয়ে চন্দ্রমণ্ডলে উপনীত হইয়া উচ্চ পর্ব্বত, গভীর গহ্বর, উন্নত

শিখর, গিরিচ্ছায়া, বন্ধুর ভূমি ইত্যাদি অবলোকন করিতে পারেন। ক্রমশঃ উদ্ধাদিগে উখিত হইয়া চন্দ্রচতুষ্টয়পরিবৃত বৃহস্পতি, বৃহত্তর, চন্দ্রাষ্টক ও বিশাল অক্ষরীয়ত্রয় পরিবেষ্টিত শনৈশ্চর, বট্চন্দ্রসহকৃত হর্ষেল গ্রহ, এবং চন্দ্রদ্বয়সম্বলিত নেপচ্যান নামক অপূর্ব ভুবন দর্শন করিয়া পরম পুলকিতচিত্তে বিচরণ করিতে পারেন। পরে গ্রহমণ্ডলোপরিবেষ্টিত প্রচণ্ড সূর্যমণ্ডল পশ্চাৎভাগে পরিত্যক্তপূর্বক, সহস্র সহস্র ও কোটি কোটি নক্ষত্রলোক অবলোকন করত, অশৃঙ্খলবদ্ধ ও অক্লিষ্টপক্ষ বিহঙ্গের ন্যায়, অসীম আকাশমণ্ডল পর্যটন করিতে পারেন। গগনমণ্ডলের বাবতীয় ভাগ দূরবীক্ষণ সহকারে মানবজাতির নেত্রগোচর হইয়াছে, তদূর্ক সমস্ত নভঃপ্রদেশ সম্ব্যাস্তিরিক্ত পরমাদৃত জীবলোকে পরিপূর্ণ বলিয়া প্রতীতি করিতে পারেন, এবং অপার মহিমার্ণব মহেশ্বরের অখণ্ড রাগত্ব সর্বত্র প্রচারিত দেখিয়া ভক্তিরসাভিষিক্ত পুলকিত হৃদয়ে অর্চনা করিতে পারেন।

### আর্যাদিগের ভারতবর্ষে আগমন ।

আর্যেরা কি শুভদিনে ও কি শুভক্ষণেই সিন্ধু নদের পূর্ব পারে পদার্পণ করিয়াছিলেন। ভারতবর্ষীয়েরা উত্তর কালে যে অত্যন্ত অতিহুল্লভ গৌরবপদে অধিরোহণ করেন, ঐ দিনেই তাহা অনুস্থচিত হয়। বে উদ্ভয়িনীঅনিতা কবিতাবলীর মধুমর কুসুম বিকসিত হইয়া দিগন্তপর্য্যন্ত আন্দোলিত রাধি-

রাছে, তদীয় বীজ ঐ দিনেই ভারতভূমিতে সমাজিত হয় । যে পরমার্থবিমিশ্রিত বিদ্যাধনী জলদামুখিক পৌর্ণমাসী রজনীর ন্যায় মানবীর মনের একটা অপকৃপ রূপ প্রকটিত করিয়া রাখিয়াছে, তাহারও নিদান ঐ দিনেই ভারতবর্ষমধ্যে সমানীত হয় । যে ইন্দ্রজালবৎ অদ্ভুত বিদ্যা অবলীলাক্রমে ছালোকের সংবাদ ভুলোকে আনয়ন করিয়া সূর্য্য, চন্দ্র, গ্রহ, নক্ষত্রাদির ভূত, ভাবিষ্ণু, বর্তমান, ত্রিকালের ইতিহাস এক কালেই বর্ণন করিতেছে, এবং জাহ্নবীজলপবিত্র পাটলিপুত্র ও শিপ্রাসলিল-সুস্নিগ্ধ অবস্থিকায় অতিবিস্তৃত রশ্মিভাল বিকীর্ণ করিয়া অবনী-মণ্ডল উজ্জ্বল করিয়া রাখিয়াছে, তাহার আদিম সূত্র ঐ দিনেই ভারতরাশ্ত্রে পাতিত হয় । আরোগ্যরূপ অমূল্যরত্নের আকর-স্বরূপ যে আয়ুঃপ্রদ ওভকর শাস্ত্র আবহমান কাল স্বদেশীয় ও ভিন্নদেশীয় অসংখ্য লোকের রোগজীর্ণ বিবর্ণ মুখলগ্নুলকে স্বাস্থ্যগুণে প্রসন্ন ও প্রফুল্ল করিয়া তুলিয়াছে, এবং কোটি কোটি জনের উৎপৎস্যমান শোকসস্তাপ ও পতনোন্মুখ বৈধবাবিপদের একান্ত প্রতিবিধান করিয়া আসিয়াছে, ও অদ্যাপি যে অনৃতময় শাস্ত্রকে ঔষধবিশেষের শক্তিবোধে কখন কখন প্রভাববতী ইউরোপীয় চিকিৎসাকেও অতিক্রম করিতে দেখা যায়, তাহারও মূল ঐ দিনেই ভারতক্ষেত্রে সংরোপিত হয় । যে শৌর্য্য, বীর্য্য, ও পরাক্রম প্রভাবে ভারতবর্ষীয় আদিমনিবাসী যাবতীর আতি বিকিত হইয়া গহন ও গিরি-গুহার আশ্রয় লইয়াছে, এবং সে দিনেও যে শৌর্য্যাগ্নির একটা ক্ষুদ্র শূরশেখর শিখ-

জাতির হৃদয়-চুল্লী হইতে উথিত হইয়া অত্যন্ত অনল-ক্রীড়া প্রদর্শন করিয়া গিরাচে, ত্রি দিনেই তাহা এই আর্ষাভূমিতে অবতারিত হয় । মহাবলপরাক্রান্ত বীর্যবন্ত পূর্বপুরুষেরা এক হস্তে হলধন ও অপর হস্তে রণশস্ত্র গ্রহণপূর্বক পুত্রকলত্র দৌহিত্রাদির অগ্রণী হইয়া, উৎসাহিত ও অশঙ্কিতমনে, স্নেহ-পালিত গোধন সঙ্গ, ভারতবর্ষ প্রবেশ করিতেছেন ইহা স্বরণ ও চিন্তন করা কি অপরিসীম আনন্দেরই বিকল্প ! ইচ্ছা হয়, তাঁহাদের আগমনপদবীতে আত্মশাধাসম্বলিত সলিলপূর্ণ কলসাবলী সংস্থাপন করিয়া রাখি, এবং সমুচিত মঙ্গলাচরণ সমাধানপূর্বক তাঁহাদিগকে প্রীতিপ্রকুল হৃদয়ে প্রত্যাগমন করিয়া আনি, ও সেই পূজ্যপাদ পিতৃপুরুষদিগের পদাশুক-রক্তঃ গ্রহণ করিয়া কণেবর পবিত্র করিতে থাকি ।—আহা ! আমি কি অসম্বদ অলীকবৎ প্রলাপবাক্য বলিতেছি ! তখন আমাদের অস্তিত্ব কোথায় ! আমরা তখন অনাগত কালগর্ভে নিহিত ছিলাম !—এই সমস্ত স্বপ্নকল্পিত বাসনার এই স্থলেই অবসান হওয়া ভাল ! পাঠকগণ ! এখন প্রকৃতপ্রস্তাবের অনুসরণ কর ।

### প্রাচীন আর্ষাদিগের পৌত্তলিকতার

কারণ ।

মহুঘোরা বেরূপ জল, বায়ু, সৃষ্টিকাদি নৈসর্গিক বস্তুতে পরিবেষ্টিত থাকেন, তাঁহাদের আচার ব্যবহার ধর্মাদি বিষয়ে



তাঁহার সম্পূর্ণ কার্যকারিত্ব অবলোকিত হয় । তুষারমণ্ডিত হিমালয়, গিরিনিঃসৃত নিকর, আবর্জ্যময়ী বেগবতী নদী, চিত্ত-চমৎকারক ভয়ানক জলপ্রপাত, অযত্নসমূহ উৎস্রাবণ, দিগ্-দাহকারী দাবদাহ, বসুন্তীর তেজঃপ্রকাশিনী সূচকলশিখা-নিঃসারিণী লোলায়মানা জ্বালামুখী, বিংশতি সহস্র জনের সম্ভা-নাশক বিস্তৃতশ্মাধাপ্রসারক বিশাল বটবৃক্ষ, খাপছনায়ে নিনারিত্ত বিবিধ-বিভীষিকাসংযুক্ত জনশূন্য মহারণ্য, পর্কিতাকারতরঙ্গ-বিশিষ্ট প্রসারিত সমুদ্র, প্রবল ঝঞ্ঝাবাত, ঘোরস্তর শিলাবৃষ্টি, জীবিতাশাসংহারক হৃৎকম্পকারক বজ্রধ্বনি, প্রলয়শঙ্কা-সমুদ্ভাবক ভীতিজনক ভূমিকম্প, প্রবররাশিপ্রদীপ্ত নিদামমধ্যাহ্ন, মনঃ-প্রফুল্লকরী সুধাময়ী শারদীর পূর্ণিমা, অসংখ্য তারকমণ্ডিত ত্রিমিরাবৃত বিস্তৃত গগনমণ্ডল ইত্যাদি ভারতভূমিসম্বন্ধীয় নৈসর্গিক বস্তু ও নৈসর্গিক ব্যাপার অচিরাগত কৌতূহলাক্রান্ত হিন্দু-ভাজীদিগের অন্তঃকরণ একরূপ ভীত চমৎকৃত ও অভিভূত করিয়া ফেলিল যে, তাঁহারা প্রভাবশালী প্রাকৃত পদার্থসমুদয়কে চেতন দেবতা জ্ঞান করিয়া সন্মাপেকার তদীর উপাসনাতেই প্রবৃত্ত থাকিলেন । তাঁহারা তখন ঐ সমুদয় বস্তুর প্রাকৃত বর্ভাব ও গুণ কিছুই পরিজ্ঞাত ছিলেন না । সাক্ষাৎসম্বন্ধে কেবল আগনাদের অর্থাৎ মানবজাতির প্রকৃতিই বুঝিতেন, এবং তদৃষ্টে ঐ সমস্ত জড় বস্তুরও মনুষ্যাদির ন্যায় হৃৎপদাদি অবয়ব এবং সূৎ-পিপাসা ও কামক্রোধাদি মনোবৃত্তি বিদ্যমান আছে বলিয়া বিশ্বাস করিতেন । মনুষ্যেরা কোন্ আদিম কালাবধি

আপনাদের উপাস্য দেবতাকে ঐরূপ মানবধর্মাক্রান্ত জ্ঞান করিয়া আসিতেছেন, অদ্যাবধি ঐরূপ করিতেছেন, এবং হয়ত চিরকালই ঐরূপ করিতে থাকিবেন । যে সমস্ত জ্ঞানাভিমानी ইদানীন্তন ব্যক্তির এখনও অপরিজ্ঞাত বিশ্বকারণের কাম-ক্রোধাদি নিকৃষ্ট প্রবৃত্তির অস্তিত্ব আর স্বীকার করেন না, তাঁহারাও মানবমনের স্নেহ, মায়া, ক্রমা প্রণয়াদি কতকগুলি উৎকৃষ্ট ধর্ম অনন্তগণিত করিয়া ঈশ্বর-রূপে সমারোপণ করেন । এই-রূপ মানবদ্বসমারোপণ রীতি তাঁহাদের এমন অস্থিগত হইয়া গিয়াছে যে, বিচারধারে বিধগ্নিত হইয়া গেলেও, তাঁহারা উহার বিমোহিনী মায়া পরিত্যাগ করিতে পারেন না । প্রাচীন আর্যেরা এই রীতির অনুবর্তী হইয়া বিশ্বাস করিতেন যে, লিখিত-পূর্ব দেবতাগণ নরজাতির ন্যায় ইচ্ছানুগত হইয়া উত্তমতঃ গমনাগমন করেন, ক্ষুৎপিপাসার বশবর্তী হইয়া অন্ন জল গ্রহণ করেন, ক্রোধ হিংসার পরবশ হইয়া শত্রুদল সংহার করেন, দার-পরিগ্রহপূরঃসরী গৃহধর্ম পরিপালন করেন, এবং এই বিশ্ব-ব্যাপার অধঃশুনীয় ও অপরিবর্তনীয় নিয়মের অনুবর্তী থাকিলেও, তাঁহারা দয়া দাক্ষিণ্যের অনুসারী হইয়া ভক্তজনের মনোরথ পূর্ণ করেন ।

### বিদ্যাবিষয়ক, স্বপ্নদর্শন ।

পরমেশ্বরের বিচিত্র রচনা দর্শনার্থে পরম কৌতূহলী হইয়া আমি কিরংকালাবধি দেশত্রমণে প্রবৃত্ত হইয়াছি, এবং নানা স্থান

পর্যটন করিয়া একে মথুরাসন্নিধানে উপস্থিত হইয়াছি। এখানে এক দিবস দুঃসহ গ্রীষ্মাতিশয় প্রযুক্ত অত্যন্ত ক্রান্ত হইয়া সারংকালে যমুনাতীরে উপবেশন পূর্বক কালিন্দীর সুললিত লহরীলীলা অবলোকন করিতেছিলাম ; এবং তথাকার সুস্নিগ্ধ মাকুত-হিল্লোলে শরীর শীতল হইতেছিল। কত শত দীপ্যমান হীরকখণ্ড গগনমণ্ডলে ক্রমে ক্রমে প্রকাশ পাইতে লাগিল, এবং তন্মধ্যে দিবালাবণ্যশোভিত পূর্ণচন্দ্র বিরাজমান হইয়া, কখনও আপনার পরম রমণীর অনির্লচনীয় সুধাময় কিরণ বর্ষণ পূর্বক জগৎ সুধাপূর্ণ করিতেছিলেন, কখনও বা অন্ন অন্ন মেঘাবৃত হইয়া স্বকীয় মন্দীভূত কিরণ বিস্তার দ্বারা পৌর্ণমাসী রজনীকে উষানু-রূপ স্নান করিতেছিলেন। কখনও তাঁহার সুপ্রকাশিত রাশ্মি-জ্বাল সলিলতরঙ্গে প্রবিষ্ট হইয়া কম্পমান হইতেছিল, কখনও বা গগনালম্বিত মেঘবিহ্বদ্বারা যমুনার নিম্নল জল ঘনতরশ্যামবর্ণ হইয়া অন্তঃকরণ হরণ করিতেছিল। পূর্বে দূর হইতে লোকা-লব্ধের কলরব শ্রুত হইতেছিল, তাহা ক্রমে ক্রমে মন্দীভূত হইয়া আসিল, পশুপাকসকল নীরব ও নিম্পন্দ হইয়া স্ব স্ব স্থানে নিলীন হইল, এবং সর্বসস্তাপনাশিনী নিদ্রা জীবগণের নেত্রো-পরি আবির্ভূত হইয়া সকল ক্লেশ শাস্তি করিতে লাগিলেন।

এই প্রকার সুস্নিগ্ধ সমরে আমি তথায় এক পাষাণখণ্ডে উপবিষ্ট হইয়া আকাশমণ্ডল নিরীক্ষণ করিতে করিতে জগতের আদি অন্ত, কার্য কারণ, সুখ দুঃখ, ধন্বাধর্ম্য সমুদায় স্নানে স্নানে পর্যালোচনা করিতেছিলাম। ইতিমধ্যে জলকল্লোলের কথাকল

ধ্বনি, বৃক্ষপত্রের শর শর শব্দ ও সুশীতল সমীরণের স্তম্ভ  
 হিল্লোল দ্বারা পরম সুখানুভব হওয়াতে মনোবৃত্তি সমুদায় ক্রমে  
 ক্রমে অবসন্ন হইয়া আসিল, এবং এই অবসরে নিদ্রা আমার  
 অজ্ঞাতসারে নেত্রদ্বয় নিম্নীলিত করিয়া আমাকে অভিভূত করি-  
 লেক। আমার বোধ হইল, যেন, এক বিস্তীর্ণ গভীর অরণ্যে  
 প্রবেশ করিয়া ইতস্ততঃ ভ্রমণ করিতেছি। উন্মথ্যে কোন স্থানে  
 কেবল নবীনদূর্বাদলপূর্ণ শ্যামবর্ণ ক্ষেত্র, কুত্রাপি প্রকাণ্ড প্রকাণ্ড  
 পুরাতন বৃক্ষসমূহ, কোথাও নদী বা নিৰ্ঝরতীরস্থ মনোহর পুষ্পা-  
 দ্যান দর্শন করিয়া অপৰ্যাপ্ত আনন্দ লাভ করিলাম। কৌতূহল-  
 রূপ দীপ্ত হতাশন ক্রমশঃ প্রজ্জলিত হইতে লাগিল, এবং তদনু-  
 সারে দিগ্ধিক বিবেচনা না করিয়া যত দূর দৃষ্টি হইল, তত  
 দূরই মহোৎসাহে ও পরম সুখে ভ্রমণ করিতে লাগিলাম।

অবশেষে এক সরোবরতীরস্থ অতি নিবিড়, নিৰ্জন, নিস্তর  
 বনধণ্ডে এক অপূৰ্ব মূর্তি দর্শন করিয়া পরমানন্দ প্রাপ্ত হইলাম।  
 তাঁহার সুপ্রকাশিত এসন্ন বদন ও অলৌকিক অনির্কচনী়র শাস্ত  
 স্বেভাব অবলোকনে তাঁহাকে বনদেবতা জ্ঞান করিয়া বিহিত  
 বিধানে নমস্কার করিলাম, ও তাঁহার পুনঃ পুনঃ দর্শনলাভ দ্বারা  
 নরনয়ন চরিতার্থ করিবার নিমিত্ত কৃতান্তালিপুটে দণ্ডায়মান  
 থাকিলাম। দেখিলাম, তিনি আপনার কপোলপ্রদেশে হস্তার্পণ  
 করিয়া গগনমণ্ডল নিরীক্ষণ করিতেছেন। আমি তাঁহাকে কোন  
 কথা জিজ্ঞাসিবার মানস করিয়াছিলাম, কিন্তু আমার বাক্য স্মরণ  
 হইতে না হইতেই তিনি গাত্ৰোত্থান করিয়া সান্তির সুশীলতা

৩ আগ্রহ প্রকাশ পূর্বক কহিলেন “আমি তোমার মানস জানি-  
য়াছি, আমার নাম বিদ্যা, তুমি যে স্থানে যাইবার প্রার্থনা করি-  
তেছিলে, তাহার এই পথই সর্বাপেক্ষা প্রশস্ত । যাহারা এই  
রম্য কানন ভ্রমণ করিতে আইসেন, আমিই তাঁহাদিগকে পথ  
প্রদর্শন করি ; চল, তোমাকেও সঙ্গে লইয়া যাই ।”

আমি তাঁহার এই আশ্বাসবাক্যে বিশ্বাস করিয়া দৃষ্টমনে  
তৎক্ষণাৎ পশ্চাৎ গমন করিতে লাগিলাম । উভয় পার্শ্ববর্তি-  
বৃক্ষশ্রেণীর মধ্যদেশ দিয়া কিয়দূর গমন করিতে করিতে অর-  
ণ্যের শৈত্য, শোভা, ও পবিত্রতা প্রত্যক্ষ করিয়া অতুল আনন্দ  
প্রাপ্ত হইলাম, এবং অত্যন্ত কোতূহলাবিষ্ট হইয়া তাঁহাকে  
প্রিজ্ঞাসা করিলাম, “হে দেবি, এস্থানের নাম কি, এবং এখানে  
কি কি অপূর্ব ব্যাপারই বা সম্পন্ন হইয়া থাকে ?” তাহাতে  
তিনি সত্বর হইয়া উত্তর করিলেন “এ বিদ্যারণ্য, এ অরণ্যে  
অতি সুন্দর বৃক্ষ আছে, অতি ভাগ্যবান ব্যক্তিরাই এখানে আগ-  
মন করেন ; কিন্তু ইহার ফলভোগ করা অতিশয় আয়াস-সাধ্য,  
সকলের ভাগ্যে ঘটে না । কেহ কেহ দূর হইতে কোন কোন  
বৃক্ষের উচ্চতা দর্শনমাত্রে পদাঙ্গুথ হইয়া প্রতিগমন করেন, কেহ  
কেহ বা ফল আহরণের প্রত্যাশায় কতকদূর বৃক্ষারূঢ় হইয়াও  
পুনর্বার অধঃপতিত হন । কিন্তু যে ব্যক্তি একবার এই রমণীয়  
কাননের ফলভোগ করিয়াছেন, তিনি আর কদাপি তাহার  
আশ্বাদন বিস্মৃত হইতে পারেন নাই ।” আমি ভোমাকে ক্রমে  
ক্রমে সমুদায় দর্শাইতেছি, চল । ঐ যে সুদৃশ্য মনোহর বৃক্ষ

সম্মুখে দৃষ্টি করিতেছে, বাহার সতেজ শাখা-সমুদায় সুমধুর রস-  
স্ফীত ফলভরে অবনত হইয়াছে, বাহার স্বক হইতে সুধাময় মধু-  
ধারা অনবরতই ক্ষরিতেছে, ও সুকুমারমতি তরুণ যুবকেরা  
বাহাতে সুখে আয়োজন করিতেছে, উহার নাম কাব্যতরু ।  
দেখিয়াছ, অলঙ্কাররূপা কি . অপূর্ব অত্যাশ্চর্য্য রমণীয় লতা  
তাহাকে বেষ্টনপূর্বক সুশোভিত করিয়া রাখিয়াছে, ঐ বৃক্ষের  
কিঞ্চিৎ দূরে যে প্রকাণ্ড তেজস্বী বৃক্ষ দেখিতেছ, সুধীর প্রবীণ  
ব্যক্তির বাহার সেবা করিতেছেন, তাহার নাম জ্যোতিষ ।”  
ইহা কহিয়া বিদ্যাদেবী ঐ বৃক্ষের অশেষ গুণ ব্যাখ্যা করিতে  
লাগিলেন ।

তাঁহার বাক্যাবসান হইলে, আমি জ্যোতিষ তরুর নিকট-  
বর্তী হইয়া দেখিলাম, পূর্বোক্ত পণ্ডিতসমুদায় একএকবার  
প্রগাঢ়রূপ মনোনিবেশ পূর্বক ধ্যানপরায়ণ হইতেছেন, এবং  
মধ্যে মধ্যে সহাস্যবদনে অতুল আনন্দ প্রকাশ করিতেছেন ।  
পরন্তু আর এক অসাধারণ ব্যাপার দেখিয়া সাতিলর বিস্ময়াপন্ন  
হইলাম । ঐ বৃক্ষের মূল মৃত্তিকাসংযুক্ত নহে, আর এক প্রকাণ্ড  
প্রাচীন বৃক্ষের স্বক হইতে উৎপন্ন হইয়াছে । আমি এই  
শেবোক্ত তরুর ন্যায় সারবান বৃক্ষ আর একটীও দৃষ্টি করি  
নাই । তাহার কোন স্থানের লেশমাত্র ক্ষয় হয় নাই, ও  
কুত্রাপি একটীমাত্র ছিদ্র কিম্বা চিহ্ন নাই । আমি ইহার  
নিগূঢ় তত্ত্ব জানিবার জন্য পরম কৌতূহলী হইয়া বিদ্যাদেবীকে  
জিজ্ঞাসা করিলাম । তিনি কহিলেন, “এই সারবান অক্ষয়

বৃক্ষের নাম গণিত । তুমি কেবল সমুখবর্তী জ্যোতিষ বৃক্ষের মূল ইহাতে সম্বন্ধ দেখিতেছ ; প্রদক্ষিণ করিয়া দেখ, অম্যানু কত কত আশ্চর্য্য আশ্চর্য্য বৃক্ষ ও লতা ইহার স্কন্ধ হইতে উৎপন্ন হইয়া তত্পরি স্থাপিত আছে ।” বস্তুতঃ আমি বেটন করিয়া দেখিলাম, তাঁহার কথা প্রামাণিক বটে ; শাখা প্রশাখা ও বৃক্ষকুহসম্বলিত এক গণিতবৃক্ষই অর্দ্ধ কানন ব্যাপিয়া রহিয়াছে ।

তথা হইতে প্রস্তানানন্তর আমার সমস্তিব্যাহারিণী পথপ্রদর্শিকা বনদেবী সানুগ্রহবচনে বলিলেন, “সর্বদেশীয় বৃক্ষ লতাাদি আনয়ন করিয়া এ কাননে রোপণ করা গিয়াছে । জ্যোতিষ ও গণিতের কয়েকটা কলম তোমাদিগের দেশ হইতেও আহরণ করা গিয়াছে । দেখ, ভিন্নজাতীয় লোকে এই কাননে অবস্থিত করিয়া উৎসাহ ও বহুপূজক তাহার কেমন পারিপাট্য ও উন্নতি করিয়াছে ! আর তোমার স্বদেশীয় লোকদিগকে বিজ্ঞার করিতে হয়, কারণ যতগুলি বৃক্ষ রক্ষণাবেক্ষণের ভার কেবল তাঁহাদিগের উপর সমর্পিত আছে, প্রায় তাহার সমুদায়ই তন্ন ও গুচ্ছ হইয়া যাইতেছে । দক্ষিণ দিকে যত বৃক্ষ দেখিতেছ, সমস্তই একজাতীয়, তাহার নাম স্মৃতি, আর বামদিকে যত দৃষ্ট হইতেছে, তাহার নাম দশন ।” আমি এই দুই জাতীয় বৃক্ষ অবলোকন করিয়া যৎপরোনাস্তি ক্লেশ পাইলাম । দেখিলাম, দক্ষিণদিকের সমুদায় বৃক্ষ অদ্যাপি সম্যক্রূপে নষ্ট হয় নাই, কতকগুলি গুচ্ছ ও ভগ্নশাখ হইয়াছে, কিছুই পারিপাট্য নাই,

বোধ হইল যেন প্রবল তরঙ্গবাহিত দ্বারা সমুদায় বিপ্লুত ও বিপ-  
 ক্ষান্ত হইয়া গিয়াছে । বামদিকের কোন বৃক্ষের কেবল স্বক-  
 মাত্র আছে, কোনটার বা সমুদায় গিয়া একদিকের একমাত্র  
 লাখা আছে, তদ্বিন্ন কোন কোন বৃক্ষের স্বকমাত্রও দৃষ্টিগোচর  
 হইল না । এই দুঃসহ দুঃখের সময়ে এক পরম কৌতুক দেখি-  
 লাম, কতকগুলি অভিমानी মনুষ্য উভয়পার্শ্বস্থ বৃক্ষতলে উপ-  
 বেশন করিয়া অত্যন্ত দস্ত ও ব্যাপকতা সহকারে মহাকোলাহল  
 ও বিষম কলহ আরম্ভ করিয়াছে ।

এইরূপ শারীরস্থান, রসায়ন, চিকিৎসা প্রভৃতি অতি অনি-  
 স্কচনায় পরম রমণীয় তরুসমূহ দর্শন করিয়া সাত্তিশয় সন্তোষ  
 প্রাপ্ত হইলাম, এবং অতি শ্রদ্ধাবিষ্ট হইয়া পৃথিমধ্যে পরমা-  
 রাধ্যা বিদ্যা দেবীকে কহিলাম, “দেবি! আমি আপনার প্রসাদে  
 অমূল্য অনুপম সুখ লাভ করিলাম । ভূমণ্ডলে এমনত নিম্মল সুখ-  
 ধাম আর কোথাও নাই ; আমার বোধ হয়, এখানে অতি শাস্ত্র  
 সচ্ছিন্নিত ব্যক্তিরাই আগমন করেন, অপর লোকের এখানে  
 আসিবার অধিকার নাই ।” এই কথা শ্রবণমাত্র তিনি বিষম-  
 বদনে কহিলেন, ‘তুমি যথার্থ বিবেচনা করিয়াছ, এখানে ধর্ম্মশীল  
 সাধু ব্যক্তিদ্বিগেরই যোগ্য বটে, এবং পূর্বে ইহা ভ্রামূল্যই ছিল ।  
 তখন কেবল পরোপকারী, অস্বার্থপর, সত্যায়ী আচার্য্য সকলই  
 এই পরম পবিত্র কাননে উপবেশন করিতা শুভল আনন্দ অনু-  
 ভব করিতেন । কিন্তু ক্রমে এখানে নানা বিভীষিকা উপ-  
 স্থিত হইয়াছে ; সাধুরূপ পিশাচের উদ্ভবও ইহা অতি সচট



স্থান চাইয়া উঠিয়াছে । ঐ দেখ, বিজাতীয়বেশধারী অভিমান  
মস্তক উন্নত ও গ্রীবাদেশ বক্র করিয়া অত্যন্ত উগ্রভাবে সক-  
লের উপর খরতর দৃষ্টিপাত করিতেছে, ও স্বকীয় পুত্র দস্তকে  
সম্ভিবিয়াবহারে লইয়া মহা শ্লাঘা প্রকাশ পূর্বক সগর্ব পাদবি-  
ক্ষেপ করিতেছে । উহাদের অঙ্গভঙ্গী দেখিয়া কি ভোয়ার  
বোধ হইতেছে না, যে, উহারা মনে মনে বিশ্বসংসার তুচ্ছ ভাবি-  
তেছে ? তৎপার্শ্বে দৃষ্টি কর, ক্রোধ নিজকাস্তা হিংসাকে সঙ্গে  
লইয়া ইতস্ততঃ ধাবমান হইতেছে । উনি অভিমানের অত্যন্ত  
অনুগত । যদি কোন ব্যক্তি অভিমানের গাত্রমাত্র স্পর্শ করে,  
ক্রোধ তৎক্ষণাৎ উপস্থিত হইয়া তাহার বৈবনির্ঘাতন কারতে  
উদ্যত হয় । এ দিকে অবলোকন কর, একটা প্রকাশ্য রাফস  
দোঁধিতে দোঁধিতে আপনার শরীর বুদ্ধি করিয়া ফেলিলেক ।  
এক্ষণে, ও যে প্রকার সুলভায় চইয়া উঠিল, আমার বোধ হই-  
তেছে বিশ্বসংসার ভোজন করিলেও উহার উদর পূর্ণ হয় না ।  
উহার নাম কি জান ? গোভ । বিশেষতঃ কাঞ্চনকৃতলে যে  
দুই প্রচণ্ড পিলাচ দণ্ডায়মান দেখিতেছ, উহাদের অত্যাচারে  
এস্থানের অতিশয় অপযশ ঘোষণা হইয়াছে; উহাদের নাম কাম  
ও পানদোষ । এককালে এই অপূর্ব আনন্দকাননে মিহলহ  
দাম্পত্যপ্রেমেরও প্রাচুর্য ছিল । তৎকালে অনৈক্যমৈত্র প্রথাম  
ধর্ম তাঁহার সহচর ছিল, কোন দুর্কিয়া এস্থানে প্রবেশ করিতেও  
সমর্থ হইত না । এক্ষণে তাহার সম্পূর্ণ বিপর্যয় হইয়াছে ।  
দাম্পত্যপ্রেম ও তাঁহার সহচরদিগের দৈন্যদশা উপস্থিত হইয়া

পরামুরাগী কামরূপ পিশাচেরই আধিপত্য বৃদ্ধি হইতেছে । অবলোকন কর, পানদোষ আপনার দলবল সহকারে কি অহিত আচরণ করিতেছে ! কি বাঁভংস বেশ ধারণ করিয়াছে ! দেখ দেখ, তাহার ভয়ে ধন্য সকল ইতস্ততঃ পলায়ন করিতেছে । পশ্চাৎ হইতে আর কতকগুলি দুদাস্ত পিশাচ পিশাচী আসিয়া তাহার সহিত বিকট হাস্য করিয়া নৃত্য করিতেছে । হে প্রিয়তম ! এমন পরিণত পুণ্যধামের এ প্রকার অবস্থা দেখিয়া আমার হৃদয় বিদীর্ণ হইতেছে । যাহারা এই সমস্ত রাক্ষস পিশাচকে আশ্রয় দেয়, তাহারা তদ্বারা আমাকেই প্রহার করে । আমি এ অরণ্যের অধিষ্ঠাত্রী হইয়া স্বয়ং একরূপ ভূরি ভূরি অপ্রিয় ব্যাপার আর কত দেখাইব ? ঐ ঘন পল্লবাবৃত নিবিড় বৃক্ষের অন্তরালে যে এক পরমসুন্দরী রমণীকে দৃষ্টি করিতেছ, উহার পর কুৎসিত স্ত্রী আর দ্বিতীয় নাই । উহার গাত্রে যে কত ব্রণ, কত ক্ষত, ও কত কলঙ্ক আছে, তাহার সজ্জা করা যায় না । কেবল কতকগুলি বেশ ভূষা করিয়া দ্বারা তৎসমুদায় প্রচ্ছন্ন রাখিয়া আপনাকে সজ্জীভূত করিয়া দেখাইতেছে ; উহার নাম কপটতা ।”

সমুদায় শ্রবণ ও দর্শন করিয়া আমি বিষাদসমুদ্রে নিমগ্ন হইলাম, এবং মনে মনে চিন্তা করিলাম, এ অসার সংসার স্বভাবতঃ শোক দুঃখেতেই পরিপূর্ণ ; যদিও হুই একটি সুখধাম ছিল, তাহাতেও এত বিষম ঘটিয়াছে ! যাহা হউক, আপনার কর্তব্যসাধনে পরামুগ্ধ হওয়া উচিত নহে, এই বিশেষনা করিয়া সর্বদুঃখানিবারণী সস্তাপনাশিনী বিদ্যাদেবীর পশ্চাত্তী হইয়া

গমন করিতে লাগিলাম । কিয়ৎকাল গমনানন্তর একবার পশ্চাৎ  
পবলোকন করিয়া দেখি, যে সকল রাক্ষস পিশাচের অহিত  
আচার দৃষ্টি করিয়া আসিলাম, তাহারা এই আমার নিকটবর্তী  
হইরাছে । বিশেষতঃ কাম ও পানদোষ এই দুই জন নানাবিধ  
সুমধুর প্ররোচন বাক্য বলিয়া আমাকে তৎপথ হইতে নিবৃত্ত  
করিবার চেষ্টা করিতে লাগিল । পূর্বে ষাহাদিগের অতি কুৎ-  
সিত বীভৎস আকার দর্শন করিয়াছিলাম, তখন দেখি, তাহারা  
পরম মনোহর রূপ ধারণ করিয়া আসিরাছে । কি জানি তাহারা  
কি কুমন্ত্রণা দেয়, এই আশঙ্কায় পরম হিতৈষিনী বিদ্যা দেবীর  
পার্শ্ববর্তী হইয়া সবিশেষ সমস্ত নিবেদন করিলাম । তৎক্ষণাৎ  
তিনি আমাকে অভয় প্রদান পূর্বক ধৈর্য ও তিতিক্ষা নামে দুই  
মহাবল পরাক্রান্ত প্রহরীকে আহ্বান করিয়া কহিলেন, “তোমরা  
দুই জনে ইহঁার দুই পার্শ্বে থাক, কোন শত্রু যেন ইহঁার নিকটস্থ  
হইতে না পারে ।”

এইরূপে আমরা বন প্রান্তে উপস্থিত হইয়া সম্মুখে এক ক্ষুদ্র  
প্রাস্তর দেখিতে পাঠিলাম । তখন বিদ্যা অতি এসময়বধানে  
সুমধুর হাস্য করিয়া কহিলেন, “এই ক্ষুদ্র প্রাস্তরের শেষে যে  
মনোহর গিরি দর্শন করিতেছ, ঐ তোমার লক্ষিত স্থান, ঐ স্থান  
প্রাপ্ত হইলেই তুমি চরিতার্থ হইবে ।” এই কথা শুনিয়া আমি  
পরম পুলকিতচিত্তে অরণ্য হইতে নিষ্ক্রান্ত হইয়া চিরাক্ষিত  
ফল প্রত্যাশায় মহোৎসাহ সহকারে দ্রুতবেগে পদ নিক্ষেপ  
করিতে আরম্ভ করিলাম, এবং অবিলম্বে পর্বত-সন্নিধানে উপ-

স্থিত হইয়া তথায় আরোহণ করিবার এক পথ প্রাপ্ত হইলাম ।  
 ঐ পথের এক পার্শ্বে এক দৃঢ়প্রতিভা স্ত্রীলা স্ত্রী এবং অন্য পার্শ্বে  
 এক বহুপরিশ্রমী দৃঢ়প্রতিভা পুরুষ দণ্ডায়মান আছেন, তাঁহারা  
 বাত্মীক্ষিগকে সমভিব্যাহারে করিয়া পৰ্ব্বতোপরি লইয়া বাইতে-  
 ছেন । তাঁহাদিগের পরিচয় জিজ্ঞাসিয়া জানিলাম, স্ত্রীর নাম  
 ব্রহ্মা, পুরুষের নাম যত্ন ।

ঐ পৰ্ব্বত আরোহণ করা অতিশয় ক্লেশকর বোধ হইল ।  
 অতিকষ্টে কিয়দূর গমন করিয়া মনে মনে বিবেচনা করিলাম,  
 সংপ্রতি এই স্থানেই অবস্থিতি করি । বিদ্যা দেবী স্বকীয় মহী-  
 রসী শক্তি দ্বারা তাহা জানিতে পারিয়া কহিলেন, “হে প্রিয়তম !  
 এ পৰ্ব্বতের পার্শ্বদেশে কোন স্থানে স্থির থাকিবার সম্ভাবনা  
 নাই, যদি আর উপরে না উঠ, তবে অবশ্যই অধোগমন করিতে  
 হইবে, অতএব সাবধান, সাবধান ।” আমি তাঁহার এই সঙ্-  
 পদেশ শুনিয়া চৈতন্য প্রাপ্ত হইলাম । পরন্তু সুখের বিষয় এই  
 যে যত আরোহণ করিতে লাগিলাম, ততই ক্লেশের লাঘব হইয়া  
 সুখের বৃদ্ধি হইয়া আসিল ।

অবশেষে যখন পৰ্ব্বতোপরি উল্লীর্ণ হইলাম, তখন কি অনি-  
 র্কচনীর অনুপম সুখানুভব হইল ! তথাকার সুশীতল মাকৃত-  
 হিরোলে শরীর পুলকিত হইতে লাগিল । তথায় বেব, হিংসা  
 বিদ্বেষ, বিসম্বাদ, চৌর্য্য, অত্যাচার এ সকলের কিছুই নাই,  
 কেবল আরোগ্য ও আমক অবিরত বিরাম করিতেছে । ইহা  
 দেখিয়া আমার অন্তঃকরণ অগার আনন্দসাগরে নিমগ্ন হইল,

এবং বোধ হইল বিশ্বসংসারে এমন রম্যস্থান আর বিত্তীর নাই । কিয়ৎকাল ইতস্ততঃ ভ্রমণান্তর দূর হইতে এক অপূর্ণ সরোবর দেখিতে পাইলাম, এবং তদর্শনার্থে আমার অত্যন্ত কৌতূহল উপস্থিত হইল । পরে ক্রমে ক্রমে নিকটবর্তী হইয়া দৃষ্টি করিলাম, কতকগুলি পরম পবিত্র সর্বাঙ্গ-সুন্দরী কন্যা সরোবরতটে বিচরণ করিতেছেন । তাঁহাদিগের অসামান্য রূপলাবণ্য, প্রফুল্ল পবিত্র মুখশ্রী, এবং সারল্য ও বাৎসল্য বস্তাব অবলোকন করিয়া অতুল প্রীতি প্রাপ্ত হইলাম । আশ্চর্য্য এই যে, তাঁহাদিগের শরীরে কোন অলঙ্কার নাই, অথচ অনলঙ্কারই তাঁহাদের অলঙ্কার হইয়াছে । এক্রপ বোধ হইল, যেন আনন্দ-প্রতিমাগুলি ইতস্ততঃ ক্রীড়া করিয়া গমনাগমন করিতেছে । আমি বিশ্বস্বাপন্ন হইয়া মনে মনে বিবেচনা করিতে লাগিলাম, ইহারা দেবকন্যা হইবেন তাহার সংশয় নাই । তখন বিদ্যা-দেবী সাতিশর অমুকম্পা পুরঃসর সহাস্য বদনে কহিলেন, “তুমি যথার্থ অনুমান করিয়াছ, ইহারা দেবকন্যাই বটেন, এবং এই ধর্ম্মাচল ইহাদের বাসভূমি, ইহাদের কাহারও নাম দরা, কাহারও নাম ভক্তি, কাহারও নাম ক্রমা, কাহারও নাম অহিংসা, কাহারও নাম মৈত্রী ইত্যাদি সকলের নিজ নিজ গুণানুসারে নামকরণ হইয়াছে । ইহাদের রূপগুণ ভুবনবিখ্যাত আছে ; ইহারা যে পর্য্যন্ত সুশীল তাহা কি বলিব । বিদ্যারণ্য-বাড়ীদিগের মধ্যে বাহারা এই ধর্ম্মাচল, আরোহণ করেন, তাঁহাদিগেরই প্রম সকল ও অন্ন সার্থক । তোমার চরম লক্ষিত

স্থান সমাধিকুঞ্জ প্রাপ্তির এখনও বিলম্ব আছে, অতএব এই সরোবরে স্নান করিয়া লও ।”

বিদ্যাদেবীর উপদেশানুসারে আমি শাস্তিবাপীতে অবগাহন করিয়া, যেরূপ স্নিগ্ধ ও পবিত্র হইলাম, তাহা বচনাভীত, দেব-কন্যাগণও আমার প্রতি প্রসন্ন হইয়া বিস্তর অনুরাগ প্রকাশ করিলেন । আহা! তাঁহাদের কি বাৎসল্য! কি অমায়িক ভাব! ভক্তি স্বয়ং আমাকে সমভিব্যাহারে করিয়া সমাধিকুঞ্জে লইয়া চলিলেন । এপথ অত্যন্ত বিরল, কারণ এ পবিত্র তীর্থে যাত্রী প্রায় প্রাপ্ত হওয়া যায় না । পূর্বে ঐ স্থান অতি দূরবর্তী বোধ ছিল, ভক্তিপ্রসাদাৎ নিমেষমাত্রে নিকট হইয়া আসিল । তৎ-সন্নিধানে উদ্ভীর্ণ হইয়া অতি আশ্চর্য্য ব্যাপার সমুদায় দর্শন করিলাম । এমন নির্জন, নিস্তরু, নিবিড়, কুঞ্জ, এমন প্রেমপূর্ণ আনন্দধাম আর কখনও আমার নয়নগোচর হয় নাই । সেখানে কি অভাব্য, কি আশ্চর্য্য, কি অনিবর্কচনীয় দর্শন ! দেখি সে স্থানে নন্দাদেশীর পবিত্রচরিত্র বিত্তজ্ঞানসম্পন্ন মহাত্মারা অতি নিম্নল স্থির সুখ সন্তোগপূর্বক বিরাজ করিতেছেন । বোধ হইল যেন, আমাকে তথায় দর্শন করিয়া তাঁহাদের দ্বিগুণ আনন্দ হইল । তাঁহাদিগের জ্যোতিঃপূর্ণ আনন্দোৎকুল সুখশ্রী অবলোকন করিলে সুখার্ণবে মগ্ন হইতে হয় । পরে আমি কুঞ্জের ষষ্ঠ অভ্যন্তরে প্রবেশ করিলাম, ততই আনন্দপ্রবাহ বৃদ্ধি হইতে লাগিল । সে যে কি অপ্রত্যক অসুপম সুখধাম, তাহা বর্ণনা করা যায় না । সে স্থলে দুঃখের লেশ নাই । “রোগ

নাহি, শোক নাহি, জরা নাহি, বিলাপ নাহি, মৃত্যু নাহি, ক্রন্দন  
নাহি, কেবল যোগানন্দের উৎস, প্রেমানন্দের উৎস, ব্রহ্মানন্দের  
উৎস, ক্রমাগত উৎসারিত হইতেছে ।” আমি একরূপ পরমাশ্চর্য্য  
অনির্বাচনীয় আনন্দসাগরে নিমগ্ন হইয়াছিলাম ; ইতিমধ্যে  
নিদ্রান্তর হইয়া দেখি, সেই সুমন্দ মারুত-সেবিত যমুনা-কূলেই  
শয়ান রহিয়াছি ।

---

অতি পূর্বকালাবধি মনুষ্যাগণকে সংগ্রামে প্রবৃত্ত হইতে দেখা যায় । যত প্রাচীনকালের ইতিবৃত্ত অনুসন্ধান করা যায়, ততই তাৎকালিক লোকদিগের বিগ্রহানুরাগ অধিক ছিল বোধ হইতে থাকে । বন্যদশায় জীবিকোপার্জন করাই কঠিন । স্তত্রাং আপনার প্রয়োজনীয় কোন দ্রব্য অন্যের নিকট থাকিলে বর্ষের ব্যক্তি যে তদধিকারীকে বিনাশ করিয়া সেই দ্রব্য লইবার চেষ্টা করিবে, ইহা সহজেই বোধ হইতে পারে । অধিকন্তু, সে সময়ে শাসনের পারিপাট্য ছিল না, দেশ ও বিস্তীর্ণ ছিল না ; স্তত্রাং জনে জনে, কুলে কুলে, সমাজে সমাজে, অনুরাগ এইরূপে বিবাদ ঘটবার সম্ভাবনা ছিল । আবার যদি একবার কোন কারণে ইহুপক্ষে বিবাদ উপস্থিত হইত, তবে সেই বৈরিতা পুরুষানুক্রমে ধারাবাহিক হইয়া চলিত । প্রায় একই পক্ষের সর্বতোভাবে বিনাশ-না হইলে উহার ক্ষান্তি ছিল না । যখন রাজশাসন উত্তম না থাকে, তখন বৈরনির্যাতন একটা পরম ধর্মের মধ্য গণ্য হয় ।

বোধ হয়, জনগণ প্রথমে প্রস্তরাদি নিক্ষেপ দ্বারা পশুবৎ এবং পরস্পর বৃদ্ধ করিত, তখন অন্য অস্ত্রশস্ত্রাদির ব্যবহার ছিল না । ক্রমে লণ্ড, কাঠময় বা শিলাময় দ্বন্দ্ব, ধর্ম্মবান প্রভৃতির ব্যবহার আরম্ভ হয় । প্রত্যেককালেই কঠিন পশুচর্ম্ম দ্বারা শরীর আবৃত করাও আরম্ভ হইয়া থাকে ।



ক্রমে মনুষ্যসমাজের যেমন উন্নতি হইতে থাকে, যুদ্ধের উপকরণ সকলও তেমনি দিন দিন উৎকর্ষ লাভ করে । ভূম্যধিকারসম্পন্ন ধনশালী জনগণ বর্ষাদি শরীরক্রম প্রস্তুত করাইতে এবং যানবাহনাদি রাখিতে পারেন । সামান্য হুঃখী লোক সকল তাদৃশ অর্থব্যয়ে সমর্থ হইয়া না । যুদ্ধ সেই সময় হইতে একটী ব্যবসায়ের মধ্যে গণ্য হইয়া উঠে । ভূম্যধিকারিগণ আর কোন কৰ্মই করেন না । যাহাতে শরীরের বল বাড়ে, অস্ত্র শস্ত্র ব্যবহারে বিশেষ নৈপুণ্য জন্মে, অশ্বহস্তিরখাদি চালনে পটুতা হয়, এই সকল শিক্ষাই তাঁহাদিগের বাল্যাবস্থার একমাত্র উদ্দেশ্য হইয়া থাকে । অতএব তাদৃশ রণদক্ষব্যক্তির যে, এক এক জনে নিরস্ত্র, অশিক্ষিত, দুর্বল শত শত সৈনিকের সহিত সংগ্রাম করিয়া তাহাদিগকে পরাভূত করিবেন, তাহা আশ্চর্য্য নহে । বোধ হয়, এই জন্যই সর্বদেশীয় প্রাচীন কাব্যে তাদৃশ যুদ্ধবিবরণ বর্ণিত দেখা যায় । সেই সকল কাব্যে সহস্র অভ্যুক্তি স্বীকার করিলেও, ঐ সকল বিবরণ যে একেবারে অমূলক, এমত বোধ হয় না । তখন এক এক জন মহারথ যে বহুসংখ্যক পদাতিক নিপাত করিতে পারিত, একথা মিথ্যা নহে । যে সকল দেশ বিস্তৃত সমতল ক্ষেত্রের ন্যায়, সেই সেই দেশেই যুদ্ধের এবং গজের সমধিক ব্যবহার হইয়াছিল । যে সকল দেশ অপেক্ষাকৃত বঙ্গুর, তথায় ভূম্যধিকারিগণ অশিক্ষিত নিপুণ হইয়াছিলেন । আসিরাখণ্ডের প্রাচীন দেশ যাহা হইয়াছিল, সেখানে এই পর্য্যন্ত উন্নত হইয়াছিল । সেনাপতি, যুদ্ধকালে রথী,

অখারোহ এবং গজাক্রুচ যোদ্ধবর্গের উপরই বিশেষ লক্ষ্য করিতেন, পদাভিগণের প্রতি অধিক আদর করিতেন না ।

গ্রীক জাতীয়দিগের যুদ্ধ-প্রণালীও যে প্রথমতঃ এইরূপ ছিল, তাহা হোমার বিরচিত মহাকাব্য দর্শনেই প্রতীত হয় । কিন্তু গ্রীকেরা অতি শীঘ্রই প্রজাতন্ত্র শাসনপ্রণালী অবধারিত করিলেন । তাহা করাতে ভূম্যধিকারিবর্গের সম্মানলাঘব হইল । প্রজামাত্র ভূম্যধিকারী হইতে পারিল । সুতরাং তাহাদিগের নিতান্ত দারিদ্র্যাদশা না থাকাতে সকলেই যুদ্ধের সজ্জা এবং অস্ত্রশস্ত্রাদি ক্রয় করিয়া রাখিতে পারিল । বিশেষতঃ গ্রীষ্মদেশ অত্যন্ত পার্শ্বতীয় ; তাহা অখারোহ সৈন্যের বিশেষ বিক্রমের স্থল নহে । অতএব তথায় অখারোহিগণ অপেক্ষাকৃত অনাদৃত এবং পদাভিগণ অধিক পৌরবাসিত হইরাছিল । যে স্থানে পদাভিসৈন্যের সমাদর, তথায় রাজ্যশাসন-প্রণালীও নিতান্ত জঘন্য হইতে পারে না ।

রোমও স্বতন্ত্ররাজ্য দেশ ছিল । তথায় পদাভিক সৈন্যের সম্বন্ধিক আদরও ছিল । গ্রীক এবং রোমীয় পদাভি সৈন্যের সম্মুখে তাৎকালিক কোন জাতীয় লোকেই সংগ্রাম করিতে পারে নাই । যে ঐ দুই জাতির সহিত যুদ্ধে প্রবৃত্ত হইরাছে, সেই যেমন অনলে তুলা দগ্ধ হয়, তদ্রূপ অত্যন্তকাল মধ্যে বিনষ্ট হইরা গিয়াছে ।

নব্য ইউরোপীয় জাতিদিগের মধ্যেও যুদ্ধ-প্রণালী অবিকল এইরূপ হইয়া আসিয়াছে দেখা যায় । যখন উহাদিগের মধ্যে

ভূম্যধিকারিবর্গের প্রাধান্য ছিল, তখন পদাতিসৈন্যের যথোচিত আদর ছিল না । ক্রমে যেমন শামনপ্রণালীর উৎকর্ষ হইতে লাগিল, অমনি পত্তিগণেরও মর্যাদাবৃদ্ধি হইল ।

পদাতির সমধিক পৌরব হইলে সমর-প্রণালীর আরো একটা পরিবর্তন ঘটে । কোন রাজ্যের প্রথমাবস্থায় প্রজাগণ শান্তিকালে য য বৃত্তি অবলম্বন করিয়া থাকে, যুদ্ধকাল উপস্থিত হইলে অস্ত্রধারী হইয়া রণস্থলে যায় । তৎকালে ভূম্যধিকারিগণ য য ভূম্যধিকার হইতে ঐ সকল সেনা লইয়া গিয়া রাজার সহায়তা করেন । কিন্তু রাজ্য বিস্তীর্ণ এবং ভূম্যধিকারিগণ ধর্ম-পৌরব চইলে আর এইরূপ থাকে না । রাজ্যরক্ষার নিমিত্ত কতকগুলি ভূতিভূক্ত সেনা নিযুক্ত হয় । তাহারা রাজকোষ হইতে যাবজ্জীবন ভূতি প্রাপ্ত হইয়া কেবল যুদ্ধই একমাত্র অবলম্বন করিয়া থাকে । এক্ষণে ইউরোপের সর্বত্রই এই প্রকার হইরাছে ।

এক্ষণে যুদ্ধ একটা প্রধান বিদ্যার মধ্যে গণ্য হইয়া উঠিয়াছে । গণিত, পদার্থবিদ্যা, রসায়নাদি বিবিধ শাস্ত্র, শস্ত্র-বিদ্যার সহকারী হইয়াছে । কোন অসভ্য জাতির এমন সামর্থ্য নাই যে, নব্য ইউরোপীয়দিগকে পরাভূত করিতে পারে । কিন্তু যেমন বিদ্যাবাহুল্যপ্রযুক্ত এক্ষণে যুদ্ধের কৌশলবৃদ্ধি হইয়াছে, তেমনি শাস্তিরসেরও প্রাদুর্ভাব হওয়াতে যুদ্ধের অনেক কানেক ভয়ঙ্কর দোষেরও পরিহার হইয়াছে । এক্ষণে অসভ্য ইউরোপীয়দিগের মধ্যে বালক, যুদ্ধ, বণিতাগণের প্রতি নির্ধক

অত্যাচার হয় না, শত্রু শরণাপন্ন হইলে তাহার প্রাণনাশ করা হয় না, প্রজামাত্রকে দাসত্ব শৃঙ্খলে বদ্ধ করা হয় না, ইউরোপীয় কোন রাজা প্রবল হইলে অমনি দিগ্বিজয় করিতে নির্গত হন না, এবং কোন কোন সদাশয় ব্যক্তির মনে মনে এমনত ভাবোদয়ও হইতেছে যে, কোন রূপে একেবারে বৃদ্ধ করা পরিত্যাগ করা যায়, তাহা হইলেই ভাল হয় ।

### রোমের ইতিহাস ।

তৃতীয় সীজার রোম সাম্রাজ্যের এক মাত্র কর্তা হইয়া রাজকাৰ্য্য নিৰ্ব্বাহ করিতে লাগিলেন। কিন্তু তখনও আপনি রাজোপাধি গ্রহণ করেন নাই। তিনি বাহ্যে প্রাচীন প্রথা সমুদায় প্রচলিত রাখিয়া বাস্তবিক একাধিপত্য শক্তি গ্রহণ করিলেন। তাঁহার সময়ে রাজ্যশাসন অতি সুন্দররূপে নিৰ্ব্বাহিত হইতে লাগিল। অতি উত্তম উত্তম রম্য প্রাসাদ দ্বারা রোম নগর সুশোভিত হইল। অনেকানেক রাজবস্ত্র ও জলপ্রণালী নিৰ্ম্মিত হইয়া বাণিজ্য ও কৃষিকার্য্যের উপযোগিতা করিতে লাগিল, এবং তাঁহার প্রত্যয়ে সমুদয় সাম্রাজ্য নিরুপদ্রব এবং উপশান্ত হইয়া থাকিল। এই সময়ে কতিপয় ব্যক্তি পুনর্বার প্রজাতন্ত্র শাসনপ্রণালী প্রবর্তিত করিবার বাসনায় সীজারের বিরুদ্ধে বড় বস্ত্র করেন। তন্মধ্যে ক্রেটস্ এবং কাসিয়স্ নামা দুই ব্যক্তি সমধিক প্রসিদ্ধ। ইহারা জানিতেন না যে, রোমের স্বাধীনাবস্থার কাল গত হইয়াছে। তখন পূৰ্বরূপ শাসনপ্রণালী প্রবর্তিত করিলে

স্বাধীনতার শব্দ মাত্র রক্ষিত হইতে পারে, তাহার অধীন-  
স্বরূপ যে ধর্মপরায়ণতা তাহা আর কোন ক্রমেই কিরিয়া  
আসিতে পারে না। যাহা হউক, উইারা সীজরকে সেনেট গৃহ  
মধ্যে হত্যা করিলেন। এই সংবাদ শ্রবণে লোকসাধারণ প্রথমে  
স্তব্ধ ও সাতিশয় ভীত হইল, পরে যখন সীজরের অধীন আন্টনি  
নামা এক জন সেনাপতি সীজরের মৃতদেহ প্রদর্শন করিয়া  
বক্তৃতা করিলেন—যখন ঐ মৃত মহাত্মার গুণগ্রাম ও পরোপ-  
কারিতার নানাবিধ প্রমাণ দর্শাইলেন—তখন সকলেই হত্যা-  
কারীদের উপর সাতিশয় ক্রুদ্ধ হইল, ক্রটস্ এবং কাসিয়স্  
রোম নগর পরিত্যাগ করিয়া প্রস্থান করিলেন। নানা বিবাদের  
পর সীজরের ভাগিনেয় অক্টেব্রিস্ এবং তাঁহার সেনাপতি  
আন্টনি এবং গল দেশের শাসনকর্তা লেপিডস্ এই তিন জনে  
মিলিত হইয়া সমুদায় রোম সাম্রাজ্যের শাসনকর্তৃত্ব বিভাগ  
করিয়া লইলেন।

### ঐতিহাসিক উপন্যাস ।

এক দিবস রাজা জয়সিংহ খীর শিবিরে উপবিষ্ট আছেন,  
হঠাৎ মহারাষ্ট্রপতি একাকী এবং নিরস্ত্র তৎসমক্ষে উপনীত  
হইয়া আশ্রু-পরিচয় প্রদান করিলেন। জয়পুর-পতি তৎ-  
ক্ষণে উঠি হইয়া কিছুকাল ইতিকর্তব্যতা নির্ধারণ  
করিতে পারিলেন না। কিন্তু বীর পুরুষেরা উপযুক্ত ঐতি-

পক্ষেরও গুণগ্রহণে সক্ষম । জয়সিংহ শিবজীর সহিত যুদ্ধ করিয়া বিলক্ষণ বৃদ্ধিপ্রাপ্ত হইলেন যে, তাঁহার আপনাদের সৈন্যসংখ্যা অতিরিক্ত না হইলে তিনি স্বয়ং অকিঞ্চিৎকর হইতেন । অতএব শিবজীর প্রতি তাঁহার বিশিষ্ট শ্রদ্ধা হইয়াছিল । তিনি মহারাষ্ট্রপতিকে নিজসমীপস্থ দেখিয়া প্রথমতঃ চমৎকৃত হইলেন, কিন্তু পরক্ষণেই বিশিষ্টসমাদর সহকারে ভ্রাতৃসম্বোধন এবং আলিঙ্গনপ্রদানপূর্বক স্বপাশে আসনপরিগ্রহ করাইলেন । মহারাষ্ট্রপতি যৌনী হইয়া বসিলেন । রাজা জয়সিংহ ভাবে বৃদ্ধিতে পারিয়া পারিষদদিগকে ইজিত করিবামাত্র তাঁহার স্থানান্তর হইল । শিবজী কহিতে লাগিলেন ।

“মহারাজ ! আমাকে এমনত সময়ে দেখিয়া আপনি অবশ্য বিস্মিত হইয়াছেন । হইবেনই তা । আমি যে ছুরাশার বশীভূত হইয়া আসিয়াছি, তাহা স্মরণ করিলে আপনিই বিশ্বাসবিষ্ট হই । কিন্তু মহারাজ ! যন যাচা বলে, তাহা কখন নিতান্ত মিথ্যা হয় না । কিছুকাল হইল আমার অন্তঃকরণে কেমন সূচু প্রতীতি হইয়াছে যে, আপনকার সহিত সাক্ষাৎ করিয়া উভয়ে উভয়ের তাৎপর্য্য অবগত হইলেই এই ছুরাশার সমস্ত নিরূপণ হইবে, এবং আমরা যেন উভয়ে একধর্ম্মাবলম্বী, এক ভাষা এবং (বোধ করি আপনি জানেন) একগোত্রোদ্ভব, তেমনই আশা করি, উভয়ে একপরামর্শী এবং এককর্ম্মী হইব । মহারাজ ! আমাদের একত্র মিলন হইলে উভয়ের মঙ্গল । যাহাতে জাতীর ধর্ম্ম রক্ষিত হয়, দেশের সুখ উজ্জল হয়, এবং

অন্য সৰ্বস্বাতির নিকট হিন্দু নামটী অবজ্ঞাস্পদ না হয়, এত  
কর্ম কি কর্তব্য নহে? দেখুন দেখি, দিল্লীর কেমন মঙ্গলা  
করিয়া আমাদের অনেককেই আমাদের অনর্ধের মূল  
করিতেছেন। যদি আপনার স্থানে আমি পরাভূত হই, অথবা  
আপনি আমা কর্তৃক হুত্বভেদা হইলেন, উভয়ই আরজেবের  
মঙ্গলাবহ। স্বরণ করুন, তিনি এই উপায় দ্বারা ক্রমে ক্রমে  
কোন্ হিন্দু মহাপালকে স্বপদাবনত না করিলেন? তিনিরাছি,  
উত্তরে হিমাচল, দক্ষিণে সমুদ্র, পশ্চিমে সিন্ধু, এবং পূর্বে ব্রহ্ম-  
রাজ্য এই চতুঃসীমার মধ্যবর্তী বিস্তীর্ণ ভারত-ভূমি তাঁহার কব-  
লিত হইয়াছে। কোথাও একটি স্বাধীন হিন্দু রাজ্য নাই।  
কেবল রাজপুতনার আপনারা এবং দক্ষিণে আমি অন্যান্য  
হিন্দু ধর্ম এবং হিন্দু নাম রক্ষা করিতেছি। আরজেব কেবল  
আমাদিগকেই কিঞ্চিৎ ভয় করেন, বৃষ্টি তাহাও আর অধিক  
কাল করিতে হইবে না। কলতঃ মহারাজ! আমি আর পরস্পর  
বৃদ্ধে স্বজাতির বিনাশ অবলোকন করিতে পারি না। আপনার  
বেরণ কর্তব্য বোধ হয়, অনুমতি করুন।

“মহারাজ! বাহসাহ কখন আপনার অগৌরব করেন  
নাই সত্য; কারণ তিনি আপনাকে ভয় করেন। কিন্তু যদি  
আপনি আজি লোকান্তরগত হইলেন, তবে কালি আপনার  
পরিবারেরা বৃষ্টিবেন বাহসাহ আপনার কেমন সুস্থ। মহা-  
রাজ! পূর্ব পূর্ব মুসলমান বাহসাহেরা, হিন্দু রাজাদিগের স্থানে  
নির্দিষ্ট নিয়মানুসারে কর প্রাপ্ত হইলেই সন্তুষ্ট হইতেন। ইনি

কমে কমে হিন্দু রাজা মাত্রেই ভেজোহাস করিতেছেন, ইহার মানস সম্পূর্ণ সফল হইলে একটীও হিন্দুধর্মাবলম্বী রাজা থাকিবে না। আমি জানি কেহ কেহ আরম্ভেবকে জিতেন্দ্রিয় এবং বুদ্ধিমান বলিয়া প্রশংসা করেন। কিন্তু বাস্তবিক তিনি জাল্মশুভাব হইলে আমার এমত ভয় হইত না। নৃশংস নিকোঁথ রাজারা যে সকল অত্যাচার করেন, তজ্জনিত হুঃখ স্বরূপকালব্যাপী হয়, কিন্তু ক্রুরমতি নৃপালগণের যে বিষবৃক্ষরূপ মন্ত্রণা, তাহার ফলাশ্বাদনে সন্তানসন্ততি সমুদয়ে ধ্বংসীয়া হইয়া যায়। আমি জানি, অনেকেরই মনে এক্ষণে এমত প্রতীতি হইয়াছে যে, যেমন ব্রাহ্মণ কলিত্র প্রভৃতি জগদ্বীশ্বরনির্দিষ্ট জাতিপ্রণালী হইয়া আসিতেছে, মুসলমানও সেইরূপ বাদসাহের জাতি। মুসলমান বই আর কেহ দিল্লীর সিংহাসন অধিকার করিতে পারে না। এইরূপ বোধ থাকাতেই এত হিন্দু রাজা অত্যন্ত পরাক্রমশালী হইয়াও দিল্লীর অধীনতা স্বীকার করেন। তাহা করুন, রাজশক্তি যে ব্যক্তিতে কেন অর্পিত হউক না, তিনি হিন্দু হউন বা মুসলমান হউন, বা অন্য যে কোন জাতীর হউন, সুশীল বিচক্ষণ এবং অপকপাতী হইলেই প্রভাগণ সুখস্বচ্ছন্দে কালযাপন করিতে পারে, এবং কৃতী হইয়া জন্মভূমির মুখ উজ্জ্বল করে। আকবর সাহ মুসলমানজাতীর ছিলেন। তথাপি কি হিন্দু, কি মুসলমান, সকল প্রকার প্রতিই পকপাতশূন্য হইয়া ব্যবহার করিতেন বলিয়া কত কত হিন্দু রাজারা তাঁহার সময়ে রাজকার্যে বুদ্ধি নিয়োজন করিয়া সুশাসন



বিধি সমস্ত নিষ্ঠারূপে কবিতা গিয়াছেন। এই দেশে সুবোধ লোকের কিছুমাত্র অনস্থাব নাই। আরজেব এত চেষ্টা করিয়াও সকল নিঃশেষ করিতে পারেন নাট। এখনও আপনারা কয়েক জন সুমহৎস্বভাবং তাঁহার রাজ্যভার বহন করিতেছেন। কিন্তু পরবর্তী বাদসাহেরা যদি ইহার দৃষ্টান্তানুযায়ী হইয়া চলেন, তবে স্বল্পকালমধ্যেই সুবর্ণ মণিমাণিক্যাদি প্রসবা ভারত-ভূমি আর উৎকৃষ্ট নবরত্ন প্রসবে সমর্থ হইবেন না। মহারাজ ! আমার এই প্রার্থনা, যেন এমন দিন কখন উপস্থিত না হয় যে, কোন বাদসাহ হিন্দুজাতির মধ্যে লক্ষ্য ব্যক্তি নাই বলিয়া অবজ্ঞা করেন। মহারাজ ! যাহারা আপনারাই এই জাতিকে নিস্তেজ করিয়া পরে ক্ষীণবীৰ্য্য বলিয়া অবজ্ঞা করেন, তাঁহাদের কি সাধারণ দৃষ্টতা ! মহারাজ ! অধুনা ভারতরাজ্যের যে অপেক্ষাকৃত নিকৃষ্টবাবস্থা দৃষ্ট হইতেছে, সে বিকারাপন্ন রোগীর দৌৰ্জল্যাধীন নিম্পন্দ হওয়ার ন্যায়,—তাহা সুবৃষ্টির স্থখানুভব নহে।”

### ইংলণ্ডের ইতিহাস ।

ইউরোপের মানচিত্রের বায়ুকোণে যে একটা অপেক্ষাকৃত বৃহদাকার দ্বীপ দৃষ্ট হয়, তাহারই এক ভাগের নাম ইংলণ্ড। ঐ দ্বীপ ইংরাজদিগের নিবাসভূমি। দ্বীপমাত্রেরই বায়ু প্রায় সমশীতোষ্ণ হইয়া থাকে। ইংলণ্ডেরও সেইরূপ। এই দেশের

ভূমি নিতান্ত অমুর্করা বোধ হয় না, কিন্তু কোথাও এমত উর্করাও নয় যে, তদেশবাসীদিগের বথেষ্ট আয়াস ব্যতিরেকে সমূহফলদায়িনী হয় । ইহার উপকূল ভাগে অনেক সাগরশাখা প্রবিষ্ট হইয়াছে, এবং ইহাতে সুনাবা নদীও অনেক আছে । সুতরাং এই দেশ বণিগুবৃদ্ধির পক্ষে বিলক্ষণ উপযোগী । এখানকার আকরিকের মধ্যে পাথরিকা কয়লা, লৌহ, এবং টিন প্রধান । আর উদ্ভিজ্জের মধ্যে ওকবৃক্ষ সাত্বিশর প্রসিদ্ধ ; ইহার কাষ্ঠদ্বারা দৃঢ়তর অর্ণবয়ান প্রস্তুত হইয়া থাকে ।

যাবৎকালই ইংলওদেশে নিতান্ত অলসস্বভাব, কৃষি ও বণিগুবৃদ্ধিপরাঙ্মুখ, অর্ণবয়ানপ্রস্তুতকরণে অশক্ত, কিন্তু সাহসী, ধর্ম্মপরায়ণ, এবং সংগ্রামানুরক্ত কেণ্ট জাতির বাস ছিল, তাবৎকাল এই দেশের কোন বৃত্তান্তই প্রাপ্ত হওয়া যায় না । কেবল এই মাত্র শ্রুত হওয়া যায় যে, প্রাচীন ফিনীসীয় এবং কার্থেজীয় বণিকেরা কখন কখন এই দেশে বাণিজ্যার্থে আগমন করিত, এবং এখানকার টিন, লৌহ, উর্গা প্রভৃতি পণ্যদ্রব্য গ্রহণ করিয়া তদ্বিনিময়ে কাচ, পিত্তলাদি নানাবিধ সামগ্রী প্রদান করিয়া যাইত । তাহার বহুকাল পরে যখন রোমকেরা আপনাদিগের সাম্রাজ্য বিস্তার করে, তখন তাহাদিগের সেনাপতি জগদ্বিখ্যাত জুলিয়ারস সীজর সমুদায় গলদেশ জয় করিয়া ৫৬ খৃঃ পূঃ অর্কে ইংলও আক্রমণ করিতে আইসেন । তিনি কেণ্ট প্রদেশের উপকূলে অবতীর্ণ হইয়া দেখিলেন যে, তদেশবাসিগণ পদাতি, অশ্বারোহী এবং রথারূঢ় হইয়া নানা অস্ত্র-শস্ত্র ধারণপূর্বক

তাঁহার সহিত যুদ্ধার্থ প্রস্তুত হইয়া আছে। কিন্তু সীজরের রণ-  
পাণ্ডিত্যে এবং তাঁহার সৈন্যগণের সুশিক্ষাগুণে ঐ আদিম  
নিবাসীদিগের সকল শ্রবণ এবং সাহস ব্যর্থ হইয়া গেল। সীজর  
উহাদিগকে পরাজয় করিয়া প্রতিগমন করিলেন। ইহার পর  
তিনি আর একবার ইংলণ্ডে আইসেন। এবং রোমাধিকার  
পূর্বাপেক্ষা সুবিস্তৃত করিয়া যান।

যে সময়ের কথা হইতেছে, সেই সময়ে ইংলণ্ডদ্বীপের নাম  
ব্রুটেন ছিল, এবং ভূদেশবাসীদিগকে ব্রুটেন বলিত। সীজর ও  
অপর্যাপর রোমক গ্রন্থকারেরা লিখিয়া গিয়াছেন যে, তখন ব্রুটেন  
দ্বীপ নিবিড় অরণ্যে আচ্ছন্ন ছিল, এবং তথাকার লোক সকলও  
অত্যন্ত অসভ্য ছিল। তাহারা বৃক্ষের ত্বক বা বন্য পশুর চর্ম্মদ্বারা  
স্বথাকথক্ৰিৎরূপে আপনাদিগের শরীর আবরণ করিত। গাত্রে  
রক্ত, কৃষ্ণ, পীত, হরিভাদি বর্ণ বিলিপ্ত করিয়া সংগ্রাম স্থানে  
ঘোররূপ ধারণ করিবার নিমিত্ত শ্রমাস পাইত। ক্ষুদ্র ক্ষুদ্র কাষ্ঠ-  
খণ্ড চর্ম্মাবৃত করিয়া সরিৎ ও জলাকীর্ণ ভূমি সমস্ত উত্তীর্ণ হইবার  
উপযোগী ভেলক প্রস্তুত করিত। বস্ত্রতঃ কৃষি ও বাণিজ্য দ্বারা  
যে সকল শ্রয়োজনীয় এবং সুখোপভোগের সামগ্রী প্রস্তুত  
হয়, ঐ ব্রুটেনদিগের মধ্যে তাহার কিছুই ছিল না। কিন্তু তখনও  
ব্রুটেনেরা সর্বত্র এক প্রকার ছিল না। দক্ষিণ ভাগে বিশেষতঃ  
কেন্ট প্রদেশে যাগরা বাস করিত, তাহাদিগের মধ্যে পাণ্ডপাল্য,  
কোথাও কোথাও কৃষি এবং বৎকৃষ্ণিৎ বনিগবুদ্ধির প্রথাও  
প্রচলিত হইয়াছিল। তখন ব্রুটেনের যত অন্তর্ভাগে বাওয়া

যাইত, ততই\* অসভ্যতার ভিত্তির ক্রমশঃ গাঢ়তর বোধ হইত, এবং যত উপকূলভাগে আগমন করা যাইত, ততই সভ্যতার অপরিষ্কৃত আলোক কিঞ্চিৎ কিঞ্চিৎ দৃষ্টিগোচর হইত । এমন বনাদশাপন্ন লোকের মধ্যে যে কিরূপ শাসনপ্রণালী প্রচলিত ছিল, তাহা সুনিশ্চিতরূপে অবধারিত হয় না । এই পর্য্যন্ত অবগতি আছে যে, ব্রুটনেরা অসংখ্য ক্ষুদ্র ক্ষুদ্র জাতিতে বিভক্ত হইয়া এক একটা জাতি এক এক জন শাসনকর্তার অধীনে বাস করিত । ইহাদিগের ধর্ম্মপ্রণালীও অন্যান্য তাদৃশাবস্থ জাতির ধর্ম্মপ্রণালী হইতে অধিক ভিন্ন ছিল না । ইহাদিগের মধ্যে ড্রুইড নামে একটা ব্রাহ্মণসম্প্রদায় ছিল । তাহারা রাজাদিগের অপেক্ষাও সমধিক পরাক্রমশালী হইয়া যাহা মনে করিত, তাহাই করিতে পারিত । ড্রুইডেরা পূর্ব্বজন্ম এবং পরজন্ম স্মীকার করিতেন । পরমেশ্বর এক এবং তাঁহার অধীনে অসংখ্য দেবদেবী আছেন ইহাও মানিতেন । কখন কখন বুদ্ধবৃত্ত হতভাগ্যবন্দিগণকে অগ্নিদগ্ধ করিয়া ঐ দেবতাপণের উপাসনা করিতেন, কিন্তু তাঁহাদের অধিকাংশই নিবিড় অরণ্য মধ্যে কেবল জপ তপস্যা দ্বারা ঈশ্বরারাধনার নিমগ্নচিত্ত হইয়া থাকিতেন । ড্রুইডদিগের শক্তি অদ্বিতীয় ছিল । ইহারা যদি কোন রাজাকেও অভিশপ্ত করিতেন, তবে আর কেহই তাঁহার সহিত বাক্যালাপ করিত না, কেহই তাঁহার কোন সাহায্য করিত না । যাচার ইচ্ছা, সেই তাঁহার প্রাণবধ করিতে পারিত, এবং বহুস্থলে সেই হতভাগ্য ব্যক্তি অল্পজল অভাবেই প্রাণ পরিত্যাগ করিত ।

ফলতঃ, বুটনেরা সৰ্ব্বতোভাবে আপনাদিগের রাজকবর্গেরই অধীন হইরাছিল । কিন্তু যখন রোমকেরা, প্রবল হইয়া সম্রাট ক্লডিয়স্ এবং নিরোর সময়ে ওয়েলস দেশ পর্য্যন্ত অধিকার করিল, অনেকবার অনেক বিদ্রোহ দমন করিল, বহুসংখ্যক নগর এবং উপনিবেশ সংস্থাপিত করিল, ও স্টোনিয়স পলিনস্, নামে তাহাদিগের একজন সেনাপতি 'মোনা' দ্বীপে গিয়া তথাকার সকল ড্রুইড্ কে খড়্গহত এবং তাহাদিগের আরাধনাস্থান সমস্তকে ভস্মসাৎ করিলেন, তখন বুটনেরা সৰ্ব্বতোভাবে বশতাপন্ন বহিল । ইহার পর "আগ্রিকোলা" নামে একজন শাসনকর্ত্তা বুটনে আগমন করিয়া উত্তরে স্কটলণ্ডের কিয়দূর পর্য্যন্ত অধিকার করিলেন এবং কতকগুলি বণতরি প্রস্তুত করিয়া ইটরোপের উত্তরাঞ্চলীর জলদস্যুগণের দৌরাখ্যা নিবারণ করিলেন । ফলতঃ ঐ সময় অবধি বুটনে রোমাধিকারের দোষ গুণ দুইই ক্রমশঃ প্রবর্ত্তিত হইতে লাগিল । ধর্ম্মাধিকরণ উত্তম হইল, শাসনপ্রণালী উৎকৃষ্টতর হইল, নগর পুর সমস্ত নিশ্চিত হইতে লাগিল, রাজবর্গ সকল প্রস্তুত হইল, এবং কৃষি ও বাণিজ্য কার্যের প্রতি জন সাধারণের অমুরাগবৃদ্ধি হওয়াতে দেশে ধনসম্পত্তির আধিক্য হইতে লাগিল । কিন্তু রোমকেরা বুটনদিগকে যুদ্ধবিদ্যা শিক্ষা করাইয়া কখনো স্বদেশে অবস্থান করিতে দিতেন না । যে সকল বুটন যুদ্ধশিক্ষা করিত, তাহাদিগকে কোন দূরদেশ রক্ষার্থ প্রেরণ করিয়া অপরদেশীয় সৈনিকগণের দ্বারা বুটনের রক্ষা করিতেন । আর যে সকল

লোক সৈনিককর্মে প্রবৃত্ত না হইয়াছিল, তাহাদিগের সকলকেই নিরস্ত্র হইয়া থাকিতে হইত । সুতরাং রোমকেরা একবার বৃটন ত্যাগ করিয়া গেলে এতদেশীয়েরা যে, কোন প্রকারে আত্মরক্ষা করিতে পারিবে তাহার কোন উপায়ই রহিল না ।

যেমন মৃত্যু আসন্ন হইলে হস্তপদাদির প্রান্তভাগ অগ্রেই শীতল হয়, এবং তথায় রক্তের গমনাগমন নিবৃত্ত হওয়াতে আর সেই সকল স্থলে নাড়ীর গতিবোধ হয় না, শরীরের মধ্যভাগেই ক্ষণকাল পর্য্যন্ত নাড়ীর সঞ্চার বোধ হইয়া থাকে, সেঠরূপ যেমন রোম সাম্রাজ্যের বিনাশকাল নিকটবর্তী হইতে লাগিল, অমনি তাহার দূর প্রদেশ সমুদায় হইতে রোমক সৈন্যগণ প্রস্থান করিল, আর তথায় প্রত্যাগমন করিল না এবং ক্রমে সঙ্কুচিত-বৃত্ত হইয়া রোমের সন্নিধানেই চতুর্দিক রক্ষা করিবার নিমিত্ত কিছুকাল সচেষ্ট হইতে লাগিল । ৪০৯ খৃঃ অব্দে রোম-কেরা ইংলণ্ড পরিত্যাগ করে । তখন স্কটলণ্ডের দক্ষিণাঞ্চলবাসী “স্কট্” এবং “পিক্ট” জাতীরেরা বৃটনদিগকে অত্যন্ত বলপূর্বক আক্রমণ করিল । বৃটনেরা যুদ্ধে নিতান্ত অক্ষম হইয়া পড়িয়াছিল । তাহারা রোমে পত্রপ্রেরণ করিয়া সাহায্য প্রার্থনা করত এই বলিয়া দুঃখ করিয়াছিল যে, “ভীষণকার অসত্য লোকেরা আমাদিগকে সমুদ্রের দিকে ঠেলিয়া দিতেছে, সমুদ্র ও আবার ঐ রাজসদিগের সমক্ষে প্রতিহত করিতেছে, আমরা কোথায় যাই, কি করি, কিছুই বুঝিতে পারি না।” কিন্তু রোমকেরা আপনাদিগের দুঃখসময়ে বৃটনদিগের বিশেষ উপকার করিতে

পারিলেন না । সুতরাং উহারা অগত্যা উত্তরাঞ্চলীর জলদস্যু-দিগের নিকটেই সাহায্য আৰ্ধনা করিল । ঐ জলদস্যুদিগের বাসস্থান, “রাইন” নদীর মুখ হইতে “এল্বনদীর” মুখ পর্য্যন্ত যে ভূভাগ, তাহাতেই ছিল । উহারা “জুট” “আকল” এবং “সাক্সন” ইত্যাদি বিবিধ নামে প্রসিদ্ধ হয় । “হেব্রিট” এবং “হসী” নামক ভ্রাতৃদ্বয় নিমন্ত্রণ পাইয়া বৃটনে আসিয়া উপস্থিত হইল এবং অতি অল্পায়াসেই স্বট, ও পিক্টদিগকে পরাভূত করিয়া সমুদায় নিরুপদ্রব করিল । কিন্তু তাহারা দেশের শোভা ও দেশবাসীদিগের অক্ষমতা দর্শনে আপনারা লোভপরবশ হইয়া বৃটন ত্যাগ করিয়া বাইতে নিতান্ত অনিচ্ছু হইল । প্রত্যুত উহারা স্বদেশীয় অপরাপর লোক সকলকে আহ্বান করিতে লাগিল এবং সকলে মিলিয়া ক্রমে ক্রমে সমুদায় দেশটি আপনা-দিগের অধিকৃত করিয়া লইল ।

বৃটনেরা কেণ্টজাতীয় ছিল, সাক্সনেরা তাহা ছিল না । উহারা টিউটনজাতীয় লোক ছিল । উহাদিগের সহিত বৃছে বৃটনেরা প্রায় নিমূলিত হইয়া যায় । কেবল পশ্চিম ভাগে যে পর্বতশ্রেণী আছে, তাহাতে কতক লোক প্রস্থান করিয়া রক্ষা পায় । আর কতক ব্যক্তি গলদেশে পলাইয়া বৃটনি নামক তাহার প্রদেশবিশেষে বাইয়া বাস করে ।

সমুদায় দেশ সাক্সনদিগের অধিকৃত হইলে উহা প্রথমতঃ বহু ক্ষুদ্র ক্ষুদ্র রাজ্যে বিভক্ত হয়; এবং সেই সময়ে পোপ গ্রেগরী প্রেরিত অগষ্টিন নামক একজন সাধু আসিয়া উহা-

দিগকে খৃষ্টধর্ম দীক্ষিত করিতে আরম্ভ করেন । সাক্সনদিগের পূর্বধর্ম অতিশয় ভয়ঙ্কর ছিল । উহারা অনেক দেবদেবী মানিত এবং স্বর্গ নরকও স্বীকার করিত বটে, কিন্তু উহাদিগের মতে দেবতা-মাত্রেই রণোন্মত্ত, সর্বদা যুদ্ধ এবং মধ্য মধ্য তীষ্র মদিরা পান করাই স্বর্গের সুখ, আর বুদ্ধে পলায়ন করিলেই নরকের দুঃখ ভোগ করিতে হয় । বর্তমান উহারা অসভ্য ছিল এবং দয়াবৃত্তি দ্বারা আপনাদিগের জীবনোপায় করিত, তাৎকাল এইরূপ ধর্মই প্রবল রহিল । কিন্তু যখন উহাদিগের বৃটন দ্বীপে বাস হইল, কৃষি বাণিজ্যাদি দ্বারা সুখভোগের সামগ্রী উৎপন্ন হইল, এবং অন্যান্য প্রকারে অবস্থার পরিবর্তন হওয়াতে মনও কোমল এবং প্রশান্ত হইয়া উঠিল, তখন পূর্বোক্তরূপে কেবল সংগ্রামপর ধর্মপ্রণালী আর শ্রদ্ধার পাত্র হইতে পারিল না । সাক্সনেরা অতি অল্পকালের মধ্যেই খৃষ্টধর্ম গ্রহণ করে । ইহারাই ক্রমক্রমে তাহাদিগের স্বতন্ত্র স্বতন্ত্র আটটি রাজ্য ক্রমশঃ পরস্পর মিলিত হইয়া একত্রীকৃত হয় এবং এগবর্ট নামক কোন মহাত্মা ঐ মিলিত রাজ্যের রাজা হন ।

এই সাক্সনেরাই বর্তমান ইংরাজ জাতির পূর্ব পুরুষ । উহাদিগের অসভ্যাবস্থাতেই যে সকল রীতি নীতি ছিল, তাহাই এক্ষণে পরিপক্ব হইয়া ইংরাজদিগের সুসভ্য রীতি নীতি হইয়াছে । উহাদিগের রাজা বধেচ্ছাচারী হইতে পারিতেন না । কতকগুলি সুবিজ্ঞ বৃদ্ধের পরামর্শ গ্রহণ করিয়া তাঁহাকে রাজ্য-কার্য্য করিতে হইত, ঐ সভার নাম “উইটিনাগিমট্” ছিল । কলত:



ঐ সভাই বর্তমান “পালি রামেন্ট” সভার মূলস্বরূপ বলিতে হইবেক। সাক্সনদিগের ধর্ম্মাধিকরণ একপ্রকার ‘পঞ্চায়তের’ দ্বারা নিরূপিত হইত। তাহা হইতেই ইংরাজদিগের মধ্যে জুরি নিয়োগের ব্যবহার উৎপন্ন হইয়াছে। সাক্সনেরাই প্রথমে সমুদায় ইংলণ্ড দেশকে সাইয়র, কোর্টী, হেণ্ডুড্ ইত্যাদি নানা-ভাগে বিভক্ত করে এবং প্রজাদিগকে পরস্পরের আচার ব্যবহারের প্রতি দৃষ্টি রাখাইয়া বাহাতে আপনাবাই অনেকাংশে আপনাদিগের রাজকাৰ্য্য নিরূহ করিতে পারে এমন উপায় করিয়া দেয়। ইংরাজেরা সেই অবাধ প্রজাতন্ত্র শাসনপ্রণালী সংস্থাপনে যেমন কৃতকাৰ্য্য হইয়াছেন; বোধ হয়, পৃথিবীর অন্য কোন জাতিই সেরূপ হইতে পারেন নাই। সাক্সনেরা জলযান-প্রস্তুতকরণে বিলক্ষণ নিপুণ, যান্ত্রিক বুদ্ধে অতিশয় কুশল, আর জলপথে দূরদেশ গমনে একান্ত নির্ভরহৃদয় ছিল—ইংরাজেরাও এই সকল গুণের নিরিন্দ্র বিশিষ্টরূপে গৌরবান্বিত হইয়া আছেন।

---

তারাকর তর্করত্ন ।

কাদম্বরী ।

শুকবৈশম্পায়নের বৃত্তান্ত ।

একদা প্রভাতকালে চন্দ্রমা অস্তগত হইলে, পক্ষিগণের কল-  
রবে অরণ্যানী কোলাহলময় হইলে, নবোদিত রবির আতপে  
গগনমণ্ডল লোহিতবর্ণ হইলে, গগনাস্তনবিক্ষিপ্ত অন্ধকাররূপ  
ভাস্মরাশি দিনকরের কিরণরূপ সন্মার্জ্জনী দ্বারা দূরীকৃত হইলে,  
সপ্তর্ষিমণ্ডল অবগাহনমানসে মানস সরোবরতীরে অবতীর্ণ  
হইলে, শাল্মলীবৃক্ষাঙ্কিত পক্ষিগণ আহারের অশেষে অভিমত  
প্রদেশে প্রস্থান করিল । পক্ষিশাবকেরা নিঃশব্দে কোটরে বহি-  
য়াছে ও আমি পিতার নিকটে বসিয়া আছি, এমন এময়ে, ভয়া-  
বত মৃগয়াকোলাহল শুনিতে পাইলাম । কোন দিকে সিংহসকল  
গম্ভীরস্বরে গর্জন করিতে লাগিল ; কোন প্রদেশে তুরঙ্গ, কুরঙ্গ,  
মাতঙ্গ প্রভৃতি বনচর পশুসকল বন আন্দোলন করিয়া বেড়াইতে  
লাগিল ; কোন স্থানে ব্যাঘ্র, ভল্লূল, বরাহ প্রভৃতি ভীষণাকার  
জন্তুসকল ছুটাছুটী করিতে লাগিল, কোন স্থানে মহিষ, গণ্ডার  
প্রভৃতি বৃহৎ বৃহৎ জন্তুগণ অতিবেগে দৌড়িতে লাগিল ও তাহা-  
দিগের গাত্রঘর্ষণে বৃক্ষ সকল ভগ্ন হইতে আরম্ভ হইল । মাতঙ্গের  
চীৎকারে, তুরঙ্গের হেঁসারবে, সিংহের গর্জনে ও পক্ষিগণের  
কলরবে, বন আকুল হইয়া উঠিল এবং তরুগণও ভয়ে কাঁপিতে  
লাগিল । আমি সেই কোলাহলশ্রবণে ভয়বিহ্বল ও কল্পিত-

কলেবর হইয়া পিতার জীর্ণপক্ষপুটের অন্তরালে লুকাইলাম ।  
তথা হইতে ব্যাধদিগের “ঐ বরাহ যাইতেছে”, “ঐ হরিণ ঘোড়ি-  
তেছে”, “ঐ করতক পলাইতেছে” ইত্যাদি নানাপ্রকার  
কোলাহল শুনিতে লাগিলাম ।

মৃগয়াকোলাহল নিবৃত্ত হইলে অরণ্যানী নিস্তক হইল ।  
তখন আমি পিতার পক্ষপুট হইতে আস্তে আস্তে বিনির্গত হইয়া  
কোটর হইতে মুখ বাড়াইয়া যে দিকে কোলাহল হইতেছিল,  
সেই দিকে দৃষ্টিপাত করিলাম । দেখিলাম কৃতান্তের সহোদরের  
ন্যায়, পাপের সারথির ন্যায়, নরকের দ্বারপালের ন্যায়, বিকট-  
মূর্ত্তি এক সেনাপতির সমভিব্যাহারে যনদূতের ন্যায় কতকগুলি  
কুরূপ ও কদাকার শবরসৈন্য আসিতেছে । তাহাদিগকে  
দেখিলে ভূতবেষ্টিত ভৈরব ও দূতমধ্যবর্তী কালাস্তককে স্মরণ  
হয় । সেনাপতির নাম মাতঙ্গক পশ্চাৎ অবগত হইলাম । সুরা-  
পানে দুই চক্ষু জ্বাবর্ণ, সর্বশরীরে বিন্দু বিন্দু রক্তকণিকা লাগি-  
য়াছে, সঙ্গে কতকগুলি বড় বড় শিকারী কুকুর আছে । তাহাকে  
দেখিয়া বোধ হইল যেন, কোন বিকটাকার অসুর বন্য পশু  
ধরিয়া ধাইতে আসিয়াছে । শবরসৈন্য অবলোকন করিয়া  
মনে মনে বিবেচনা করিলাম যে, ইহারা কি ছুরাচার ও দুর্কর্ম্মা-  
বিত । জনশূন্য অরণ্য ইহাদিগের বাসস্থান, মদ্য মাংস আহার,  
ধনু ধন, কুকুর শৃঙ্গ, ব্যাঘ্র ভল্লুক প্রভৃতি হিংস্র জন্তুর সহিত  
একত্র বাস এবং পশুদিগের প্রাণবধ করাই জীবিকা ও ব্যবসায় ।  
অন্তঃকরণে দয়ার লেশ নাই, ধর্ম্মের ভয় নাই ও সদাচারের

প্রবৃত্তি নাই। ইহারা সাধুবিগর্হিত পথ অবলম্বন করিয়া সকলের নিকটেই নিন্দাস্পদ ও ঘৃণাস্পদ হইতেছে সন্দেহ নাই। এইরূপ চিন্তা করিতেছিলাম, এমন সময়ে মৃগরাজন্য শান্তি দূর করিবার নিমিত্ত তাহারা আমাদিগের আবাসতরুতলের ছায়ায় আনিয়া উপবিষ্ট হইল। অনতিদূরস্থিত সরোবর হইতে জল ও মৃগাল আনিয়া পিপাসা ও ক্ষুধা শান্তি করিল। শান্তিদূর করিয়া চলিয়া গেল।

### দিবাবসানে তপোবনের শোভা ।

ক্রমে দিবাবসান হইল। মুনিজনেরা রক্তচন্দনসহিত যে অর্ঘ্যদান করিয়াছিলেন, সেই রক্তচন্দনে অনুলিপ্ত হইয়াই যেন, স্নবি রক্তবর্ণ হইলেন। রবির কিরণ ধরাতল পরিত্যাগ করিয়া কমলবনে, কমলবন ত্যাগ করিয়া তরুশিখরে এবং তদনন্তর পর্বতশৃঙ্গে অধরোহণ করিল। বোধ হইল যেন, পর্বতশিখর সূবর্ণে মণ্ডিত হইয়াছে। রবি অস্তগত হইলে সন্ধ্যা উপস্থিত হইল। সন্ধ্যাসমীরণে তরুশাখাসকল সঞ্চালিত হইলে বোধ হইল যেন, তরুগণ বিহগদিগকে নিজ নিজ কুলায়ে আগমন করিবার নিমিত্ত অঙ্গুলিসঙ্কেত দ্বারা আহ্বান করিল। বিহগকুলও কলরব করিয়া যেন তাহার উত্তর প্রদান করিল। মুনিজনেরা ধ্যানে বসিলেন ও বন্ধাঞ্জলি হইয়া সন্ধ্যার উপাসনা করিতে লাগিলেন। দুহ্যমান হোমধেনুর মনোহর ছন্দধারাধ্বনি আশ্রমের

চতুর্দিক ব্যাপ্ত করিল। হরিষণ কুশ দ্বারা অগ্নিহোত্রবেদি আচ্ছাদিত হইল। দিনের বেলায় দিনকরের ভরে গিরিশুভার অভ্যস্তরে লুকাইয়া ছিল; এই সময় সময় পাঠিয়া অন্ধকার তথা হইতে সহসা বহির্গত হইল। সন্ধ্যা কর প্রাপ্ত হইলে তাহার শোকে দুঃখিত ও তিমিররূপ মলিনবসনে অবশুষ্টিত হইয়া বিভাবরী আগমন করিল। ভাস্করের প্রতাপে ব্রহ্মগণ ভাস্করের ন্যায় ভরে লুকাইয়াছিল, অন্ধকার পাঠিয়া অমনি গগনমার্গে বহির্গত হইল। পূর্বদিগ্ভাগে সুধাংগুর অংগ অন্ন অন্ন দৃষ্টিগোচর হওয়াতে বোধ হইল যেন, শ্রিয়সমাগমে আচ্ছাদিত হইয়া পূর্ব দিক্ দশনবিকাশপূর্বক মন্দ মন্দ হাসিতেছে। প্রথমে কলামাত্র, ক্রমে অর্ধমাত্র, ক্রমে ক্রমে সম্পূর্ণমণ্ডল দশন প্রকাশিত হওয়াতে সমুদায় তিমির বিনষ্ট হইয়া গেল। কুমুদিনী বিকসিত হইল। মন্দ মন্দ সন্ধ্যাসমীরণ সুখাসীন আশ্রমমৃগগণকে আচ্ছাদিত করিল। জীবলোক আনন্দনর, কুমুদ গন্ধমর ও তপোবন স্বেচ্ছাস্বায় হইল। ক্রমে ক্রমে চারি দণ্ড রাত্রি হইল।

### যুবা ব্যক্তির প্রতি উপদেশ।

যৌবন অতিবিষম কাল। যৌবনরূপ বনে প্রবেশিলে বন-জন্তুর ন্যায় ব্যবহার হয়। যুবা পুরুষেরা কাষ, ক্রোধ, লোভ প্রভৃতি পণ্ডর্যকে সুখের হেতু ও স্বর্গের সেতু জ্ঞান করে। যৌবনপ্রভাবে মনে এক প্রকার তম উপস্থিত হয়, উহা কিছু-

তেই নিরন্তর হয় না। যৌবনের আরম্ভে দীর্ঘনিঃশ্বাসে পূর্ণ বর্ষাকালীন নদীর ন্যায় কলুষিতা হয়। বিষয়ভূষণা ইন্দ্রিয়গণকে আক্রমণ করে। তখন অতি গর্হিত অসৎ কর্মকেও চক্ষুর্ময় বলিয়া বোধ হয় না। তখন লোকের প্রতি অভ্যাচার করিয়া স্বার্থসম্পাদন করিতেও লজ্জা বোধ হয় না। সুরাপান না করিলেও, চক্ষুর দোষ না থাকিলেও, ধনমদে মত্ততা ও অন্ধতা জন্মে। ধনমদে উন্মত্ত হইলে হিতাহিত বা সদসধিবেচনা থাকে না। অহঙ্কার ধনের অনুগামী। অহঙ্কৃত পুরুষেরা মানুষকে মানুষ জ্ঞান করে না। আপনাকেই সর্বাপেক্ষা জ্ঞান, বিদ্যান ও প্রধান বলিয়া ভাবে, অন্যের নিকটেও সেইরূপ প্রকাশ করে। তাহার খতাধ একরূপ উচ্ছত হয় যে, আপন মতের বিপরীত কথা শুনিলে তৎক্ষণাৎ খড়্গহস্ত হইয়া উঠে। প্রভুত্ব-রূপ হালাহলের ঔষধ নাই। প্রভুত্বেরা অধীন লোকদিগকে দাসের ন্যায় জ্ঞান করে। আপন সুখে সন্তুষ্ট থাকিয়া পরের দুঃখ ও পত্ন্যাপ কিছুই দেখিতে পায় না। তাহারা আর স্বার্থপর ও অন্তের অনিষ্টকারক হইয়া উঠে। যৌবরাজ্য, যৌবন, প্রভুত্ব ও অতুল ঐশ্বর্য, এ সকল কেবল অনর্থপরম্পরা। অসামান্য-ধীশাক্তসম্পন্ন ব্যক্তিরাই ইহার স্তরঙ্গ হইতে উদ্ধীর্ণ হইতে পারেন। তীক্ষ্ণবুদ্ধিরূপ দৃঢ় নৌকা না থাকিলে উহার প্রবল প্রবাহে মগ্ন হইতে হয়। একবার মগ্ন হইলে আর উঠিবার সামর্থ্য থাকে না।

সংক্ষেপে বলিলেই বে, সং ও বিনীত হয়, একথা অগ্রাহ্য।

উর্ধ্বা ভূমিতে কি কণ্টকীকৃত করে না? চন্দনকাষ্ঠের বর্ষণে যে অগ্নি নির্গত হয়, উহার কি দাহশক্তি থাকে না? ভবানুশ বুদ্ধিমান ব্যক্তিরাই উপদেশের যথার্থ পাত্র। মূর্খকে উপদেশ দিলে কোন ফল হয় না। দিবাকরের কিরণ স্ফটিকমণির ন্যায় মৃৎপিণ্ডে কি প্রতিফলিত হইতে পারে? সহপদেশ অমূল্য ও অসমুদ্রসমুত্ত রত্ন। উহা শরীরের বৈরুণ্য প্রভৃতি জরার কার্য প্রকাশ না করিয়াও বুদ্ধি সম্পাদন করে। ঐশ্ব্যশালীকে উপদেশ দেয় এমন লোক অতি বিরল। যেমন গিরিশুহার নিকটে শব্দ করিলে প্রতিশব্দ হয়, সেইরূপ পার্শ্ববর্তী লোকের মুখে প্রভুবাক্যের প্রতিধ্বনি হইতে থাকে, অর্থাৎ প্রভু যাহা কহেন, পারিষদেরা তাহাই যুক্তিযুক্ত বলিয়া অঙ্গীকার করে। প্রভুর নিতান্ত অসঙ্গত ও অন্যায় কথাও পারিষদদিগের নিকটে সুসঙ্গত ও ন্যায়ানুগত হয়, এবং সেই কথার পুনঃ পুনঃ উল্লেখ করিয়া তাহারা প্রভুর কতই প্রশংসা করিতে থাকে। তাহার কথার বিপরীত কথা বলিতে কাহারও সাহস হয় না। যদি কোন সাহসিক পুরুষ ভয় পরিত্যাগ করিয়া তাহার কথা অস্ত্রার ও অব্যক্ত বলিয়া বুঝাইয়া দেন, তথাপি তাহা গ্রাহ্য হয় না। প্রভু সে সময় বধির হন, অথবা ক্রোধাক্ত হইয়া আশ্রমভেদ বিপরীতবাদীর অপমান করেন। অর্থ অনর্থের মূল। মিথ্যা অভিমান, অকিঞ্চিৎকর অহঙ্কার ও বৃথা গুহৃত্য প্রায় অর্থ হইতেই উৎপন্ন হয়।

## রানেলাস ।

গিরিগর্ভ অতি মনোহর ! উহার চতুর্দিক নানাবিধ শুক-  
মণ্ডলীতে আচ্ছন্ন, এবং গিরিনদীর তীরবিকসিত কুম্ভমে সর্বদা  
আলোকময়। মন্দ মন্দ গন্ধবহ নানাবিধ গন্ধলতা কম্পিত  
করিয়া চতুর্দিকে সুগন্ধ বিস্তার করিত, এবং প্রতিমাসে বৃক্ষের  
ফল পরিণত হইয়া ভূতলে পতিত হইত। বন্য ও পোষিত পশু  
মাঠের চতুর্দিকে চরিয়া বেড়াইত, হিংস্র জন্তু তথায় আসিতে  
পারিত না। কোন দিকে গোমেষাদির পাল চরিতেছে, কোন  
দিকে হরিণ ও হরিণীগণ লক্ষ প্রদানপূর্বক ঠিতস্ততঃ দৌড়ি-  
তেছে, কোন স্থলে ছাগশাবক প্রস্তরের উপর লক্ষ লক্ষ দিয়া  
বেড়াইতেছে, কোন স্থানে গম্ভীরস্বভাব হস্তী তরুতলের ছায়ায়  
শয়ন করিয়া সুখে বিশ্রাম করিতেছে, কোথাও বা চঞ্চল কপি-  
কুল এক বৃক্ষ হইতে বৃক্ষাকরের শাখায় লক্ষ দিয়া পড়িতেছে,  
দেখিতে পাওয়া যাইত। পৃথিবীর সমুদায় আশ্চর্য্য বস্তু তথায়  
সংগৃহীত হইয়াছিল। জগতের সমুদায় সুখ সচ্ছন্দ তথায় আসিয়া  
একত্রিত হইয়াছিল, সংসারের সমুদায় দুঃখ সস্তাপ তথা হইতে  
পলায়ন করিয়াছিল।

---

পুরাতনপাঠের উপকার ।

কোন বিষয় বিশেষরূপে জানিতে হইলে তাহার কাৰ্য্য  
অনুসন্ধান করিয়া দেখিতে হয়। মানবগণের বিশেষ বিবরণ



জানিতে হইলে তাহাদিগেৰ কৰ্ম দেখিতে হয় । তাহা হইলে আমাৰা জানিতে পাৰি, কোন কাৰ্য্য ন্যায়ানুসাৰে সম্পাদিত হইয়াছে, কোন কৰ্ম্মই বা কেবল ইচ্ছানুসাৰে অনুষ্ঠিত হইয়াছে, এবং সেই সেই কৰ্ম্ম আৱন্তেৰ প্রধান কাৰণই বা কি ? বৰ্ত্তমান বিষয় যথার্থৰূপে জানিতে হইলে অতীত বিষয়েৰ সাহিত তুলনা কৰিয়া দেখিতে হয় । কাৰণ, সকল জ্ঞানই তুলনাসাপেক্ষ । আৰ তুলনা কৰিয়া না দেখিলে ভবিষ্যৎ বিষয় কিছুই জানা যায় না । বিশেষতঃ বৰ্ত্তমান বিষয়ে মন অধিক কণ ব্যাপ্ত থাকে না, আমাৰা সৰ্বদা অতীত বিষয় স্মৰণ কৰিয়া থাকি, এবং নিৱন্তৰ অনাগত বিষয় চিন্তা কৰিয়া মনকে ব্যাপ্ত রাখি । শোক, আনন্দ, অমুৰাগ, ঘৃণা, আশা, ভয় প্ৰভৃতি কৰ্ণে কৰ্ণে আমাদিগেৰ অন্তঃকৰণে আবিভূত হয় । তাহাৰ মধ্যে শোক ও আনন্দ, অতীত ঘটনাৰ কাৰ্য্যৰূপ । ভাবী ঘটনাৰ সাহিত আশা ও ভয়েৰ সম্পৰ্ক আছে । অমুৰাগ ও ঘৃণাও অতীত বৃত্তান্ত অৱলম্বন কৰে । যেহেতু, কাৰণ অবশ্যই কাৰ্য্যেৰ পূৰ্ববৰ্ত্তী থাকে, সন্দেহ নাই ।

বন্তৰ বৰ্ত্তমান অৱস্থা অতীত কাৰণেৰ কাৰ্য্যৰূপ । আমা-  
নিগেৰ বে সকল ভাল মন্দ ও সুখ দুঃখ ঘটে, তাহাৰ কাৰণ  
সন্ধান কৰিতে আমাদিগেৰ স্বভাৱতঃ প্ৰবৃত্তি জন্মে । কিন্তু পূৰ্ব-  
বৃত্ত পাঠ ব্যতিৰেকে উহা সুন্দৰৰূপে সম্পন্ন হয় না । পূৰ্ববৃত্ত  
পাঠগাৰা আমাৰা অনেক জানিতে পাৰি, এবং বিপদ ও  
দুঃখনিবাৰণেৰ অনেক উপায় শিখিতে পাৰি । বে সময়ে

আমাদিগের হস্তে কেবল আমাদিগেরই রক্ষণাবেক্ষণের ভার থাকে, সে সময় আমরা পুরাবৃত্তপাঠে অনন্যযোগী হইলে, বুদ্ধিমানের কৰ্ম্ম করা হয় না। আর যদি আমাদিগের উপর রাজ্যরক্ষা ও প্রজা প্রতিপালনের ভার সমর্পিত হইয়া থাকে, তাহা হইলে আমাদিগের পুরাবৃত্ত না জানা অতি অন্ত্যায় ও অশুচিত কৰ্ম্ম। বে হেতু ঠেচ্ছাপূৰ্ণক অনভিজ্ঞ থাকি অতি দোষের কথা, এবং অনিষ্টনিবারণের সূচ্য থাকিতেও তাহা অভ্যাস না করিয়া বিপদে পড়া অতি নিকৃদ্ধিতার কায।

পুরাবৃত্তের যে প্রকরণে মানবগণের মনোবৃত্তির উৎকর্ষ, তর্কশক্তির উন্নতি, বিজ্ঞানশাস্ত্রের শ্রীবৃদ্ধি, চিন্তাশক্তিসম্পন্ন জীবের আলোক ও অন্ধকার স্বরূপ জ্ঞান ও অজ্ঞানের প্রাদুর্ভাব, শিল্পবিদ্যার আবির্ভাব ও তিরোভাব, অসাধারণধীশক্তিসম্পন্ন পণ্ডিতমণ্ডলীর মত ও অভিপ্রায়পরিবর্তের বিষয় বর্ণিত আছে, তাহা পাঠ করা নিতান্ত আবশ্যিক। অন্যান্য প্রকরণ অপেক্ষা উহা সমধিক উপকারজনক ও সাতিশয় ফলোপধায়ক। যুদ্ধ ও আক্রমণের বিবরণ অবগত হওয়া রাজাদিগের বিশেষ কর্তব্য বটে, কিন্তু ঐ সকল বিষয়ে অনাদর করাও তাঁহার উচিত নয়। বাহাদিগের রাজ্যশাসন করিতে হয়, তাঁহাদিগেরও আপন আপন বুদ্ধিবৃত্তির সংস্কার করা আবশ্যিক।

---

শিল্পচর্চার ফল।

উপদেশ অপেক্ষা দৃষ্টান্ত অধিক ফলোপধায়ক। সংগ্রাম-

ভূমিতে উপস্থিত হইয়া যুদ্ধকৌশল না দেখিলে সেনা হয় না, চিত্র লিখিতে অভ্যাস না করিলেও চিত্রকর হয় না । অন্যান্য গুরুতর কন্ম প্রায় দেখিতে পাওয়া যায় না, কিন্তু শিল্পবিদ্যা-প্রভাবে যে সকল বৃহৎ বাণ্যার সম্পাদিত হইয়াছে, তাহা দেখিবার ইচ্ছা হইলে প্রায় সর্বত্র দেখিতে পাওয়া যায় । যখন আমরা কোন অসামান্য আশ্চর্য্য বাণ্যার অবলোকন করি, প্রথমতঃ আমরাইগের মনে বিস্ময় জন্মে । তদনন্তর কি উপাদানে ও কিরূপে সেই বৃহৎ বাণ্যার সম্পাদিত হইয়াছে, আমরা তাহা জানিতে উৎসুক হই । তখন প্রথম বুদ্ধি ও চিন্তাশক্তি বিশেষ কাজে লাগে । তখন নব নব জ্ঞানও উদ্ভাবন দ্বারা অভিজ্ঞতা বিস্তীর্ণ হয়, যে শিল্পবিদ্যা মনুষ্যমণ্ডলী মধ্যে বিলুপ্ত হইয়া গিয়াছে, তাহা প্রকাশিত হইতে পারে, এবং যে দেশে যে শিল্পবিদ্যা অপরিজ্ঞাত হইয়া আছে, তথায় তাহা পরিজ্ঞাত হইবারও সম্ভাবনা । অন্ততঃ আমরা প্রাচীন শিল্পবিদ্যার সঠিত বর্তমান শিল্পকৌশলের তুলনা করিয়া দেখিতে পারি, এবং ইদানীন্তন শিল্পকৌশলের উন্নতি ও শ্রীবৃদ্ধি দেখিলে সন্দেহ হই, হাস দেখিলে তাহার পুনরুদ্ধারের চেষ্টা পাই । এই সকল কারণবশতঃ স্থির হইতেছে যে, শিল্পবিদ্যা-প্রভাবে যে সকল অদ্ভুত বস্তু নির্মিত হইয়াছে, তাহা স্বচক্ষে অবলোকন করা ও তাহার সবিশেষ অনুসন্ধান লওয়া অতি আবশ্যিক ।

রাজকৃষ্ণ বন্দ্যোপাধ্যায় ।

টেলিমেকস ।

টেলিমেকসের মনোভাষণ ।

আমি উত্তর করিলাম, হায় ! এক্ষণে রাজনীতি পর্যালোচনার প্রয়োজন কি ! আমাদের ইথাকা নগরী প্রতিগমনের আশা নাই । জন্মাবচ্ছিন্নে আর জননী ও জন্মভূমি দেখিতে পাইব না ! আর ইহাও একবারেই অসম্ভাবিত নয় যে, পিতা পরিশেষে স্বদেশে প্রত্যাগমন করিতে পারেন ; কিন্তু যদিই দৈবানুগ্রহবলে প্রত্যাগমন করেন, আর তিনি কখনই নন্দনালিঙ্গনরূপ অনুপম আনন্দরসের আশ্বাদনে অধিকারী হইবেন না, এবং আমিও রাজ্যশাসনযোগ্য কাল পর্য্যন্ত পিতার আদেশানুবর্তী থাকিয়া আত্মাকে চরিতার্থ করিতে পারিব না । দেবতারা আমাদের প্রতি অনুকম্পাশূন্য হইয়াছেন । অতএব হে প্রিয় বাহুব ! মৃত্যুই আমাদের পক্ষে শ্রেয়স্কর, এক্ষণে মৃত্যুচিন্তা ব্যতিরিক্ত আর সকল চিন্তাই বৃথা । আমি শোকে একরূপ বিহ্বল হইয়াছিলাম, এবং কখনকালে মুহমূহঃ এমন দীর্ঘ নিশ্বাস পরিত্যাগ করিতে লাগিলাম যে, আমার বাক্য প্রায় বৃথিতে পারা যায় না । কিন্তু মেণ্টের উপস্থিত বিপদে কিঞ্চিন্মাত্র ভীত হইয়াছেন একরূপ বোধ হইল না । তিনি কহিতে লাগিলেন, টেলিমেকস ! তুমি মহাবীর ইউলিসিসের পুত্র বলিয়া

পরিচয় দিবার যোগা নহ। তুমি কি প্রতীকারচিন্তার পরাশ্রয়  
 হইয়া বিপদে অভিভূত হইবে? তুমি নিশ্চিত জানিবে, যেদিনে  
 জননী ও জন্মভূমি পুনর্বার তোমার নয়নগোচর হইবে, সেই  
 দিন নিকটবর্তী হইতেছে। ইহা তুমি সচক্ষে প্রত্যক্ষ করিবে  
 যে, যিনি অসাধারণ শৌখিন্যে জগন্মণ্ডলে দুর্জয় বলিয়া  
 খ্যাতিলাভ করিয়াছেন, যিনি, কি দুর্ভাগ্য কি সৌভাগ্য, সকল  
 সময়েই অবিকৃতচিত্ত, তুমি এক্ষণে যে রূপ বিপদে পতিত হই-  
 য়াছ, তদপেক্ষা ভীষণতর বিপদেও যিনি অক্ষুণ্ণচিত্ত থাকেন ও  
 তাহা সময়েও বাঁহার স্নেহী প্রশাস্তচিত্ততা থাকে যে, তদর্শনে  
 তুমি বিপৎকালে সাহসাবলম্বনের উপদেশ পাঠিতে পার, এবং  
 বাঁচাকে এই সমস্ত অলৌকিক গুণসম্পন্ন বলিয়া তুমি কখন  
 জানিতে পার নাহি, সেই মহানুভব মহাবীর ইউলিসিস বনঃশশ-  
 ধরে জগন্মণ্ডল দেদীপ্যমান করিয়া পুনরায় সিংহাসনে অধি-  
 রোহণ করিবেন। এক্ষণে তিনি প্রতিকূলবায়ুবশে যে দূর  
 দেশে নীত হইয়া আছেন, যদি তথায় তিনি - গুনিতে পান,  
 তাহার পুত্র পৈতৃক ধৈর্য্য ও পৈতৃক বীর্য্যের উত্তরাধিকারী  
 হইতে যত্ববান নহেন, তাহা হইলে তিনি এতাবৎ কাল পর্য্যন্ত  
 ঘোরতর দুর্দশাগ্রস্ত হইয়া যে অশেষ ক্লেশ ভোগ করিয়াছেন  
 তদপেক্ষা এই সংবাদ তাহার পক্ষে নিঃসন্দেহ সমধিক ক্লেশাবহ  
 হইবেক।

মিসরদেশের প্রাচীন অবস্থা ।

ভদনস্বর বেণ্টের কহিলেন, টেলিবেকস ! দেখ মিসর দেশের কি অল্পমম শোভা ! দর্শনমাত্র বোধ হয়, কমলা সর্বকাল বিরাজমানা আছেন । এই দেশে হাবিশ্বস্তি সহস্র নগর ; ঐ সকল নগরে কি সুন্দর শাসনপ্রণালী প্রতিষ্ঠিত আছে ; ধনবান দরিদ্রের উপর, ও বলবান দুর্বলের উপর অত্যাচার করিতে পারে না । বালকদিগের বিদ্যাভ্যাসের রীতি কি উত্তম ! তাহারাবশ্যতা, পরিশ্রম, সদাচার, ও বিদ্যানুরাগ নিত্য অভ্যাস করিয়া থাকে । পিতা মাতারা ধর্মনিষ্ঠা, নিঃস্বার্থ লোকহিতৈষিতা, সম্মানাকাজ্জা, অকপট ব্যবহার, ও দেবভক্তি এই সমস্ত গুণের বীজ শৈশবকালাবধি শীঘ্র শীঘ্র সম্মানদিগের অন্তঃকরণে রোপণ করিতে আরম্ভ করেন । এই মঙ্গলকর নিয়মাবলী অনুধ্যান করিতে করিতে তাঁহার অন্তঃকরণ আনন্দে পরিপূর্ণ হইয়া আসিল । তখন তিনি কহিতে লাগিলেন, যে রাজা এইরূপ সুনিয়মে রাজ্যশাসন ও প্রজাপালন করেন, তাঁহার প্রজারাই স্বার্থ সুখী ; কিন্তু যে ধর্মপরায়ণ রাজার দ্বারা ক্রিয়োগুণে অসংখ্য লোকের সুখ সংবর্দ্ধিত হয়, এবং ধর্মপ্রবৃত্তির প্রবলতানিবন্ধন যাঁহার হৃদয়কন্দর নিরন্তর অনির্কচনীর আনন্দরসে উচ্ছলিত থাকে, তিনি তাহাদিগের অপেক্ষা অধিক সুখী । তাঁহাকে ছুরাচার নরপতিদিগের ন্যায় ভয় দেখাইয়া প্রজাদিগকে বশীভূত রাখিতে হয় না, প্রজারা নিজেই তাঁহার রমণীয় গুণগ্রামে মুগ্ধ ও প্রীত হইয়া বশীভূত থাকে, এবং তদীয় আজ্ঞা

প্রতিপালন করিয়া আত্মাকে চরিতার্থ বোধ করে। তিনি  
 প্রজাগণের হৃদয়রাজ্যে আধিপত্য করেন। প্রজারা তাঁহাকে  
 এরূপ স্নেহ ও ভক্তি করে যে, তাহাদিগের তদীয় রাজ্যভঙ্গের  
 অভিলাষ করা দূরে থাকুক, তাহারা তাঁহার মর্ত্যতা চিন্তা করিয়া  
 সাতিশর কাতর হয়, এবং যদি আপন আপন জীবন দিলে  
 রাজা চিরজীবী হইতে পারেন, তাহাতেও পরাশ্রয় হয় না।



রামকমল ভট্টাচার্য্য ।

বেকন ।

স্বাস্থ্যরক্ষা ।

স্বাস্থ্যরক্ষার অনেক নিয়ম শাস্ত্রে উক্ত নাই, আপনিই বুঝিয়া লইয়া চলিতে হয় । সকলের ধাতু সমান নহে, এক প্রকার আচার সকলের সহ্য হয় না, সুতরাং কিরূপ আচার করিলে শরীর সুস্থ বা অসুস্থ হয়, ইহা অনেক স্থলে আপনাকেই অনুভব করিয়া লইতে হয় । যে রূপ আচার তোমার ধাতুতে সহিল না দেখিলে, তৎক্ষণাৎ তাহা পরিবর্তন করিবে । কিন্তু এক্ষণে কিছু অনিষ্টকর হইতেছে না বলিয়া তোমার পক্ষে পথ্য মনে করিও না । যৌবনাবস্থায় রক্ত সতেজ থাকে, তখন কোন অত্যাচারের ফল হঠাৎ টের পাওয়া যায় না, কিন্তু বৃদ্ধাবস্থায় রক্তের জোর কমিলে সেই অত্যাচারের ফলস্বরূপ একেবারে নানা রোগে ধরে । আহারের বিষয়ে অকস্মাৎ পরিবর্তন করিও না । যদি কখন এরূপ করা নিতান্ত আবশ্যিক হয়, তবে অন্যান্য বিষয়েও অসুস্থরূপ পরিবর্তন দ্বারা সামঞ্জস্যরক্ষা করিবে ।

আহার নিদ্রা শ্রম প্রভৃতির বর্তমান ব্যবস্থানিবন্ধন যদি কোন অসুবিধা বোধ হয়, তবে অল্পে অল্পে তাহা পরিবর্তন কর । আবার পরিবর্তননিবন্ধন যদি অসুখ হয়, তবে পুনর্বার পূর্বের মত ব্যবহার করিবে । তোমার ধাতুতে কি সহ্য বা অসহ্য হয়, তুমি তির অন্যের তাহা বুঝিবার ক্ষমতা নাই । ব্যায়াম আহার



ও নিদ্রার সময় প্রসন্ন ও প্রফুল্ল থাকা অতি আবশ্যিক । উৎকট ভয়, উদ্বেগ, দ্বেষ, অসুখ, ক্রোধ, দৌর্মনসী, চিন্তা ও অতিশয়োগ্লাস প্রযত্নপূর্ব্বক পরিহার করিবে । এক প্রকার আমোদে ব্যাসনী হইও না । বিবিধ কলা চিত্র ইতিবৃত্ত ও উপাখ্যান প্রভৃতি সাহিত্যিক আমোদ দ্বারা চিত্ত প্রফুল্ল রাখিবে । যে সকল উদাত্ত বিষয় পর্যালোচনে মন বিকসিত ও বিক্ষারিত এবং চমৎকাররস উচ্ছলিত হয়, তাহাতেও মনোনিবেশ করিবে । একেবারেই ঔষধ পরিবর্জন করিও না, তাহা হইলে নিতান্ত আবশ্যিক হইলেও ঔষধ খাটিবে না । আবার চিরকাল ঔষধ খাওয়া অভ্যাস করিলে পীড়ার সময় ঔষধে কিছু ফলোদয় হইবে না । ঔষধসেবনের অভ্যাস না রাখিয়া আহারের ব্যবহাবিষয়ে সর্বিশেষ সাবধান থাকা উচিত । পথ্যশনে প্রাচীন রোগের যেক্রপ উপশম হয়, ঔষধে সেক্রপ নয় ।

শরীরে কোন আকস্মিক বৈগুণ্য দেখিলে তুচ্ছ জ্ঞান করিও না, তদ্বিষয়ে বিচক্ষণ ব্যক্তির মত অনুসন্ধান করিবে । পীড়ার সময় শুদ্ধ আরোগ্য লাভই পরমার্থ মনে করিবে, তখন ক্ষণিক সুখানুরোধে অপথ্য বিষয়ে লোভ করিও না । সুপ্তদশায় শ্রমে বিমুখ হইও না । শরীর কষ্টসহ হইলে কোন রোগেই কাবু করিতে পারে না ।

স্বচ্ছন্দে নিদ্রা যাইবে, কিন্তু রাত্রিভাগরণেরও অভ্যাস রাখিবে । পর্যাপ্ত ভোজন করিবে, কিন্তু লজ্জনেও কাতর হইবে না । প্রতিদিনই শ্রম করিবে, কিন্তু মধ্যে মধ্যে বিরামেরও

অভ্যাস রাখিবে । এইরূপ বন্দ আচরণই আয়ুষ্য ও স্বাস্থ্যকর । অনেক চিকিৎসক আরোগ্যের দিকে দৃষ্টি না রাখিয়া শুধু রোগীর ক্রটির অনুবৃত্তি করে । আবার কেহ কেহ রোগীর ধাতু ও প্রকৃতি-বিশেষের অনুবোধে শাস্ত্রোক্ত পদ্ধতির রেখামাত্রও অতিক্রম করে না । উভয়েই নিন্দনীয় ও অকর্মণ্য । একজন মধ্যবৃত্তি চিকিৎসক বাছিয়া লও । যদি একজন না মিলে, তবে দুই প্রকার দুইজন মনোনীত কর । চিকিৎসক মনোনীত করিবার সময় হাতযশের গৌরব করিও না । তোমার ধাতুবিশেষ বুঝিতে অসমর্থ হইলে সাক্ষাৎ ধনুস্তরিও কিছু করিতে পারিবেন না ।

### সস্তান ।

সস্তানে নানাপ্রকার সুখ আছে বটে, কিন্তু অসুখও বিস্তর । আত্মবিষম্বরূপ কতিপয় কুলভক্ত সংবেষ্টিত হইয়া সংসারযাত্রা নির্বাহ করিতে অস্তঃকরণে একপ্রকার সসংবেদ্য সন্তোষ সস্তানিত হয় + কিন্তু আবার সস্তান রুগ্ন হুবৃত্ত বা অবশ্য হইলে সংসার ক্লেশগণের বলিয়া প্রতীয়মান হয় । অতি গুণবান ও প্রিয়মদ হইলে নানা অস্বস্তিশঙ্কার সর্বদাই সঙ্কচিত থাকিতে হয়, কখন কি হয় এরূপ উদ্বেগ অনুক্ষণ অস্তঃকরণে জাগরুক থাকে । সস্তান থাকিলে সাংসারিক ব্যাপারে পরিশ্রম করিতে কষ্টবোধ হয় না, কিন্তু হৃৎপের দশায় সস্তানের হৃৎপ দেখিলে নিজ হৃৎপ বিশৃঙ্খল বোধ হয় । সস্তান থাকিলে সাংসারিক চিন্তা ও উদ্বেগ অনেক পরিবর্দ্ধিত হয়, আবার সস্তান জীবিতবান

রাখিয়া মরিতে পারিলে মৃত্যুভয় অনেক লঘুকৃত হয়। সন্তানবান অপেক্ষা নিঃসন্তান লোকদিগকে অনেক মহৎকর্ম সম্পাদনে সমর্থ দেখিতে পাওয়া যায়। যাঁহাদিগের বাহ্য শরীরের প্রতি-  
বিষ প্রতিফলিত হয় নাট, অধিকাংশ তাঁহারাষ্ট অস্তঃকরণের প্রতিবিম্বস্বরূপ যশ অনুষ্ঠানে চিরস্মরণীয় চিহ্ন দেদীপ্যমান রাখিয়া লোকান্তরিত হইলেন। নিরপত্যেরা প্রায় দেবালয় বিদ্যা-  
লয় আবসথ আরোগ্যশালা প্রভৃতি পরমার্থানুষ্ঠানার্থ বিত্ত বিনি-  
য়োগ করেন।

বহুসন্তান স্থলে পিতা মাতা সকলকে সমান স্নেহ করেন না। বিশেষতঃ মাতা সন্তানবিশেষে অন্যায় পক্ষপাত প্রকাশ করেন। পিতার প্রযত্নে পুত্র ক্রতশালী হয়, এবং মাতার আদ-  
রেই দুর্ললিত ও দুর্ন্যাসক্ত হয়। বহুসন্তান স্থলে দুই তিনটী মাত্র জনমিত্ত্বজনের বহুমানভাজন হয়। অবরজগুলি একান্ত দুর্ললিত ও অবিধেয় হয়, কিন্তু অনতিলালিত ও উপেক্ষিতপ্রায় সন্তান-  
গুলি বড় হইয়া পরিণামে লোকসমাজে গণনীয় হইয়া থাকে।

সকল স্থলেই সন্তানের আকার ওনা অপরামর্শ বটে, কিন্তু ভবিষ্যে নিতান্ত কার্পণ্য প্রকাশ করাও উচিত নহে, তাহা হইলে নীচের সহিত সংসর্গ, অপহরণে আসক্তি ও নানা কুসৃষ্টি-  
কল্পনায় প্রবৃত্তি জন্মে। বাল্যকাল অতি কৃষ্ণে অতিবাহিত হইলে পর যৌবনে বিষয় হস্তগত হইলে অত্যন্ত উশৃঙ্খলতা জন্মে, তখন চিরনিকৃষ্ট ভোগেচ্ছা উদ্যমরূপে বিভূষিত হইয়া একে-  
বারে নানা দোষ আসিয়া ধরে। অতএব বাল্যস্বভাবমূলত কোন

কোন মনোরিধ সাধন করা বিধি । যে পিতা মাতা, যে সেবক, বা-যে শিক্ষক, বিনয়নোদ্যে ভ্রাতৃগণের মধ্যে অন্যান্যজিগীষা বা স্পর্ধা উদ্বেজিত করে, তাহারা অতি নির্কোষ । উহাতে তৎকালে সৌভ্রাতৃ উন্মূলিত হইয়া উত্তরকালে গৃহবিচ্ছেদের বীজ বিক্ষিপ্ত হয় । পিতার উচিত, পুত্রের বাল্যাবস্থায় আয়ত্তি আলোচনাপূর্বক অভিমত বৃত্তি বা ব্যবসায় মনোনীত করেন, এবং তখনই তদনুরূপ শিক্ষাকার্যো নিযুক্ত করেন । তখন প্রকৃতি অতি কোমল থাকে, অক্লেশেই অভীষ্ট বিষয়ে লওয়াইতে পারা যায় । তখন বালকের অভিক্রটি, বা প্রকৃতিবিশেষের ঐকান্তিক অনুরোধ রক্ষা করা অকর্তব্য । তৎকালে এমত মনে করা উচিত নয় যে, বালকের ক্রটি যে দিকে নিসর্গতঃ প্রধাবিত হয়, সে তাহা অনায়াসে পরিপক্করূপে শিক্ষা করিবে । বালকের স্বভাব অতি চঞ্চল, কোন বিষয়ে নিশ্চল বা দৃঢ় অভিনিবেশ থাকে না, সুতরাং তখন কোন বিষয়ে ক্রমিক অভিনিবেশবিশেষদর্শনে প্রকৃতিবিশেষ অনুমান করিয়া তাহার পরকালে জলাঞ্জলি দেওয়া অতি মূঢ়ের কর্ম । কিন্তু যদি স্থলবিশেষে অসন্ধিগ্ন লিঙ্গ দ্বারা তাহার প্রকৃতিবিশেষ অতি উৎকণ্ণ বোধ হয়, সেখানে তাহার কোনরূপ প্রতিরোধ করা বিধেয় নহে । কিন্তু সামান্যাকারে একরূপ নিয়ম নির্দেশ করা যাইতে পারে যে, যে বৃত্তি অবলম্বন করিলে উত্তরকালে বিপুল বিভব ও মানসম্মম উপার্জন করিতে সমর্থ হইবে, অতি যত্নপূর্বক সন্তানকে তাহাতেই নিয়োজিত করা উচিত, উহা প্রথমে তাহার কষ্টসাধ্য হইলেও অভ্যাসবশতঃ চম্বে সুসাধ্য ও সহজ হইবে ।

## শুভকরী ।

### লিস্বনের ভূমিকম্প ।

লিস্বন নগরে, ১৭৫৫ অব্দের ১ লা নবেম্বরের পূর্বাঙ্কের  
ন্যায় মনোহর পূর্বাঙ্ক আর কখনই নয়নগোচর হয় নাই ।  
আকাশমণ্ডল সম্পূর্ণস্থিরভাবে পল্ল ও নির্মল । অংগুঠালী অতি  
উজ্জ্বল প্রভায় অংগুঠাল বিস্তার করিতেছিলেন । ঘর্ষটনার  
কোন লক্ষণই নাই ; কিন্তু অল্পক্ষণ পরেই এই সুবিস্তৃত জনপূর্ণ  
সমৃদ্ধ নগর এককালে ভীষণ সংহারমূর্ত্তি ধারণ করিল ।

ঐ দিন বেলা নয় ঘটিকার পর, আমি একখানি পত্র  
লিখিতেছিলাম । পত্র লেখা সমাপ্ত হইবামাত্র সহসা আমার  
সম্মুখস্থ টেবিলটী বিলক্ষণ কম্পিত হইতে লাগিল দেখিয়া  
বিস্মিত হইয়া উঠিলাম । তৎকালে বায়ুর কিছুমাত্র সঞ্চারণ ছিল  
না ; তবে কি কারণে এক্ষণ ঘটনা উপস্থিত হইল চিন্তা করি-  
তেছি, এমন সময়ে আমার আবাসবাটীর মূল অর্ধ অগ্রভাগ  
পর্ষ্যন্ত কম্পিত হইতে লাগিল । আমি প্রথমে স্থির করিলাম  
যে, বাটীর পার্শ্বস্থ পথে যে সকল শকটশ্রেণী চালিত হইতেছে,  
তাহাদেরই চক্রধ্বনি দ্বারা এক্ষণ কম্প উপস্থিত হইয়া থাকিবে ।  
কিন্তু কিরূপে একাগ্রচিত্তে শ্রবণ করিয়া বুঝিতে পারিলাম যে,  
দূরস্থ বজ্রধ্বনিসদৃশ এক ভীষণ শব্দ ভূমির অভ্যন্তর হইতে উত্থিত  
হইতেছে । প্রায় তিন পল অতীত হইল, তথাপি উহার নিবৃত্তি  
হইল না । তখন আমার মনে ভয়ের সঞ্চারণ হইল । স্পষ্টই  
বুঝিতে পারিলাম যে, উহা ভূমিকম্পেরই সম্পূর্ণ লক্ষণ ।

অনন্তরী হস্তস্থিত লেখনী টেবিলের উপর রাখিলাম । আমার সমুদায় শরীর চকিত হইয়া উঠিল । তখন আমি, এই গৃহমধ্যেই অবস্থিতি করি, কি বহির্গত হইয়া পথের দিকে ধাবমান হই, এইরূপ চিন্তা করিতেছিলাম, এমন সময়ে এক অত্যন্ত ভয়ানক শব্দ উথিত হইল । উহাতে আমি এক কালে নিস্তব্ধ হইলাম ; ভাবিলাম যেন, নগরস্থ যাবতীয় অট্টালিকাই যুগপৎ ভূমিসাৎ হইল । আমার আবাসবাটী এরূপ ভীষণবেগে দোলারিত হইতে লাগিল যে, প্রতিক্রমেই উহার উপরিস্থ তলের অচিরপাতের আশঙ্কা করিতে লাগিলাম । আমি ঐ বাটীর সর্বনিম্নস্থ তলে বাস করিতাম, সুতরাং উহার তাদৃশ শীঘ্রপতনের শঙ্কা উপস্থিত হইল না । কিন্তু আমার গৃহস্থিত সমুদায় সামগ্রীই স্বস্থানভ্রষ্ট হইয়া ইতস্ততঃ বিক্ষিপ্ত হইতে লাগিল । পদতল কোন ক্রমেই ভূতলে স্থিরভাবে রহিল না ।

যখন গৃহের ভিত্তিসকল ভয়ানকভাবে ইতস্ততঃ দোলায়মান হইতে লাগিল ; যখন ভিত্তির অনেক স্থান বিদীর্ণ ও সেই সমস্ত বিদীর্ণ স্থান হইতে বৃহৎ বৃহৎ প্রস্তরখণ্ড সকল ঝলিত হইতে লাগিল, যখন অধিকাংশ বরগার প্রান্তভাগ ভিত্তি হইতে বিছিন্ন হইয়া পড়িল, তখন, এখনই আমার চূর্ণীভূত হইয়া প্রাণত্যাগ করিতে হইবে, কেবল ইহাই স্থির করিলাম । কণকালমধ্যে বিপর্যস্ত সৌখ্যোখিত ধূলিরাশি নিবিড় ঘনঘটার ন্যায় গগনমণ্ডল আচ্ছন্ন করিল । দিঘলর এরূপ অন্ধতমর্মে আবৃত হইল যে, আর কোন বস্তুই স্পষ্ট দৃষ্ট হয় না । ভূতল

তইতে এত অধিক গন্ধকের বাষ্প উঠিতে লাগিল যে, প্রায় অর্ধ দণ্ড কাল আমার শ্বাসরোধ হইবার উপক্রম হইল ।

কিয়ৎক্ষণ পরে যখন ক্রমশঃ ভূকম্পের ভীষণতার অনেক হ্রাস হইয়া আসিল, এবং ঘনতর তিমিররাশি অগ্নে অগ্নে বিরল হুইয়া পড়িল, তখন দেখি যে, ধূলিধূসরিত, ভয়বিবর্ণ ও কম্পা-  
স্বিতকলেবর এক স্ত্রী একটী শিশুসন্তান ক্রোড়ে লইয়া আমার গৃহতলে উপবিষ্ট রহিয়াছে । দেখিবামাত্র আমি বিস্মিত হইয়া উঠিলাম । জিজ্ঞাসা করিলাম, তুমি কে ? কিরূপে এখানে উপস্থিত হইয়াছ ? সে ভয়ে এমনই অভিভূত, যে, আমার প্রশ্নের কোন উত্তরই প্রদান করিতে পারিল না ; কেবল অতি কাতরস্বরে কথঞ্চিৎ আমাকে এইমাত্র জিজ্ঞাসা করিল, “মহা-  
শয় ! আপনি কি বোধ করেন আজি পৃথিবীর প্রায় কাল উপস্থিত ?” এই কথা বলিতে বলিতেই আবার বলিয়া উঠিল, মহাশয় ! এ কি, আর যে নিশ্বাস আকর্ষণ করিতে পারি না, তৃষ্ণার হৃদয় বিদীর্ণপ্রায়, যদি আপনি কৃপা করিয়া কিঞ্চিৎ জল প্রদান করেন, তবেই রক্ষা । তখন আমি জল কোথায় পাইব, সুতরাং তাহাকে কহিলাম, ইহা পিপাসাশান্তিচিন্তার সময় নহে, জীবনরক্ষার উপায়চিন্তনে তৎপর হও, এই বাটা আমাদের মস্তকে পতিত হইয়াছে বলিলেই হয়, দ্বিতীয় বার কম্পন উপস্থিত হইলে নিশ্চরই আমাদেরকে ভূমধ্যে প্রোথিত করিবে, আইস এখান হইতে পলায়ন করি ।

এই কথা বলিয়া আমি সত্বর সিঁড়ীর নীচে ধাবমান হইলাম,

সেই ভয়বিহীন অবলাও আমার বাহ অবলম্বন করিয়া অনুগমন করিতে লাগিল। যে পথটী বাটী হইতে সরল ভাবে টেগস্ নদীতীরে মিলিত হইয়াছে, আমরা সেই পথই অবলম্বন করিয়া চলিলাম। কিয়দূর যাইয়া দেখি যে, রাশীকৃত পতিত গৃহের ভগ্নাবশেষে উহা একবারে রুদ্ধ হইয়াছে, সুতরাং আমাদের অগ্রসরণে বিরত ও পশ্চাদগমনে প্রবৃত্ত হইতে হইল। যাইতে যাইতে এক প্রকাণ্ড ভগ্নাবশেষ স্তূপের সম্মুখে উপস্থিত হইলাম, তখন আমাকে আশ্রয়ক্ষা অপেক্ষা সেই শিশু-সন্তান-ধারিণী অবলার জীবনরক্ষার্থ সমধিক যত্নশালী হইতে হইল। বহুকষ্টে তাহাকে স্তূপ অতিক্রম করাইলাম, এহং পূর্ব-বৎ সমভিব্যাহারে লইয়া চলিলাম। কিয়দূর যাইয়া এমন এক স্থানে উত্তীর্ণ হইলাম, যে, যুগপৎ হস্ত ও পদ উভয়েরই সাহায্য ব্যতিরেকে উহা অতিক্রম করিতে পারা যায় না। তখন আমি অনুযায়ী স্ত্রীলোকটীকে কহিলাম, তোমাকে এই স্থানেই রুদ্ধ থাকিতে হইল, উহা হইতে তোমার উদ্ধারসাধন আমার সাধ্যায়ত্ত নহে। এই বলিয়া আমি অগ্রে গমন করিতে লাগিলাম, সুতরাং সেই অবলাকে তথায় থাকিতে হইল। আমি হস্তহরণ-পরিমিত স্থান অতিক্রম করিতে না করিতে একটা দোলারমান ভিত্তি হইতে এক প্রকাণ্ড প্রস্তরখণ্ড পতিত হইয়া ঐ হৃৎগা নারী ও তাহার শিশু সন্তান উভয়কেই চূর্ণীভূত করিল।

অনন্তর আমি এক সন্ধ্যা দীর্ঘ পথে উপনীত হইলাম। দেখিলাম, উহার উত্তর পার্শ্বস্থ সকল অট্টালিকাই চতুস্তম বা



পঞ্চতল পরিমিত উন্নত ; সমুদায় গুলিই অতি পুরাক্রম, তন্মধ্যে অধিকাংশই পতিত দেখিলাম ; কতকগুলি পতিত হইতে হইতে পথিকদিগের প্রতিপদেই মৃত্যুভয় প্রদর্শন করিতেছে ; সম্মুখে অনেকগুলি পথিকের শব পতিত দেখিলাম ; আহা ! আহা ! আর কতকগুলি পথিক একরূপ শোচনীয়ভাবে পিষ্ট ও ক্ষত-বিক্ষতশরীর হইয়াছে যে, তাহারা কোন ক্রমেই উপস্থিত সাক্ষাৎ কালান্তকের হস্ত অতিক্রম করিবার নিমিত্ত এক পদও চলিতে পারিতেছে না ।

যাহা হউক, আশ্চর্য্যকর প্রকৃতির প্রথম নিয়ম, স্মরণে আমি যথাসক্তি দ্রুত গমন করিতে লাগিলাম । কিয়ৎক্ষণ পরে সেন্টপলের গির্জার সম্মুখস্থ এক প্রশস্ত ভূভাগে উত্তীর্ণ হইয়া এক প্রকার নিরাপদ লইলাম । আমার উপস্থিতির কয়েক মুহূর্ত্ত পূর্বে গির্জাটী ভূতলশায়ী হইয়া বহুসংখ্যক জীবের জীবনসংহার করিয়াছে । আমি অল্পক্ষণ মাত্র তথায় দণ্ডায়মান হইয়া অতঃপর কি কর্তব্য চিন্তা করিতে লাগিলাম । নদীতীরই সর্ব্বাপেক্ষা নিরাপদ স্থান স্থির করিয়া গির্জার পশ্চিমপার্শ্বস্থ রানীকৃত ভগ্নাবশেষের উপর দিয়া কথঞ্চিৎ তটিনীতটে উত্তীর্ণ হইলাম, দেখিলাম, নানাশ্রেণীস্থ অসংখ্য স্ত্রীপুরুষ তথায় সমবেত হইয়াছে ; সকলেরই মুখ মৃত্যুভয়ে বিবর্ণ ; প্রত্যেকেই আত্মপাত পূর্ব্বক বক্ষস্তাড়ন করিতে করিতে উচ্চৈঃস্বরে পরমেশ্বরের নিকট রক্ষা প্রার্থনা করিতেছে ।

জীবিতরক্ষার হতাশাগ হইয়া সকলেই এইরূপ কাণ্ডরধনি

করিতেছে, এমন সময়ে দ্বিতীয়বার ভূকম্প আরম্ভ হইল। যদিও  
 ঐ কম্পন অপেক্ষাকৃত অল্প ভীষণভাবে আবিভূত হইল, তথাপি  
 উহার আঘাতদ্বারা পতিতাবশিষ্ট যাবতীয় দোলায়মান অট্টা-  
 লিকাই এককালে উন্মূলিত হইয়া পড়িল, নগরের চতুর্দিকেই  
 করুণ কোলাহল উত্থিত হইল। ঐ সময়েই আবার একটা  
 পল্লীস্থ গির্জা পতিত হইয়া বহুসংখ্যক হতভাগ্যের অপমৃত্যু  
 সাধন করিল। ঐ কম্পনের বেগ এরূপ তীব্র যে, কোনক্রমেই  
 স্থিরভাবে দণ্ডায়মান থাকা যায় নাই।

“ঐ সমুদ্রজল আসিতেছে, আর রক্ষা নাই, এখনই সকলকে  
 বারিপ্রবাহে নিমগ্ন হইয়া প্রাণত্যাগ করিতে হইবে,” হঠাৎ এই-  
 রূপ ভয়ঙ্কর কাতরধ্বনি শুনিতে পাইলাম। আমি নদীকূলের  
 যে স্থানে দণ্ডায়মান ছিলাম, তথায় স্বভাবতঃ নদীর বিস্তার প্রায়  
 দুই ক্রোশ। ঐ সময়ে নদীর আকার দেখিয়া বোধ হইল যে,  
 উহার জল অত্যন্ত ক্ষীণ হইয়াছে। কিন্তু তখন তথায় কিছু-  
 মাত্র বায়ুসঞ্চারণ ছিল না, অনতিদূরে দেখিতে পাইলাম, এক  
 প্রকাণ্ড পর্বতাকার উত্তুঙ্গ সলিলরাশি ভীষণ শব্দ ও প্রভূত  
 ফেনোদিগরণ করিতে করিতে অতি তীব্রবেগে তীরান্ধিমুখে  
 ধাবমান হইয়াছে। তৎক্ষণাৎ আমরা সকলেই প্রাণপণে  
 পলাইতে আরম্ভ করিলাম। অতি অল্প দূর যাইতে না যাইতেই  
 ঐ বারিপ্রবাহ আমাদের উপর পতিত হইল, এবং ক্ষণ মধ্যেই  
 অনেক হতভাগ্যকে সমভিব্যাহারে লইয়া ঐরূপ বেগেই স্বস্থানে  
 প্রস্থান করিল। আমি ভাগ্যক্রমে একখানি কড়িকাঠ পাইয়া-

ছিলাম । প্রবাহের আগমন পর্য্যন্ত দৃঢ়রূপে উহা আলিঙ্গন করিয়া অবশ্যস্তাব্য অপমৃত্যুর হস্ত হইতে কথঞ্চিৎ রক্ষা পাইলাম ।

অনন্তর জল ও স্থল সম্বন্ধেই সমান বিপদ উপস্থিত দেখিয়া যৎপরোনাস্তি ব্যাকুল হইলাম, এবং জীবনরক্ষার্থ কোথায় যাই চিন্তা করিতে লাগিলাম । পরিশেষে সেন্টপলের গির্জাপ্রাঙ্গণে ফিরিয়া যাওয়াই শ্রেয়ঃকল্প বিবেচনা করিয়া তৎক্ষণাৎ তদ্বিভিমুখে সত্বর প্রস্থান করিলাম । উপস্থিত হইয়া বহুক্ষণ পর্য্যন্ত সেই স্থানেই রহিলাম । দেখিলাম, সমুদ্রবর্তী নদীমধ্যে যাবতীয় পোত প্রচণ্ডবাত্যাহতের ন্যায় নিরন্তর উৎক্লিষ্ট ও নিক্লিষ্ট হইতেছে, কতকগুলি পোত ছিন্নবন্ধন হইয়া মদীর অপর পারে ভাসিয়া যাইতেছে ; কতকগুলি প্রবলবেগে ঘূর্ণিত হইতেছে ; আর কতকগুলি বৃহৎ পোত এককালে বিপর্য্যস্ত হইয়া পড়িয়াছে । কিন্তু তখন তথায় কিছুমাত্র বায়ুর প্রবলতা লক্ষিত হইল না । কিয়ৎক্ষণ পরে কতকগুলি পোতাদ্বয়ের মুখে গুনিলাম যে, যে সময়ে আমি পোতশ্রেণীর উচ্চরূপে দুর্গতি দেখিতেছিলাম, সেই সময়ে তথা হইতে প্রায় আধ পুরা দূরে একটা নূতন প্রস্তরবদ্ধ সুদৃঢ় ভীরভূমি এককালে উলসায় হইয়াছিল । নিরাপদ ভাবিয়া বহুসংখ্যক লোক ঐ স্থানে আশ্রয় গ্রহণ করে, কিন্তু তাহাদের মধ্যে এক ব্যক্তিও জলঙ্গনী কালের করালগ্রাস হইতে পরিভ্রাণ পায় নাই । ঐ সময়ে আরও কতকগুলি লোক জীবনরক্ষার্থ ক্ষুদ্র ও বৃহৎ

নানাশকার নৌকার আরোহণ করিয়াছিল; কিন্তু সেই সমস্ত হতভাগ্যস্বীবর্ণ যাবতীয় নৌকাই ভীষণ আবর্ততুল্য প্রবল জলস্রোতে নিমগ্ন হয়। পোতাধ্যক্ষগণের মধ্যে এক ব্যক্তি কহিলেন যে, দ্বিতীয় কম্পনকালে বাত্যাহত সমুদ্রের ন্যায় সমুদায় নগরটী এক এক বার পশ্চাৎ ও এক একবার সম্মুখে চালিত হইয়াছিল, এবং নদীগর্ভে ভূকম্পের একরূপ প্রাদুর্ভাব উপস্থিত হইয়াছিল যে, যাবতীয় নৌকার এককালে ভাসিয়া উঠিল, আর সেই সময়েই নদীর জল সহসা প্রায় ১৩।১৪ হাত স্ফীত হইয়া ক্ষণমধ্যেই পুনর্বার প্রকৃতিস্থ হইল।

যে স্থানে উক্তরূপ ঘটনাগুলি উপস্থিত হয়, আমি অল্পদিন পরে তথায় যাইয়া দেখি যে, কয়েকদিন পূর্বে যেখানে পাদচারণ করিয়া পরম সুখানুভব করিয়াছিলাম, তাহার কিছুমাত্র চিহ্ন মাই। সমুদ্র স্থানই জলময় হইয়াছে, বিশেষতঃ কোন কোন স্থানে জলের গভীরতা এত অধিক যে, তাহার পরিমাণ করাই দুঃসাধ্য।

আমার সেন্টপলের গির্জাপ্রাঙ্গণে উপস্থিত হইবার অল্পক্ষণ পরেই তৃতীয় বার ভূকম্প উপস্থিত হয়! ঐ কম্পন পূর্ব পূর্ব কম্পন অপেক্ষা অতি অল্পই প্রবল বোধ হইল; তথাপি অনুসন্ধান দ্বারা অবগত হইলাম যে, ঐ কম্পন দ্বারা সমুদ্রজল অতি ভীষণবেগে তীরে উখিত হইয়া ঐরূপেই অধঃপতিত হইয়াছিল। তাহাতে যে সকল পোতাশ্রিত জলের উপরিভাগে ভাসমান ছিল, তৎসমুদায় এক কালে ওহ ভূমির উপর উপাধিত হয়।

পাঠকগণ! আপনারা এই যৎসামান্য প্রস্তাব পাঠ করিয়া উল্লিখিত সংহারদিনের যাবতীয় দুর্ঘটনার বর্ণনা শেষ হইল এমন মনে করিবেন না। বস্তুতঃ উক্ত দিনের সমুদায় বৃত্তান্ত সবিস্তর বর্ণন করিতে হইলে একখানি গ্রন্থ লিখিতে হয়। যাহা হউক আমরা আর একটা অতি বস্তুকর ব্যাপারের উল্লেখ না করিয়া প্রস্তাবের উপসংহার করিতে পারিতেছি না।

উক্ত দিন প্রদোষকালে, বিরল তিমিরজাল যেমন অগ্নি অগ্নি দিগ্বলয় আবরণ করিল, অমনি এক অপূর্ণ দৃশ্য আমাদের নয়নপথে পতিত হইল। সমুদায় নগর এককালে অতি উজ্জ্বল আলোকমালায় আকীর্ণ হইয়া উঠিল। এমন কি ঐ আলোকে অনায়াসে পুস্তকাদি পাঠ করিতে পারা যাইত। দেখিতে দেখিতে নগরের শত শত স্থান হইতে যুগপৎ শত শত অগ্নিশিখা সমুখিত হইল। হতাবশিষ্ট হতভাগা নগরবাসীরা উপযুগপরি আকস্মিক বিপৎপাত দর্শনে ভয়ে একরূপ অভিভূত হইয়া পড়িল, যে উদ্ধার নিরীক্ষণার্থ কিছুমাত্র চেষ্টা করিতে পারিল না। স্মরণ্য ঐ অব্যাহত হত্যাশন ক্রমাগত ছয় দিবস কাল সমস্তাবে অলিতে লাগিল। এক দিন এক যুহুর্কের নিমিত্তেও উদ্ধার বিরাম ছিল না। ঐ অনিবার্য অগ্নি ছয় দিনে নগরের যাবতীয় পতিতাবশিষ্ট গৃহ সকল একবারে ভস্মীভূত করিল।

আমি প্রথমে মনে করিলাম, ভূকম্পকালসুগত ভৌমাগ্নি উখিত হইয়াই এই সর্বনাশ সাধন করিল। কিন্তু বাস্তবিক তাহা নহে। অনুসন্ধান দ্বারা অবগত হইলাম যে, নবেম্বর

মাসের প্রথম দিন খৃষ্টধর্মাবলম্বী সম্প্রদায়ের এক অতি পুণ্য পর্বাহ। ঐ দিবস সন্ধ্যাকালে নগরবাসিগণ যাবতীয় দেবালয়ে আলোক প্রদান করে, তন্মধ্যে একটি গির্জায় ২০টা দীপ প্রদত্ত হয়; সন্ধ্যার পূর্বে যে তৃতীয় ভূকম্পন উপস্থিত হইয়াছিল, তাহারই আঘাতে শেযোক্ত গির্জাস্থিত মশারি, যবনিকা, গবাক্ষ প্রভৃতি দাহ্য পদার্থে অগ্নি সংলগ্ন হয়, সুতরাং তৎসমুদায় প্রজ্বলিত হইয়া উঠে। অনন্তর ঐ দহ্যমান দেবালয় হইতে এবলন্তর অগ্নিশিখা নির্গত হইয়া সন্নিহিত গৃহান্তরে সংলগ্ন হয়। এই রূপে ক্রমে ক্রমে পতিতাবশিষ্ট যাবতীয় অট্টালিকাই ভস্মীভূত হইয়া যায়।

উল্লিখিত ভীষণ অগ্ন্যুৎপাতে ষষ্টি সহস্রেরও অধিক লোক মৃত ও ভূমধ্যে প্রোথিত হইয়াছিল। এই ভয়ঙ্কর ভূকম্পন দ্বারা অতি বিস্তৃত সমুদ্র লিস্বন নগর এক কালে উগ্রাবশেষে পরিণত হয়। আহা! তখন আর তথার ধনী ও দরিদ্রের কিছুমাত্র বিভিন্নতা ছিল না, যে সকল সম্পন্ন পরিবার এই চূর্ণটনার পূর্ব দিন পরম সুখে কালযাপন করিয়াছিলেন, পর দিনই সেই সকল পরিবারকে একবারে প্রান্তরচারী হইতে হইয়াছিল, তখন তথায় এমন কেহই ছিল না যে, তাঁহাদিগকে কোন রূপ সাহায্য প্রদান করিতে পারে।

## রাজেন্দ্রলাল মিত্র ।

### প্রাকৃত ভূগোল ।

#### মনুষ্য ।

যদিচ সকল মনুষ্য একপ্রকার সত্য্য নহে, তথাপি তাহারা পৃথিবীস্থ অন্য সকল প্রাণী চর্চিতে আপনাদের উৎকৃষ্ট সংস্থা-পিত্ত করিয়া আসিতেছে । মনোগত ভাব বাক্যদ্বারা অন্যকে জ্ঞাত করিবার ক্ষমতা, বিচারশক্তি, ঈশ্বরনিরূপকজ্ঞান প্রভৃতি গুণ মনুষ্য ভিন্ন আর কোন প্রাণীর নাই । অপর, একত্র বাসাদি-রূপ সভ্যতার সম্পূর্ণ ফলও মনুষ্যব্যতীত কোন প্রাণী প্রাপ্ত হয় না ; তথা, স্ব স্ব পরীক্ষাদ্বারা উপলব্ধি জ্ঞান স্ব স্ব পুত্রপৌত্রাদিকে প্রদান করাও মনুষ্যেরই অসাধারণ ধর্ম । এই সকল অসামান্য ধর্মদ্বারা, বিশেষতঃ সম্প্রদায়ভুক্ত থাকিয়া, মনুষ্য পশুসকলকে আপনাদের অধীনে ও ব্যবহারে আনিয়া তাহাদিগের উপর প্রভুত্ব স্থির রাখিয়াছে । অধিকন্তু, মনুষ্য স্বভাবতঃ দুর্বল ও কঠোর শীত গ্রীষ্ম সহ্য করিতে অক্ষম হইয়াও এই ক্ষমতাবলে পরীক্ষালব্ধ উপায়দ্বারা সকল আপদ নিরাকৃত করিয়া পৃথিবীর সকল স্থানে আধিপত্য করিতেছে ।

পশুরা স্বাভাবিক সংস্কার অর্থাৎ পরীক্ষাদ্বারা অনর্জিত স্বভাববস্তু জ্ঞানশক্তির সহকারে আপন আপন দেহযাত্রা নির্বাহিত করে । মনুষ্য কেবল স্বাভাবিক সংস্কারের অধীন নহে ; এবং এই সংস্কার ও মনুষ্যোতে উত্তমরূপে ব্যক্ত হয় না । মনুষ্যের জ্ঞান ও শিক্ষা পরীক্ষার ফল । পরের শিক্ষা কিম্বা আপনার

পরীক্ষা তিন্ন অন্যোপায়ে মনুষ্য ভাষা ও লিপিদ্বারা এককালের প্রকাশিত সূনিয়মসকল অপর কালে অনায়াসে জানিতে পারাতে, পরীক্ষা না করিয়া তত্ত্বনিয়মের ফলভোগ করিতে সক্ষম হওয়াতে ক্রমশঃ অতি উত্তমরূপ উন্নতি প্রাপ্ত হইতেছে । পশুরা কেবল স্বাভাবিক সংস্কারদ্বারা চালিত ও স্ব স্ব পরীক্ষার ফল প্রচার করিতে অক্ষম হওয়াতে সর্বদা একাবস্থায় থাকে, তাহাদিগের বুদ্ধির হ্রাসবৃদ্ধি হয় না । প্রথম সৃষ্ট মৌমাছী যে প্রকার নিপুণতার সহিত চাক বানাটয়াছিল, এইক্ষণকার মৌমাছীরাও তন্নিষ্ঠানে তাহা হইতে অধিক নৈপুণ্য প্রকাশ করে না । ঐ নৈপুণ্য ও তাহাদের পরীক্ষার ফল হইতে সমুৎপন্ন নহে ;—কেবল স্বভাবদত্তজ্ঞানসম্বৃত । পরীক্ষার ফল হইলে তাহার ক্রমশঃ উন্নতি হইত, তাহা না হইয়া মৌচাকের দোষ গুণ সর্বদা সমভাবে আছে । মনুষ্যের রীতি তদ্রূপ নহে । দেখ, প্রাচীন অসভ্য ব্রিটনদিগের কুটীর হইতে এইক্ষণকার সভ্য ইংরাজদিগের অট্টালিকা কত সহস্র গুণে উত্তম ।

মনুষ্য সর্বত্র উন্নতীচু হইবাতে স্থানভেদে সভ্যতার তারতম্য হইয়া থাকে । আদৌ মনুষ্য বনে মৃগদ্বারা মাংস ও তদ্রূপ বৃক্ষের ফল আহরণ করিয়া তদবল্বনেই কালযাপন করে ; এবং সর্বদা পশুর অশেষণে ব্যস্ত থাকিয়া আপন আপন অপত্যদিগকে শিকার দিবার ও বিদ্যার অনুশীলন করিবার সময় না থাকা প্রযুক্ত তৎকর্ত্তে মনোযোগ করে না । আপনারাও বৎসামান্য কুটীর ও দ্রোণী নিশ্চয় ব্যতীত অন্য কোন শিল্পকর্ম



শিক্ষা, কিম্বা পরিচ্ছদ কারণ পণ্ড চৰ্ম্ম এবং বহুল স্বাস্থ্য অন্যান্য কোন বস্তু সংগ্রহ করে না। তৎপরে গো অথ ও মেবাদিকে প্রাপ্ত হইলে তাহাদিগের দুগ্ধে ও মাংসে অক্লেশে পুষ্টি হইবার এবং তাহাদিগকে চারণ করিতেও অধিক কালব্যয় না হইবার মনুষ্যের যথেষ্ট অবকাশ হয়। ঐ অবকাশে স্বভাবতঃ কশ্মেচ্ছ ব্যক্তির নিজে নিজে মেবাদির লোমহারা বস্ত্র-বয়ন করিতে নিযুক্ত হয়; এবং গৃহনিৰ্ম্মাণ করিতেও যথেষ্ট অবকাশ পাইয়া অধিক কালব্যয়হারা সমধিক পরিশ্রমে নৈপুণ্য প্রাপ্ত হয়।

এই প্রকার কশ্মে সকল মনুষ্য সম পরিশ্রম ও আগ্রহ প্রকাশ করে না, সুতরাং মনুষ্যের অবস্থার প্রভেদ হয়। যে ব্যক্তির বহু পরিশ্রম করত উত্তম গৃহ ও নানা প্রকার বস্তাদি প্রস্তুত করে, তাহারা অবশ্যই অন্য হইতে মান্য ও আদরনীয় হয়; এবং আপন আপন উত্তম গৃহ সকলের সৌন্দর্য্য-বুদ্ধার্থ তাহারা তত্ত্বতা স্থান পরিকৃত করিয়া স্ব স্ব প্রয়োজনীয় ও মনোভিমত আদরনীয় ফল-পুষ্পের বৃক্ষ রোপিত করে। এই প্রকারে আদিম অসভ্যেরা প্রথমে রাখাল, পরে কৃষক হইয়া পূর্বের ভ্রমণতৎপরাবস্থা ত্যাগ করত পরস্পর নিকটে নিকটে দলবদ্ধ থাকিয়া গ্রামস্থ হয়। তদনন্তর তাহারা কৃষিকর্মে বিশেষ মনোযোগদ্বারা আপন আপন ক্ষেত্র হইতে অধিক ফলের লাভ করাতে উৎকৃষ্ট ফলে স্ব স্ব জ্ঞাতি-পরিজন-প্রতিপালনে উত্তম-রূপে পারগ হয়। ঐ জ্ঞাতিপরিজনেরাও আপন আপন পরিশ্রমদ্বারা কেহ কৃষিকর্মে, কেহ মেবাদি চারণে, কেহ বাস্তবপনে,

কেহ গৃহ-নির্মাণাদি কর্মে নিযুক্ত হইয়া গৃহ-স্বামিদিগের সম্পত্তি  
 তথা বল ও আধিপত্যের বৃদ্ধি করে । কেহ কেহ বা শিল্পবিদ্যা  
 জ্যোতির্বিদ্যাাদিতে মনোনিবেশ করত সত্যতার বৃদ্ধি করিতে  
 থাকে । তদনুরূপে এক জনের অনাবশ্যক কোন বস্তু অন্যের  
 অন্য কোন বস্তুর সহিত পরিবর্তন করাতে বাণিজ্যের অঙ্কুর উৎ-  
 পন্ন হয়, এবং পরে পরে বাণিজ্যের বৃদ্ধিতে এক দেশের বস্তু  
 অন্যদেশে প্রেরণ করিবার নিমিত্ত বৃহন্নৌকাদি প্রস্তুত করা হয়,  
 এবং তাহাকে চালিত করিবার নিমিত্ত জল, বায়ু, নদী, সমুদ্র,  
 আকাশ, নক্ষত্রাদির প্রভাব গতি ও ধর্মের অহুসন্ধান হইতে  
 থাকে । তদর্থে পরম্পর সুশীলতা ও নম্রতা ও শিষ্টতা ও সৌজ-  
 ন্যের প্রকাশ, ও বিদ্যার আলোচনা করিতে যাহাদিগের যে  
 প্রকার আগ্রহ হইয়াছে, তাহারা সেই প্রকার সত্যতা ও স্বচ্ছ-  
 দতা ও সুধভোগ করিতেছে ।

---

## কালীপ্রসন্ন সিংহ ।

### ধৃতরাষ্ট্র-বিলাপ ।

যখন গুণিলাম, কুস্তীর সহিত পঞ্চ পাণ্ডব জতুগৃহের প্রজ্জ্বলিত ছত্ৰাশন হঠাৎ পরিভ্রাণ পাইয়াছে, এবং অসামান্য ধী-শক্তিসম্পন্ন বিছুর তাহাদিগের অভীষ্টসিদ্ধির নিমিত্ত যত্নবান আছে, তদবধি আমি জয়াশায় নিরাশ হইয়াছি ।

যখন গুণিলাম, অৰ্জুন ধনুশ্ৰুণ আকর্ষণ করিয়া অসম্মা রাজগণ সমক্ষে লক্ষ্যভেদ করত তাহা ভূতলে পাতিত ও দ্রৌপদীকে হরণ করিয়াছে, তদবধি আমি জয়াশায় নিরাশ হইয়াছি ।

যখন গুণিলাম, অৰ্জুন দ্বারকায় স্ববিক্রম-প্রভাবে স্তম্ভদ্বার পাণিগ্রহণ করিয়াছে, তথাপি বৃষ্ণিবংশাবতঃস কৃষ্ণ বলরাম তাদৃশ স্মৃতিত ও নিম্নিত কর্ণে উপেক্ষা করিয়া পরম সখ্যভাবে ইন্দ্রপ্রস্থে আগমন করিয়াছেন, তদবধি আমি জয়াশায় নিরাশ হইয়াছি

যখন গুণিলাম, একবস্ত্রা, অশ্রুসুখী, দুঃখিতা, রজস্বলা দ্রৌপদীকে সনাথা হইলেও অনাথার গ্ৰাম সভায় আনয়ন ও নিতান্ত নির্যোধ দুঃশাসন তাঁহার পরিধের বসন আকর্ষণ করিয়াছে, তথাপি ঐ দুট বিনষ্ট হই নাই, তদবধি আমি জয়াশায় নিরাশ হইয়াছি ।

যখন গুণিলাম, শকুনি পাশক্রীড়া করিয়া যুধিষ্ঠিরকে পরাজিত ও রাজ্যচ্যুত করিয়াছে, তথাপি শান্ত ও সুশীল দ্রৌপদী গণ তাঁহার অনুগতই আছে, তখন আর জয়ের আশা করি নাই ।

যখন গুনিলাম, বিরাট নগরীতে দ্রৌপদীর সহিত পঞ্চপাণ্ডব প্রচুর-বেশে অজ্ঞাত-বাস অবলম্বন করিয়াছে, কিন্তু আমার পুত্রেরা কিছুতেই তাহাদের অনুসন্ধান করিতে পারিল না, তদবধি আর আমি জয়াশা করি নাই ।

যখন গুনিলাম, বিরাটরাজ স্বসূতা উত্তরাকে অলঙ্কৃত করিয়া অর্জুনকে সম্প্রদান করিয়াছেন, এবং অর্জুনও আপনার পুত্রের নিমিত্ত তাহাকে প্রতিগ্রহ করিয়াছে, তখন আর আমি জয়ের আশা করি নাই ।

যখন গুনিলাম, নির্জিত, নির্ধন, নির্বাসিত ও স্বজনবহিষ্কৃত যুধিষ্ঠির সশস্ত্র অক্ষৌহিনী সেনা সংগ্রহ করিয়াছে, এবং বলিকে ছলিবার নিমিত্ত যিনি এক পদে এই সম্পূর্ণ পৃথিবী অধিকার করিয়াছেন, সেই ত্রিবিক্রম নারায়ণ, বাহার বহুবিধ উদ্দেশ্য সংসাধন করিতেছেন, তদবধি আমি জয়াশা করি নাই ।

যখন গুনিলাম, অর্জুন বিষণ্ণ ও মোহাচ্ছন্ন হইলে রুক্ষ স্বশরীরে চতুর্দশ ভুবন দর্শন করাঠিয়াছেন, তখন আর জয়াশা করি নাই । যখন গুনিলাম, ভীষ্ম প্রতিদিন রণক্ষেত্রে দশসহস্র লোকের প্রাণ সংহার করিলেও পাণ্ডবপক্ষীয় বিখ্যাত কোন এক ব্যক্তিকে বিনষ্ট করিতে পারেন নাই, তখন আর জয়াশা করি নাই ।

যখন গুনিলাম, ভীষ্মদেব যৎপক্ষীর অসজ্জা লোককে বিনষ্ট দেখিয়া ও অরাবশিষ্টকলেবর শত্রুপক্ষদিগের স্তূতীক্ষ শরঙ্গালে বিছকলেবর হইয়া শরশয্যায় শরিত হইয়াছেন, তখন আর জয়াশা করি নাই ।

যখন গুণিলাম, দ্রোণাচার্য্য যুদ্ধে নানাবিধ অস্ত্ররোগনৈপুণ্য প্রদর্শন করিয়া পাণ্ডবদিগের মধ্যে প্রধান এক ব্যক্তিকেও বিনষ্ট করিতে পারেন নাই, তখন আর আমি জয়াশা করি নাই ।

যখন গুণিলাম, সপ্তরথী অর্জুন বিনাশে অসমর্থ হইয়া অল্প-বয়স্ক বালক অভিমন্যুকে বধ করত পরম সন্তোষলাভ করিয়াছে, তখন আর জয়াশা করি নাই ।

যখন গুণিলাম, অভিমন্যুকে বিনষ্ট করিয়া ধার্ত্তরাষ্ট্রেরা অতিশয় হ্রষ্ট ও সন্তুষ্ট হইলে অর্জুন রোষভরে সিকুরাজ জয়দ্রথকে বিনাশ করিতে দৃঢ় প্রতিজ্ঞা করিয়াছেন, তখন আমি জয়াশা করি নাই ।

যখন গুণিলাম, অর্জুন শত্রুসমক্ষে জয়দ্রথকে বধ করিয়া অনায়াসে প্রতিজ্ঞাপাল হইতে বিমুক্ত হইয়াছে, তখন আর জয়াশা করি নাই ।

যখন গুণিলাম, দ্রোণবধে ক্রোধে অধীর হইয়া অশ্বথামা নারায়ণাস্ত্র পরিত্যাগ করিয়াও পাণ্ডবদিগের প্রধান এক ব্যক্তির প্রাণ সংহার করিতে পারিলেন না, তখন আর জয়াশা করি নাই ।

যখন গুণিলাম, ভীমসেন যুদ্ধে দুঃশাসনের কৃধির পান করিয়াছে, এবং দুর্যোধন প্রভৃতি অনেকেই তথায় সমুপস্থিত থাকিয়াও তাহা নিবারণ করিতে অক্ষম হইয়াছে, তখন আর জয়াশা করি নাই ।

যখন গুণিলাম, দুর্যোধন হতসৈন্য ও সহায়শূন্য হইয়া

একাকী বৈপ্লবন হ্রদের অভ্যন্তরে প্রবেশ করত জলস্তম্ভ করি-  
য়াছে, তখন আর জয়াশা করি নাই ।

যখন গুনিলাম, দুৰ্য্যোধন গদাযুদ্ধে সর্বিশেষ নৈপুণ্য প্রদর্শন  
করিতেছিল, ইত্যবসরে ভীমসেন আপনার অনুরূপ বিক্রম  
প্রকাশ করিয়া তাহাকে সমরশায়ী করিয়াছে, তখন আর জয়াশা  
করি নাই ।

যখন গুনিলাম, অশ্বখামা প্রভৃতি কতিপয় বীর পুরুষেরা  
সমবেত হইয়া দ্রৌপদীর প্রসুপ্ত পুত্রপঞ্চক বিনাশ করত অতি-  
দুর্গিত ও নির্দিত কণ্ঠের অনুর্তান করিয়াছেন, তখন আর জয়াশা  
করি নাই ।

---

## বঙ্কিমচন্দ্র চট্টোপাধ্যায় ।

— — — — —  
ছুর্গেশনন্দিনী ।

দেবমন্দির ।  
— — — — —

নিদ্রাঘনেশে এক দিন এক জন অশ্বারোহী পুরুষ বিষ্ণুপুর হইতে জাহানাবাদের পথে একাকী গমন করিতেছিলেন । দিনমণি অস্তাচলগমনোদ্যোগী দেখিয়া অশ্বারোহী ক্রতবেগে অশ্ব সঞ্চালন করিতে লাগিলেন । কেননা সম্মুখে একাগ্র প্রান্তর ; কি জানি যদি কালধর্ম্মে প্রদোষকালে প্রবল ঝটিকা বৃষ্টি আরম্ভ হয়, তবে সেই প্রান্তরে নিরাশ্রয়ে যৎপরোনাস্তি পীড়িত হইতে হইবেক । প্রান্তর পার হইতে না হইতে সূর্যাস্ত হইল, ক্রমে নৈশ গগন নীল নীরদমালার আবৃত হইতে লাগিল । নিশারশ্বেট এমত ঘোরতর অন্ধকার বিগস্ত-সংকীর্ণ হইল যে, অশ্বচালনা অতি কঠিন বোধ হইতে লাগিল । পাহ কেবল বিদ্যাকীর্ণিপ্রদর্শিত পথে কোন মতে চলিতে লাগিলেন ।

অল্পকাল মধ্যে মহারবে নৈশাঘ ঝটিকা প্রধাবিত হইল, এবং সঙ্গে সঙ্গে প্রবল বৃষ্টিধারা পড়িতে লাগিল । ঘোটকাক্রচ ব্যক্তি গন্তব্য পথের আর কিছুমাত্র স্থিরতা পাইলেন না । অশ্ব-বন্ধু স্রথ করিতে অশ্ব যথেষ্ট গমন করিতে লাগিল । এইরূপ কিয়দূর গমন করিয়া ঘোটকচরণে কোন কঠিন দ্রব্য সংঘাতে ঘোটকের পদস্থলন হইল । ঐ সময় একবার বিদ্যায় প্রকাশ হওয়াতে পথিক সম্মুখে একাগ্র ঝলসকার কোন পদার্থ চকিত-

মাত্র দেখিতে পাঠিলেন । ঐ ধবলাকার স্তূপ অট্টালিকা হইবে এই বিবেচনার অধারোহী লক্ষ্যত্যাগে ভূতলে অবতরণ করিলেন । অবতরণমাত্র জানিতে পারিলেন যে, প্রস্তুতনির্মিত সোপানাবলির সংশ্রবে ঘোটকের চরণ স্থলিত হইয়াছিল ; অতএব নিকটে আশ্রয়স্থান আছে জানিয়া অশ্বকে যথেষ্ট স্থানে যাইতে দিলেন । নিজে অন্ধকারে সাবধানে সোপানমার্গে পদক্ষেপ করিতে লাগিলেন । অচিরে তাড়িতালোকে জানিতে পারিলেন যে, সম্মুখস্থ অট্টালিকা এক দেবমন্দির । কোণে মন্দিরের ক্ষুদ্র দ্বারে উপস্থিত হইয়া দেখিলেন, যে দ্বার রুদ্ধ ; হস্তমার্জ্জনে জানিলেন দ্বার বহির্দিক হইতে রুদ্ধ হয় নাই । এই জনহীন প্রাস্তুতস্থিত মন্দিরে এমত সময়ে কে ভিতর হইতে অর্গল আবদ্ধ করিল, এই চিন্তায় পথিক কিঞ্চিৎ বিস্মিত ও কৌতূহলাবিষ্ট হইলেন । শিরোপরে প্রবল বেগে ধারাপাত হইতেছিল, স্মরণে যে কোন ব্যক্তি দেহালয়-মধ্যবাসী হউক, পথিক দ্বারে ভ্রয়োভ্রমঃ বলদর্পিত করাঘাত করিতে লাগিলেন, কেহই দ্বার উন্মোচন করিতে আসিল না । ইচ্ছা, পদাঘাতে কবাট মুক্ত করেন, কিন্তু দেবালয়ের পাছে অমর্যাদা হয়, এই আশঙ্কায় পথিক তত দূর করিলেন না । তথাপি তিনি কবাটে যে দাক্ষণ করপ্রহার করিতেছিলেন, কাষ্ঠের কবাট তাহা অধিক ক্ষণ সহিতে পারিল না, অল্পকালেই অর্গলচ্যুত হইল । দ্বার খুলিয়া যাইবামাত্র যুবা যেমন মন্দিরান্তরে প্রবেশ করিলেন, অমনি মন্দিরমধ্যে অক্ষুট চীৎকার ধ্বনি তাঁহার কর্ণে প্রবেশ



করিল ও তদুত্তরে মুক্ত হারপথে ঝটিকাবেগ প্রবাহিত হওয়াতে  
 তথায় যে প্রদীপ জলিতেছিল, তাহা নিষ্কাণ হইয়া গেল।  
 মন্দিরমধ্যে মনুষ্যই বা কে আছে, দেবই বা কি মূর্তি, প্রবেষ্টা  
 তাহার কিছুই দেখিতে পাইলেন না। আপনার অবস্থা এইরূপ  
 দেখিয়া নিভীক যুবা পুরুষ কেবল ভ্রমং হান্য করিয়া প্রথমতঃ  
 ভক্তিতাবে মন্দিরমধ্যস্থ অদৃশ্য দেব-মূর্তির উদ্দেশে প্রণাম করি-  
 লেন। পরে গাজ্রোথান করিয়া অন্ধকার মধ্যে ডাকিয়া কহি-  
 লেন, “মন্দির মধ্যে কে আছে?” কেহই প্রশ্নের উত্তর করিল  
 না; কিন্তু অলঙ্কারঝড়ার শব্দ কর্ণে প্রবেশ করিল। পথিক  
 তখন বৃথা বাক্যব্যয় নিশ্চরোজন বিবেচনা করিয়া বৃষ্টিধারা ও  
 ঝটিকা প্রবেশ রোধার্থ দ্বার যোজিত করিলেন, এবং ভগ্নাঙ্গলের  
 পরিবর্তে আত্মশরীর দ্বারে নিবিষ্ট করিয়া পুনর্বার কহিলেন,  
 “যে কেহ মন্দির মধ্যে থাক, শ্রবণ কর; এই আমি সশস্ত্র দ্বার-  
 দেশে বসিলাম, আমার বিশ্রামের বিষয় করিও না। বিষয়  
 করিলে যদি পুরুষ হও, তবে ফলভোগ করিবে; স্ত্রীর যদি  
 স্ত্রীলোক হও, তবে নিশ্চিন্ত নিদ্রা যাও, রাজপুত্র-হস্তে অসিচর্ম  
 থাকিতে তোমাদিগের পক্ষে কুশাকুরও বিধিবে না।

বহুদর্শন ।

একানবতী পরিবার ।

যেমন জ্যোতিষ্কসকল মাধ্যাকর্ষণশক্তির প্রভাবে, পৃথক  
 অথচ সংযুক্তরূপে নভোমণ্ডলে পরিভ্রমণ করিতেছে, তদ্রূপ

মনুষ্যাগণ পঙ্কপরের সহিত বিভিন্ন হইলেও কোন অদ্ভুত কারণে আকৃষ্ট হইয়া একত্র সংসারযাত্রা নির্বাহ করিতেছে। অনেকেই সময়ে সময়ে মনে করে যে, “একাকী আসিয়াছি, একাকী মরিতে হইবেক,” অতএব “পার্শ্বিক সম্পর্ক নিতান্ত অকিঞ্চিৎকর।” পরন্তু এতাদৃশ বৈরাগ্যভাব কেবল ভাবুকদিগের কল্পনা মাত্র। যদিপি পার্শ্বিকসম্পর্ক বুখাই হয়, এবং মৃত্যুকর্তৃক তাহা একবারে বিনষ্ট হইয়া যায়, তবে বিরোগযন্ত্রণা এত অসহ্য এবং দীর্ঘকালস্থায়ী হয় কেন? মনুষ্যের কথা দূরে থাকুক, পশু পক্ষী আদি নিকৃষ্ট জন্তু এবং নদী বৃক্ষ গৃহ পুষ্করিণী প্রভৃতি নির্জীব পদার্থের উপরেও মায়া সংস্থাপিত হয়। বহুদিন হইল পিতৃ-মাতৃহীন হইয়াছি, তথাপি “মাতা এই স্থানে বসিয়া আমাকে আদর করিয়াছিলেন, পিতা এইখানে একবার ভৎসনা করিয়াছিলেন, এবং এইখানে বসিয়া তাঁহাদিগের অন্তিমকালে অশ্রু-বিনয়জন করিয়াছি।” এইরূপ কথা মনে হইলে কত স্নেহে চক্ষু বাষ্পাকুল হইয়া উঠে। অতএব কিরূপে বলিব যে, তাঁহাদিগের সহিত এখন আর সম্পর্ক নাই। সদ্যঃপ্রসূত সন্তানই হউক, অথবা অতি দীন দুঃখী কিম্বা নিতান্ত দুর্বৃত্ত চুরাচারই হউক, কেহই মৃত্যুমাত্র সংসার হইতে সর্বতোভাবে অপসারিত হইতে পারে না। দেহ পঞ্চত্ব পায়, জীবায়া কোথায় থাকেন, তাহা নিয়ে অনেকের মত স্থির নাই, কিন্তু কোন না কোন জীবিত ব্যক্তির অন্তঃকরণে যে কিছুকাল থাকিতে হইবেক, তাহাতে কেহই সন্দেহ করেন না। এমন মনুষ্য নাই, যে কোন মৃত

বান্ধিকেই স্বরণ করে না, অথবা আপনি মরিলে স্বরণ করিবার লোক নাই বলিয়া নিশ্চিন্ত থাকিতে পারে। এই অদ্বিত মায়া-জাল কেহই ত্যাগ করিতে পারে না, কাহারও ত্যাগ করিতে ইচ্ছা হয় না, এবং পণ্ডিতেরা বাহাই বলুন, আমাদিগের বিবেচনায় ইণ্ডা ত্যাগ করা কর্তব্যও নহে। অতএব ইহা হইতে যে প্রকারে সমাজের মঙ্গল হয়, সেইরূপ বিধান করাই শ্রেয়ঃ। বাহারা ইহাকে ভাল মনে করেন, তাহাদিগের দ্বারা এষ্ট মায়া-জাল বন্ধিত হওয়াই উচিত, এবং বাহারা ইহাকে মন্দ মনে করেন, তাহাদিগের পক্ষেও অগত্যা ইহার আনুষঙ্গিক দোষ দূরীকরণ পূর্বক লোকের হিত চেষ্টা করা নিতান্ত বিধেয়।

মনুষ্যজাতি যে পশুগণের ন্যায় যথেষ্ট বিচরণ না করিয়া একত্র বসবাস করেন, তাহার আদিকারণ, বিবাহসংস্কার। শুদ্ধ নিজেদের আহারাচ্ছাদন লোকের উদ্দেশ্য হইলে, অতি অল্প আয়াসেই তাহা সম্পন্ন হইতে পারিত। কিন্তু মনুষ্য পদের ভরণপোষণ, এবং সন্ততিগণের ভাবী অবস্থা সকলের মনেই নিরন্তর আগ্রহ রহিয়াছে। তন্নিম্ন কেহ অন্যান্য আয়ুর্-দিগের মঙ্গল, এবং কেহ বা স্বদেশবাসীদিগের হিত অথবা সমগ্র মনুষ্যসম্প্রদায়ের উত্তানুধ্যানে সর্বদা মগ্ন থাকেন, জনসমাজে বিবাহপ্রথা না থাকিলে ইহার কিছুই মনুষ্যের মনে উদয় হইত না। বিবাহ হইলেই স্ত্রীপুরুষের পূর্বকালীন স্বাধীনতার নিশ্চল হইয়া যায়, এবং উভয়ের মনেই আনুচিত্তার পার্শ্বে পরচিত্তা আসিয়া আবির্ভূত হয়। তখন নিজের সম্বন্ধে যতই আচ্ছীণ্য

থাকুক, পতিপত্নীর মঙ্গলকামনা বিলক্ষণ প্রবল হইয়া উঠে। এইরূপ চিন্তা উপস্থিত না হইলে, কেহ কোন সংকল্পে প্রবৃত্ত হইতে পারে না। অতএব পরিবারের ভরণপোষণ নিমিত্ত ব্যাকুল হইয়া যে ব্যক্তি কোন কুকর্ম করে, তাহার জন্য মহামারাকে নিন্দা না করিয়া তাহার দারিদ্র্যানিবারণের উপায়চেষ্টা করাই যুক্তিসঙ্গত।

আবার বিবাহের পর সস্তান উৎপন্ন হইলে, পতিপত্নীর মধ্যে নূতন একটি শৃঙ্খল নিবদ্ধ হয়। যে দেশে বিবাহপ্রথা নাহি, এবং স্ত্রীপুরুষেরা সকলেই স্বেচ্ছাচারী, সেখানে কেহ সস্তানলাভের সম্পূর্ণ সুখ অনুভব করিতে পারে না। জন্মদাতার সেই সস্তানে কোন অধিকার বর্তে না, মাতাও তাহার জন্ত আপনার ভিন্ন অন্তের প্রতি নির্ভর করেন না; সূত্রাং সস্তান স্ত্রী-পুরুষের প্রণয়বৃদ্ধিকারী না হইয়া বরং বিচ্ছেদের হেতু হয়। বিবাহসংস্কারকে স্ত্রীপুরুষের মধ্যে চুক্তিবিশেষ বলিয়া ভ্রম হইতে পারে বটে, কিন্তু সস্তানের সহিত সম্পর্ক কখনই সেরূপ বোধ হয় না; অতএব ইহার প্রতি লক্ষ্য করিলেই নিগূঢ় মন্যবোধ হইবেক। মহাভারতে লিখিত আছে যে, খেতকেতু পিতৃসমক্ষে আপন মাতাকে কোন অপরিচিত পুরুষের সহিত গমন করিতে দেখিয়া, এই নিয়মনির্দিষ্ট করিয়া দিয়াছিলেন যে, স্ত্রীজাতি পতি ভিন্ন অন্য পুরুষের সেবা করিতে পারিবে না। এই গল্পটি বিবাহপ্রথা সংস্থাপনের রূপকমাত্র। ইহার প্রকৃত মর্ম এই যে, পুত্রই মাতার স্বেচ্ছাচার নিবারণ করেন,

এবং পিতাকে তাঁহার প্রতি অনুরক্ত করিয়া রাখেন। অতএব পতিপত্নীসম্বন্ধ শিথিল করা কর্তব্য নহে, বরং যত আগ্রহ হয়, ততই তত্শয় এবং পুত্রের পক্ষে মঙ্গল । আর এই মঙ্গলে সমস্ত বর্জন ও ভবিষ্যৎ কালেরই মঙ্গল ।

পতিপত্নীর চিরকাল একত্র থাকাই শ্রেয়ঃ। একথা স্বীকার করিলেও আর একটা পৃথক মীমাংসার প্রয়োজন হইতেছে যে, পুত্রকন্যারাও পিতৃসংসারে মাতার ন্যায় সংযুক্ত থাকিবেন কি না? কিন্তু যখন ভ্রাতা-ভগিনীতে বিবাহ নিষিদ্ধ হইয়াছে, তখন বিবাহান্তে পুত্র কন্যা উভয়েই কখন পিতৃ আদ্যসে থাকিতে পারেন না; হয় কন্যাকে পতিগৃহে যাইতে হইবেক, নতুবা পুত্র পিতৃগৃহ ত্যাগ করিয়া আপন স্বত্ত্বাঙ্গনে থাকিতে বাধ্য হইবেন। আমাদিগের দেশে কেবল কন্যাই পিতৃগৃহ ত্যাগ করেন। কিন্তু ইউরোপীয়দিগের মধ্যে পুত্র কন্যা উভয়েই বিবাহিতা হইলে স্বাধীনভাবে কালযাপন করেন। এই নিয়মে সমাজের মঙ্গল কি অমঙ্গল বৃদ্ধি হয়, তাহা স্থির করা কর্তব্য। কলতঃ ইহাই একান্তবর্তী পরিবার বিষয়ক বিচারের মূল কথা।

বিবাহের সময়ে পৃথগ্ন হইলে গৃহত্যাগজনিত কোন দোষ বোধ হয় না। কিন্তু বিবাহ করিবার পরে পিতৃভবনে বাস করিলে স্বভাবতঃ পিতা পুত্র এবং ভ্রাতৃগণের মধ্যে একান্তবর্তী পরিবার নিবদ্ধ হইয়া যায়। তদনন্তর যাহারা পৃথক হইতে ইচ্ছা করেন, তাহারা ন্যায্যরূপে গৃহবিচ্ছেদের নিমিত্ত বলিয়া

গণ্য হইবে। অতএব যদ্যপি পৃথগ্ন হওয়াই বাঞ্ছনীয় হয়, তবে বিবাহের সময়েই তাহার বন্দোবস্ত করা কর্তব্য।

১। একান্তে থাকার এক মহৎ গুণ এই যে, গৃহস্থামীর মৃত্যু হইলে তাহার ভ্রাতা, তদভাবে পুত্র অথবা ভ্রাতৃপুত্র, কেহ না কেহ পরিবাররক্ষার ভারগ্রহণ করিতে পারেন। ইহারা পৃথগ্নালয়ে বাস করিলে, তাহার অনেক অসুবিধা জন্মে। বাঙ্গালীর সংসারে পুরুষ অভিভাবক না থাকিলে নানা ক্লেশ সহ্য করিতে হয়, কারণ ইউরোপীয়দিগের ন্যায় আমাদিগের মহিলাসকলে সকলের সঙ্গে কথা কহিতে ও ইচ্ছানুসারে সর্বত্র যাতায়াত করিতে পারেন না।

একান্তে থাকিলে সকলেই সময়ে সময়ে বা ঘটনাবিশেষে পরস্পরের সাহায্য করিতে বাধ্য হইবেন। ইহাতে টেঁচা না থাকিলেও কার্যগতিকে এক জনের দ্বারা অন্যের হিতসাধন হয়, এবং তাহা হইতে লোকের মনে প্রকৃত ভক্তি, স্নেহ ও দয়ার উদ্ভেক হইয়া থাকে। পিতা মাতার ত কথাই নাই, একান্তবর্তী পরিবারে অন্যের প্রতিও কখন কখন এতাদৃশ মমতা জন্মে যে, পৃথগ্নে থাকিলে মনোমধ্যে তাহার উদয় হইতেই পারে না। এতদ্ভিন্ন, তুণনির্মিত রজুর ন্যায়, একান্তবর্তী পরিবারের বল তুল্যসংখ্যক পৃথক সংসারের সমষ্টি অপেক্ষা অধিকতর হইবার সম্ভাবনা, অবশ্যই স্বীকার করিতে হইবেক।

কিন্তু এই সঙ্গে সঙ্গে একান্তবর্তী পরিবারের অনেকগুলি দোষও স্পষ্ট দেখা যায়। বহুপরিবারের অভিভাবকেরা কেহই স্বীয়

কর্তব্য সম্যক সম্পাদন করিতে পারেননা । একান্তবর্তী পরিবার-  
 দিগের পরস্পরের প্রতি মায়াব বৈমম বুদ্ধি, তেমনি ভ্রাস হইবার  
 সম্ভাবনাও অপেক্ষাকৃত অধিক । পিতা মাতার প্রতি পুত্রের ভক্তি-  
 সহজে বিনষ্ট হয় না বটে, কিন্তু সচরাচর দেখিতে পাওয়া যায়  
 যে, অন্যান্য পরিবারের মধ্যে গাঢ় প্রণয় না হইয়া বরং অসা-  
 ধারণ বৈরিতা এবং ভয়ানক স্খাতিবিরোধ জন্মে । পূর্বকালে  
 জ্যেষ্ঠ সহোদরকে কনিষ্ঠেরা পিতৃতুল্য মান্য করিতেন, সূত্ররূ-  
 সকল কাযোই পরস্পরের মধ্যে আনুগত্য এবং মঙ্গলানুষ্ঠানের  
 লক্ষণ দৃষ্ট হইত, এবং কোন বিষয়ে কাহারও মনে বিধা উপাস্ত  
 হইত না । কিন্তু এক্ষণে সকল লোকের ইচ্ছা পূর্যাপেক্ষা  
 এতাদৃশ নূতন রূপ ধারণ করিয়াছে যে, জ্যেষ্ঠেরা কোন মতেই  
 পরিবারস্থ ব্যক্তিগণের মনের ভাব বুঝিয়া উঠিতে অথবা  
 তদনুসারে কার্য্য করিতে পারেন না । অধিকন্তু কনিষ্ঠেরা তাহা  
 প্রকাশ করিলে জ্যেষ্ঠের মনে বিরক্তি জন্মে । পূর্বে স্ত্রীকে তাচ্ছীল্য  
 করাই স্বামীর সচ্চারিত্যতার লক্ষণ ছিল ; এক্ষণে পতি-পত্নীর  
 প্রণয় দেখিলে কেহই দোষ দিতে পারেন না ; অথচ এরূপ  
 প্রণয় হইতে যে সকল কার্য্য উদ্ভাবিত হয়, তাহা প্রকাশ হইলে  
 সামান্য লোকে পরিহাস করেন, আর গৃহস্থের মনোবেদনা  
 হয় । সকলেই জানেন, পুত্র কি কনিষ্ঠ সহোদর বিদেশযাত্রা-  
 কালীন সস্ত্রীক সমনেচ্ছা প্রকাশ করিলে, গৃহস্থামী কিঞ্চিৎ  
 অন্থধী হইয়েন । ইহা অভিজ্ঞবর্কের পক্ষে উচিত ব্যবহার  
 নহে ।

একান্নবর্তী পরিবারের ভ্রাতাদিগের মধ্যে বয়োধিকতা মতে প্রাধান্য ঘন্যে, কিন্তু সম্ভানগণের পক্ষে পিতাই কর্তা। গৃহ-স্বামী কনিষ্ঠদিগের সেই কর্তৃত্বের প্রতি হস্তক্ষেপ করিতে পারেন না। ইহাতে একটা গুরুতর হানি হয়। বালকবালিকা-কারী একজনের দ্বারা শাসিত হইলে অন্যের নিকট আশ্রয় গ্রহণ করে, সুতরাং এক দিকে পিতা, অন্য দিকে গৃহস্বামী আংশিকরূপে ভ্রাতাদিগের অভিভাবক হওয়াতে উভয়ের কেহই আপন কর্তব্য সম্পাদন করেন না, এবং উহারাও মস্তকহীনের ন্যায় আচরণ করে।

পূর্বকালে বধূগণ কেবল গৃহস্বামীকেই সর্বাচ্ছাদক বলিয়া জানিতেন, এক্ষণে দাম্পত্যপ্রণয়ের আধিক্যবশতঃ ভ্রাতারাও পতি এবং স্বপুত্র অথবা ভাসুর, দুই জন কর্তার অধীন হইয়া অনেক স্থলে নিতান্ত খেচ্ছাচারীর ন্যায় ব্যবহার করেন।

ভ্রাতৃত্বের অতি অমূল্য পদার্থ; কিন্তু একবার ভ্রাতার যত্ন বাহ্য বলিয়া সন্দেহ হইলে সে ক্ষোভ বদাচ নিবৃত্ত হয় না। অপর ব্যক্তি মৌখিক স্নেহ প্রকাশ করিলেও সুখোৎপত্তি হয়, কিন্তু আত্মীয়গণের বিন্দুমাত্র ক্রটি হইলেই অসহ্য বোধ হয়। ফলতঃ, মনুষ্যের মনে একটা প্রবৃত্তি বলপ্রাপ্ত হইলে অন্যগুলি সহজেই ধ্বংস হইয়া যায়। পতি পত্নীর মধ্যে প্রগাঢ় স্নেহ এবং স্বকর্তনের প্রতি অবিচলিত ভক্তি, উভয় রক্ষা করা অসাধ্য। অতএব একান্নবর্তী পরিবারে বিশৃঙ্খলা স্বতাবসিদ্ধ বলিতে হইবেক।



## রাধারমণ গুপ্ত ।

### বেকন্ মন্দর্ভ ।

সন্দেহ ।

পাখীর মধ্যে বাছড় বেকন্, চিম্বার মধ্যে সন্দেহ সেইরূপ ।  
বাছড় সন্ধ্যাকালের অন্ধকারে উড়িয়া বেড়ায়, সেইরূপ যে বিষয়  
আমরা ভাল জানি না, সেই বিষয়েই সন্দেহ উপস্থিত হয় ।  
সন্দেহ থামাইয়া রাখা ভাল, অন্ততঃ তাহা বিষয়ে সতর্ক হওয়াও  
চাহি ।

সন্দেহে মন মেঘাচ্ছন্নের ন্যায় হইয়া উঠে, বন্ধ বাকবের  
সহিত বিচ্ছেদ এবং কার্যেরও অনেক ব্যাঘাত জন্মে, সুতরাং  
কাজকর্ম স্থির ও সমভাবে চলিতে পারে না । ইহাতে রাগা  
যথেষ্টাচার ও স্বামী স্ত্রীর প্রতি অবিশ্বাসী হয় ; বিস্ত্র লোক-  
দিগেরও বুদ্ধির স্থিরতা ও মনের প্রকৃষ্টতা থাকে না ।

সন্দেহ জন্মের দোষে উপন্ন হয় না, বুদ্ধির দোষে হইয়া  
থাকে । কারণ দৃঢ়প্রকৃতি লোককেও সন্দিগ্ধচিত্ত দেখা যায় ।  
ইংলণ্ডের সপ্তম হেনরী এইরূপ ছিলেন, তাঁহার মত সন্দিহান  
অথচ দৃঢ়প্রকৃতি লোক দেখা যায় না । এরূপ প্রকৃতিতে অল্প  
অনিষ্ট ঘটিয়া থাকে । কারণ তাঁহারা সম্ভব অসম্ভব বিবেচনা  
করিয়া সন্দিগ্ধচিত্ত হয় না । কিন্তু ভীকপ্রকৃতি লোকে শীঘ্রই  
সন্দিহান হয় ।

অল্পজ্ঞান লোকে বেকন্ সন্দিগ্ধচিত্ত হয়, সেরূপ তার কিছু

তেই হয় না। সুতরাং অধিক জ্ঞান লাভ করা ও সন্দেহকে মনে মনে স্তম্ভিত না রাখাই ইহার প্রকৃত গুণ।

মানুষে কি চায়? তাহারা মনে করে যে, তাহারা যে সকল লোককে কার্যে নিযুক্ত করে ও বাহাদেব সহিত ব্যবহার করে, তাহারা যদি তাহারা কি ইহা বিবেচনা করে না, যে উহাদের নিজের অভিসন্ধি আছে, এবং নিজ অভিসন্ধির প্রতিই উহাদের সম্পূর্ণ দৃষ্টি? সুতরাং সন্দেহকে সত্য বলিয়া উহার ফলাফল বিবেচনা কর; এবং মিথ্যা বলিয়া থামাইয়া রাখ, ইহা হইতে সন্দেহকে স্তম্ভিত রাখিবার আর উৎকৃষ্ট উপায় নাই। বিপদ নিবারণের জন্য মানুষের যে বিষয়ে সন্দেহ, তাহা সত্য বলিয়া জ্ঞান করা ভাল, তাহাতে তাদৃশ অনিশ্চয় ঘটে না। যে সন্দেহ আপনা হইতে মনের মধ্যে উদ্ভূত হয়, তাহা কেবল মধুমক্ষিকার শব্দ নাত্র; কিন্তু বাহা নিপুণতার সহিত পরিপোষিত হইয়া আখ্যান ও কথাচ্ছলে লোকের মনে বিন্যস্ত হয়, তাহা মধুমক্ষিকার ছলস্বরূপ।

যে ব্যক্তির উপর সন্দেহ হয়, স্পষ্টরূপে তাহাকে সন্দেহের কারণ বলাই সন্দেহকাননচ্ছেদের উপযুক্ত কুঠার নিশ্চয় জানিবে। তদ্বারা শীঘ্রই সত্য মিথ্যা নিশ্চয় জানা যায়, এবং সন্দেহ ব্যক্তিও পাছে আবার সন্দেহের কোন কারণ উপস্থিত হয়, বলিয়া সাবধান হইয়া চলে। কিন্তু নীচপ্রকৃতি লোকের সহিত এরূপ ব্যবহার ভাল নয়, কারণ যদি তাহারা একবার জানিতে পারে, তাহাদের উপর সন্দেহ জন্মিয়াছে, তাহারা আর

কখন বিশ্বাসী হইতে চেষ্টা করিবে না। একজন ইটালিদেশীয় পণ্ডিত বলিয়াছেন, “সন্দেহ বিশ্বাসকে একেবারে জবাব দেয়।” বোধ হয় ইহাতে বিশ্বাস উত্তেজিত হওয়াই উচিত।

### ধন ।

ধনকে পুণ্যের পক্ষে রসদের বোঝা বই আর কিছুই বলিতে পারা যায় না। সৈন্যের পক্ষে রসদ যেরূপ, পুণ্যের পক্ষে ধন সেইরূপ। ইহা বাতীত কাজও চলে না, এবং ফেলিয়া বাইবারও যো নাই; কিন্তু ইহাতে গননের অতিশয় ব্যাঘাত জন্মে। ইহার জন্য কখন কখন জয়শ্রী হারাইতে হয়, বা উহা লাভ করিবার পক্ষে অনেক গোলযোগ ঘটে। দানবাতীত অধিক ধনের আর কোন প্রকৃত ব্যবহার দেখিতে পাই না, অন্যান্য সব কেবল বৃথা কল্পনা মাত্র। সলোমন বলেন, “যেখানে ধন অধিক, সেখানে ভোগের লোকও বিস্তর, এবং ধর্মীর কেবল চক্ষে দেখা মাত্রই ফল।” শুদ্ধ নিজে ধন ভোগ করায় অধিক ধনের আশাদগ্রহ হয় না, তাহাতে কেবল ধনরক্ষা, ধনবিভাগ, ও ধনদানের ক্ষমতা আছে, এবং ধনী বলিয়া খ্যাতি ও হইয়া হইয়া থাকে, কিন্তু ধর্মীর পক্ষে প্রকৃত উপকার কিছুই নাই। তুমি দেখিতেছ না যে, সর্বসাধারণকে ধনের একটা প্রকৃত ব্যবহার হইতেছে ইহা দেখাইবার জন্য ছুপ্রাপ্য বস্তু সকল এবং ক্ষুদ্র ক্ষুদ্র প্রস্তুত ও কত মহার্ঘ্য হইয়া উঠিয়াছে এবং কত কত বাহ্যাদ্বয়পূর্ণ কাজ

হইতেছে। তুমি ইহা বলিতে পার, ধন মানুষকে অনেক বিপদ হইতে উদ্ধার করে। সলোমনও বলিয়াছেন, “ধনীর বিবেচনায় ধন দুর্ভেদ্য দুর্গের স্বরূপ।” তিনি উহা ভুলই বলিয়াছেন, কারণ ইহা কেবল ধনীর বিবেচনাতেই মাত্র, কাজের নহে। দেখ ধনে লোক নানা বিপদে পড়িয়া থাকে, উহা হইতে উদ্ধার হওয়া অতি অল্প দেখিতে পাওয়া যায়।

কেবল বাহ্যাড়ম্বরের জন্য ধন চাহিও না। বাহা তুমি সহু-পারে পাও, শাস্ত হইয়া ব্যবহার করিতে পার, আত্মাদপূর্বক বিভাগ করিতে পার, এবং সন্তোষের সহিত রাখিয়া যাইতে পার, তাহাই ভাল; কিন্তু যোগী ঋষির মত ধনকে ঘৃণা করিও না। সিসিরো একজন খ্রিস্টীয় ব্যক্তির বিষয় যে রূপ বলিয়া-ছেন, সেইরূপ ধন চিনিয়া লও। তিনি বলিয়াছেন, উক্ত মহা-শয় অর্থপিপাশাশাস্তির জন্য ধনকামনা করেন নাই; কেবল উদার পরোপকারের জন্যই করিয়াছিলেন। সলোমন যাহা বলি-য়াছেন, তাহাও তন এবং ব্যস্ত হইয়া ধনসংগ্রহ করিও না। তিনি বলেন, “যে ধনোপার্জনে অতিশয় ব্যগ্র, সে কখন সহু-পারে ধনসংগ্রহ করিতে পারে না।”

কবিরী বলিয়া থাকেন, “দেবরাজ যে ধন দেন, তাহা অতিশয় মন্দগামী, কিন্তু যাহা মৃত্যুর নিকট হইতে আইসে, তাহা ক্রমগামী,” ইহার তাৎপর্য এই যে, সহুপারে ও সংপরি-শ্রমে যাহা উপার্জন করা যায়, তাহাতে অধিক কালবিলম্ব হয়, এবং বাহা অন্যের মৃত্যুর দ্রুপ (অর্থাৎ উত্তরাধিকারী হইয়া)

পাওয়া যায়, তাহা একেবারে আসিয়া পড়ে, অথবা যখন প্রত্যা-  
রণা, উৎপীড়ন ও অন্যান্য অন্যায় উপায় দ্বারা ধন আইসে, তখন  
উহা যেন দৌড়িয়াই আইসে ।

ধনী হওয়ার অনেক পথ আছে, কিন্তু তাহার অধিকই পাপ-  
পূর্ণ । কৃপণতা একটা উৎকৃষ্ট উপায় বটে, কিন্তু ঘোষণা নহে ।  
ইহাতে লোককে উদারায়ণ ও বদান্য হইতে দেয় না । ভূমির  
উর্বরতা দ্বারা ধনোপার্জন করা অতি উৎকৃষ্ট । ইহা লোকমাতা  
বসুন্ধরার প্রসাদস্বরূপ ; কিন্তু উহা বহুকালসাধ্য । ধনী লোকে  
কৃষি আরম্ভ করিলে অতি অল্পকালমধ্যেই বিপুল অর্থাগম হয় ।  
আমি ইংলণ্ডের একজন সম্ভ্রান্ত ব্যক্তিকে জানিতাম ; আমাদের  
সময়ে তাঁহার বত মোকাম ছিল, এত আর কাচারও ছিল না ।  
তিনি একজন প্রধান পত্রপালক, প্রধান মেম্বরফক এবং প্রধান  
কাঠব্যবসায়ী ছিলেন । তাঁহার পাখরিয়া করলা, তুসী জিনিস, সীসা,  
লৌহ প্রভৃতি নানাবিধ বস্তুর কারবারও অতিশয় ফলাও ছিল ;  
সুতরাং নিরন্তর আমহানীর পক্ষে পৃথিবী তাঁহার নিকট সমুদ্রে  
হইয়া উঠিয়াছিল ।

একজন বলিয়াছেন, “তিনি অতিক্রমে অত্যন্ত ধন উপা-  
র্জন করিয়াছিলেন ।” কারণ যখন বাসুন্দের মূলধন এরূপ হইয়া  
উঠে যে, বাজারের সুবিধার অপেক্ষা করিতে পারে, এবং অন্যের  
দ্বারা পুঞ্জির বাহির এরূপ সম্ভাও করিতে পারে, অথচ খুচরা  
ব্যাপারীদিগের পরিচরের অংশভাগী হয়, তখন সে অবশ্যই  
অতুলধনশালী হইবে সন্দেহ নাই ।

সাধারণ বাণিজ্যে অতিসৎ উপায়েই উপার্জন হয়। পরিশ্রম ও সূখ্যাতি দ্বারা তাহার উন্নতিও হইয়া থাকে। কিন্তু চুক্তির কারবারে যাহা লাভ হয়, তাহা সর্বাংশে সৎ নহে। উহাতে অন্যের দরকারের দিকে চাহিয়া থাকিতে হয়, চাকরদের নিকট ঘুসও লওয়া হয়, এবং চাতুরী করিয়া অন্য খরিদারকেও ডাড়াইতে হয়। একরূপ কার্যে ধূর্ততার বিশেষ সংশ্রব আছে।

সওদা বদল করার বিষয়,—যখন কোন ব্যক্তি কেবল বিক্রয়ের জন্য জিনিস খরিদ করে, তখন ক্রেতা ও বিক্রেতা উভয়ে-রই ক্ষতি সহ্য করিতে হয়, বখরার কারবারে বিস্তর মুনাফা হয়, কিন্তু বাহাদেবের উপর ভার থাকে, তাহার বিখ্যাসী হওয়া চাহি।

সুদের কারবারে নিষ্ফলকে লাভ হয়, কিন্তু উচা অতিশয় কুৎসিত ব্যবসায়। সুদেখার অন্যের পরিশ্রম দ্বারা আপন জীবিকা নিষ্কাহ করে; অমাবস্যাতেও উহার লাভল কামাই যায় না, যদিও উহা লাভের নিষ্ফলক পথ বটে, কিন্তু উহার কতকগুলি দোষও আছে। সময়ে সময়ে দালালেরা আপন উদ্দেশ্যসাধনের নিমিত্ত দেউলেপড়া খাতককেও আনিয়া দেয়। বাহার অদৃষ্টে নূতন উদ্ভাবন বা বিশেষ স্বত্ব জুঠে, সময়ে সময়ে তাহার বথেই অর্থাগম ও হয়। কানারি হীপে যে প্রথম ঠেকুর চাস করিয়াছিল, তাহার অদৃষ্টেও ঐরূপ ঘটিয়াছিল, অতএব বাহার উদ্ভাবনীশক্তি আছে, এবং বিবেচনার অপ্রতুল নাট, সেই বর্ধার্থ তार्কিক। সময় বুঝিয়া চলিতে পারিলে সে গুরুতর কার্যে লাভন করিতে পারে।

যে নিশ্চিত লাভের উপর নির্ভর করে, সে কখন বড় মানুষ হইতে পারে না, এবং যে সর্বত্র কারবারে খটায়, সে প্রায়ই দেউলে পড়ে ও দরিদ্র হইয়া যায় । অতএব নিশ্চিত লাভের আশাকে সাহসের উপর গ্রহণী রাখা ভাল, তাহা হইলেই লোকসান সামালিতে পারিবে ।

একচেটিয়া ও একেবারে বাজারের সমুদায় জিনিস খরিদ করা (যেখানে উহা আইনবিরুদ্ধ নয়) ধনী হইবার প্রধান উপায় । বিশেষতঃ লোকের কি অত্যন্ত দরকার, যদি তাহা ভাল জানা থাকে, ও সেই সেই জিনিস সর্ব্বাগ্রে খরিদ করিয়া গুদামজাত করিয়া রাখা যায়, তাহা হইলেও যথেষ্ট লাভের সম্ভাবনা । চাকরী দ্বারা উপার্জনে যদিও উন্নতি হইতে পারে বটে, কিন্তু খোসামুদি, মনবোগান, কিম্বা অন্যান্য কুৎসিত কায্য দ্বারা যদি চাকরী লইতে হয়, তবে উহা হইতে নীচ কাজ আর নাট । খোসামুদি করিয়া কাহারও উত্তরাধিকারপত্রে নাম লেখান বা ওছি সরবরাহকার হওয়ার বিষয়-সেনেকার সম্বন্ধে উত্তম বলা আছে । “সেনেকা উত্তরাধিকার পত্র ও ওচাওতি যেন ভাল ফেলিয়া ধরিতেন ।” ইহা সকলের অধম ; ইহাতে চাকরী অপেক্ষা নীচ লোকের সেবা করিতে হয় ।

যাহারা ধনকে ঘৃণা করে, তাহাদের কথায় বিশ্বাস করিও না ; কারণ যাহারা ধনোপার্জনে নিরাশ হইয়াছে, তাহারা ই ধনকে ঘৃণা করিয়া থাকে ; কিন্তু তাহারা যখন ধনী হয়, তখন তাহাদের মত অর্থপিষাচ হইতে আর কাহাকেও বেগা যায়না ।

তোমাক্ষেণে সিকি পরসামা বাপ হর না । ধনের পাখা আছে, উহা কখন কখন আপনা আপনি উড়িয়া যায়, কখন বা অধিক ধনের আশায় উড়াইয়া দিতে হয় ।

কেহ কেহ আপন আত্মীয়গণকে ধন দিয়া যান, কেহ বা সাধারণের উপকারার্থে দিয়া থাকেন, কিন্তু দুই দিকে পরিমিতরূপ দান করাষ্ট ভাল । যখন কোন ব্যক্তি বিপুল সম্পত্তির অধিকারী হয়, তখন যদি তাহার বয়স ও বিবেচনার পরিপাক না হইয়া থাকে, তাহা হইলে অনেক অর্থলোলুপ গৃহু আসিয়া তাহাকে ঘেরিয়া ফেলে ।

অনাধিনিবাস, অতিথিশালা প্রভৃতি যদি কেবল জাঁকজমকের জন্য স্থাপিত হয়, তাহা হইলে উহা কেবল ভক্তিহীন পূজামাত্র, অথবা বহির্শিচ্ছিন্ন শব্দমাত্র বলিলেও বলা যায় ; উহার ভিতর পচিয়া দুর্গন্ধ হইয়াছে । অতএব পরিমাণ ধরিয়া তোমার দান-শীলতার মাপ করিও না, উহা কতদূর কার্যের হইল, তাহা ধরিয়া মাপিয়া লও । মৃত্যুকালে দান করিব বলিয়া স্তির হইও না । যদি ভাল করিয়া বিবেচনা কর, তবে একরূপ করা কেবল অন্যের ধনে নবাবী মাত্র, নিজের ধনে নহে ।

### মানুষের স্বভাব ।

লোকে প্রায়ই আপন স্বভাব গোপন করে ; কখন কখন দমন করিয়াও রাখে ; উহা কদাচিৎ একেবারে বিলুপ্ত হয় ।



বল প্রকাশ করিলে উহা ভয়ানক হইয়া উঠে, উপদেশ ও কথো-  
পকথনে অনেক শাস্ত হয়, এবং কেবল অভ্যাস দ্বারাষ্ট পরিবর্তিত  
ও বশীভূত হইতে পারে ।

যিনি আপন স্বভাব জয় করিতে চান, তিনি যেন একেবারেই  
বহ্নারস্তু বা অগ্নারস্তু না হন ; কারণ প্রথম পক্ষে, যদি  
তিনি কৃতকার্য না হইতে পারেন, তবে একেবারে দমিয়া যাই-  
বেন । দ্বিতীয় পক্ষে, যদিও তিনি কৃতকার্য হইবেন, কিন্তু মন্থ-  
গতি হইতে হইবে । অতএব প্রথম সাতার শিখিতে হইলে  
যে রূপ সোলার তাড়া বা বাতাসপোরা ভিত্তি লইতে হয়, সেই-  
রূপ প্রথমে তাঁহাকেও কিছু কিছু সাহায্য লইতে হইবে । কিছু  
দিন পরে, যে রূপ নর্তকেরা মোটা জুতা পরিয়া নাচ শিখে,  
সেই রূপ তাঁহাকেও কিছু অসুবিধা স্বীকার করিয়া স্বভাববশী-  
করণ অভ্যাস করিতে হইবে ; কারণ সচরাচর কাজের জন্য যত  
দূর দরকার, অভ্যাস যদি তাহা অপেক্ষা কঠিনতর হয়, তাহা  
হইলে বিশেষ নৈপুণ্য জন্মে । যেখানে স্বভাব অতিশয় দুর্দাস্ত,  
সুতরাং তাহা জয় করাও কঠিন ব্যাপার, সেখানে ক্রমে ক্রমে  
চেঁটা করা অভ্যাস আবশ্যিক । যেমন কেহ কেহ অভ্যাস তুচ্ছ  
হইলে মাতৃকাকর পাঠ করিয়া ক্রোধ সংবরণ করে, সেই রূপ  
প্রথমে অবসর বুঝিয়া স্বভাবকে ধামাও । তদনন্তর যেমন  
সুরাপান ত্যাগ করিতে হইলে প্রথমে ভৈরবীচক্র ত্যাগ করিতে  
হয়, ও আহারের সময়ই কেবল যৎকিঞ্চিৎ ব্যবহারমাত্র থাকে,  
এবং শেষে অনায়াসে একেবারে পরিত্যাগ করিতে পারা যায়,

সেইরূপ স্বভাব দমন করিতে হইলেও ক্রমে ক্রমে বশীকরণের পরিমাণ বাড়াইয়া দাও । কিন্তু তাহার একরূপ সহিষ্ণুতা ও অধ্যবসায় আছে যে, একেবারেই আপনাকে স্ববশে আনিতে পারে, তাহার একেবারেই স্বাধীন হওয়া সর্বতোভাবে শ্রেয়স্কর ।

“যে দুঃখ অস্তুর খুলিয়া ধায়, তাহা একেবারে হৃদয় হইতে দূর করিয়া দেওয়া ভাল ; তাহা হইলে একটা প্রবল কষ্টভোগ করিয়াই যাবজ্জীবন একটা যন্ত্রণার হাত এড়াইতে পারা যায় ।” যে রূপ একটা বাঁকা ছড়িকে সোজা করিতে চাইলে বিপরীত দিকে নোয়াইতে হয়, সেইরূপ যেখানে সম্পূর্ণ বিপরীত পথে চলিলে কোন দোষস্পর্শ হয় না, সেস্থলে স্বভাবকে সৎপথে আনিবার অন্য বিপরীত দিকে লইয়া যাওয়া ভাল ।” এই প্রাচীন নিয়মটি বড় অমূল্য নহে । নিরন্তর অনুশীলন দ্বারা কোন একটা সংস্কার বদ্ধমূল করিও না ; মধ্যো মধ্যো উহার বিরাম রাখিও ; তাহা হইলে আরও সরল হইয়া অগ্রসর হইতে পারিবে ।

মানুষ সর্বগুণাধিত নহে । উহার কোন না কোন একটা দোষ আছেই আছে ; সুতরাং যদি সে নিরন্তর কোন একরূপ স্বভাব অভ্যাস করে, তবে তাহার গুণও যে রূপ অভ্যাস পাইতে পারে, দোষও সেইরূপ বদ্ধমূল হইবার সম্ভাবনা । অতএব সময় বুঝিয়া বিরাম দেওয়া ব্যতীত ইহা হইতে পরিত্রাণের আর বিত্তীয় উপায় নাই ।

কেহ যেন তাহার স্বভাবকে একেবারে জয় করিয়াছে বলিয়া দৃঢ় বিশ্বাস করে না। স্বভাব স্তম্ভিত হইয়াও অনেক দিন থাকিতে পারে, এবং সময় পাইয়া বা কোন প্রলোভন দেখিয়া পুনরায় উত্তেজিত হয়। এ বিষয়ের উদাহরণরূপ জৈসপ্রচিত্র একটা গল্প আছে, যথা, “কোন ব্যক্তি একটা বিড়ালকে পরমসুন্দরী যুবতী করিয়াছিল, তথাপি ঐ যুবতী, যেপর্যন্ত একটা ইন্দুর সম্মুখ দিয়া না যাইত, সে পর্য্যন্ত চৌকীর এক ধারে চূপ করিয়া বসিয়া থাকিত।” অতএব প্রলোভনের সংসর্গ একেবারেই পরিত্যাগ করা ভাল, অথবা বারম্বার উহার সম্মুখে দাঁড়াও, তাহাতে চঞ্চল হইবার অত্যন্ত সম্ভাবনা থাকিবে।

নির্জ্ঞানে মানুষের স্বভাব বিলক্ষণ প্রকাশ পায় ; কারণ সেখানে আন্তরিক ভাব ঢাকা থাকে না, সে সময়ে লোকে আপন শাসনের বাহিরে থাকে। তখন সে নূতন স্থানে আসিয়া উপস্থিত হয়, সুতরাং পরিচিত অভ্যাসের ফল আর কিছুই ঘাটে না।

যাহাদের ব্যবসার স্ব স্ব প্রকৃতির অমুরূপ, তাহারাই সুখী, অন্যথা তাহারা যে বিষয় ভাল বাসে না, তাহার চর্চকালে বলিতে পারে, “আমাদের আত্মা অনেক দিন বিদেশী হইয়াছে।” শাস্ত্রচর্চাবিষয়ে যে সকল পুস্তক না পড়িলে নয় বলিয়া পড়িতে হয়, তাহার জন্য সময় নিরূপণ করা ভাল ; আর বাহা ভাল লাগে, তৎক্ষণাৎ সময় নির্ধারণের প্রয়োজন নাই ; যন সেদিকে আপনা হইতেই দৌড়িবে ; অন্যান্য কার্যের সময় নির্ধারণ করিলেই যথেষ্ট হইবে।

মানুষের স্বভাব হয় শস্যপূর্ণ হইবে, নয় নিবিড়তাচ্ছন্ন  
হইয়া উঠিবে । অতএব সময়মত শস্য জলসেক কর এবং ঘাস  
উঠাইয়া দাও ।

---

## পৌল ও বর্জিনী ।

### উপসংহার ।

মৃত্যুর কথা কি বলিব বৎস ! মৃত্যু সকলের পক্ষেই পরম প্রাথমিক ও ভয়ঙ্কর রূপ । জীবন যেন একটি ক্রেশময় দিন, মৃত্যু তাহার স্বজনীস্বরূপ । রোগ শোক পরীতাপ বিপত্তি ও ভয়, এবং আর যাহা কিছু জন্মোদ্ভিগকে নিরস্তুর বিশোড়িত করে, সে সমুদায় মৃত্যুরূপ সুষুপ্তিতে বিনীন তটয়া যায় । বাহাদিগকে বড় সুখী মনে কর, তাহাদিগকেই পরীক্ষা কর, দেখিবে তাহাদিগের ভাক্ত সুখ ক্রয় করিতে অনেক দাম লাগিয়াছে । তাহারা গার্হস্থ্য সুখ পরিত্যাগ করিয়া যশের মুখ দেখিতে পার, শাস্ত্য বলিদান দিয়া ধনসঞ্চয় করে, এবং অজ্ঞান স্বার্থবিসর্জন-পূর্বক পবের প্রণয় ও তজ্জনিত তুল্য সুখ লাভ করে । অনেকে পরার্থসাধনে আয়ুঃ শেষ করিয়াও শেষ দশায় কপটী বান্ধব আর কৃত্রিম স্বজন ব্যতীত আর কিছুই দেখিতে পারনা । কিন্তু বর্জিনী চরম ক্ষণপর্য্যন্ত সুখেই কাটাষ্টয়াছে । যাবৎ আমাদের নিকটে ছিল, তাবৎ প্রকৃতির বদান্যতা থাকতে, তাহাকে কোন অপ্রতুল দেখিতে হয় নাই । আর যখন আমাদের সঙ্গে বিচ্ছিন্ন হইল, তখনও কি সে একেবারে সকল সুখ হারাইল, কখনই নহে । তাহার সদৃশ সাধুতা থাকিলে কোন অবস্থাতেই নিরবচ্ছিন্ন হৃঃখভাগী হইতে হয় না । তাহার ধর্ম ও সদাশুপসমূহ তাহার পক্ষে অক্ষয় সুখের ভাণ্ডারস্বরূপ ছিল । এমন কি মৃত্যুকালেও তাহার সুখের পরিসীমা ছিল না । চাই তাহার নিমিত্ত

রোরুদামান দেশগুহ লোকের প্রতি নেত্রপাত করুক, চাই তাহার পরিত্রাণের নিমিত্ত ব্যাকুল ও অসমসাহসিক ব্যাপারে প্রবৃত্ত তোমার প্রতিই দৃষ্টিনিষ্ক্রেপ করুক, সে চারিদিকেই দেখি-  
 রাচ্ছে যে, সকলে তাহাকে কত ভাল বাসে। তাহার জীবন  
 যেক্রপ পরিশুদ্ধভাবে অতিবাহিত হইয়াছে, তাহাতে কণামাত্র  
 পারত্রিক শঙ্কা তাহার মনে স্থানলাভ করে নাই। বিধাতা ম্রিয়-  
 মাণ সাধুজনের হৃদয়কে সুস্থির করিবার নিমিত্ত যে অবিচলিত  
 সাহস পুরস্কারস্বরূপ প্রদান করেন, সেই সাহসে ভর করিয়া  
 বিপদের প্রতি সে দৃকপাতও করে নাই। সে মৃত্যুর করাল  
 মূর্তির নিকট বিকারশূন্য মুখশ্রী প্রদর্শন করিয়াছে।

সংসারে যে সকল অতি গুরু বিপত্তি আছে, সাধু জনদিগ-  
 কেও যে তাহা সহ্য করিতে হয়, ইহা পরমেশ্বরের অভিপ্রেত।  
 বিপদ উপস্থিত হইলে কিরূপ ভাব ধরিতে হয়, কিরূপ সাহস  
 দেখাইতে হয়, তাহা সাধু জনেরাই জানেন। তাঁহারা ই হৃদে-  
 বের তর্জনাতে ভয় পান না, বরং উহা ধিক্কার পূর্বক অতুল-  
 কীর্তি লাভ করেন, অনুপম ধীরতার দৃষ্টান্ত দেখান। এই উদ্দে-  
 শেই পরমেশ্বর সাধুদিগের উপর বিপদের সুব্যবহার ভার অর্পণ  
 করেন, কারণ তাঁহারা ই বিপদের সুব্যবহার করিতে সমর্থ।  
 যখন অত্যাঙ্কল কীর্তিমণ্ডলে সাধুজনকে মণ্ডিত করিতে বিধা-  
 তার ইচ্ছা হয়, তখন তিনি সাধুজনকে সংসাররূপ উদাস্ত নাট্য-  
 মন্দিরে দণ্ডায়মান করিয়া বিবিধ কষ্ট ও মৃত্যুপর্ষ্যস্ত সহ্য করান,  
 তখন তাঁহাকে অবিচলিত দেখিয়া সকলে ঠৈর্যা ও মহিফুতা

শ্রমের শিক্কা পায়, তখন তাঁহার বিপত্তি স্মরণ করিয়া উত্তর পুরুষেরা চিরকাল অশ্রুধারা বর্ষণ করে । যে অবনীতে সকলই অক্ষয়ংসী, যথায় কত প্রাচীন মহীপালদিগের নাম নিত্য নিত্য বিশ্বতিসাগরে বিলীন হইতেছে, সেট অবনীতে সাধুজনের কীর্ত্তিই চিরস্থায়িনী হয় । কিন্তু তা বলিয়া কি বজ্জীনের কীর্ত্তি বাতীত আর কিছু নাই । নিঃসংশয় জানিও বৎস ! যে, সে অদ্যাপি বর্ত্তমান আছে, তাহার ধ্বংসদশা হয় নাই । দেখ দেখি, পৃথিবীতে কোন পদার্থের কি ধ্বংস হয় ? সকলের কেবল পরিবর্ত্ত ও রূপান্তরমাত্র হইতেছে । মানুষ এমন কোন বস্তু উদ্ভাবন করেন নাট, যদ্বারা একটীমাত্র পরমাণু একবারে বিলোপিত হইতে পারে । যখন চতুর্দিকের ভৌতিক পদার্থসমূহ অক্ষয়ংসী, তখন কি এমন হয় যে বাহার জ্ঞান ছিল, অশ্রুভব ছিল, শ্রীতি ছিল, ধর্ম্মবোধ ছিল, বিচার ছিল, সেট চিৎপদার্থ ধ্বংস হইয়া যাইবে ? ও যদি আমাদের সহবাসে বজ্জীনের সুখ ভট্টয়া থাকে, তবে এখন তাহার কি অনিচ্ছাচনীর সুখই ভোগ হইতেছে ! ঈশ্বর আছেন বাছা, তাহাতে সন্দেহমাত্রটী নাট । সকল পদার্থই সে বিষয়ে সাক্ষ্য দিতেছে, তাহা প্রতিপাদন করিতে যুক্তি অপেক্ষা করে না । যাহারা আপন অপকর্ম্ম নিবন্ধন পারত্রিক বিচারের ভয় করে, সেট ছুরাআরাই ঈশ্বর মানে না । যেমন তাঁহার কার্য্যসকল তোমার প্রত্যক্ষগোচর হয়, তেমনি জ্ঞানস্বরূপের জ্ঞানবীজ তোমার মনে রোপিত আছে । এখন বল দেখি, তোমার কি মনে হয় যে, তিনি বজ্জীনীকে

পুরস্কার দিবে না ? তোমার কি মনে হয় যে, যে অচিন্ত্যশক্তি তাৎশ উন্নতশর মনকে তেমন প্রিয়দর্শন শরীররূপ পরিচ্ছেদে পরিচ্ছন্ন করিয়াছিল, যে শক্তি সেই শরীরে অতি চমৎকার দিব্য নির্মাণের সুস্পষ্ট প্রমাণ রাখিয়া দিয়াছিল, সেই শক্তি তরঙ্গ হইতে বজ্জীনীকে তুলিবে না ? যিনি আমাদের অপরিষ্কৃত নিয়মাবলীদ্বারা ইহকালে মানববর্গের সুখের বন্দোবস্ত করিয়াছেন, তিনি সেইরূপ অপরিষ্কৃত অন্যবিধ নিয়মাবলীদ্বারা পরকালে অন্যপ্রকার সুখ দিতে কি অসমর্থ ? সত্য বটে, পারত্রিক সুখের বিষয়ে আমরা কিছুই আকর্ষণ করিতে পারি না, পরকাল যে কিপ্রকার তাহার কিছুই বুঝিতে পারি না, কিন্তু তা বলিয়া কি পরকাল নাই বলা যায় ? যখন ভূমিষ্ঠ হইলাম, তখন কি এই পৃথিবীর স্বরূপ চিন্তা করিতে পারিরাহিলাম, তখন কি সংসারের ভাব বিম্বিসর্গ বুঝিতে পারিয়াছিলাম ? বাহা কিছু আমাদের বুদ্ধির অগম্য ও চিন্তাশক্তির অগোচর, তাহাই অলৌক ও অবাস্তবিক ইহা কি কাজের কথা ? আমরা এমন যে অন্ধকারময় ক্ষণক্ষয়সী অবস্থার বর্তমান আছি, তথা হইতে পরকালের ভাব কিরূপে কর্তব্য করিব ? ইহা কি সম্ভব যে পরমেশ্বর ভূমণ্ডলবাসীত আর কৃত্রাপি আপন করুণা ও জ্ঞানের প্রমাণ প্রদর্শন করেন নাই ? যে বিশাল অবকাশ মৃত্যুর ছায়াতে আচ্ছন্ন আছে, উন্নয়ন কি তিনি সমুদ্রজাতির সৃষ্টি করিতে পারেন নাই ? সমুদ্রের প্রত্যেক জলবিন্দুতে অসংখ্য হৃদয়শরীর প্রাণী বাস করে, তবে উপরে পরিবর্তমান অসংখ্য



গ্রহ নক্ষত্রাদি একেবারে শূন্য হইয়া আছে। ইহা বিশ্বাস করা যায় কি? কেবল আমাদের নিবাসভূমি পৃথিবী ব্যতীত আর কোথাও অচিন্ত্য শক্তি ও অপার জ্ঞানের কি প্রসব নাই? ঐ সকল উজ্জল অসংখ্য মণ্ডলসমূহ, ঝটিকা বা মহানিশার অগম্য, ঐ সকল জ্যোতির্শ্ময় স্থানসমূহ কি কেবল অনর্থক নিশ্চিত হইয়াছে এবং মরুভূমি হইয়াছে? যদি ঈশ্বরের শক্তির সীমা থাকিত, যদি শত সহস্র প্রমাণদ্বারা তাঁহার ক্ষমতা অসীম বলিয়া প্রতিপন্ন না হইত, তবে বলিতে পারিতাম বটে যে, এই যে পৃথিবী দেখিতেছে, যথায় ধর্ম ও পাপের যুদ্ধ হইতেছে, যথায় জীবন ও মরণের বৃন্দ চলিতেছে, সেই পৃথিবীই ঈশ্বরের রাজত্বের সীমাভূমি।

নিঃসংশয়ই এমন স্থান আছে, যথায় ধর্মের পুরস্কার হয় এবং সাধুগণের পরমসুখ লাভ হয়। আহা, যদি সেই দিব্যালোক হইতে বর্জীনী অদ্য তোমার সহিত কথা কহিতে পারিত, তাহা হইলে সে অবশ্যই এই ভাবে সম্ভাষণ করিত। 'পৌল হে! জীবন কেবল পরীক্ষায়াত্র, পৃথিবী কেবল পরীক্ষার স্থলমাত্র। যত দিন সেই পরীক্ষাশূলে ছিলাম, তত দিন আমি ধর্মের কোন সেতুতর্ক করি নাই, প্রকৃতির উপদিষ্ট কোন আচার পরিত্যাগ করি নাই, এবং প্রণয় কর্তৃক প্রবর্তিত কোন পথ উল্লঙ্ঘন করি নাই। আমি মাতৃ-আজ্ঞা পালনার্থ সমুদ্র পার হইয়াছি, আমি ঐশ্বর্য্য পরিত্যাগ করিয়া চারিভ্রম রক্ষা করিয়াছি, আমি কৌণারব্রততর্ক

অপেক্ষা প্রাণনাশ করিয়াছি । বিধাতা দেখিলেন যে, আমার জীবনযাত্রাতে যাহা কিছু কর্তব্য ছিল, তাহা সম্পূর্ণ হইল, অতএব দয়াদৃষ্টি করিয়া ক্লেশময় জীবনযাত্রা সাস্ত করিয়া দিলেন । দারিদ্র্য, কিস্মি কুৎসা, কিস্মি অসুখ, কিস্মি উদ্বেগজাল, কিস্মি পরের বিপত্তিদর্শন ইত্যাদি যে সকল যন্ত্রণা সংসারে সর্বদা আক্রমণ করে, তাহাদিগের হাত আমি এখন একেবারে এড়াইয়াছি । মানুষ যে সকল কষ্টদ্বারা ভীষিত হয়, তাহাদিগের একটীও আর আমাকে আক্রমণ করিতে পারে না । তুমি কি না আমার ঈদৃশ দশাতে শোক করিতেছ ! আমি জ্যোতিঃকণার ন্যায় নিশ্চল ও নিত্য হইয়াছি, তুমি কি না আমাকে জীবনের অন্ধকণারে প্রত্যাহ্বান করিতেছ ! হে চিরমিত্র পৌল ! সেই সব দিনের কথা কি তোমার মনে পড়ে, যখন আমরা উভয়ে সূর্য্যাকিরণের শৈলশিখরে আরোহণসময়ে তদীয় রাশ্মিজালের সহিত বনভূমিতে বিসৃত হইয়া নভোমণ্ডলের রমণীয় রূপ দর্শন করিতাম ? কি কারণে যে তেমন চমৎকার আহ্লাদ অনুভব হইত, বুকিতে পারিতাম না, কেবল বালম্বভাব-বশতঃ এই অভিলাষ হইত যে, শুদ্ধ নেত্রময় হইয়া উষার সুসমৃদ্ধ শোভা নিরীক্ষণ করি, কর্ণময় হইয়া বিহঙ্গমকূলে সংস্কৃত সংগীত শ্রবণ করি, ঘ্রাণময় হইয়া উদ্যানের সৌরভ সন্তোষ করি, এবং হৃদয়ময় হইয়া এই সকল আনন্দের পরিচয় রক্ষা করি ! কিন্তু যে সৌন্দর্য্যের প্রস্রবণ হইতে পৃথিবীর সমুদয় সৌন্দর্য্য প্রবাহিত হইতেছে, আমি এখন তাহার নিকটে স্থান

পাইয়াছি । অসুখায়া পূর্বে যাহা সঙ্কচিত কতিপয় ইন্দ্রিয় দ্বারা অনুভব করিত ও তৃপ্তি পাইত না, এখন তাহা সাক্ষাৎ দর্শন, আশ্বাদন, স্রাণ, শ্রবণ, ও স্পর্শ করিতেছে । আমি এখন যে স্রোতিশ্রয় উপকূলে অধিষ্ঠান পাইয়াছি, কি বাক্য তোমার নিকট তাহার বর্ণনা করিব, বুদ্ধিতে পারিতেছি না ! অচিন্ত্য-শক্তি পরম পুরুষ জীবের দুঃখশাস্তির নিমিত্ত যাহা কিছু সৃষ্টি করিতে পারিতেন, আমার সে সমুদয় ভোগ হইতেছে ! আমারই মত অতুলসুখভোগী অসংখ্যজীবের সচিত মিত্রতা হইলে যত প্রমোদলাভ হয়, তাহা আমার লাভ হইতেছে ! অতএব হে বান্ধব ! তোমার পরীক্ষার যতটুকু অবশিষ্ট আছে, তাহা ধীরচিত্তে সহ্য কর, তাহা হইলেই এক সময়ে অবিনাশী প্রীতি দ্বারা তোমার প্রিয়তমা বজ্রীনার সুখ অনন্তরূপ করিতে পারিবে । তখন আমি তোমার সকল দুঃখ শাস্ত করিয়া দিব, সমুদয় বাষ্পঞ্জল পূঁছাইয়া দিব । হে মিত্র ! হে প্রিয়তম বর ! তোমার মনকে সেই নিতা দশার আশাতে উন্নত করিয়া বর্তমান কালের ক্ষণিক যন্ত্রণা সহ্য কর ।

আপন আন্তরিক ভাবভরে আমার কণ্ঠরোগ হইল । পৌল একদৃষ্টিতে কতক্ষণ আমার প্রতি চাহিয়া কহিল । ‘সে আর নাই ! তার সে আর নাই !’ এই হৃদয়বেদনাদায়ী কথাব পরই সুদীর্ঘ মূচ্ছা উপস্থিত হইল । চেতনা হইলে বলিল, ‘আচ্ছা, তবে ত বরণ এক প্রকার শুভ বলিতে হইবে । তবে আমিও যত শীঘ্র পারি করিয়া বজ্রীনার কাছে যাইব ।’ এইরূপে আমার

সান্ত্বনাচেষ্টা বিপরীত ফলে পরিণত হইল, এবং তাহার নৈরাশ্য কেবল বাড়িতে লাগিল। যেমন বন্ধুকে নদীতে নিমগ্ন হইতে দেখিলে তাঁহার স্তম্ভং সাতার জ্ঞানেন না, অথচ উদ্ধার করিতে গিয়া বন্ধুকে আরও বিপদে ফেলেন, আমিও তদ্রূপ হইলাম। হায় ! পোল ছেলেমানুষ, কখন দুর্দশা ভোগ করে নাই, লোকে পাঁচ বার সহিয়াই বড় বড় দুঃখ সহ্য করিতে সমর্থ হয়। কিন্তু পোলের একেবারে সর্বনাশ ঘটিল।

অন্তঃপর তাহাকে ঘরে ফিরাইয়া আনিলাম। তখন বিবি দিলাতুর এবং পোলের জননী অত্যন্ত শোণ হইয়াছিলেন। বিশেষতঃ, মার্গারেট স্বভাবতঃ প্রফুল্লস্বভাব ছিলেন বলিয়া তাঁহার হৃদয়ে বড় শক্ত আঘাত লাগিয়াছিল, তিনি মৃতপ্রায় হইয়া-  
ছিলেন। বাস্তবিকও আমোদী লোকে ক্ষুদ্র দুঃখ অনায়াসে বচন করে বটে, কিন্তু নিদারুণ দুর্দশাতে একেবারে অবসন্ন হয়। তিনি আমাকে কহিলেন, ‘মহাশয় গো ! কাল রাত্রে স্বপ্ন দেখিলাম যে; বজ্রীনী শ্বেত বসন পরিধানপূর্বক পরম রমণীয় একটি উদ্যানে পরিক্রমণ করিতেছে। আমাকে কহিল, ‘আমি যে সুখ ভোগ করিতেছি, তাহা সকলের প্রার্থনীয়।’ পরে স্মিতমুখে পোলের কাছে গিয়া তাহাকে আকাশে তুলিয়া লইল। আমি আপন পুত্রকে ধরিব এই চেষ্টা করিতে গিয়া তাহাদের সঙ্গেই উঠিতে লাগিলাম। তখন যেন অনির্কচমীর সুখ অনুভব হইল। সখীকে সম্ভাষণ করিবার নিমিত্ত মুখ ফিরাইয়া দেখি যে, তিনি দমিঙ্গ ও মেরীকে সঙ্গে লইয়া পশ্চাৎ

পশ্চাৎ আসিতেছেন । আশ্চর্য্যের কথা এই যে, সৈখীও কালি রাতে ঠিক এইরূপ স্বপ্ন দেখিয়াছেন । আমি কহিলাম ঈশ্বরের ইচ্ছাব্যতীত কোন কিছুই ঘটে না । আর, স্বপ্নের কথাও অনেক স্থলে ফলিয়া যায় ।’

বিবি দিলাতুরও আমাকে সেইরূপ স্বপ্নের বিবরণ বলিলেন । এই দুই মহিলা কিছুমাত্র কল্পনাপরতন্ত্র ছিলেন না, তাঁহাদিগের কোন কুসংস্কারে শ্রদ্ধা ছিল না, অতএব উভয়ের স্বপ্নসৌন্দর্য্য দেখিয়া আমার বড় আশ্চর্য্য বোধ হইল । মনে মনেও প্রতীতি জন্মিল যে, স্বপ্নের কথা শীঘ্রই ফলিবে । স্বপ্ন যে অনেক স্থলে সত্য হয়, এ প্রত্যয় সৰ্ব্বজাতির মধ্যেই প্রচলিত আছে । প্রাচীন কালে মহান্ মহান্ পুরুষেরা এ প্রত্যয়ে শ্রদ্ধা করিতেন । তাঁহারা যে কাল্পনিক শক্তির পরবশ ছিলেন, তঁহা কে বিশ্বাস করিবে ? বাইবেলেও অনেক স্বপ্ন সত্য চষ্টবার বৃত্তান্ত আছে । আমি নিজেও অনেক স্থলে ভাবী ঘটনা স্বপ্ন দ্বারা প্রকাশিত হইতে দেখিয়াছি । আর যতই কেন বিচার কর না, এ সকল বিষয় নিতান্ত দুর্লভ ও দুস্বোধ বলিয়া অবশ্যই স্বীকার করিতে হইবে । কলে, যদি আমাদের বুদ্ধি পরম পুরুষের বুদ্ধির ক্ষুদ্র প্রতিবিম্বস্বরূপ হয়, তবে বিশ্বনিয়ন্তা কি গূঢ়রূপে আমাদের বুদ্ধিতে কখন কিছু উদ্বোধ করিতে পারেন না ? কত সমুদ্র পার হইয়া, কত সংগ্রামপ্রবৃত্ত দেশ অতিক্রমপূর্ব্বক কোন ব্যক্তির চম্বলিপি তাঁহার বন্ধুর হস্তে উপস্থিত হইয়া আনন্দসঞ্চার করে, ইহা নিত্য ঘেঁষিতে পাই । তবে যিনি ধর্ম্মের একমাত্র শরণ্য,

তিনি কি ঈশ্বরপরায়ণ ভক্তদিগের চিত্তখেদনিবারণের নিমিত্ত কোন বিষয় জানাইতে পারেন না? অতু্যামী অস্তুরেই ভাবোদয় করিয়া স্মৃতি প্রদান করেন, তবে ভবিষ্যৎ বিষয় বিজ্ঞাপনের নিমিত্ত বাহ্য উপায় অবলম্বন না করিলে কি তাঁহার চলে না? আর স্বপ্নের কথা এত অলৌক মনে করিবার বিষয়ই বা কি? সুখদুঃখাদি ব্যাপারপূর্ণ সংসার স্বপ্ন নয় ত আর কি?

সে যাহা হউক, সখীদিগের স্বপ্ন ফলিতে বড় বিলম্ব হইল না। দুই মাস পরে পৌলের মৃত্যু হইল, তখন পর্য্যন্ত তাহার মুখে বজ্জীনার নাম। তাহার জননী তাঁহার আট দিন পরে প্রাণত্যাগ করিলেন। অস্তকালে ধার্মিক ব্যক্তির বেক্রম আফ্লাদ হয়, তাঁহারও সেইরূপ দেখা গেল। মৃত্যুশয্যায়ায় পবি দিলাতুরের নিকট বারম্বার সন্মুখে বিদায় গ্রহণপূর্ব্বক কহিলেন সখি, এতবার যে দেখা হইবে, তাহাতে আর বিচ্ছেদ নাট। আহা, মৃত্যু কি প্রার্থনীয় বস্তু! ইহার মত শুভ আর নাই। জীবন কেবল যজ্ঞাভোগ মাত্র, ইহা শেষ হইলেই ভাল। যখন পরীক্ষা দিবার নিমিত্তই পৃথিবীতলে আসা, তখন পরীক্ষা বত সংক্ষিপ্ত হয়, ততই সুখের কথা। দমিস্ত ও মেরৌ কন্মের বাহির হইয়া গিয়াছিল। দয়ালু গবর্ণর রাজকোষ হইতে তাহাদিগের গ্রাসা-চ্ছাদন বিধান করিলেন, আর বেচারী গৃহকুকুরটী পৌলের মৃত্যুর পরেই শোকে মরিয়া গেল।

## রামগতি ন্যায়রত্ন ।

রামমোহনরায়ের কৃত পুস্তক সকল ।

বাঙ্গালাভাষার উন্নতিচিকীষু উল্লিখিত ঠাকুরমহোদয়দি-  
গের সমকালেই মহাত্মা রামমোহন রায় প্রাকৃতিক হইয়াছিলেন ।  
তঁাহারা বাঙ্গালাভাষার অনেক উন্নতি করিয়াছেন । ১৮২৬ শকে  
(১৭৭৪ খৃঃ অব্দে) হুগলী জিলার অক্ষয়পুরী থানা কুলকৃষ্ণনগরের  
সম্মিলিত রাধানগরনামক গ্রামে রামকান্ত রায়ের গৃহে তঁহার  
জন্ম হয় । রামমোহন শৈশবকালে গ্রাম্য গুরুমহাশয়দিগের  
পাঠশালায় তৎকালপ্রচলিত রীতি অনুসারে বাঙ্গালাভাষায়  
শিক্ষিত হইয়াছিলেন । তৎপরে তিনি পাটনামগরীতে গমন-  
পূর্বক পারসী ও আরবী অধ্যয়ন করেন । এষ্ট ভিন্নদেশীয়  
ভাষার অনুশীলনকালেই হিন্দুদিগের দেবদেবী প্রভৃতি সমস্তই  
কাল্পনিক বলিয়া তাঁহার প্রথম উদ্বোধন হয় । তৎপরে তিনি  
বারাণসীগমনপূর্বক সংস্কৃতভাষা শিক্ষা করিয়া বেদাধ্যয়ন আরম্ভ  
করেন । সংস্কৃতশাস্ত্রের অগাঢ় অনুশীলনদ্বারা তাঁহার প্রথমোক্ত  
হিন্দুদিগের পৌত্তলিকতার প্রতি বিদ্রোহিতাব বিজ্ঞান না হইয়া  
বরং দৃঢ়বদ্ধ হইয়া উঠিল । তদনুসারে তিনি পুরাণপ্রতিপাদ্য  
হিন্দুধর্ম্ম যাহাতে সকলের মন চষ্টতে অপনীত হয়, এবং  
“একমেবাদ্বিতীয়ম্” বচনানুসারে অদ্বিতীয় পরব্রহ্মের উপাসনা  
দেশমধ্যে প্রচারিত হয়, তদর্থ বহুবান চষ্টলেন, এবং বহুপার-  
স্বরূপ ১৬ বর্ষ বয়ঃক্রম সময়েই “হিন্দুগণের পৌত্তলিক ধর্ম্ম-

প্রণালী" নামক একখানি বাঙ্গালাগ্রন্থ রচনা করিলেন । গ্রন্থ-দশনে তাঁহার পিতা বড়ই বিরক্ত ও কুপিত হইলেন; তাহাতে রামমোহন দুঃখিত হইয়া পিতৃভবনপরিত্যাগপূর্বক ভারতবর্ষের নানাস্থানের প্রচলিত ধর্মপ্রণালীর অবগতির জন্য অনেকদেশ পর্যটন করিয়া পরিশেষে বৌদ্ধধর্ম উত্তমরূপে শিক্ষা করিবার অভিলাষে তিব্বৎ দেশে গিয়া ৩ বৎসরকাল বাস করিলেন, এবং তথা হইতে পুনর্বার বাটী আসিয়া শাস্ত্রানুশীলন ও "ব্রাহ্মধর্ম" প্রচারের চেষ্টাতেই সতত উদ্যত রহিলেন ।

২২ বৎসর বয়ঃক্রমকালে তিনি ইংরেজি শিখিতে আরম্ভ করিয়াছিলেন, এবং ক্রমাগত ৬৭ বৎসর পরিশ্রম করিয়া ইহা-তেও বিলক্ষণ পারদর্শী হইয়াছিলেন—এরূপ পারদর্শী যে, ইংরাজ ভাষায় অনেকগুলি উৎকৃষ্ট গ্রন্থ রচনা করিয়াছিলেন । এতদ্বিধে তিনি বৃহত্তর অধ্যবসায় সহকারে অনুশীলন করিয়া ক্রমে ক্রমে হিব্রু, লাতিন, গ্রীক, ফরাসী প্রভৃতি সমুদয়ে ১০ টি প্রধান প্রধান ভাষায় লক্ষাধিকার হইয়াছিলেন । তাঁহার পিতার মৃত্যু হইলে তিনি রঙ্গপুরের কালেক্টরের নিকট প্রথমে কেরাণী-গিরি ও পরে দেওয়ানিপদে নিযুক্ত হইয়াছিলেন । জনরব এই যে, ঐ স্থানে কর্ম করিয়া তিনি বার্ষিক ১০,০০০ টাকা আয়ের এক জমীদারী ক্রয় করিতে পারিয়াছিলেন । রঙ্গপুর ভিন্ন ভাগলপুর এবং রামপড়েও তিনি কয়েক বৎসর কর্ম করিয়া-ছিলেন । অনন্তর ১৭৩৬ শকে ( ১৮১৪ খৃঃ অব্দে ) কলিকাতায় আসিয়া বাস করেন । এই সময়ে তাঁহার বয়ঃক্রম ৫০ বৎসর



হইয়াছিল । কলিকাতায় অবস্থানকালে তিনি কেবল শাস্ত্র-লোচনা, এবং ব্রাহ্মধর্ম প্রচারদ্বারা কুসংস্কারাবিষ্ট অজ্ঞানাচ্ছন্ন লোকদিগকে উৎকৃষ্টপথে আনয়ন, এই দুই কার্যের চেষ্টাতেই সর্বদা অভিনিবিষ্ট থাকিতেন । এই প্রসঙ্গে দেশীয় বিদেশীয় অনেকানেক পণ্ডিতের সচিত তাঁহাকে সর্বদাষ্ট বিচার করিতে হইত । সেই সকল বিচার প্রায় বাচনিক হইত না—লিখিত হইত । এইজন্য তাঁহাকে ইংরাজী ও বাঙ্গালা উভয় ভাষাতেই বেদান্ত উপনিষদ্ প্রভৃতি অনেক শাস্ত্রের অনুবাদ ও ক্ষুদ্র ক্ষুদ্র অনেক গ্রন্থ রচনা করিতে হইয়াছিল । তাঁহার বিপক্ষে রাও 'পাষণ্ডপীড়ন' ও অপরাপর ক্ষুদ্র ক্ষুদ্র পুস্তক রচনা করিয়া তাঁহার মত খণ্ডন করিতে চেষ্টা করিয়াছিলেন । তাঁহারা কেবল তাহা করিয়াই ক্ষান্ত ছিলেন, এমত নহে—রামমোহন বায়কে ধর্ম-নাশকারী বলিয়া পশ্চিমধ্যে প্রহার করিবার চেষ্টা কার্যতেও ক্রটি করেন নাই । ঐ প্রহারের ভয়ে তাঁহাকে সর্বদা রক্ষিত হইয়া গমনাগমন করিতে হইত । কিন্তু তিনি এসমস্ত অক্ষুদ্রচিত্তে সহ্য করিয়া নিজ উদ্দেশ্যসাধন বিষয়ে ঋণমাত্র ঔদাসীনা প্রদর্শন করেন নাই । যে সকল লোক তাঁহার যোর-তর বিদেষী হইয়াছিলেন, তাঁহারাও তাঁহার বিদ্যা বুদ্ধি ও ক্ষমতার যথেষ্ট প্রশংসা করিতেন । তিনি “ধর্মতলা টউনি-টেরিয়ান্ যন্ত্রালয়” নামক একটা মুদ্রাযন্ত্র স্থাপন করিয়া তাহাতে নিজ মতানুসারী গ্রন্থ এবং বিপক্ষদিগের প্রদত্ত দুষণার উত্তর সকল মুদ্রিত করিয়া প্রকাশ করিতে আরম্ভ করিয়াছিলেন ।

কলিকাতার বর্তমান 'ব্রাহ্মসমাজ' প্রধানতঃ তাঁহা কর্তৃকই ১৭৫০ শকে ( ১৮০৮ খৃঃ অর্কে ) প্রথম স্থাপিত হয় । ১৭৫১ শকে ( ১৮০৯ খৃঃ অর্কে ) রাজবিধি দ্বারা যে, হিন্দুজাতীয় সতীদিগের মৃতপতির সহিত সহমরণপ্রথা নিবারণিত হয়, রামমোহন রায় তদ্বিষয়েও একজন প্রধান উদ্যোগী ছিলেন । প্রাচীন হিন্দু-সম্প্রদায় রামমোহন রায়ের এই সকল কার্যকলাপ সন্দর্শনে মহাভূষিত, ভীত ও কুপিত হইলেন, এবং হিন্দুধর্মের সংরক্ষণার্থ "ধর্মসভা" নামে এক সভা সংস্থাপন করিলেন । কিছুকাল পর্য্যন্ত ব্রাহ্মসমাজ ও ধর্মসভায় নানারূপ তর্ক বিতর্ক হইয়াছিল । এক্ষণে সে ধর্মসভা আর জীবিত নাই ।

রামমোহন রায় বহুদিন হইতে বিলাত যাইবার জন্য বড়ই অভিলাষী ছিলেন, কিন্তু এপর্য্যন্ত তাহার সুযোগ হইয়া উঠে নাই । এক্ষণে দিল্লীর বাদসাহ তাঁহার নিজের কোন কার্য-সাধনের উদ্দেশে, তাঁহাকে 'রাজা' উপাধি প্রদান পূর্ব্বক বিলাত পাঠাইতে প্রস্তুত হইলেন, তদনুসারে তিনি ১৮৩০ খৃঃ অর্কের ১৫ই নবেম্বরে অপর তিনজন দেশীয় লোক সমভিব্যাহারে লইয়া বিলাতযাত্রা করিয়াছিলেন । তাঁহার পূর্ব্বে বোধ হয় কোন হিন্দুই বিলাতগমন করেন নাই । বিলাতে যাইবার সময়ে জাহাজে তিনি কেবল শাস্ত্রানুশীলন, ব্রহ্মোপাসনা ও ব্রহ্মসঙ্গীত করিয়াই পরমানন্দে কালযাপন করিতেন । ইংলণ্ডে উপস্থিত হইলে তত্রত্য প্রধান প্রধান লোকেরা তাঁহার বিদ্যা, বুদ্ধি, ধর্ম্মানুরাগ ও বাক্পটুতা প্রভৃতির আধিক্য দেখিয়া তাঁহার পরম

সমাদর ও মহাসম্ভ্রম করিয়াছিলেন । তিনি ইংলণ্ডে কিয়ংকাল  
অবস্থান করিয়াই ফ্রান্সে গমন করেন এবং তথা হইতেই রুথ  
হইয়া পুনর্বার ইংলণ্ডে যান, এবং সেই স্থানেই ১৮৩৩ খৃঃ অব্দের  
২৭ শে সেপ্টেম্বর তাঁহার মৃত্যু হয় । মৃত্যুকালে তাঁহার বয়ঃক্রম  
৬০ বৎসর হইয়াছিল । ব্রিষ্টল, নগরের সমাধিক্ষেত্রে তাঁহার  
শব সমাহিত হইয়াছে ।

---

## শশিভূষণ চট্টোপাধ্যায় ।

## রামের রাজ্যাভিষেক ।

রাম ও পরশুরামের সাক্ষাৎকার ।

এদিকে হরচাপভঙ্গবার্তাশ্রবণে, রোষরসে কলুষিত হইয়া ভগবান ভৃগুনন্দন, রামের অযোধ্যাগমনপথ অবরোধপূর্বক, মনে মনে কহিতে লাগিলেন, অহো ! ছুরায়া কক্রিয়শিষ্য কি প্রগল্ভতা ! যিনি ত্রিভুবনের অধীশ্বর, আমি যাহার প্রিয়শিষ্য, সেই ত্রিপুরবিজয়ী দেবদেব মহাদেবের শরাসন স্পর্শ করিতেও ভয়ঙ্কলে কেহ সাহসী হয় না, কিন্তু কি আশ্চর্য্য ! ছুরাশর দশ-রথপুত্র অশংস্মিতচিত্তে সেই হরধনু ভগ্ন করিল। দুর্কিনীত দশরথতনয়ের কি হুঃসাহস ! যাহার ভূজবলপ্রভাবে রণপণ্ডিত কক্রিয়গণ কৃতান্তের করালকবলে নিপতিত হইয়াছে, এবং যুদ্ধ-বার্তা একবারে তিরোহিত হওয়াতে ধরিত্রী অপূর্ব শাস্তিসুখ লাভ করিতেছে, সেইব্যক্তি ত্রিপুরাস্তকারীর প্রিয়শিষ্য হইয়া বে, গুরুর ঈদৃশ অভিনব অবমাননা অবলোকন করিয়া, কাপুরু-ষের ন্যায় উদাসীনবৃত্তি অবলম্বন করিয়া থাকিবে, ইহা কখনই সম্ভব নহে । আমি যে মুহূর্ত্তে হরশরাসনভঙ্গবার্তা শ্রবণ করি-রাছি, সেই মুহূর্ত্তেই আমার হৃদয়ে ক্রোধাগ্নি পুনরুদীপ্ত হইয়া উঠিয়াছে । এক্ষণে ছবৃর্ত্ত রামকে সমুচিত শাস্তিপ্রদান করিয়া ক্রোধাগ্নি নিৰ্ম্মাণ করিব।

এইরূপ স্থির করিয়া ভৃগুনন্দন রোষভরে সীকুঠার ভৃগুদত্ত  
বারংবার কম্পিত করিয়া, গর্জিতবচনে উচ্চৈঃস্বরে সৈনিকগণকে  
কহিতে লাগিলেন, “ওরে সৈনিকগণ ! তোদের রাজার পুত্র  
রামকে সংবাদ দে, যে ব্যক্তি একবিংশতিবার ভৃগুদত্ত সমস্ত  
ক্রিয়ের শোণিতস্রোতে পিতৃলোকের তর্পণ ক্রিয়া সমাপন  
করিয়া, ক্রোধাগ্নি নিষ্কাশন করিয়াছে, বাহ্যিক খরধার কুঠার ভৃগু-  
দত্তসম্পন্ন অর্জুনের কধিরপানে পরিতৃপ্ত হইয়াছিল, অদ্য সেই  
পরশুরামের করাল কুঠার ত্বন্তু রামের শোণিতপানে লোলুপ  
হইয়াছে । অতএব কোথায় সেই নরাধম, শীঘ্র আমাকে দেখা-  
ইয়া দে ।”

সাগরের নায় গম্ভীরপ্রকৃতি, মতিমান রানচন্দ্র দূর হইতে  
ভৃগুনন্দনকে রোষাক্তচিত্ত দেখিয়া, কিছুমাত্র বিকলচিত্ত হইলেন  
না ; বরং সহর্ষে মনে মনে কহিতে লাগিলেন, যিনি সমরক্ষেত্রে  
তদম তৈহয়পতিকে সংহার করিয়া অয়শ্রী লাভ করিয়াছেন,  
বাহ্যিক নিকট অজ্ঞেয় সেনানীও সমুখসংগ্রামে পরাভূত হইয়া-  
ছিলেন, অদ্য সৌভাগ্যক্রমে সেই অসামান্যপ্রতাপশালী ত্রিভুবন-  
বিজয়ী ভৃগুবান্ ভৃগুনন্দনকে সাক্ষাৎ দেখিতে পাইলাম ।  
আচ্চা ! কি মুনি-বীর-ব্রতাকাব্যী প্রলাভ গম্ভীর কলেবর ! ! দেখি-  
লেই বোধ হয়, যেন ইনি সাক্ষাৎ তেজোরামি, মূর্তিমান তপঃ-  
প্রভাব, এবং প্রচণ্ড বীরবসের আশ্রয় । ইহার যন্তকে আপিতল  
জটাম্বল, পৃষ্ঠদেশে তুণীর, বামহস্তে ধনু, দক্ষিণকরে কুঠার,  
প্রকোষ্ঠে রৌদ্রাক্ষবলয়, স্বকৃৎস্নে এণচর্ম, বক্ষঃস্থলে অক্ষহস্ত,

গলদেশে যজ্ঞোপবীত এবং কটিদেশে বক্ষলবাস । বস্তুতঃ একপ  
 সূন্দর অথচ ভয়ঙ্কর আকৃতি ত কখন নরনগোচর হয় নাট ।  
 যাহা হউক, তিনি যখন ব্রাহ্মণ-স্বভাবসুলভ রোষপরবশ হইয়া,  
 আমাকে অবেষণ করিতেছেন, তখন আর অধিক বিলম্ব না  
 করিয়া স্বয়ংই ইহার নিকটে গমন করা যাউক । এইরূপ বিবে-  
 চনা করিয়া, তিনি সসম্মে রথ হইতে অবতীর্ণ হইলেন, এবং  
 জামদগ্ন্যসমীপে উপস্থিত হইয়া, নতশিরে তাঁহাকে অভিবাদন  
 করিলেন ।

ভৃগুনন্দন, প্রিয়দর্শন রামচন্দ্রকে অবলোকন করিয়া, শ্মিত-  
 মুখে সত্রভঙ্গে কহিলেন, পূর্বে ইহার যেরূপ গুণালুবাৎসর কথা  
 শুনিয়াছিলাম, ইহার আকার প্রকারও দেখিতেছি সেইরূপ ।  
 শরীর যেমন সামর্থ্যসারময়, তেমনি রমণীয় ; কিন্তু এই ছষ্টকৃত  
 অবমাননা স্মৃতিপথাক্রম হইলে, আমার অন্তঃকরণে অনিবার্য  
 ক্রোধানল উদ্দীপ্ত হয়, কিছুতেই চিত্তের নৈর্ঘ্য থাকে না । যাহা  
 হউক, অদ্য হুরাসুর শৌর্য্যসীমা স্বচক্ষে অবলোকন করা  
 যাইবে ।

মনে মনে এইরূপ বিবেচনা করিয়া ভৃগুনন্দন রোষপরুষ-  
 বাক্যে রামকে আহ্বানপূর্ব্বক কহিলেন, “রে ক্ষত্রিয়শিশু ! তুই  
 সামান্য মৃগশিশু হইয়া, কিরূপে কেশরীর কেশাকর্ষণে উদ্যত  
 হইয়াছিন্ ! যে চক্রশেখরের শরাসন আকর্ষণ করিতে সুরাসুর-  
 মধো কেহই সাহসী হয় না, তুই সামান্য ক্ষত্রিয়শিশু হইয়া সেই  
 হরধনু ভগ্ন করিলা ! অতএব তোর এ অপরাধ কখনই

উপেক্ষণীয় নহে । এক্ষণে তুই আমার ক্ষত্রিয়কুলসংহারকারী কোপানলে অচিরে পতঙ্গবাস্তু প্রাপ্ত হইবি । যদি সামর্থ্য থাকে, প্রতিবধানের চেষ্টা কর ।”

পরশুরামের সৈন্য দুর্গাঙ্কিত বাক্য শ্রবণ করিয়া, রাম প্রশান্ত-গম্ভীরস্বরে বিনয় করিয়া কহিলেন, “ভগবন্! আমি আর্থা বিখ্যামিত্রের নিদেশানুবর্তী হইয়া, রাজর্ষি জনকের প্রতিক্রোধান-চ্ছেদনমানসে, বৈদেহীর পরিণয়-পরিপন্থী হরকার্ষুক ভগ্ন করিয়াছি । ত্রিপুরাস্তকারী বা কার্তবীৰ্য্যাজেতার অবমাননা করা আমার উদ্দেশ্য ছিল না । অতএব আমার অপরাধ ক্ষমা করুন ।”

জামদগ্না, রামমুখনিঃসৃত পৌরুষগৰ্ভ বিনয়বাক্যশ্রবণে উচ্চৈর্হাস্য করিয়া কহিলেন, “ওরে বণভীক! যে ব্যক্তি বারংবার ধরিত্রীকে নিঃক্ষত্রিয় করিয়াও তৃষ্ণিলাভ করে নাহি, অন্য কোপশাস্তি হইবে, কখনই সম্ভব নহে । তুই যখন বীরমতে প্রমত্ত হইয়া অপথে পদার্পণ করিয়াছিস, তখন তোকে অবশ্যই উহার প্রতিকূল ভোগ করিতে হইবে । অদ্য আমি এই পরশুরামের শিরশ্ছেদন করিব ।”

যেমন নিরীক্ষিত হস্তির জলাশয়ে শিলাখণ্ড নিক্ষিপ্ত হইলে উহার জল চঞ্চল হইয়া উঠে, তদ্রূপ পরশুরামের এবস্তৃত আত্মশ্লাঘা-মিশ্রিত পুরুষবাক্যে, রামের চিত্ত চঞ্চল হইয়া উঠিল । তিনি ভৃগুনন্দনকে সম্বোধন করিয়া কহিলেন, ‘ভীর্ষ! বারংবার আপনার একরূপ বাগ্‌বিভীষিকায় আমার চিত্ত অতিমাত্র ব্যথিত হইতেছে । আপনি শ্রেষ্ঠবর্ণসম্বৃত ব্রাহ্মণ, জাতিতে পূজ্য । আমি দ্বিতীয়বর্ণজাত ক্ষত্রিয় । আপনার সহিত বিবাদে প্রবৃত্ত হওয়া মাদৃশ ব্যক্তির কর্তব্য নহে । অতএব আপনি আমার প্রতি প্রসন্ন হউন ?’

ভৃগুনন্দন, রামবাক্য শেষ না হইতে হইতেই অধিকতর রোষ প্রকাশ পূর্বক, কম্পিতকলেবর হইয়া কহিলেন, “ওরে

মূঢ় ! আমি তি কেবল জাতিতেই পৃথ্য, আর কিছুতেই নছি ।  
 আঃ পাপ ! জীর্ণ চরধনু ভাঙ্গিয়া তোর একরূপ বিসদৃশ অহঙ্কার  
 বন্ধিত হইয়াছে । রে মূঢ় ! সম্মুখে কালের করাল কবল দেখি-  
 যাও কি দেখিতেছিস না । এই মুহূর্ত্তেই তোর দর্প থক্ব করি-  
 তেছি ; তুই অস্ত্রগ্রহণ কর । অথবা অস্ত্রগ্রহণের আবশ্যকতা  
 নাই । তোর সহিত সংগ্রামে প্রবৃত্ত হইলে, লোকে আমার  
 অপঘণ ঘোষণা করিবে । আমি প্রতিজ্ঞা করিতেছি, তুই যদি  
 আমার এই ধনুকে মোক্ষাঘোজনা করিতে পারিস, তাহা হইলে  
 আমি স্বংকৃত খাবতীয় অপরাধ মার্জনা করিব । নতুবা আমার  
 এই কুঠার তোর গলদেশ দ্বিখণ্ড করিবে ।”

পরশুরামের জীর্ণ শ্রবণকটু বচনবিন্যাস শ্রবণে, রঘুকুল  
 তিলক রামচন্দ্র, পাদদলিত ভূঙ্গঙ্গের ন্যায়, তিরস্কৃত নাভু  
 ন্যায়, মেবাস্তুরিত পতঙ্গের ন্যায়, শ্রবল রোষ প্রকাশ পূর্বক  
 অবলীলাক্রমে বামকরে ভাগবধনু গ্রহণ করিয়া, উহার  
 ঘোজনা করিলেন । অনন্তর অধিজাশরাসনে শরসন্ধা  
 ভাগবের স্বর্গগমনপথ অবরোধ করিলেন । জা-  
 তীর দর্প একেবারে থক্ব হইল । চতুর্দিক  
 ‘রামজয়’শব্দে কোলাহল করিতে স্তব্ধ হইতে  
 যৎপরোনাস্তি অপমানিত হইয়া গেল । জামদগ্ন্য নবপরাভবে  
 লজ্জাবনতমুখে তথা হইতে





